

277

Uvolněno k prodeji
SVK Hradec Králové

SERBSKA ČITANKA.

LUŽICKOSRBSKÁ ČÍTANKA.


VÝBOR Z PÍSEMNICTVÍ HORNOLUŽICKÉHO S UKÁZKAMI
DOLNOLUŽICKÝMI, S VÝKLADEM O SLOVESNOSTI,
S POZNÁMKAMI A SEZNAMEM SPISOVATELŮ.

USPOŘÁDAL

PROF. DR. JOSEF PÁTA.

V PRAZE 1920.

VYDAL ČESKOLUŽICKÝ SPOLEK „ADOLF ČERNÝ“
VYTISKLA „POLITIKA“



P6
56.73
P37

Předmluva.

Přítomná Čítanka je *druhou* částí mého díla, kterým chci přiblížiti lužickosrbský jazyk a lužickosrbské písemnictví nejen nám, ale všem těm, kteří se o nejmenší slovanský národ zajímají. *První* část tohoto díla — „*Krátká příručka hornolužické srbštiny*“ — je již v rukou našich čtenářů. *Druhá* část — přítomná — přináší výbor z lužickosrbského písemnictví. *Třetí* část tvoří *Slovník*. Všechny tyto tři části se vzájemně doplňují a jen společně mohou podati čtenáři-Nelužičanu náležitý přehled a jasné poučení.

Povrchní pozorovatel lužickosrbské literatury má dojem, jako by té literatury bylo málo a jako by ani se nemohla měřiti s ostatními slovanskými literaturami. To by byl omyl. Literatura lužickosrbská, zvláště hornolužická — poměrně k početnosti svého národa a k okolnostem, za nichž se vyvíjela — je zrovna tak bohatá a pěkná jako všechny ostatní slovanské literatury. Dojem nepatrnosti vzniká proto, že Lužičané neměli posud nakladatele, jenž by vydával samostatné knížky a publikace, jako se to děje na příklad u nás. V důsledku toho zůstává celá literatura, vyjímaje nečetné celkem případy, roztroušena v lužických časopisech, kalendářích a revuích, kde zapadá a čeká na lepší dobu lužického národa, kdy bude možno také těmto věcem věnovati náležitou pozornost. Přítomná Čítanka je jasným svědectvím, že Lužičané mají skutečně krásnou a bohatou literaturu. Víím dobře, že i sami Lužičané budou překvapeni tím, kolik pokladů se skrývá v těch jejich starých zapadlých časopisech a publikacích, kolik skvostů, dnes již většinou neznámých. A to byla *první* z příčin, která mne vedla k sestavení této Čítanky: ukázati aspoň ve výběru na bohatství lužického písemnictví a při tom dáti zároveň *dobrou příručku* všem, kteří se chtějí s literaturou lužickou seznámiti. Z téhož důvodu vydal M. Hórník již v roce 1863 svou „*Čítanku*“, v níž otiskl na osmdesát ukázek z hornolužického písemnictví a projevil přání, aby po jeho Čítance brzy následovaly další a to větší i důkladnější práce...

Prání Hórnikovo zůstalo pouhým přáním, ač došlo přece ohlasu. Hornolužický spisovatel farář *Jurij Kral* již řadu let připravuje *lužickou anthologii*, která, bohužel, posud je v rukopise. Bylo mně dovoleno nahlédnouti do této chystané knihy: má rovněž značné množství materiálu, který však je roztržěn zcela jinak, a to, jak se zdá, pod vlivem Hórnikovy Čítanky. Spisovatel J. Kral uspořádal své ukázky do několika skupin: literatura lidová, náboženská, rozličná prósa, básně a drobnosti. Vzdávám tu díky autoru za dovolení k nahlédnutí; mohl jsem v několika případech přece doplniti ještě vlastní výbor.

Ale moje Čítanka sleduje ještě jiné cíle. Jsem přesvědčen, že Lužičané budou záhy potřebovati podobné Čítanky pro své střední školy; než vydají si vlastní pomůcky, může jim býti tato kniha vhodnou příručkou při vyučování mateřskému jazyku a domácí literatuře. Proto jsem připojil ke knize *stručnou slovesnost* a přihlížel k tomu, aby podle možnosti byly zastoupeny všechny známé literární doklady, jak lidové, tak umělé, jak prosaické, tak básnické. A tu jsem hleděl dáti doklady výhradně z domácí literatury; jen v málo případech jsem užil dokladů z literatury nelužické. Chtěl jsem jednak ukázati na dobré příklady cizí, jednak dáti doklad pěkného umění překladatelského v Lužici. Jsou to jednak básnické překlady z Homéra, z jihoslovanské národní poesie a ze Shakespeara, jednak překlady prosaických děl z české literatury: Boženy Němcové, Aloise Jiráska, J. Karafiáta, Jana Nerudy, Aloise Mrštíka, ze slovanských literatur: Gogola, Tolstého, Turgeněva, Sienkiewicze, a z francouzské literatury: V. Huga. Nejsou to překlady nahodile zvolené; pozorný čtenář sám pozná, proč byly právě ty ukázky zvoleny: šlo tu jak o stránku ideovou, tak o překlad a dobrý doklad k slovesnosti.

Čítanka svým uspořádáním i výběrem článků je určena nejen školám, ale všem přátelům Lužice vůbec. Proto je sestavena tak, že nás vede od nejjednodušších dokladů literárních až po složité útvary řečnické a dramatické, že nás vede od lidové pohádky a písně až k výkladům o lužické politice a k revoluční poesii osvobozenského hnutí. Čítanka chce nejen vychovávat lužický dorost v lásce k vlasti, ke Slovanstvu a k lidstvu vůbec, ona chce též býti *obrazem národního a duševního vývoje* našich nejmenších slovanských bratří. Ona chce ukázat, co posud vykonáno a co ještě vykonati nutno. Ona chce vésti též k dalšímu *sblížení česko-lužickému*. Proto vloženy sem nejen články z vlastního hnutí lužického,

z nichž vřazena i neotištěná posud stať Wićazova o lužickém studentstvu, nýbrž i letáky, jakož i ukázka z Kaprasových „Právních dějin“ a z mé „Lužice“, proto otištěny básně Vrchlického a Klášterského, proto otištěna i Preradovičova báseň „Zora puca“, aby bylo pokračováno také ve *sblížení lužicko-jihoslovanském*. Neboť jako Příručka, tak i tato Čítanka je určena našim jihoslovanským bratřím, kteří už od obrozenské doby jevíli zájem o lužické své bratry, jak z článků v „Českolužickém Věstníku“ pražském je zřejmo. Vykoná-li tato kniha svůj úkol i u ostatních Slovanů, tím lépe.

Připojil jsem posléze několik ukázek z literatury *dolnolužické*. Nechtěl jsem zapomenouti na slabší větev lužickou, která potřebuje stálé podpory svého silnějšího hornolužického bratra. Přál bych si, aby Hornolužičané věnovali skutečně vytrvalou pozornost Lužici Dolní a nezapomínali na ni při žádné příležitosti; přál bych si, aby moje kniha dala podnět k podobnému výboru dolnolužickému. Posud nejvíce ukázek dolnolužických otiskl *G. Swjela* ve své Cytance ze serbske žiší, vydané v Chotěbuzi roku 1907.

Jako Příručka tak i Čítanka je tištěna latinkou, kterou považuji za jediné správné písmo obojího lužického nářečí, jak jsem již v úvodě Příručky poznamenal.

V přítomné Čítance je otištěno celkem 230 článků, z nichž je 218 hornolužických a 12 dolnolužických. Je tu celkem 15 lidových a 215 umělých dokladů literárních, z nichž lužické literatuře připadá 194 ukázek ze 67 spisovatelů (61 hornolužických, 6 dolnolužických); 21 ukázek je vyňato z literatur cizích. Několik poznámek k jednotlivým článkům, jakož i stručný abecední přehled spisovatelů má usnadnit užívání knihy. Nicméně pro zevrubnější poučení všeobecné, musí každý čtenář sáhnouti k přehlednému dílu *Adolfa Černého* „Lužice a Lužičtí Srbové“ z roku 1912 a pro období popřevratové k mé „Lužici“ z r. 1919.

Jen pro úplnost podotýkám, že drobné ukázky z lužickosrbské literatury obou nářečí byly nám známy již od dob obrozenských. Tak na př. *Fr. L. Čelakovský* otiskl v Čas. Českého Musea v r. 1830 řadu lužických národních písní v originále i s českým překladem (jen český text těchto písní přetiskl v bibliofilské úpravě K. Dvořák v Praze r. 1919); *K. J. Erben* ve své Slovanské čítance roku 1865 otiskl též řadu lužických pohádek a pověstí; značné množství ukázek lužických umělých i národních otiskl *Fr. Doucha*, jak zřejmo z mé edice Smolerjovy České korespondence (Budyšín 1919); většinu z nich přejal pak *Fr. Vymazal* do druhého svazku své Slovanské

poesie, vydané v Brně 1878. *V. Hrubý* ve své *Praktické rukojeti srovnávací jazyků slovanských* z r. 1904 odbyl lužičtinu jen skromnými ukázkami v úvodě; jinak lužičtinu ze své rukojeti vyloučil. *Stanislav Forman* ve své *Srovnávací čítance slovanských jazyků* z r. 1909 věnoval lužickému písemnictví devět ukázek. Také *Adolf Černý* ve své příručce „*Lužice a Lužičtí Srbové*“ z roku 1912 má v kapitole o jazyku několik ukázek obou nářečí. A posléze i ve *Všeslovanské čítance „Lípě“*, vydané *Horčičkou-Ledrem* letošního roku, nalézáme obrazy z písemnictví lužického. Soustavné výbory — ovšem v překladu — máme posud ze *Zeijlerja* a *Čišinského*. Pořídil je zdařile *Ad. Černý* a to ve „*Výboru písní*“ *Zeijlerjových* ve *Sborníku svět. poesie* r. 1894 a ve „*Výboru básní*“ *Čišinského* ve *Svět. knihovně* r. 1906. Celkem je zřejmo, že zájem o lužickou literaturu u nás byl vždy. Tím více vhod přijde přítomná *první* soustavná lužická anthologie.

V závěru konečně vděčně vzpomínám ochotných pokynů, jichž se mi dostalo při sestavování *Čítanky* od prof. dra *Arnošta Muky*, jakož i děkuji všem, kdož mně jakýmkoliv způsobem při shromažďování materiálu byli nápomocni, zejména příteli *J. Wićazovi*, který mimo to také se mnou četl korektury celého díla.

V Praze dne 28. září 1920.

Josef Páta.

Serbskim čitarjam!

Přitomna Čitanka je *druhi* džěl mojeho džěla, z kotrymž cheu serbsku řeč a serbske pismowstwo přibližić nic jenož Čecham, ale wšěm, kiž so zajimuju wo najmjeńši słowjanski narod. *Prěni* džěl tutoho džěla — „*Krótká poručka hornjołužiskeje serbšćiny*“ — je hižo w rukomaj našich čitarjow. *Druhi* džěl — přitomny — přinoša wubjerk ze serbskeho pismowstwa. *Třeći* džěl tworí Słownik. Wšitke tute tři džěle so wzajomnje dopjelnjeja.

Zwjeršny wobkedźbowar serbskeho pismowstwa ma začić, kaž by było teje literatury mało, a kaž by so ani njemohła měrić z druhimi słowjanskimi literaturami. Ale to by zmylk był. Serbske pismowstwo, wosebje hornjołužiske — poměrnje k ličbje naroda a k wobstojnosćam, w kotrychž so wuwiješe — je runje tak bohate a rjane kaž wšě druge słowjanske literatury. Začić njenahladnosće tohodla nastawa, zo njemějachu Serbja dotal nakładnika, kiž by wudawał samo wobšěrne knižki a publikacije, kaž je to zmóžnjene pola druhich słowjanskich narodow. To je z přičinu, zo wostawa cyła literatura, z wuwzaćom mało připadow, roztrušena w serbskich časopisach, protykach a revuach, hdžež so na nju pozabywa a hdžež čakaju na lěpšu dobu serbskeho naroda, hdyž budže móžno wěnować kedźbnosć kaž so słuša tež tutym wěcam. Přitomna Čitanka swědči jasnje za to, zo maju Serbja woprawdže krasnu a bohatu literaturu. Wěm derje, zo tež Serbow samych překwapi, hdyž budza wědžeć, kelko pokładow so khowa w tych starych serbskich pozabytych časopisach a publikacijach, kelko drohich kamuškow, džensa skoro njeznatych. A to běše přenja z přičinow, kotrež mje hnujachu k zestajenju tuteje Čitanki: pokazać znajmjeńša we wubjerku na bohatstwo serbskeho pismowstwa a podać zdobom tež dobru *přiručnu knihu* wšěm, kotřiž chcedza póznać serbske pismowstwo. To je M. Hórnik a hižo l. 1863 pohnuło k tomu, zo je wudał swoju „*Čitanku*“, w kotrejž je wočišćal na wšě wósomdžesat pokazkow z hornjoserbskeho pismowstwa a hdžež wupraji přeće, zo bychu jeho čitanku bórzy scěhowale dalje a to wjetše a dokładniše džěla . . .

Přeće Hórnikowe wosta wšak z hołym přećom. Ale skónčnje namaka tola wothłósa. Hornjoserbski spisowaćel farař Jurij Kral přihotuje hižo tójšto časa *serbsku anthologiju*, kotraž je bohužel hač dotal w rukopisu. Dowoli so mi pohladnyć do tuteje připrawjaneje knihi: ma tohorunja nahladnu syłu maćizny, kotraž je wšak docyła hinak rozdžělena, a to, kaž so zda, pod wliwom Hórnikoweje Čitanki. Spisowaćel J. Kral je zestajał swoje pokazki do něšto skupinow: ludowa, nabožinska literatura, wšelakora próza, basnje a drobnosće. Wuprajam tu autorej swój džak za dowolnosć k přehladanju. Móžach we wšelakim nastupanju tola hišće dopjelnić swój samsny wubjerk.

Tola moja Čitanka dže hišće za druhimi zaměrami. Sym přešwědčeny, zo budže Serbja bórzy trjebać podobneje Čitanki za swoje srjedźne šule; přjedy hač sej wudadźa swoje samsne pomocne knihi, móže jim tuta kniha być z přihódnej wučbnej knihu při wuwučowanju maćeřneje řeče a domjaceje literatury. Tohodla je ke knizy přidata *krótka słowjesnosť*; hladach na to, zo bychu po móžnosći byle zastupjene wšě znate literarne dokłady, kaž ludowe, tak wumjelske, kaž prozaiske, tak basniske. A tu složowach swoju kedžbnosć na to, zo bych podał dokłady jeničcy z domjaceje literatury, jenož běše-li trjeba, wužich dokładow z njeserbskeho pismowstwa. To su na jednej stronje basniske přełožki z Homera, z južnosłowjanskeje narodneje poezije a ze Shakespeara, na drugej stronje přełožki prózy z českeje literatury: Boženy Němcoweje, Aloisa Jiráska, J. Karafiáta, J. Nerudy, Aloisa Mrštíka, ze słowjanskich literaturow: Gogolja, L. N. Tolsteho, J. J. Turgjenjewa, H. Sienkiewicza a z francózskeje literatury V. Huga. Ale to njejsu slepje wolene přikłady, kedžbliwy čitař sam spóznaje, čehodla su so runje te pokazki woliše: rozsudźaca bě tu kaž ideowa stronka, tak tež přełožk a dobry dokład k słowjesnosći.

Ze swojim zarjadowanjom a wubjerom nastawkow je Čitanka postajena nic jenož za šule, ale wšěm přećelam Łužicy powšitkownje. Tohodla je tak zestajana, zo wjedže nas wot najjednorišich literarnych dokładow hač k złożitym řečniskim a dramatiskim wutworam, zo nas wjedže wot ludoweje bajki a pěsnje hač k wukładam wo serbskej politycy a k revolucionarnej poeziji narodneho hibanja wo swobodu. Čitanka chce nic jenož serbsku młodžinu wukubłować w lubosći k ródnej zemi, k Słowjanstwu a čłowjestwu zcyła, wona chce tež *zwobrazować narodne a duchowe wuwice* najmjeńšeho naroda słowjanskeho. Wona chce pokazać, štož je so

hač dotal stało a štož ma so hišće wukonjeć. Wona chce tež puće rubać k dalšemu *zblizenju serbskočěskemu*. Tohodla su so sem přijale nic jenož nastawki ze samsneho serbskeho hibanja, ale tež pokazka z Kaprasowych „Prawných stawiznow“, z mojeje „Lužicy“, tohodla stej wočišćenej basni Vrehlickeho a Klášterskeho, tohodla je přijata tež Preradovićowa baseň „Zora puca“, zo by so tež pokročowało w *serbskojužnosłowjanskim* zblizenju. Přetož kaž „Poručka“, tak je tež Čitanka postajena za našich južnosłowjanskich bratrow, kotřiž su hižo wot wobrodžeńskeje doby zajim jewili wo swoich lužiskoserbskich bratrow, kaž je widzieć z nastawkow w pražskim „Čěskoserbskim Wěstniku“. Dopjelni-li tuta kniha tež pola druhich Słowjanow swój nadawk, čím lěpje.

Na kónce sym přidał něšto pokazkow z *delnjoserbskeje* literatury. Nochcych zabyc na słabšu serbsku haľuzu, kotrejž je trjeba stajneje podpěry swojeho sylnišeho hornjoľužiskeho bratra. Moje přece je, zo bych Hornjoserbja woprawdžitu wutrajnu kedžbu poswjećeli Delnjej Lužicy, a na nju njezabywali při žadnej składnosći. Bych sej praľ, zo by moja kniha nastork dała k podrobnemu delnjoľužiskemu wubjerku. Hač dotal je G. Šwjela najwjacy delnjoserbskich pokazkow wočišćał w swojej Cytancy za serbske žiśi, wudatej w Khoćebuzu l. 1907.

Kaž „Poručka“, tak je tež Čitanka s ľačonskim pismom čišćana, kotrež mam za jeničke prawe pismo wobeju serbskeju narěči, kaž sym kižo w zawodže Poručki přispomnił.

W přitomnej Čitancy je wšeho dohromady 230 nastawkow wočišćanych; z nich je 218 hornjoserbskich a 12 delnjoserbskich. W cyłku pokhadža 15 dokładow z ludoweje literatury a 215 wot spisowaćelow. Z tutech je 194 pokazkow, z 67 spisowaćelow (61 hornjoserbskich, 6 delnjoserbskich), wzatych ze serbskeje literatury, 21 pokazkow z cuzych literaturow. Něšto přispomjenjow k jednotliwym nastawkam, kaž tež krótki abecedny přehlad spisowaćelow ma wolóžić wužiwanje knihi. Tola šěrsheho a powšitkownišeho powučjenja dla dyrbi kóždy čitař přimać po přehladnym džělu *Adolfa Černeho* „Lužice a Lužičti Srbové“ z l. 1912 a za čas po přewróće po *mojej* „Lužicy“ z l. 1919 (serbski přeložk 1920 w Budyšinje). Jenož dospołnosće dla přispominam, zo běchu drobne pokazki ze serbskeho pismowstwa hižo wot wobrodžeńskeje doby w Čechach znate. Tak wočišća na př. *Fr. L. Čelakowský* w Časopisu Českeho Musea w l. 1830 něšto serbskich ludowych pěsni w originalu a z čěskim přeložkom (jenož čěski tekst tutech pěsni přecišća

w bibliofilskim wudaću K. Dvořák w Prazy l. 1919); *K. J. Erben* wočišća we swojej „Slovanskej čitancy“ l. 1865 tež rjadu serbskich bajkow a powěsći; nahladnu syłu pokazkow ze serbskich spisowaćelow a z ludoweho basnistwa wočišća *Fr. Doucha*, kaž je widžec z mojeje edicije Smolerjoweho Čěskeho listowanja (Budyšin 1919); wjetšinu z nich přewza potom *Fr. Vymazal* do druheho zwjazka swojeje „Slovanskeje poesije“, wudateje w Brnje 1878. *V. Hrubý* w swojej „Practickej rukojeti srovnawacej jazyků slovanských“ z l. 1904 wotby serbšćinu jenož z skromnymi pokazkami w zawodže. *St. Forman* poswjeći serbskej literaturje džewjeć pokazkow we swojej „Srovnawacej čitancy slovanských jazyků z l. 1909. Tež *Ad. Černý* ma we swojej knize „Lužice a Lužičtí Srbové“ z l. 1912 w stawje wo řeči něšto pokazkow wobeju narěčow. A naposlědk namakamy tež we Wšosłowjanskej čitancy „Lipje“, wudateje lětsa wot *Horčički-Ledra*, wobrazy ze serbskeho pismowstwa. Systematiske wubjerki — wězo w čěskim přeložku — mamy hač dotal ze Zejlerja a Čišinskeho, kotrež je wudał derje poradžene *Ad. Černý* a to „Výbor písní Zejlerjových“ we „Sborníku svět. poesie“ l. 1894 a we „Výboru básní Čišinského“ we „Svět. knihownje“ l. 1906.

Skónčnje spominam džakownje na zwólniwe pokiwy, kotrychž je so mi dóstało při zestajenju Čitanki wot prof. dra *Arnošta Muki*. Tohorunja džakuju so všěm, kiž su mi byli na kajkežkuli wašnje k pomocy při hromadženju maćizny, wosebje přećelej *Jurijej Wićazej*, kiž je nimo toho tež korekturu cyłeho džěła ze mnu čitał.

W Słowjanskej Prazy dnja 28. požnjenca 1920.

Józef Páta.

Jugoslavenskim čitaocima!

Ova Čitanka treba da otvori prozore barem malo u bratsku literaturu lužičkosrpskog naroda. Jugoslavenima Lužičani nisu nepoznati. Već u doba preporoda održavane su veze između Lužičana i „Iliraca“, što svedoče manji članci u jugoslavenskim časopisima, u Gajevoj „Danici“ i Letopisu Matice Srpske onoga doba. U novije doba te su veze našle jačeg izražaja u lepim brošurama sarajevskog pisca Josipa Milakovića, u njegovim studijama o Čičinskom i Muci, kao i u njegovoj nedavno izdanoj knjižici „Lužički Srbi“. Izjave jugoslavenskih novinara prilikom puta u Češkoslovačku u martu 1920 i doticaj prilikom svesokolskog sleta iste godine utvrdili su praktički tu uzajamnost. Zato sam u svojoj „Kratkoj priručnici gornjolužičkosrpskoj“ (Prag 1920) napisao posebno poglavlje o odnošaju lužičkosrpskog prema jugoslavenskom jeziku i za to su u mom priručnom Rečniku lužičkočeskom također i izrazi jugoslavenski. Kratka beleška o lužičkosrpskom dodana je i ovoj knjizi.

Uveren sam, da će ova Čitanka naći mnogobrojne čitaoce na Slavenskom jugu; naši Jugoslaveni će se uveriti, da i najmanji Slaveni imaju lepu i bogatu literaturu. Naši Jugoslaveni će se uveriti, da su Lužičani i pored svega ugnjetavanja neprijateljskog začuvali svoj slavenski karakter i svoj slavenski duh. Osvedočiće se, da i Lužičani teže za samostalnim životom i da su toga života vredni. Doprinesu-li i Jugoslaveni za uspeh u toj borbi zajedno sa nama Čechoslovacima i — da Bog da — s vremenom sa ostalim Slavenima, izvršiće veliki čin prave slavenske uzajamnosti.

U Pragu 28. septembra 1920.

Josef Páta.



I.

VÝBOR Z PÍSEMNICTVÍ HORNOLUŽICKÉHO.

WUBJERK Z HORNJOSERBSKEHO
PISMOWSTWA.

1.

Hišće Serbstwo njezhubjene.

(Hymna Serbow.)

Hišće Serbstwo njezhubjene,
swój škit we nas ma,
nowy duch wšo wosłabjene
sylnje pozběha:

Bóh je z nami, wjedže nas,
njepřećel so hižom hori,
Serbjo, Serbjo wostanu,
Serbjo dobudu!

Jeno zlósc so na nas měri,
by nas póžrěła,
njech pak zawistna so ščěri,
njech so přisłódža:

Bóh je z nami, wjedže nas,
njepřećel so hižom hori,
Serbjo, Serbjo wostanu,
Serbjo dobudu!

Zaspanc žadyn pokhwaleński
Serba njezluda,
swobodny duch rjeńši serbski
křidła rozšěrja:

Bóh je z nami, wjedže nas,
njepřećel so hižom hori,
Serbjo, Serbjo wostanu,
Serbjo dobudu!

Serbow khwalbu, serbske słowo
přemóc njeskazy,
Serbstwo rozsylnja so z nowoh'
w krasnej Łužicy:

Bóh je z nami, wjedže nas,
njepřećel so hižom hori,
Serbjo, Serbjo wostanu,
Serbjo dobudu!

Serbska Klio nowe mjena
wšědnje zapisa;
Łužica njej' přewinjena
a so nepodda:
Bóh je z nami, wjedže nas,
njepřećel so hižom hori,
Serbjo, Serbjo wostanu,
Serbjo dobudu!

H. Zojler.

2.

Serbski narod.

Hlej, k poľdnju zběhaju so módre hory,
 K poľnocy čěmna hola stražuje;
 K nim a w njej tuleju so běle dwory
 A zemja tuk a tyće daruje.
 Praj, serbski kraj hač njeje raj?
 Wón kryje nas, wón žiwi nas,
 Wón spochi z nami swjeći kwas.

A lud we wutrobach a kosćach kruty
 Je wukhował so w tymle krajiku;
 Je přetráľ bolosćow a bědow pruty,
 Ród zdžeržáľ nam a řeč w tym kućiku.
 Hej, serbska krej, nam žiľy hrěj!
 Kaž wótcojo my chcemy stać
 A Serbja wostać, w Serbach trać.

My česćić chcemy, lubować a hajić,
 Z čimž pyšil je so nan a z česću stať;
 A nihdy njedajmy sej w šiji dajić
 Rěč, kotruž z maćerju je Bóh nam dať!
 Pukń cuzy zwuk, džerž w kraju tuk!
 Rěč serbska dyrbi khwalbu měć
 A zbožo Serbam w Serbach kěćć!

Štož dodžerželi smy sej z bědnej' nocy,
 ze serbskich rukow nihdy njedajmy!
 Hdyž cuze do nas chcedža drěć so mocy,
 Sej dom a dwór a hono škitajmy!
 Prut serbski lud sej bjeř a křud,
 zo Serby serbske wostanu
 A wěčne mjeno dóstanu!

J. Cišinski, Z doškrabkom.

3.

Stare Serby a stari Serbjo.

Serbjo, kiž pola Němcow „Wenden“ rěkaju, su narod wulkeho słowjanskeho luda a wobydlachu něhdy wšón kraj wot Bobra hač do Sale a k Šmrěkowym horam. K poľdnju mjezowachu z Čechami

a k połnocy z Łutycami, a na tutej stronje čehnjechu so jich mjezy něhdže wot zjednoćenja Wódry a Warty hač k zjednoćenju Łobja a Sale. Wobstojachu z mnohich splahow. Z nich běchu Łužičenjo a Milčenjo najwosobniši. Tamnym słušeše kraj, kotryž so nětko Delnja Łužica mjenuje, tući wobydlaču pak krajiny, kotrymž su pozdžišo mjeno Hornja Łužica nawdali. W staršim času njerěkaše Hornja Łužica hinak hač Milska abo milčanski kraj, a jeje wobydlerjo běchu wšudžom jako Milčenjo abo milčanscy Serbjo znaći; pozdžišo pak poča so Milska wot cuzych z nětčišim mjenom pomjenować a je swoje stare mjeno cyle zhubiła, hačrunje naš lud hišće džensniši džen jenož Delnjołužičana za Łužičana spóznawa.

Słowjenjo bydla w Europje tak dołho kaž Keltojo, Germanojo a Romanojo. Hižo w najstaršich časach běše wšón kraj, kiž mjez adriatiskim a narańšim morjom so rozprěsčěra a wot Wódry hač do źórłow Dnjepra a Dona dosahuje, jich samsne wobsedźeństwo. Woni běchu stajnje jedyn z najwjětšich europskich ludow. Z krajinow, kiž w džensnišej Pólskej na woběmaj stronomaj Wisły leža, přičežechu najskeře Serbjo do horjeka spomnjeneho serbskeho kraja, a při spočatku šěsteho lětstoka widźimy jón wot samych Serbow wobsadźeny.

Štož zwonkowne napohladanje Słowjanow a z nimi Serbow nastupa, dha słušeja do najrjeńšich ludow indoeuropskeho splaha. Woni ličachu so stajnje k tym narodam, kiž w khěžach a domach bydla. To bě wina, zo so najradšo na ratařstwo abo rólnistwo zložowachu. Ratarjo pak so dołho rjemjesła, překupstwa a wšelakich wunamakanjow zmynyc njemóža. Płuh je słowjanske wunamakanje.

Serbjo mějachu rady měř z cuzymi, běchu sprawni a dobroćiwi, štož tež jich boža služba, jich prawa, wašnja a domjace žiwjenje wobswědča. Boha wjeršneho čescachu jako stworičela njebies a zemje, pódla njeho pak mějachu nižšich bohow, kaž Běłoboha, Čornoboha, Swjatowita, Djasa, Připołdnicu, Smjertnicu atd., kotrymž jako srědnikam mjez sobu a mjez wjeršnym bohom howjadła, wowcy, sad a wšelake płody woprowachu. Zo bychu ludźi woprowali, to da so jenož pola někotrych druhich słowjanskich splahow při narańšim morju dopokazač; tam pak bě tajke wašnje z cuzby přišlo a traješe jenož krótki čas. Woni wěrjachu do žiwjenja a wotrunanja po smjerći. Při naležnosćach cyłeho kraja wobzamkaše tež cyły lud; w swojej swójbje měješe pak jeje starši njewobmjezene knjejstwo. Za zastějenje zjawneje božeje služby, krajnych naležnosćow a sudow, za dohladowanje překupstwa a za wothladanje

wójny a měra buchu woleni zastojnicy na powšitkownych zhromadźiznach. Hižom w prastarym času mějachu swoje zakony, kotraž so wot nana synej rozpowědowachu abo tež wot měšnikow z řezami — do drjewu wurězanymi znamjenjemi — napisowachu. Wšitcy Serbjo běchu swobodni, tola so, jako do němskeho susodstwa přinědžechu, někajki rozděl stawow pola nich započinaše. Njewólnistwo a wotročstwo su Serbam Němcy přinjesli. Starych ludźi Serbjo swěru hladachu, a zo su jich morili, je hoła wunamakana bajka a njeprěcelska lža.

Za khorych a khudych starachu so zdobnje; tohodla njebě mjez nimi prošerjow a krajbludžerjow. Jich wubjerna hospodliwosć, kotraž z jich přinarodženeje dobroćiwosće wukhadžeše a kotruž za swjatu přislušnosć mějachu, njemóža tež jich njeprěceljo dokhwalić. Žony, kotrychž mandželsku swěrnosć swjaty Bonifacij wulcy khwali, smědzachu všudže po woli přikhadžeć. Wyše ratařstwa, pčólnistwa, hońtwy a kubłanja skotu zaběrachu so wosebje z wikowanjom. Spěw, hudźba a reja běchu jim najlubše zabawy. Woni běchu wosobni česlojo, kowarjo, twarcy, jěrcharjo, rjemjenjerjo, hewjerjo a řězbarjo. Zo pozdžišo, wot 11. a 12. lětsotka sem překupstwo a rjemješćo kónc bjerješe, zo jich města hinjechu, zo hrubosć a lěnosć pola nich přiběrašćej, na tym njeběchu woni wina, ale jich němscy potłóčowarjo, kiž kóžděho Serba z wyšších stawow wuzamkachu. Dokelž Serbjo ratařstwo lubowachu, dha rady wójny njezapočinachu. Njeběchu dobywařski lud; hdyž pak mějachu sebje a wótcinu před njeprěcelom wobarać, wojowachu z najwjetšej wutrobitosću. Tuta bě všudžom wuwolaana.

Při tak mnohich dobrych počinkach namakatej so pola Słowjanow tež dwaj žalosťnaj njepečinkaj: njejednota a cuzolubstwo, kotraž staj jim hać do džensnišeho dnja k najwjetšej škodze byľoj. Dla jich njejednoty móžeše jich kóždy jenož trochu rozhladny a móćny njeprěcel lohcy přewinyć a to čím skerje, dokelž so tež často Słowjenjo namakachu, kiž cuzbnikam přeciwo svojim krajanam pomhachu. To je bohužel hišće džensniši džen tak, přetož Serbjo su Serbow najhórši njeprěceljo a hladaju, kak bychu jich zahubili. Cuzolubstwo, zo bych hišće dale na něćišich Serbow składnostnje spomnił, kćěje tež pola Serbow. Přetož hdže nadeńdžeš wjetšu pokhilnosć: cuzu řeč, cuze wašnje, cuzu narodnosć wyše swojeje wuzběhować? Hdže słyšiš husćišo w cuzej řeči řečeć hać mjez samsnymi Serbami? W najnowišim času drje počinaju so bóle zjednoćeć a so jako lud začuwać; w našich dnjach počinaju

drje tež Serbjo při zjawnych składnosćach serbscy rěčeć a w to-
wašnostnym žiwjenju serbsku rěč nałožeć, ale to ma so hišće wjele
bóle přisporjeć, prjedy hač móžemy prajić, zo so za swoju serbsku
narodnosć tak jara staramy kaž Němcy za němsku.

J. E. Smoleř, Hórnikowa Čitanka.

4.

Serbam.

Najkrućišo so nětk mi spinaj, truna złota!
Akordy z njej' najmócnije waŕ, porsto młody!
Spěw spěwać chcu, kiž mojim Serbam do swobody
ze šumom dobyćerskim wułamaj by wrota.

„O Serbja, stańće k džětu, njebojće so pota!“

Was z rowa proša Serbow zahinjene rody.

„O stańće, zleńće puta cuzbarskeje škody,
so zhrabajće a mjez wami budź přezjednota!“

Za cuzym duchom, cuzym wašnjom nježadajće;
rěč wótcow serbskich a jich swěru kruće hajće
a každy hruzlik serbskej zemje wobarajće!

Juž ranje puka so přez čemnosć nócnu. —

Tuž stajće do džěta tu ruku staromócnu;

wy Serbja moji, za rěč a za zemju wótcnu!

Jakub Bart-Cišinski, Kniha sonettow.

5.

Powitanje Łužicy.

Krasna družka, witam Tebje,
Sotrow Sławy najrjeńša!

Njesu Tebi z cuzej' zemje

Wěrnú, swěrnú wutrobu.

Z pola, z hole khwałće ju,

Našu Serbow wótcinu.

Z wěncom horow wudebjena

Stojiš horda njewjesta:

Tak kaž hora, wěcnje kruta

Sy tež Serbow wótcina!

Tuž dha česěmy njewjestu,

Našu lubu Łužicu!

Ty we njewjesćinym wěncu,

Čorný Boho, dejmant sy,

Kiž ze swojej sławnej krónu

Mócnje sahaš k njebjesam.

Tu sej pychu škitujmy,

Spěwy na nju zanjemy!

Zelena tež hola čemna

W šěrokości debiš ju;

Rěčki jasne, pola, hona,

Wy sće drasta njewjesty.

Wěncó sławny, pyš tuž ju,

Wěcnje młodu njewjestu!

Jan Čěsla, Jubilejne spisы Serbowki I.

6.

Serbskej zemi.

O zemja serbska! tvoju 'nož chcu khwalić rolu,
chcu khroble sławić twoje městna starodawne
a wožiwjować twojich synow mjena sławne,
njech wutroba tež rozkoći so z dźiwjej bolu.

O zemja serbska! z kuzłom svojim moju wolu
brón, zo bych wotkrył starych časow slědy krwawne
a słyšať, kak so z njebyes woła myto sprawne
na cuzu złość přez twoje hory, hona, holu.

O zemja serbska! khwalić twoje płódne hona
chcu, hory módre, spěwow cunjozrudne hróna
a sławić čichu nadobnosć chcu twojoh' ludu.

O zemja serbska! nihdy tebje njezabudu!
Twój wobraz widžu w myslenju a wosrjedź sona
mi twoje mjeno klinči kaž zwuk jasnoh' zwona.

J. Bart-Ćišinski, Kniha sonettow.

7.

Popjelńča.

Narodna bajka ze zapiska kantora Symanka w Baćonju.

Běštaj nan a mać, a taj měještaj džowčičku. Tuta pak běše jara rjana a měješe złoty mėsack na čole, a tohodla měješe čoto přeco zawjazane. Mać wumrě a nan woženi so z druhej, kiž měješe tři džowki. Jónu bě wulki knjez kwas wuhotował, a wšitcy so na njón hotowachu; holčcy pak bě macocha běrtl jahłow do popjeła sypla, zo by je zaso z njeho zwuběrała. Tuž wboha holčka žalostnje jara płakaše. Šwj. Marja pak bě ji kmótra a tak k njej přińdže a rjekny: „Moja mótko, pře čo tola tak jara płakaš?“ Holčka wotmołwi: „Kak njebych płakała! Naši su wšitcy na kwasu. Mni je mać běrtl jahłow do popjeła sypla a ja dyrbbju je nětko zwuběrać.“ Šwj. Marja rjekny: „Njeplač, mótko, ja mam dweju hołbi-kow doma, tej ja pósćelu a budžetej či dobre do běrtla zwuběrać a słabe do horleška. Wonej či tež worješk přinjesetej, tón wotčín a tam budže židžana drasta a rjany wózyčk. Potom so zhotuj a sydnj so do wózyčka a rjeknj: „Fur, přjedy mje swětło a zady mje čma!“

Tak je holčka sčiniła, so zhotowała a jěła na kwas. Hdyž je tam přijěła, su wšitcy ludžo na nju hladali: wona bě tola jara rjana byla, a złoty měsačk so ji na čole btyšćeše. Za blidom sedžeše při wulcy wosobnym knjezu. Wón so z njej wjele rozmołwješe a po jědži wjele z njej rejowaše. Skónčnje so ju tež wopraša: „Čeja sy?“ Wona pak jemu njepraješe, ale čekny mjelčo ze jstwy a sydže so do wózyčka prajicy: „Fur, prjedy mje swětło, zady mje ćma.“ Doma so židžanu drastu sleče a sydže so zaso do popjeła. Ludžo domoj přišedši jara powědachu, kak rjanu knježnu su na kwasu widželi a złoty měsačk je na čole měła. Holčka rjekny: „Ja sym tu tež widžala a je na našich khlěwach stała.“ Tuž da jeje nan hnydom khlěwy pokopać.

Nazajtra džěchu zaso wšitcy na kwas, holčcy pak bě macocha běrtl jahłow do popjeła sypnyła, zo by je zwuběrała. Hdyž holčka płačo na popjele sedžeše, přida so tam k njej swj. Marja a praješe: „Moja mótko, pře čo tola tak płačeš?“ Holčka wotmołwi: „Kak dha njebych płakała: Naši su wšitcy na kwasu, mni pak je mać běrtl jahłow do popjeła sypła a ja dyrbyu je wuběrać.“ Swj. Marja rjekny: „Njepłač, mótko; mam dweju hołbikow doma. Teju ći pósćelu a budžetej dobre do běrtla zwuběrać a słabe do horleška. Wonej ći worješć přinjesetej; tón wotćin a budže tam cyle slěborna drasta a rjany wozyčk. Potom so zhotuj, sydń so do wozyčka a rjekń: „Furr, prjedy mje swětło, zady mje ćma!“

Tak je holčka sčiniła: so zhotowała a jěła na kwas. Tón króc so hosćo hišće bóle džiwachu. Tón wosobny knjez so hnydom zaso k njej za blido přiwdá a po jědži jenož z njej rejowaše. Zas so ju prašeše, čeja je, ale wona jemu njewotmołwi. Hosćo wšitcy jenož kedźbowachu, hdy krasna knježna domoj póndže; holčka pak jim tola mjelčo čekny. Jeje ludžo doma powědachu: „Smy na kwasu tajku rjanu knježnu widželi.“ Holčka rjekny: „Ja sym ju tež widžala, wona je na našich hródžach stała.“ Tuž da jeje nan hnydom hródže pokopać.

Třeći dzeń džěchu zaso wšitcy na kwas. Holčcy pak bě macocha běrtl jahłow do popjeła sypła, zo by je zwuběrała. Płačo sedžeše holčka w popjele, hdyž so swj. Marja k njej přiwdá prajicy: „Moja mótko, pře čo tak płačeš?“ Wona wotmołwi: „Wšitcy su na kwas wotjěli, mi pak je mać běrtl jahłow do popjeła sypła, a te dyrbyu zwuběrać.“ Swj. Marja džeše: „Njepłač, mótko, mam doma dweju hołbikow. Teju ći pósćelu a budžetej dobre do běrtla zwuběrać a hubjene do horleška. Wonej ći tež worješć přinjesetej;

tón wotčín a w nim budže cyle złota drasta a rjany wózyčk. Potom so zhotuj, sydnj so do wozyčka a rjeknj: „Fur, prjedy mje swětło, zadymje čma!“ Tak je holčka činiła: so zhotowała a jěła na kwas. Wšitcy hižo na nju čakachu, a tón knjez bě ze žedźiwosću nimalo zahynjł. Tón króć pak cheychu ju z mocu zdžeržeć a nalachu tohodla na dworje a po skhodže smoły. Hdyž wječor zaso čěkajo běžeše, njemóžeše nohu ze smoły wučahnyć, ale črijik wosta tčacy. Doma powědachu jeje ludžo: „Smy hišće wjele rjeńšu knježnu widželi, ta běše złotu drastu wobležena a złoty měšačk so ji na čole blyšćeše. Holčka rjekny: „Ja sym ju tež widžala, wona je na našich bróznjach stała.“ Tuž da jeje nan hnydom bróznju potorhać.

Tón wosobny knjez pak z črijom po kraju khodžo spytowaše, na čěju nohu by so hodžał. Tak tež do holčcyneho domu přińdže. Mać přiwwjedže swoje tři džowki jednu po druhej, ale črijik bě mały, hač runiž mać jim přecy pjaty přirubowaše. Tuž so knjez woprašaja, hač žanu wjacu džowku nima. Woni prajachu: „Ně, khiba tu, kotraž přecy w popjele syda.“ A knjez kazaše, zo bychu ju přiwwjedli. Holčka přińdže cyle popjełojta. Dachu ji črijik a hlej! nóżka so jenož tak do njeho suny. Holčka wotfrase tež popjełojtu drastu a stoješe tu w samym złotu; tež rubiško wot hlowy wotwjaza a złoty měšačk so zablyskny, zo so cyła jstwa swěćeše. Młody knjez bě jara wjesoły a wza sebi holčku za swoju mandželsku.

Lužica 1914.

8.

W cuzbje.

Naćisk.

Daloko su serbske hona,
 Serbske wsy a serbske cyrkwy,
 Serbske domy.
 Serbskich zynkow, serbskich spěwow
 Njesłyšiš.
 Swojim božemje smy dali,
 Do cuzby smy pućowali,
 W cuzbje džěło džělamy,
 Domizny tu nimamy.
 Młode sylne mocy khodža
 Lěto wob lěto na cuzy khlěb,
 Całty, kaž to džěći praja,
 Na mjedowe pomazki.

Tajki khlěb ma dźiwne mocy
Kuzlaŕske, a pomjatk mota,
Serbski jazyk lemi.
Po cuzym Serb khlemi.

Handrij Dučman, Łužica 1911.

9.

Wrót do Serbow.

Hory módre, ja was znaju:	O ja słyšu hižo z nowa
Ja sym zaso w serbskim kraju,	Slěbroklinčne serbske słowa,
Hdžež mi bydli wutroba;	Słódku řeč mi maćernu:
Młódnazelena ty strona,	Kotrychž jenak w mysli nošu,
Wokřewjace serbske hona,	We duchu was wšitkich košu,
Wy sće moja domizna.	Serbja w rjanej Łužicy!

Džensa róžička mi kćěwa,
Džensa zbožo mi so směwa,
Kaž dzeń běły, nalětni!
Kajke žiwe pukotanje,
Kajke zbóžne začuwanje,
Zo sym zaso mjez wami!

K. B. Pful, Hórnikowa Čitanka.

10.

D o m a.

Tak so mi nihdže, nihdže njelubi, kaz mjez mojimi Serbami.
Bohu džak, ujejsym z cyganskeje šlachty, zo bych wšudže był doma.
Wocygań a budžeš — Kajn! Njejsym z Judašoweho naroda, zo
bych — swoju zbóžnosć na křiž zbiwši — sam po swěće so dyrb-
jał bić...

K ptačkam zhladuju. Nazyma je nam z kraja wuhna, ze serb-
skich hnězdow a honow. Ale Stworićel je z nalěćom wjedže zaso
dom. Kaž naše škórcy njedočakaju, zo mohće so domoj nawróćić,
tak je mi, hdyž sym khwilu na cuzbjje přežił. Njeleći ptačk k nanej,
maćeri — ale k ródnemu hnězdu, k ródnej zemi. Tež mje čłowjeka
wabi dych serbskeje zemički domoj, dych, kiž jenički mojim płu-
cam tyje, kiž moju wutrobu sylni, kiž moju dušu křewi... Dale
mje su ptakow syły pobyłe, su mnoho wjacý hač ja nawidźałe —

a tola so jim po domje styska. Wěrju jim, a z radosću je domoj witam. Je jim doma najlěpje. Kak bych ja, rozumny čłowjek, hdže druhdže mohł być radši hač doma?

„Serbska zemja — statok mój!“ Su mi powědali, kak su naši wótcy na tejle pódze so zahnězdźowali, ju wobdžělowali a škitali, kak su z potom a z krowu tutón kraj swjećili. Hdžež su woni po Božim wjedženju doma byli, tam je tež — wěrju — mi najlěpje być doma. A hdy by kraj serbski był najkhušći mjeze wšěmi za mnje bywa přeco raj. „Naš krajik rajik je“ Čišinski spěwa. Praži-li wo žně Bože słónčko, praž: wšako na serbski praži kraj, a tajke słónčko znjesu. Wěje-li wjelči wichor ze sněhom, njech wuje, duje džěn po Serbach, to sym so zwučil. Doma so ze wšěm, ze wšěm znaju. Tu chce so mi žiwy być, žiwy jako Serb. A wumru-li, Božo, daj mi na serbskej wumrěć zemi — doma, zo mój proch wotpočuje z wótcami, zo nad mojim popjełom praži słónco, kaž wo žně, zo nad mojim rowom so Wichorec hóley honja — žiwi serbscy hóley.

Rowjeńcy moji, potomnicy naši, svojich njebohich njezapomńće! Škitujće, hajće kraj, zo zemrěći móhli w pokoju swój wěčny sonić raj. Hladajće so, zo njeabcy njestanu a wam z hrožitymaj wočomaj njeporokuja — njeđzaknosć, njeserbskosć! Přetož chcedža ležeć doma — wy činće, zo zwostanu jich powostanki doma. A skutkujće, zo njejsće na swojej zemi nic jeničcy doma, ale tež z knjezom! Skutkujće, džěłajće!

M. Nawka, Lužica 1908.

11.

Wrót do domizny.

Hižo módrja mi so naše hory,
Witaj! hona šumja žołmate;
Postrow kiwaju mi wsy a dwory,
Witaj, pleńča lipy hał'zate ...
Domoj, domoj! Duša, truny spiń
Wšě a jusk a radosć ze rta liń! —

Doma, džakowano Bohu, doma!
Košić kóždu kwětku, wobjimać
Keřk a zdonk mohł kóždeho bych štoma;
Do wobeju rukow mohł bych wzać,
Sćišćeć na wutrobu kóždzički
Hruzlik, kóždy kamušk mólički!

Krew so do licow a čola lije,
 Poľne swěťtych sylzow woko je —
 Swjaty wječor z blizkej cyrkwje bije —
 Ducej domoj žnjeńc sej spěwa: „Hdže
 Statok mój?“ O duši lěk a hój!
 Juskaj: Zemja serbska statok mój!

J. Čišinski, Ze žiwjenja.

12.

Při khowanju božeho slónčka.

So bože slónčko k zemi kłoni,	Kaž wono přikhila so k zemi,
A směrk žno w dolinach so roni,	Wy k winikam tež z lubosćemi
So čichi swjatok přibližuje,	So přikhilće, jim zwodawajće,
A ptačkow kěrluš k zamjelkuje.	A hněwej rady mjezu stajće!
A slónčko dawajo so k měru	Wam z duše měj so mysl hrozna,
Nas lubje napomina swěru:	Ta hidžita a njelubozna,
„Tež wy nětk do pokoja džiće,	A dozabudźće zekřiwdźenje,
A z wutroby wšón njeměr wzmiće!“	A z pomjatka njech hóřkosć

Njech hněw so pod podnože sadža, čeknje.

Zo slónčko na nim njezakhadža,

Kaž to nam bože słowo praji,

A swjatu kaznju na to staji.

Jan Radyserb-Wjela, Łužica 1909.

13.

R a n o.

Z nócnej' pastwy spěcha sorna,	W čichim keřčku slódke hłosy
Sowa khwata do skhowa,	Z horľa wabi soľobik,
Do hole nóc lěhnje čorna	Škórцы, drózný, knadže, kosy
So a woko zańdželi.	Křćeński kěrluš zanjesu.

Młody dzeń ke křćeńcy wjezu	Z cyrkwjow klinča rańše zwony,
Rańše zerja w mróčelach,	Dzeń so młody rozsměje,
Hono, holu, łuku, mjezu	Wjesołe dže přez zahony
Ke kmóťrenju wuproša.	Hibanje a błyšćenje.

Radosć klinči přez njebjesa	Slódke žohnowanje ranja!
A na zemi wotcuća;	Srěbaj z njeho, čłowjeko,
Kabačik swój škowronč česa,	Před' wšědnoh' wojowanja
Leći slóncej napřečo.	Brěmjo bjerješ na ramjo!

J. Čišinski, Serbske zynki.

Khwalba burstwa.

Mój nan je bur a serbski je,	A džěła tež džen cylički
To na wočach jom widziće,	Na łucy, polu, w zahrodzi,
Muž kruty, sprawny, hódny —	Što tón kus prócy wadzi? —
Za wopon płuh a brónu ma	Herc tuni doma — łastojčka
A z konjomaj kraj wobdžěła,	A wonka — škowrončk, pocpula
Hač kiwa wječor khłódny.	Jom' zaspěwaju radzi.
 Ze złotom, slěbrom, parlemi	 A rano, hdyž džen zaswita
Bur njeħordzi so po dwori,	A zerja barbja njeħjesa,
To da wón knježim nosyć —	So złoći lěs a hora —
Za bant a hwězdu po boku	Je hižo kapon wocućił,
Wón bróžeń radšo kopatu	Džen jasny, krasny připojdził;
Wot Boha zechce prosyć.	Won! won! wy ludžo z dwora!

Duž měšćenjo wy pyšniši,
 Do wašich murjow zawrjeni,
 Wy sće mi ludžo wbozy —
 My burja smy lud wjesoły,
 Wětr čisty wonka srěbamy
 Na krutej, strowej nozy.

H. Zejleř, Zhrom. sp. III.

Serbski hospodař.

Tej roli, w kotrejž płódza waše płuhi
 Khlěb nětko nam a haja naše byće,
 Serb dołho dawał z potom tuk a tyće,
 Kładł do njej' přeća, zdychi, sylzy, tuhi.
 Wón ze krwju mačał wašich polow smuhi
 A hnojił z kosćemi. A toho kryće
 Te pola su, štož było wótcow cheyće,
 Pjeršć swjata waše pola, łuki, łuhi.
 Džerž rolu sej, haj wótcow wotkaz swjaty,
 Česć štož sy namrěł ze krwju wot pradžěda,
 Budź serbski rólnik wot hlowy do pjaty!
 Hdžež w bėdže džěłał Serb a w smjertnej nuzy
 Tu rolu sej, a nam a džěćom běda,
 Hdyž płuh jow zastajił by hdy so cuzy!

J. Čišinski, Wysk a stysk.

Žiwjenje zbožowneho bura.

Sto čini čłowjeka zbožowneho a wjesoleho? Jeho wobsedźeństwo, přiroda jeho wobdawaca a jeho swěrne skutkowanje. Chcemy raz wšitke druhe stawy čłowjeskeho towarstwa wotstronić a jeničcy wobraz zbožowneho serbskeho bura sebi před woči stajić.

Kapon je spěwał, štyri je biło; njech džen swita abo njech hišće čemnosć a mrokota zemju přikrywa: bur so zběha ze swojeho lěhwa. Wón stawa radostnje a khwali Boha džakownje. Wón budźi žonu, wón woła wotročka a druhich we swojim domje. Nětko dže do džěła spěšnje a wjesele, pak do bróžnje, pak won na polo abo na łuku abo do keřkow. Tež jeho mandželska njeje w tu khwilu prózdna; wona zatepja a wari snědanje za ludźi a skót, dže potom do hródže, hdžež ju hlódny skót mórčo a korčo lubje wita. Picuje kruwy a swinje, sypa ječmjeň kurom a husom a njezapomina ani psa ani kóčki, zastara tež swoje móličke, kiž su mjez tym stanyłe. A nětko přikhadžeja nuř z prózdnymi brjuchami a dobrym požadom; hospodař a čeladnicy a sydaju so k blidu. Hospoza přinošuje poliwku a běrny abo kofej a khlěba a butry, a wšitkim słodži po čěžkim džěle zwučene snědanje. A nětko po mócnym wokřewjenju du hnydom zaso do džěła; činić je dosć. Žně su wulke, rukow je mało. Po počasach je wšědne džěto wšelake. Tu ma so drjewo pušćeć, maju so walčki rubać; rola ma so přiřadować, dyrbi so syc a sadžeć; luka ma so syc, syno a wotawa domoj wozyć; ma so dom khować, štož je rola přinjesła, zběrać a šćipać, štož je na winowym pjeňku zezraliło abo štož je na sadowych štomach narostło, a w zymje młócić abo přasć a pjerje drěć. A hdyž je lěto nimo a hdyž je samo srědnjemu burej jeho pilne prócowanje sto abo dvě scě toler čisteho dobytku přinjesło, njeměł so wón zbožowny začuć a zradować we swojej wutrobje? Wšak je wšitko jeho; wšo je sebi zaslužil ze samsnym skutkowanjom; wšo je jemu spožčiła dobroćiwa přiroda a jeje mócný knjez.

Ale tež w druhim nastupanju začuwa so bur ze swojej swójbu zbožowny a radosćiwy. Přikhadža-li njedžela a z njej džen měra a wotpočinka, wotkláduje wón swoje wšědnjace pomyslenja, kiž běchu jenož na zemske zložene a khwata swjedžeńscy zwoblekany ke mši, zo by Bohu lubemu knjezeje so džakował za spožčenu móc k džělu a za bože žohnowanje na polu a łucy, na zahrodže a w lěsu, w pincy a bróžni, w hródzi a domje. — Hišće krasnišo wupyšena

dyžli hospodař dže za nim jeho mandželska w rukomaj spěwařske knihi a rjane wonješko ze swojeje zahrodki, zo by z nuchanjom mócnje wonjacych kwětkow wostudne spanje sebi začěrjała, kiž mohło ju w cyrkwi nadpadować a nutrnosti zadžěwać. Radosćiwy dže bur ke mši a z blyščatym wobličom wróća so wote mše. Zda so, jako by z njedželskej drastu cyle druhi čłowjek do njeho začahnył. Popołdnjo je k wukhadej na polo, łuku a do keřkow postajene. Štož je w všedny džen nadžěłał, štož so jemu na polu, na łucy w keřkach narostło, to chce wohladać, nad tym chce raz njedželscy so zawjeselić, tež snadno spěwanja ptačkow a čisteho miłego powětra tak prawje z cylej wutrobu wužić. To su burowe njedželske wjesela. A jeho džěci? Te skakaja tak žiwje a wjesele wokoło nana a maćerje, zraduja so rjanosće kwětkow abo pychi pisanych mjetelow, abo hraja z psyčkom a kóčku abo majkaju a koša młode jehnjatko abo wjesela so nad kózlatkami ławki a stólcy přeskakowacymi. Tež burowe džěci maju swoje wjesela a začuja so zbožowne. A wobradža-li hakle Bože džěćo, hdyž přińdu běłe hody a z nimi swěćaty štomik božeho džěsća, napowěšany z pozłoćenymi jabłukami a worjechami, różynkami a cokorowymi wěcami, dha leža pod nim różynkate kołački, rukajcy a knižki z barbnymi wobrazami. To naćinja wjesela, wyskanja a skakanja, hladanja a powědanja bjez kónca; to čini tež nana a maćer zasy młodeju a tež wonaj začujetaj so zbožownaj kaž jeju džěci. Tajke je žiwjenje a wjeselo serbskeho bura.

M. Rostok, Hórnikowa Čitanka.

17.

Serbska wjeska.

Tam w dólčku we kwětkatym
So k hórce tuli mała wjeska,
A žołmička přez wjesku pleska
Po žlobju kamuškatym.
Tam rjenje, rjenje je;
Tam so mi chce!

W srjedź wsy so wowcki pasu
A džěci z nimi maju hraje,
Pod lipu wowka bajki baje
Jim wječor w lětnim času.
Tam čicho, čicho je;
Tam so mi chce!

Hóle spěwa sej do kosa,
Serp pěseń zynčo holčo wodzi;
Pót žnjeński lóšt a lubosć płodzi
A džěło radosć nosy.
Tam zbože, zbože kće;
Tam so mi chce!
Hdyž džěło dokónčene,
Mać, nana, džěci, džěda, wowku
A wotročka a cuzu džowku
Tam blido syći jene.
Tam lubosć, lubosć kće;
Tam so mi chce.

J. Čišinski, Formy.

18.

Mrějace lěčo.

To sprócne lěčo šedziwi
 A zastarjene stona
 A dycha wodych posledni
 Přez łuki, haj a hona.

Je bože slónčko wosłabło,
 A pruhi tupe sćełe,
 A z mrózom khore lisće so
 Na zemju słabe mjele.

A kraj wšón leži skiprjeny
 Wot řěznoh' wětra zdrjeny
 A swět do smjertnej' womory
 So nurja wumučnjeny.

Pak do wěčnej' to smjerće njej'
 Zas' nalěčo b'dže switać,
 B'dža ptački róže kiwać sej
 A radostnje so witać.

My njebočičkich khowamy
 Tych domučnjenych k měru,
 Zas' knjez jich zbudzi jutrowny,
 To krućimy sej swěru!

Jan Radyšerb Wjela, Łužica 1909.

19.

P ř a z a.

Pomałku běše zyma cyły kraj zwupřimała. Jeje zymny dych je tež našich njesprócnych a džělawych Serbow z honow začěrił do ćopłych jstwow — zo bychy so nětko bóle domjaceho džěla přimali.

Měšćenjo to mjenuja lěnje burske časy. To pak wěrnó njeje, dokelž runje w zymje čaka na našich serbskich hospodarjow a hospozy wjele wšelkeho džěla.

Nimale přez cyłu zymu, wosebje w rańšich hodžinach a to hižo zahe, maja nuzne w bróžnjach z młóćenjom. Dale pak namaka kóždy swěrný hospodař dosć džěla doma. — W lěće při pótnym džěle su wšitke hospodařske a rólniske graty šće do kruchow abo su so wobškodziłe. A kaž wšitkim wědomo, kóždy wěrný, serbski bur, kaž naš Handrij bě, porjedzi tajke wobškodžene graty ze swojěj ruku, abo sebi džěla nowe.

Młody hólc, kiž je swojěj holcy dobry a so z woženjenjom nosy, ma nětko čas, swojěj přichodnej hospozy a mandželskej rjanu kudžel wurězać. Ja sam sym tajke rjane wurězane kudžele widzał, kiž swědča wo wulkej řězbařskej wustojnosći našich serbskich młodžencow, kiž su dokonjeli bjez wšitkeho wumjětskeho nawjedowanja a řězbařskeje wučby. Dołhi kudželiny stołpik bě rjenje

Dr. Josef Páta, Łužickosrbská čitanka.

z wurězanými růžovými rankami wudebjeny. Růžowe lisée bě ze zeleným, růže pak z čerwjeným twjerdým wóskom wulate, tak rjenje wšo wudebjene, zo móžeše kaž narodnoserbske wumjełske řězbařske džěło w kóždym museju być wustajene.

Žony pak a holcy maja pódla swojeho wšědneho domjaceho džěła cyłu zymu dosć džěła z předženjom. Kóždu prózdnu hodžinku k tomu nałožuja, wosebje pak dołhe zymske wječory. Nětko wjedže „přaza“ swoje knježstwo. Wjesne holcy zhromadžuja so w jednej khěži, kiž ma wulku jstwu, k přazy. Kaž elektriscy čěrjene wjerći so kołwrota kolesko pod nohomaj našich Serbowkow. Při tym pak džěła jich huba sobu na přemo. Jow su Jěwine džowki wšitke na cyłym swěće jedna druhej rune. Wšitke sej derje rozumja, hač runjež jich na dobo 12—16 powěda. W tym so my mužojo z nimi po-darmo budžemy měřić!

Na přazy pak naše serbske holcy nic jenož, zo swěru a pilnje přadu a sebi powědaju, ale tež rady spěwaju. — W lěće pytnješ, zo samčk ze swojim spěwom wabi k sebi swoju lubu; jow pak je cyle hinak. Holčacy spěw wabi młodźencow na přazu, kiž tež rady tam khodža, ale nic, zo bychu přadli abo pilnym holcam pomhali, ale čím bóle, zo bychu jim zadžěwali a wšelko k lubu činili. Na tym pak so naše holcy njehórša. Zyma je dołha, a štož so jow pódla skomdži, domach zaso nakhwataju. Wyše toho to klubučinjenje a žortowanje dyrbi we swojich mjezach wostać, hewak by „ćeta“ ze swojej cyłej autoritu postanyła a kažaceho škaraka won čisła.

W přjedawšich zastarskich časach, jako naši Serbjo hišće žaných spěwařskich njemějachu, běše runje přaza město, hdžež młode holcy kěrluše z hlowy wuknychu a při tym tež spěwać. Haj tež nětko hišće wuknu tam kěrluše, kiž za wjesne spěwanje trjebaju.

Přaza přestawa póstnicy. Hdyž je kermuša za našich Serbow w nazymje wulki wosadny swjedžen, su póstnicy čím wjetši. — Toho dla dyrbi póstnicy kóždy rejować, kiž ma nozy. Hdy by runje wowka što wě kak stara była a wot staroby a džěła skhilena, póstnicy dyrbi tola hrónčko porejować, a hdyž hinak njeńdže, z najmjeńša mały kusk so powjerćeć po jstwj. Hewak so, hdyž to skomdži, len njeporadži. — Póstnicy je korčma poľna, a to wjacj dnjow, tež džěci su pódla. Tele pak, wosebje małe holčki, rejuja před korčmu, na nawsy, hdžež so pak same, pak jedna z druhej wjerća, kaž hercy hraja, — a tak za přichod z časom bjez wšitkoho nawjedowanja rejować wuknu.

Hdyž će zynki hercow tak mójnje wabja, zo do rejowanskeje łubje pohladaš, tam něšto njewšědnego pytnješ. Naše serbske rejowarki bosa rejuja. Praja, zo so jich nózki tak wjele lóžšo zběhaju. Je-li njewěřiš, zo je tomu tak, spytaj sam!

So samo wot so wě, zo póstnicy w žanym domje plincy njesmědža pobrachować. Su staroserbska narodna jědź, kotruž naše lube serbske hospozy, nic pak jeno wone, ale tež jich mužojo, jara derje přihotować a pjec wědža, — a kaž so słuša tež rady ke kofej z butru derje pomazane a z cokorom posypane rady jědža. Z krótka: to njeby z cyła dobry Serb był, kiž njeby plincy rady jědł. Mi tež pódlu, hdyž wo nich tute słowa pisam, derje słodža —.

Póstnicy, zo byšće wšitcy wědźeli, so pola našich holanskich Serbow z „camporom“ započínaju. Młodžency zababjeni hromadža we wšěch domach při wšelakich žortach a tryskach wšelke wěcy k jědži a pjenjezy. Pjenjezy so nałožuju k zapłaćenju hercow, za napoje, piwo, palenc. — wosebje za słódki; štož pak je so k jědži nahromadžiło, jejka, kotbasy, počč, sušene mjaso so přihotuje k hosćinje.

Hudźba bě zastarska w našich holanskich wsach ryzy narodna: kozoł a dwoje husle, jedne ze železnymi trunami. Kak je so jeno po tajkej hudźbje rejowało? Strowy, wjesoły lud njetrjeba k swojim rejam orchestra. Wón so zabawja wjele lěpje bjeze wšěch rejowanskich programow, bjez parketa, rukajcow a bětych a lakowych črijow a kak hišće wšo to rěka, štož na knježskich rejach njesmě pobrachować, a jemu to tež wjele lěpje tyje a jón wokřewja hač wšitke nowoswětné wumyslenja do kopicy.

Nětko zaso pak z rejow k našej přazy! — Što so z tym w zymje napředženym lenom stawa? Tón njeńdže něhdže do města ke tkalcam, ale so doma tkaje. To je tola za kóždu serbsku hospozu wulka česć a wjeselo, bórzy po póstnicach so za krosna, kaž na trón sydnyć, hač tež posłědnja cywka w płáce sedži. W domje so tola přeco wjele płatu trjeba. Čeledź — služobne holecy a wotročcy dóstawaju tak a tak wjele łohćow płatu sobu jako wučinjenju mzdu. A dale, kak wjele płatu je nuzne w słowje k šatam, k łožam, k domjacym potřebam, a te módre šórcuchi a płachćički a šanta, bjez kotrychž naši Serbja a Serbowki njemóža być, z wotkel bychu tola, prošu was, je brali, njebychu-li doć płatu naše hospozy natkaće?

Što mi wowka powědała.

I.

Pobožny putnik a jandžel Boží.

Běše pak něhdy w starych časach pobožny muž, kiž sebi w lěsu khěžku natwari a wokoło njeje něšto wowsa wosy. Khěžka bě jednora, měješe jenož tři woknješka. Tu wjedžeše pobožny putnik samotne žiwjenje, a maľohdy k njemu što přikhadžeše. — Sta pak so, zo jónu k njemu rjany, cuzy muž přińdže a jemu prikaza: „Pohľadaj z přěnim woknješkom won! što tam widžiš?“

„Wulku wójnu widžu; konje padaju: čłowjekoj so we krwi waleju. Ow, to je hrózbny napohľad.“

„Tajke jónu časy přińdu. — Nět看 pohľadaj do druheho wokna! Što tam?“

„Tu nič njewidžu. Tolsta čma tu je.“

„Haj, na hrěšny lud přińdže po wójnje mór a čorna khorosć. — Što nět看 we třecim woknje widžiš?“

„Ach, tu je krasna, wulka, zelena łuka. Rjany muž tam trawu syče. Tola widžu tu jara maľo ludži.“

„Po hrózbnych časach budža lěpše. Tola čłowjekow budže z woprědka maľo. — Ja sym boží jandžel, a dokelž sy přeco pobožny a ponižny, smědžach ěi přichod pokazać.“ To rjeknywši so jandžel zhubi.

II.

K o w a ř w h o r j e.

Něhdy khodžeše po kraju kowar, kiž njeměješe džěła. Tak přińdže tež blisko k horje pola Prahi. Bě mučny a lehny so na slónčko. Na dobo stoješe šěry mužik před nim prajo: „Widžu, zo džěła nimaš, tak pój ze mnu, chcu ěi dosć na dosć dać.“ A dowjedže jeho na horu a woćini maľe durička. Kowar wuhlada nutřka wjele wojakow, kiž na zemi ležachu a spachu. Mužik dowjedže jeho ke konjom, zo by podkowy zwottorhaľ a nowe přibiwaľ.

Po doľhim času bě ze wšěmi hotowy a dósta wot šěreho mužika wulku mzdu. Hdyž won džěše, přimny posľědnjeho z wojakow za hłowu prajo: „Nó, bratře!“ A wojak so zasparny woprašo: „Je hižo čas?“ W skoku šěry mužik wotmoľwi: „Ně, ně, přeco hišće spi!“ a kowarjej praješe pak takle: „Hdyž přińdže prawy čas, stanu tući wšitecy a wulka wójna nastanje.“

Hdyž kowar z hory wustupi, njeznaješe wokolinu; wšo bě přeměnjene. Bě džě tam na wšě polsta lět džěłať.

III.

Poslušný Jank.

Natušec mały Jank w R. dyrbješe husy na pastwišćo hnać. Bě to runje tehdy, hdyž Napoleonowe wójska přez naše krajiny čahachu. Tohodla poručí mać Jankej, zo by sebi tola husy w hromadže dźeržał, hdyž wojacy nimo počahnu. Jank to wjesele slubi a čěrješe husy won. Dołho njetraješe a hižo přijěcha črjoda jězdnych. A što Jank sčini, zo by wojakow w blízkosći wohladał a tola tež maćeri posłuchał? — Wza swój křud a zwjaza sebi wšitke „liby“ wokoło pasa. Tak dźěše na wojakow hladać. Tým chcyše so wězo jara smjeć a sčinihu Napoleona, kiž runje sobu jěchaše, na hólčka kedźbneho. A tón so hólčeca woprašaja, čehodla je tola husy takle zadajał.

„Haj, naša mać je prajiła, zo dyrbju sebi husy w hromadže dźeržec, ale wojakow chcych tola tež widžec,“ bě Jankowa wotmołwa. Na to so Napoleon wjesoly zasmja a Jankej husy zapłaćić

Fr. Kral-Rachlowe, Łužica 1905.

21.

Přaza.

(Madrigale.)

Na zemju sněh dyrkotacu pada;
 Wětr hroznje z nim hraje,
 Róže na wokna saje.
 Rjenje won so hlada.
 Woheń w kachlach praskoce,
 Kofej w hornu so plepoce.
 Holiča přadu.
 Bajki za kachlemi wowka jim baje —
 Hólcy spěwaju pod woknami serenadu —
 Do jstwy hospoza jim kaza.
 Na reju hólc swoje holičo čaza.
 W reji na ličkach růžow zakčěwa pycha.
 Wětr pak haľuzy wonka na wokna dycha.

J. Čišinski, Formy.

22.

Naša wowka.

W lěće stawaše wowka w štyrjoch a w zymje w pječich hodžinach. Přenje, hdyž stawaše, bě, zo so swojemu dobroćiwemu stwořićelej a wótecej za to dżakowaše, zo bě ju w nocy přede wšim

strachom a njezbožom wobkhowaŕ, a zasy nowy dzeń wobradziŕ, zo by měŕa zasy nowu skŕadnoŕ, sebi za wěčne žiwjenje hiŕŕe wjacj zasuŕžbow dobyć. Hdyŕž bě so zwoblekaŕa a raňŕi paćer wu-spěwaŕa, wza wrjećenko a předžeŕe spēwaŕo sebi při tym raňŕi kěrŕuŕ. Něhdze za hodŕinu, hdyŕž bě stanyaŕa, stupaŕe z tofleŕi přiŕlacujo z durŕemi won do khěŕe a stupi so na próh. Tu zaspě-wachu husy w khlěwičku, swinje zakwičachu, kruwy zaruchu, kury pjerchotachu z křidŕami sebi spar wotŕrasujo. Kóćcy přićeriŕŕej ŕtó wě z kajkeho kuta a móraŕŕej so ji liŕŕeo pod nohomaj. Psaj wusko-čiŕtaj z hětow, přechaŕowaŕtaj so a w jednym skoku běŕtaj pola wowki; hdy by so njewobaraŕa, byŕtaj ju zawěŕe potorhnyŕoj a ŕklu zorna a běrnów z ruki wurazyŕoj. Wowka mějeŕe wŕŕe tele zwěrjatka jara rady a wone ju. Bóh zwarnuj, zo by widŕaŕa, zo je ŕtó njetrjebawŕi draćuje a byŕ-li to jenoŕž ćerwik. ŕtoŕž je ćłowjekej wuŕitne abo ŕkódne a so skóncować dyrbi, njech w boŕim mjenje kóncuja, jenoŕž nic ćwilować, by prajiŕa. Džeci pak njesmědŕzachu přiŕladować, ani hdyŕž kokoŕku řezachu, a to tohodla, zo by jim jeje ŕel bylo a wona potom wumřeć njemohŕa.

Něhdy pak bě so na psaj Sultana a Mórasa rozhněwaŕa. Mějeŕe pak teŕž swoju dobru winu k tomu. Dobywaŕŕej so mjenujcy spochi do khlěwička a běŕtaj džesać řjanych ŕoŕtych kaćkow, wjesoŕlych to zwěrjatkow, zo mějeŕe ćłowjek swoju radosć nad nimi, za jednu nóć zakusaŕoj. Wowcy so zecny hdyŕž rano durička wotewri a husyca so jenoŕž z třomi pilkami w n přiŕhna spŕóŕiwje gigotajo, jako by pře svoje skóncowane mŕodŕata ŕaŕosćila, kotreŕž bě měŕto njeměrneje ŕaŕateje kaćki sama wusedŕaŕa. Wowka tukaŕe najprjedy na mor-darja, ale spózna po ćeri, zo staj to psaj skućiloj, psaj, taj swěrnaŕ ŕtraŕnikaj. Wowka ani svojimaj woćomaj njewěrjeŕe, a to hiŕŕe přiŕdŕeŕtaj a so liŕŕeŕtaj, jako by ničo njebyŕo, to wowku najbóle rozmjerza. „Přeć wote mnje, rawsaj, ŕto su wamaj kaćki ćiniŕe, staj snadŕ hŕódnaj? Ně, to je hoŕa wólnosć. Přeć wote mnje, ani widćeć waju njecham!“ Psaj poŕwsnyŕtaj wopuŕi a wjezeŕtaj mydŕo. Wowka pak džeŕe do komory, zo by džowcy swoju ŕaŕosć wuskorŕila. — Krasa njemysleŕe sebi hinak, hać zo su paduŕi jŕtwičku wuru-mowali, abo zo je Haŕŕŕka zemřeŕa, hdyŕž wowku cyŕu wuplakanu a blědu do komory přiŕbeŕeć wuhlada. Hdyŕž pak bě cyŕu wěć ŕýŕŕaŕ, njemóŕeŕe so směchow zdŕerŕeć. ŕto bě jemu wo par kaćkow! Wón bě je njenasadŕŕowaŕ, je njewidŕaŕ, kak so z jejkow dypaju, kak lubozne su, hdyŕž po wodŕe pŕowaju, hŕowički pod wodu ponórjeja a z nóŕkami nad wodu pancaju. Arnoŕŕej bě jenoŕž wo

někotre pječenje; tohodla tež njewosta psykomaj sprawnu zapłatu dožny, ale hrabny křud, a džěše won, zo by jimaj někotre přez rjap naměřil. Wowka zapřimny sebi wuši, hdyž haru a skiwlenje wonka słyšeše, a mysleše sebi: „Što to pomha, dyrbi być, zo byštaj to zasy nječinioj.“ Hdyž pak za hodžinu a tež za dvě psaj hišće z borla njewulěžeštaj, dyrbješe pohladać hić, hač je jimaj to tak jara blisko šło. „Štož je so stało, je nimo, a to staj tola jenož njerozomnej zwěrjeći,“ praješe sama za so kukajo do hětow. Psaj z bolosću zawuštaj, pohladowaštaj želnosciwje na nju, lišćeštaj so ji z wopušku machajo a jej pod nohomaj po brjuše lažo. „Je wamaj to žel? Widžitaj, tak dže so njekničomnikam, njezabudžtaj to ženje!“ — Psaj na to njezabuštaj. Hdyžkuli husy abo kački po dworje čampachu, wotwobročištaj radšo woći na bok, a tak dobyštaj sebi zas wowcynu přikhilnosť.

Hdyž bě wowka pjerinu wobstarala, zawoła čeledź, njebě-li ta hišće stanyła. Po šěsćich hakle přistupi k Hańžcynemu ložu a klepny ju zwaha na čolko — to mjenujcy duša najručišo wotuća — a wołaše: „Stawaj, džowčička, stawaj; kapon je hižo džewjeć króć smjeće wobkhodźil, a ty hišće spiš; njeje će hańba?“ a pomhaše so ji zwoblekać; potom džěše do komory, hač je tón drobjas hižom na nohach; je-li so tón abo tamny na ložu waleše, poplaca jeho wowka wołajo: „Stawaj, stawaj njeroda, koza je bróžen pobodła.“ Na to pomhaše so džěćom wumyc, štož drje skoro žadyn džen bjez wójny njewoteńdže. Ale z woblekanej so ji njechaše šlachćić; do tych kneflikow, spinkow a seklkow na klejdzikach a hiplkach njemóžeše so wumasać. Zwjetša wobroći, štož do předka słyšeše, do zady. Hdyž běchu džěći zwoblekane, poklakny so a wuspěwa z nimi „wótče naš“ a džěše z nimi snědać.

Božena Němcová: Naša wowka. Přeložil dr. F. Řezak. 1883.

23.

Što je Serbow wótny kraj?

Ha, što je Serbow wótny kraj,	Ha, što je Serbow wótny kraj?
Je Saksonska, je Bramborska?	Je Pomorska, je Litwjanska?
Hdžež Łobjo šumi dudławi,	Hdžež julinske su spadanki,
A Sprewja z nim so jednoći?	Wineta tež so ponuri.
O ně, o ně,	O ně, o ně,
Naš wótny kraj ma wjetši być!	Naš wótny kraj ma wjetši być!

Ha, što je Serbow wóteny kraj? Ha, što je Serbow wóteny kraj?
 Je morawski, je česki kraj? Je Serbiska, Slawoniska?
 Ach, Čechow móc je wotkčěła, Hdžež mjeno a rěč towaršna,
 Jich swobodnosć je spadnyła. Hdžež kralowski stoł Miloš ma?
 O ně, o ně, O ně, o ně,
 Naš wóteny kraj ma wjetši być! Naš wóteny kraj ma wjetši być!

Ha, što je Serbow wóteny kraj? Ha, što je Serbow wóteny kraj?
 Snadź Pólska je ta ryčerska, Je Rusowska ta njeskónčna,
 Tak horliwa za swobodu Kiž třecina wšej' zemje je,
 A njespěšna za jednotu? We kotrejž slónčko njezańdže?
 O ně, o ně, O ně, o ně,
 Naš wóteny kraj ma wjetši być! Naš wóteny kraj ma wjetši być!

Ha, što je Serbow wóteny kraj? Duž powěž mi tón wulki kraj!
 Iliriska, Dalmatiska? Wot Łobja dže hač k Dunaju,
 Je to Ragusa znajomna, Wot čornoh' morja k lodowom',
 Toh' morja stara kralowna? Wot baltiskoh' hač k kamčatskom',
 O ně, o ně, • To je, to je
 Naš wóteny kraj ma wjetši być! Nas Serbow wulki wóteny kraj!

H. Zejleř, Zhrom. spisy I.

24.

Mój wóteny kraj.

Wěš mi mój rjany wóteny kraj? Wěš mi mój rjany wóteny kraj?
 Wón zloty njej, to nježadaj; Na němski kraj mi njehladaaj,
 Pod figowcom a palmami Mój kčějata je wobnožka
 So jeho zemja njekrasni — Naštomje sławnoh' Słowjanstwa
 O ně, o ně! Wón ponižna Haj, to wón je! a njespadnuje
 Je płódna boža zahroda. A Łužica so mjenuje.

Wěš mi mój rjany, wóteny kraj? To je, to je mój wóteny kraj,
 Na mjezow šěr'jom' njehladaaj, Mój serbski dom a zbóžny raj,
 Za hordym knjejestwom njeleci, A kiž tu rodža kčěc a rosć,
 A krwawne brónje njewótri — Tym k zbožu je tež wulka dosć —
 O ně, o ně! Štož khwalbu ma, Kčěj, krajo, kčěj! ty jasniši
 Je jeho wulkosć pytana. Na česći a na pěknosći!

H. Zejleř, Zhrom. spisy III.

Tak krasny wječor.

Tak rjany wječor. — W stole płachtatym
So kolebam a z myslemi sej hraju,
Hdyž woko k njebiesam dže kčějatym
A měri doł a horu w ćichim kraju

Z młhu pada džeń a jeho khwilička.
Dny w dalinje so hibaju kaž sćinje —
Tam směje so, tam płáče myslička,
Hdžež juski du, hdžež woko w sylzach hinje

A woko k horam saha přede mnu —
Kaž nóc so nizke hory z blizka čornja.
A za nimi so wyšše zběhaju,
Kaž lazur jich so módri kroma hornja.

A z jasnej pychu njezapomnički
Ktu wjerški štyri za nimi tam zady;
A je, kaž złoto bychu hwězdźički
Sej na nich kazałe tam do hromady.

Plašć čorny wobležena hodžina
Je husto, doniž kroči ěi po boku,
A w myslach pusta šeri ěmowińa
A bědy bjeru blyšće a módrosć woku.

Hdyž džeš pak z wokom k hwězdam zhladuju
A khowaš wutrobu a hłowu khmanej
Sej, a čorny płášć so rozdrje spaduju,
A póndžeš jako na kwas z družku rjanej.

Štož tebe bolało, ěi budže kčěć
Kaž njezapomnička we spominanju,
Štož z wichorami wuło, budže wěć
Kaž postrow ěi we hwězdnym blyskotanju

O kuzło słódke! W stole płachtatym
So kolebam a z myslemi sej hraju,
Hdyž woko k njebiesam dže kčějatym
A měri doł a horu w ćichim kraju.

A sylne wot žiwicy wonjenje
 Wětr z jědlow njese, z róžow něžne wonje,
 A mile w myslach čehnje zwonjenje,
 A rajski ptak mi wobłětuje skronje....

J. Čišinski, Z juskom wotčinskim.

26.

Toast Čišinskeho

při swjedenju 20lětneho wobstaća „Towarstwa serbskich burow“

w Małym Wjelkowje 11. oktobra 1908.

Česćeni přitomni,

lubi serbscy hospodarjo, lube serbske hospozy!

Mi je so wot česćeneho předsydstwa „Towarstwa serbskich burow“ dowěrił rjany nadawk, was w tutej sali džensa z přiměrenym toastom postrowić. Dokelž sće džensa, štož je porědko takle mužowje a žony zhromadźeni, sym sebi wotmyslił, wulkotnu wažnosć serbskeje hospodařskeje swójbje za naš lud a kraj wuzběhnyć a woslawić.

Wo swójbje cheu porěčeć, po tajkim wo serbskim hospodarju, wo serbskej hospozy a wo serbskich džěćoch. —

Naležnje prošu, přikhilće mi lubosćiwje wucho a wutrobu!

Wo swójbje řeču, wo serbskej hospodařskej swójbje řeču:

Muž dyrbi měć jasne woko, wótru wolu a worclowy rjap.

Žona dyrbi měć we wutrobje lubosć, we swójbje sćerpnosć a w domjacym džěle wutrajnosć.

Muž je knjez na polach a dyrbi swoju hordosć pytać w dobrym džěłanju rolow.

Žona je knjeni we domje a dyrbi swoju česć hladać w porjadnosći doma a hródžow.

Muž dyrbi być kruty stołp, wokoło kotrehož so wjerći žiwjenje cyłego kubła, cyłego statoka.

Žona dyrbi być pěstońča, ke kotrejž cyły dwór a dom so z lubosću a z dowěru tłóči.

Hdyž muž dyrbi być kruty z ludźimi w džěle a na polach a hdyž so druhdy hrabnyć da wot nahłosće, to žona dyrbi doma zaso narunać z lubym wóčkom a přecelnym słowom, zo cyły dom wostanje w přezjednosći a spokojnosći.

Spokojna přezjednosć mjenujcy dyrbi być to, štož je džěćom kolebka, w kotrejž kóždemu so dóstawa wotpočnjenja a pokoja, noweje lubosće a čerstweho lóšta do džěla.

Džěci su a dyrbja być wjesołosć staršich, jich najdrožši pokład, jich najrjeńša nadžěja za přichod, jich słódki tróšt na wuměnk u a jich lubosćiwa pomoc na khorotožu.

Kaž su starši a džěci jedneje krwje, tak dyrbja tež być jedneje mysle, jednoho přesvědčenia; džěci dyrbja być po staršich. Nan a mać a džěci tworja swójbu, tworja čělny a duchowny cyłk, tworja kóždemu ludej žórło žiwjenja a stołp narodneho byća.

Tu maće a tu widziće wulku, haj wulkotnu wažnosć swójby; z toho poznawaće pak tež wulku zamołwitosć nana a maćerje napřećo džěćom, wulku swjatu zamołwitosć džěci napřećo nanej a maćeri.

Starši, budźće sprawni a krući we wotčehnjenju džěci: wy sće serbscy, tež džěci dyrbja być a dyrbja wostać serbske. Tuž hladajće na to, zo waše džěci nječinja nihdy na nihdy žadne cuze wopičenje, žadne kołwrotne kekleřstwo, žadnu hlupu nadutosć a žadne pojacojte brojenje z pjenjzami. Budźće krući napřećo džěćom, hewak potom w jich rukach traš pojědže kubleško a na krući budže waša swójba, waša swójba, kotraž je lětsotki dołho stała z česću, so žiwila po sprawnosći a hajila serbsku krew a serbsku řeč, serbski raz a serbske mjeno. Starši, serbscy lubi starši, budźće krući, železnje krući napřećo džěćom! Čas je strašny, naš čas je zatrašnje strašny! — A nas Serbow je tak mało! —

Kóždy serbski dwór dyrbi być škitar a zakhowař serbskeje zemje; kóždy serbski dom dyrbi być lubozna kapałka čestneho a křesćanskeho serbskeho žiwjenja, kóžda serbska hospodařska swójba dyrbi być studnja, njezaprahnita studnja serbskeho byća a tyća — —

Haj, lubi serbscy hospodarjo, lube serbske hospozy, tajki dyrbi być serbski hospodař, dobry rólnik wonka. Tajka dyrbi być serbska burowka, dobra hospoza doma. Tajki dyrbi być serbski dwór a serbski dom. Tajka dyrbi być serbska hospodařska swójba. Za cyłu swójbu a cyły dwór pak njech plaći přez cyłe lěto: Spěwaj a džěłaj! Bóh daž, zo by kóžda serbska hospodařska swójba byla — tajka! — Potom móžemy z wěstosću wočakować, zo Bóh budže dale z nami, z našimi polemi, dworami, domami a swójby, potom budže na wěki trać a rosć a kěćć nam serbska zemja luba! Potom budže čestna, pilna, solidna a bohabožna hospodařska swójba nam dale džeržeć serbsku zemju, serbsku krew, serbsku řeč, serbsku česć a serbsku hordosć —

Tule nadžěju pak mam, hdyž nětko hladam po tutej přepjel-njenej sali, hdyž widžu pychu našich serbskich hospodařskich swójbow. Hišće rosće pak moja radosć, hišće bóle so zběha moja nadžěja do přichoda, hdyž widžu, zo je so k nam přitowařišo telko knjezow a mužow ze serbskeje inteligency. A moja móc so rozšěrja, moja krew so zapala a woči a křidła zběhaju so z mocu horje k swětlu a k swobodze — —

W tutym zmysłu, lubi a česćení hospodarjo a hospozy a hosćo z intelligency, zběham swoju škleńcu a z cyłej lubosću serbskeje wutroby a z cyłym wohnjom serbskeje krvje wam zawyskam: Njech wěčnje traje, rosće, kćěje serbska hospodařska swójbja. Tohodla was w lubosći prošu, stańće a přimńće so swojeje škleńcy a zahrimajće ze mnu:

Swěrnej serbskeje hospodařskeje swójbje: Sława!

Lužica 1908.

27.

Narodne pěsnički.

I.

PŘADĽA JE MARJA KUDŽELKU.

PřadĽa je Marja kudželku,	ŠiĽa je Marja košulku,
kudželku židžanu;	košulku židžanu;
přěnju je nitku napřadĽa,	přěni je šowčik zešiĽa,
kudželku dopřadĽa.	košulku došiĽa.

Marja te reje wjedžeše,
ze swojim džěćatkom.
Tak wona so Bohu lubješe;
jandželki scěh'wachu.

ŠTÓ TU KHODŽI PO MOJIM ROWJE.

„Štó tu khodži po mojim rowje,	Štwórtk je wječor zašiwany,
zhibuje trawku zelenu?“	sobotu wječor došity!“
Khodži tu z hroda młody pan,	ŠoĽ je pan do dwora domoj,
zhibuje trawku zelenu.	žalostnje jara pĽakaše.
„Rjekń ty swojej młodej pani,	Pani z woknom dele hlada,
zo dri mi druhi kitel šić!	swojeho pana wuhlada.
W tym ja ležeć njemóžu,	„Pře čo pĽačeš, młody pano,
w tym ja ženje njezhnju!	boli će twoja hĽowička?“

„Mje njeboli nic hłowčeka moja
a tež mi hewak ničo njej';
ty driš swojom' njeboh panej
jedyn druhi kitel dać.
W tym wón ležeć njemóže,
w tym wón ženje njezhnije!“

„Štó tu khodži po mojim rowje,
zhibuje trawku zelenu?“
Khodži tu z hrodu młoda pani,
zhibuje trawku zelenu.

„Ja ěi druhi kitel njesu!“
Row so rjenje wotewri.
„Stup ty ke mni do mojoh' rowa,
wostaj sej kluče před rowom!“

Młoda pani do rowa stupa,
žałostnje jara płakaše.

„Pře čo płčeš, młoda pani?
Je tebi žel twojoh' nowoh'
hrodu,
je tebi žel twojoh' młodoh' pana,
je tebi žel drobných džěćatkow?“

„Mi nic njej' žel nowoh' hrodu,
mi nic njej' žel młodoh' pana,
mi nic njej' žel drobných dže-
ćatkow,
štož jenož małoh' Micholatka.
Micholatko, njebožatko,
we tujawcy ěiše spaše,
Katržinka mólička,
ta jeho rjenje kolebaše.
Tej stej dvě młodej syrotecy,
tymaj wy křiwdy njećiniće.
Štóz b'dže jimaj křiwdy ěinić,
temu so derje njepóndže!“

J. E. Smoleć: Pěśnički Hornich a Delnich Serbow.

SERBSKE DOBYČE.

Serbja so do Němcow hotowachu,
Słowčeka pak němscy 'šće njemóžachu.

Swoje sej koniki sedłowachu,
Swoje sej wotrohi připinachu.

Swoje sej mječiki připasachu,
Do pola runeho zjěždžowachu.

Prěni króć na wójnu wučahnychu,
Wulke tam dobyće wudobychu.

Hdyž bě to zhonił tam kral tón jich wjerch,
Dał je jich wšitkich wón před sebje přińć.

Wšitkich wón jara je wukhwalował,
Do swojich wojakow wšitkich je wzał.

Druhi króć na wójnu wučahnychu,
Wulke tam dobyće wudobychu.

Hdyž bě to zhonił tam kral tón jich wjerch,
Dał je jich wšitkich wón před sebje přińć.

Dał je jich wšitkich wón zwoblekać
Do samoh' čorlacha čerwjeneho.

Třeći króc na wójnu wučahnychu,
Wulke tam dobyće wudobychu.

Hdyž bě to zhonił tam kral tón jich wjerch,
Dał je jich wšitkich wón před sebje přińć.

Dał je wón kóždemu ryzy konja,
Hišće tón swětlý mječ k zejhrawanju.

Narodny spěw. M. Hórnik, Historija serb. naroda.

28.

Ryčerski kěrluš.

„Serbskeje rěče zamoženje a khwalbu
w ryčerskim kěrlušu“ spěwaše *Jurij
Mjeń*, duchowny w Njeswačidlu. Po-
rjedži a wuda A. T. R. Mjeń, duchowny
w Kotecach. W Budyšinje z Monsowymi
pismikami 1806.

Spisowaćel mjenuje najprjedy wšěch ewangelskich spisowarjow
wot Molerja w 16. lětstotku započinajo a skónči z delnjołužiskim
spisowaćelom Fabricijom a z Leskom. Potom pokročuje:

Budźće mi witani, dostojni mužojo! Hlej, waše mjena
su kaž saronske róže, kaž z ranja zernički, lube
tudy na zemi tym Serbam; tam pak we knjezowym templu
z błyšćatym pismikom zaryte krasnje do marmornych stołpow.

Wy sće swětło ludźi, a bózscy wodźerjo dušow,
twarjerjo wěry, wučerjo prawdy, pastyrjo swěrní,
tróštarjo zrudnych, lěkarjo khorych, drozy a lubi
pomharjo k njebju, wěrní a swěrní, kaž njesmjertnych jedyn.

Wo žni wy budźeće najwjacy snopow prawdosće nosyć;
wjesele wyskać, hdyž budźe wam mzda tych wińcarjow data;
spěwać před trónom toh' knjeza, we wěčnej radosći krasnje:
česć budź, wysokosć z khwalbu a z modlenjom našemu Bohu
wot wěčnosće hač k wěčnosći, halelujah! a hamen!

29.

Zajac a mrowja.

We sonach slódkich na poli
Knjez zajac něhdy spaše,
Tuž jeho mrowja wubudži,
Kiž po nim zběhowaše;
Wón na nju njemdrje sakruje
A za to smjerć ji sudžeše.

Ach njebudź takle surowy,
Tuž mrowja poča prosyć,
Budź wulcymyslnje zmysleny,
Ja džak chcu wěčny nosyć
We wutrobje a pomjatku
Za twoju sćěrpnu dobrotu.

„Běž,“ rjekny wuchač, „puzorna,
Mi hódno njej' će skazyć,
Hejz' budžeš pak mi do lěhwa
Hdy wjacny na mnje lazyć,
Dha pak so z tobu stało je —
Tón džak — njech jeno wostanje.“

We sonach slódkich po lěci
Tam zajac zasy spaše,
Tuž mrowja jeho wubudži
A jachlo powědaše:
Čekń, čekń! ja widžach ze štoma
Po polu khodžo hajnika.“

Knjez Měšawka so džakuje
A nóżkuje, štož móže,
A ducy sej tak mysleše:
Što podawa so lóže,
Hač zo tón mały zacpity
Je wulkemu tež wužitny.

H. Zejler, Zhrom. spisy IV.

30.

Syrotka.

Hraju sebi hrajachu
Na wsy džěćata;
Madlenka bě k rowniku
Bjez towarškow šta.

Swjaty wječor zazwoni
Po wsy, po polu;
Domoj sebi maćeěrki
Džěći wołachu.

Srjedź dwejt' rowow sedžeše
Blěda Madlenka,
Ronjo z wóčkow krjepjele
Wboha syrota.

„Domoj pójt,“ njewoła
Nan k njej ani mać;
„Tu je jeju komorka;
Při nimaj chcu spać.“ —

W směrkach jandžel přišedši
Wza ju sobu sej. —
W zbožnym raju jandželki
Lubje hraju z njej.

Z nanom zas' a z maćeěrku
Zraduje so nět,
Zabywši we wjeselu
křiwdy poľny swět.

Jan Radyserb Wjela, Lužica 1904.

Jank a Hanka.

Běštaj pak něhdy nan a mać, a měještaj jara wulku črjódu džěci. A nan dóndže do města a kupi běrtl hrochu a da kóždemu džěsću po hróšatku, ale Jankej a Hancý pobrachny. Tohodla jara płakaštaj. Nan pak rjekny: „Mjelčtej a njeplačtej, póndu do lesa drjewo rubać a wój póndžetej sobu do jahodkow.“ Nan wza kulušk a mandlušk sobu a powěsny jej na štom. Jankej a Hancý rjekny: „Džitej přeco a šćipajtej sebi! Doniž drjewko rubam, móžetej jahodki šćipać.“ Wětr pak z kuluškom a mandluškom klepaše a džěsci sebi mysleštej, zo nan drjewko ruba, a šćipaštej přeco jahodki. Běštej so hižo najedłoj, měještej tež počne karančki a džěštej nana pytać. A přińdžeštej tam, hdžež kulušk a mandlušk wisaštej, ale nana tam njebě. Nětko jara płakaštej a běhaštej a wołaštej po lěsu wokoło, ale nikoho njenamakaštej. A hižo so čmješe.

Z dobow wuhladaštej swěcu a naběžeštej poprjancowu khěžku. Do teje přeco dypaštej: „Dyp, dyp do poprjancoweje khěžki!“ Na to stara Wjera z woknom zawoła: „Štó tu je?“ A džěsci zastróženej praještej: „Boži wětřík sam, boži wětřík sam!“ A Wjera wokno zawrě. Potom dypaštej zaso: „Dyp, dyp do stareje Wjerineje khěžki!“ Tuž wona z durjemi wustupi wołajo: „Štódha tu je?“ A wonej so khětre skhowaštej, zo jeju njenamaka. Potom dypaštej přeco zas do khěžki: „Dyp, dyp do Wjerineje khěžki“. Tu pak stara Wjera a jeje sotra ruče wuskočištej a džěsci popadžeštej. Wzaštej jeju nutř a Wjera praji: „Nětkole budu waju kormić,“ a zawrě jeju do khlěwička a dawaše jimaj same w mlócy całty k jědži.

Potom přińdže hladać, hač staj kormjenej dosć. „Janko, tykń swój porsćik won, hač sy kormjeny dosć!“ wona rjekny. Wón pak swoju pišćalku tykny, kotruž běše wot domu sobu přinjesť. Wjera do njeje řězny: „Och, ty njejsy hišće tučny dosć, to je wšitko hišće jara kosćojte! Hanka, tykń ty porsćik won, kač sy kormjena dosć.“ Hanka pak porsćik z pjeršćenkom wutykny. Stara Wjera řězny přeco do pjeršćenka: „Och, tež ty njejsy hišće tučna dosć!“ A Wjera woteńdže swarjo.

Potom pak harowaštej tak jara, a Jank zhubi swoju pišćalku a Hanka swój pjeršćenk. A stara Wjera přińdže zaso hladać, hač staj kormjenaj dosć. Wón swój porsćik tykny, a Wjera do njeho řězny, hač kreć jeno tak běžeše. „Hanka, tykń swój porsćik won, hač sy kormjena dosć!“ Wona jón tykny, a Wjera do njeho řězny,

hač krew jeno tak běžeše. A stara rjekny: „Haj haj, staj wobaj kormjenaj dosć, nětko waju wopjeku.“

Wona pěk tak prawje wupyri, wza Hanku a Janka a praješe: „Nětko sydńtaj so na tule łopatu!“ Wonej sydaštej so na łopatu, pak tak, pak hinak, wona jimaj přeco powědaše, kak matej so sydać, ale wonaj padžeštej kóždzički króć dele. „Njewěmoj, kak mamoj so sydnyć, pokaž džě namaj!“ Tuž sydže so stara Wjera na łopatu a džěsći ju fuk sunyštej do žehliweje pjecy. Wona spali so cyła w žehliwej pjecy a džěsći běžeštej wjesotej před khěžku.

Tu bě swětlý lód na hatku, a Jank a Hanka smykaštaj so wjesele po lodže. Tu dohlada so Wjerina sotra na njej a chceše jeju popadnyć. Spěšnje přiběža z khěžki a zaběža na lód; tola tu so wobsuny a padajo rozdrě a rozrazy so, přerazy lód a so zatepi. Jank a Hanka měještaj nětko poprjancowu khěžku a bydleštaj w njej.

Jónu přindže nan do bližiny drjewo rubać. Wuhladawši poprjancowu khěžku zastupi. Kajka bě to radosć, hdyž Janka a Hanku čiteju wohlada! Wonaj daštaj jemu so najlěpšoho najěsć a napić. Potom póstaštaj jeho z wulkim břěmjenjom poprjancow domoj k maćeri a bratřikam a sotřičkam. A kóžde dósta po poprjancu. Nazajtra wopytachu wšitcy poprjancowy domičk. O, to wjeselo, to bě radowanje! Jank a Hanka pak mataj khěžku hač do džensnišeho dnja, jeli jeje njepředaštaj.

Ze serb. bajkow. Nawkowa zběrka.

32.

Wěra do Serbowstwa.

O mój lubši ludo serbski,
 Sy ty wusnył, sy ty khory?
 Je duch blazny, zawjedžeřski
 Twoju nohu wjedł na hory
 A ěi swěta krasnosć pokazał,
 Zo by před njej ty so zhibował?

Zo by narodnosć so slěkał,
 Swoju pychu čestnu, rjanu?
 Serbski sy ty dotal rěkał —
 Nječuješ ty ranu ždanu?
 Škruty z morja zymnoh' płowaja
 K serbskim wutrobam so přiloža.

Hory, doły, haje, hola,
 Serbske mjena hišće noša;
 Kamjeń, drjewo, rěki, pola,
 Su to posledni, kiž koša
 Pjaty dobrych džěci serbowski,
 Swědky serbskich zynkow poslednich?

Ně, ně! Lubi bratřa serbsey,
 Wótna rěč přez hona, prohi
 Z wami khodźi dobyćeŕsey,
 Žadyn wot was njebudź wbohi;
 Štóz sej kraje serbsku pokrutu,
 Wostań Serb, měj serbsku wutrobu!

* * *

Žiwu hałzu, płódnú ćěri.
 Wěŕjace to Serbowstwo,
 Serb je, kiž do serbskoh' wěri,
 A sam z toho česći so.
 Štóz so Serbstwa hańbuje,
 Němskich plantow hódný je.

H. Zejleř, Zhrom. spisy I.

33.

Hólčik kaž palčik.

Běštaj pak něhdy nan a mać, kotrajž žadneho džěsća njemě-
 ještaj, byrnjež Boha bóle prosyłoj.

Jónu muž zdychny: „Ach hdy bych ja tola synka měł, byr-
 njež wjetši njebył hač palc!“ A hlej, jeho próstwa so dopjelni; dósta
 synka kaž palčika. Tutón pak bě jara džiwi a skakaše po blidach
 a po scénach, tak, zo so staršej boještaj, zo mohł so padnywši
 zarazyć.

Jónu běše nan na polu, mać pak butru dželaše. Tuž poča
 hólčik palčik wołać: „Maći, maći! ja chcu nanej butřanku na polo
 njesć.“ „Ach, ty džě njejsy wjetši dyžli palc,“ mać rjekny, „kak
 dha chceš to blešku njesć?“ „Zwjazaj mje jenož z někajkim rubiš-
 kom k blešcy,“ hólčik mjenješe, „potom chcu so hač k nanej na
 polo kuleć.“ Zdaloka hižo poča wołać: „Nano, nano! ja ći butřanku
 njesu!“ Nan wokoło so hladaše, ale njepřińdže za tym, što tak
 woła, doniž so jemu bleška z hólčikom pod nozy njekuli. To bě
 wjesela!

„Doniž swačiš, nano,“ palčik nanej džeše. „chcu ja za tebjě worać.“ „Kak dha chceš ty worać, ty džě wjetši njejsy dyžli mój palc?“ Hólčik pak rjekny: „To ničo njewadži; sadž mje jednemu konjej do wucha!“ A nan jeho konjej do wucha sadži. Hólčik palčik pak wołaše hi a hót, a konjej khodžeštaj po roli.

Tu přiějědže bohata knjeni w rjanym wozu nimo. Słyšeše, zo něchtó na konjej woła a z nimaj wora; widzeć pak nikoho nje-móžeše. Tuž woprašá so bura, štó tam tola tak woła. „To je mój hólčik,“ wón wotmołwi; „tón njeje wjetši hač mój palčik a sedži w konjacym wuše.“ Knjeni so hólčik palčik lubješe a cheyšě jeho nanej wotkupić; wón pak nochyšě jeho předać. Ale knjeni rjekny: „Ja ěi sto toler a młodeho konja dam.“ A nan hólčka předa. Knjeni jeho wza na wóz a wotjědže.

Bórzy přiějědzechu do wulkeho lěsa. Palčik bě we wozu myšacu džěrku wusledžił, a z njej wuskoči won a nastaji so dom. Ale nóc jeho překwapi. Njedaloko domu sprócný wusny. A bě tołsta ěma, zo mohła sekera wisać.

Móžno, zo wón wot myšacej džěrki za myšu wonješe. Přetož kóčka přiběža, čuchny a hap, šlap jeho za myšku šlapny. Nazajtra hólčik w kóčecynym brjuše wotući, ale kak so stróži, hdyž bě wokoło njeho ěma sama. Kóčka laptáše poliwiki; tu palčik w jeje brjuše poča wołać, zo bychu ludžo słyšeli: „Čeja je poliwiki, moja abo twoja? Čeja je poliwiki, moja abo twoja?“ Ludžo myslachu, zo je so hlupy do kóčki dał, ju zarězachu a kutło zady bróžnje ěisnychu.

W nocy pak přiřhna so wjelk a kutło zežra. Palčik bě nětko hišće we wjetším straše. Wón pak bě překlepány a wjelka narěča, do nanowych kołbasow hić. Wjelk da so narěčeć myslo: „To budže kermuša!“ Lědy móžeše z wuhladkom do pincy. Najě pak so tak, zo won njemóžeše. Ha nětko palčik wołaše, jako by pinca do hromady padała: „Nano, maći! jowle je wjelk! Nano, maći, wjelk tu je!“ Tutaj přiběžeštaj; nan z kijom wjelka zarazy, mać rozpró wjelkej brjuch a palčik wjesoły wuskoči — runje maćeri na krawny nóz. To bě radosć wšitkim třom. Palčik wjacý do swěta njechaše, hdžež bě telko wustał. Hladaše, hdže by nanej a maćeri pomhał.

Ze sydmy m lětom daštaj hólčka krawcej, zo by krawstwo nawuknył. Tu poby lěta; ale jemu so njelubješe, dokelž přeco hubjene k jědźi dóstawáše. Cheyšě tohodla dale hić a rjekny krawcowej žonje, zo by jemu tola posłědni džen něšto dobrego zwarila. Wona drje to slubi, ale palčikej njechaše so wěrić. Tohodla džěše,

hdyž so jěsć warješe, do kuchinje hladać, hač tež to žona lhała njeje. Běše pak jara mały, a tohodla dyrbješe na kromu hornca stupić, chcyše-li do njeho widzeć. Tu pak jeho kur sobu wza a z wuhenjom won čisny. Něšto stow kročeli dale krawcec znješe so na zemju.

Wjesele trypotaše dale a njebojaznje pućowaše do čmoweje nocy. Přińdže do lěsa a mučny sydze so spody wulkeho hriba a wusny. Ale dołho njetraješe, přińdže krawski ze šića a mučny sydze so runje na hólčka palčika. Tón pak poča wołać: „Stanješ na měsće abo će ze šidleškom kolu.“ Naš krawski, bojazny kaž wšitcy krawcy, čekny khwatajcy, a hólčik měrnje dale spaše.

Za khwilu pak přińdžechu paduši. Jedyn sydze so na hrib, pod kotrymž palčik spaše. „Stanješ abo će kolu,“ hólčik zawoła. Paduši — běchu tři — počachu hladać, ale nikoho njewuhladachu, doniž palčik jednoho za kholowu njepotorha wołajo: „Njezateptaj mje!“ Nětko so na njeho dohladachu a prajachu: „Nó, tebje móžemy runje trjebać. Hižo smy na hrodže kradnýč spytali, ale wšo bě zezamkane. Ty tola z klučowej džerku do hrodu zalěžeš!“ „Mojedla,“ palčik praješe a džěše z nimi.

Přińdžechu k hrodej. Za wokomik bě hólčik na muri. Pytaše škařbu, z kotrejž mohl nutř zalězć, a bě tak zbožowny, zo ju skónčnje namaka, a zalěze nutř. Za khwilu bě slyšeć klimp, klamp, a namjeta jim wjele toler dele. To zaslyšachu tež wobydlerjo a přiběžachu do komory. Tu pak splóšiwje so wobhladajcy ničo njevidžachu a hižo so wróćachu. Palčik pak so dlěje smjeću njewobró a poča wótre kichotać. Služownicy běžachu khětre do toho rózka, z kotrehož běchu kichot slyšeli, ale wón bě hižo w druhim rózku. Tak so na poť hodžiny honjachu, doniž služownicy myslo, zo šeri, nječeknychu. Palčik domjeta nětko zbytk a zalěze dele.

Ducy trjechi dweju mužow před pincu stojo radžaceju so, kak byštaj z njeje twarožki zwučahaľoj. „Ja wamaj pomóžu!“ oalčik rjekny a zalěze do pincy. Tu poča wołać: „Kajke chcetaj měć, óžkate abo kulojte?“ Wonaj prajištaj: „Bjeř, kajkež tam su, a budě z měrom!“ Wón pak njepřesta woľe. Na to přińdžechu ludžo a padušnikow wotehnachu.

Palčik pak z pincy wulěžši tupotaše dale. Hišće w nocy naďeńdže wosrjedz lěsa dwór. To bě statok rubježnikow a paduchow. Suny so pod wrotami do bróžnje a lehny so do synac spać a wusny. Rano přińdže džowka po syno a hrabny runje homadku, hdžež palčik ležěše. „Woľanje njepomhaše!“ palčik mysleše a zawali so do

wulkeho łopjena. A kruwa je cyle póžrě, dokelž bě jej škoda, rjane łopjeno rozkusać. Nětko palčik w kruwje haru započa: „Čeje je mloko, moje abo twoje? Čeje je mloko, moje abo twoje?“ džowka dojo so nastróža a do jstwy běžeše, wołajo, zo je čert do kruwy zajěl a tam haruje. Hospoza praješe: „Što tež to so tebi dźije,“ a džěše sama dojić. Wšitcy khwatachu za njej do hródze; ale zaso slyšachu: „Čeje je mloko, moje abo twoje? Čeje je mloko, moje abo twoje?“ Na to kruwu zarězachu a čisnychu kutło na hnój. Mjaso pak zjěchu: Ale na nje wumřěchu. Kradnjena kruwa přinjesa jim smjerć.

Kutło zežra wjelk. Palčikej bu zatrach. Hdyž wjelk přez polo běžeše, zo by wowčerjej jehnjo kradnył, wołашe hólčik palčik hižo z daloka: „Wowčerjo, wjelk dže!“ „Chceš mi z brucha won, wjedrowy hólče!“ wjelk swarješe a čekny khwatajcy. „To ja chcu,“ palčik wotmołwi, „ale ty dyrbiš mje na wopuši k mojemu nanej donjesć.“ „K tomu khwile nimam,“ wjelk zmórča a čerješe na druhe polo, hdžež bě črjóda ćelatow. „Ćelerka, ćelerka,“ wołашe palčik hižo z dala, „wjelk do ćelatow dže, wjelk do ćelatow dže!“ Wjelk dyrbješe zaso cofać a ruješe: „Wjedrowy hólče, chceš mi z brucha lězc!“ Wón wotmołwi: „Prjedy nic, doniž mje na wopuši k našemu nanej njedonjesěš.“ Dokelž běše wjelk jara hłódný, slubi to. A hólčik palčik sydže so wjelkej na wopuš.

Hdyž pak k nanej na polo přińdžeštaj, poča hólčik wołać „Nano, zaraž wjelka; nano, zaraž wjelka!“ A nan zarazy wjelka a na njezbožo tež palčika, a přez to bu basnički kónc.

Ze serbskich bajkow. Nawkowa zběrka.

- 34.

Serbska lipa.

Radosćiwa widži lipku młodu
Maćer Sława w zemi serbowskej,
Kotruž we lubosći bratrowskej
Sadźichu tam synojo jej' rodu;

Žadosćiwa čaka zažnoh' kwěća
K zbožu swojoh' luda serbowskoh',
Nadžěja so ducha wótcowskoh',
Kiž by Serbstwu wrócił rjenje lěća.

Duž dha, lubi bratřa, z horliwosću
Serbsku lipu hajmy, pěstońmy,
Zo by rjana kćěła z płódniwosću.

Ha, za narodnosť a wěrne zbože
Swojoh' luda mócnje postańmy:
Njeminje nas žohnowanje bože!

Jakub Buk, Hórnikowa Čitanka.

35.

Čista wutroba.

Čista wutroba	Čista wutroba
Je ta róžička,	Je ta hwězdzička,
Kiž na kóždym puću kčěje,	Kiž we čmowej smjertnej nocy,
Hdžež so boža lubosć směje,	Hdyž nam zańdu naše mocy,
Hdžež so zjednoća	Miłu jasnosť da
Z wěru nadžěja.	Na puć do njebja.

Čista wutroba	Cista wutroba
Je ta studnička,	Słódke spanje da,
Kiž nam dawa móc a syłnosť,	Hdžež po sprócnym čěžkim
K dobrym skutkam prawu swěr-	džěli,
	nosć, Kiž smy tudy džělać měli,
A we hórkosći	Smjerć nas powoła
Dušu wokřewi.	K měrej do rowa.

Čista wotruba
Wjedze do njebja,
Pyši nas při božim trónu
Z njezachodnej krásnej krónu;
Čista wutroba
Wěčnu zbóžnosť ma.

Herta Wićazec, Hórnikowa Čitanka.

36.

Měsačk.

Hlej, měsačk z jasnym wobličom
Přez njebo číše kroči;
Kónc njeje z jeho swětleskoim,
Hdyž njewidza joh' woči;
O hdžež tež wón swój kućik ma,
Jom' stónčko wóčko přikhila.

Kaž měsačk budź, o wutroba,
 Budź čicha, jasna, miła;
 O njepraj: mi je zrudoba
 Wšu swětłosć začěmniła; —
 Hlaj, hdžež so twój khód zložuje,
 Na tebe Bóh Knjez zhladuje.

K. A. Fiedler, Hórnikowa Čitanka.

37.

Złote kubło.

Nan mješe troch synow, kotrychž jara lubowaše, a da jich, dokelž běše zamožity muž, přislušnje wukublać. Staršej bratraj wuknještaj jara derje, njemčeštaj pak tak dobře wutroby kaž młódši, Pětr, kiž bě „trochu hlupikojty“ a tamnymaj wólnikomaj wěcnje k žortej. Samaj pak běštaj jako do swěta šwarnaj pachoťaj w cytej wokolnosći znataj. Wšudžom mještaj so na kedžbu a kóždy wědžeše, zo kroški ličić njetrjebataj, dokelž něhdy nanowe „złote kubło“ zdžědžitaj. Zo běštaj we swójbach, hdžež běchu holčata, rad widžanaj, a zo so někotražkuli mać mało njewjeseleše, hdyž mještaj pachoťaj jeje džowku prawje zaňč, tomu so spomnjenych přičinow dla džiwać njemóžemy. Pětrej drje tež nihtó kamjenje na puć njekładžeše, tola přez měru jeho kedžbu njemějachu. Wón derje wědžeše, kak ludžo wo nim mysla, zo mjenujcy so do swěta njehodži, bě bóle sam za so, a hladaše jenož, zo by nanej wjeselo činił. Dawno hižo staršej bratraj čakaštaj, hač jimaj nan skoro złote kubło njepřepoda sam so na wumjeńk sydnywši. Tu powoła nan jónu wšěch synow a wozjewi jim, zo chce nětko wot swojeje prócy wotpočować, a zo jednomu z nich „złote kubło“ wotstupi; rad wšak by wšitkich jenak bohaće wobdžělił, ale bohatstwo so džělić njemóže. Tohodla ma kóždy někotre kuski wuwjesć, a štož dobudže, tón kubło dostanje.

Najprjedy dyrbi kóždy wot swojeho holiča rjane rubiško přinjesć; kotryž najrjeńše přinjese, je přeni raz dobył. Wjesoťaj woteńdžeštaj tamnaj; zo mohł Pětr nad nimaj dobyć, to ani njemysleštaj, dokelž wón — to derje wědžeštaj — holiča bliže njeznaješe. Wot swojeju žadaštaj sebi nětko najrjeńše rubiško, njedostaštaj pak je, dokelž kóždy mysleše, zo tama wěsće swoje najlěpše njeda. Pětr, kotryž so prjedy wo złote kubło starał njebě, džěše zrudny za huna, njewědžo, hdže ma po rubiško hić.

Tola kak postróži so wjesele, hdyž z cuzym, ale z miłym a přecelnym hłosom swoje mjeno mjenować zasłyša! Njewědžeše, što

jeho woła, dokelž koło wokoło nikoho njewuhlada. Bórzy pak pytny, zo hłós ze zemje přikhadža a spózna, zo wulka zelena žaba na njeho rěči. Hdyž tuta widžeše, zo je ju Pětr pytnyl, woprašo so přečelnje, čehodla je tola tak zrudny. Hdyž bě ji Pětr wšitko swěru wupowědał, praješe wona: „Njerudž so, wšak mam sama džowku, ta móže džě či rubiško dać; pój jeno sobu.“ Lědom bě něšto kročeli šoł, wuhlada na zahrodže džěru do zemje a pozasta tu; towarška pak jemu radžeše, zo by po skhodže za nej dele stupał. Khětro časa so pominy, doniž skónčnje do rjaneje jstwy njepřińdžeštaj. Žaba hnydom swojej džowcy, kotraž při woknje sedžo šiješe, rjekny: „Tu tebi swěrneho pachola wjedu, daj jemu prawje rjane rubiško!“ Ruče holička stany a wjedžeše Pětra ke křini, wšelake rubiška jemu pokazuju, zo by sebi jedne wubrał. Mać pak ji přikaza, zo ma je sama wubrać, dokelž muž wo žonjacych trundlkach ničo njerozumi. Tuž jemu džowčička najrjeńše rubiško přepoda. Lubje so podžakowawši woteńdže Pětr wjesoły domoj, hdžež hižo nan a bratraj na njeho čakachu. Tola kak so bratraj stróžištaj, hdyž dyrbyeštaj samoj wuznać, zo je Pětrowe rubiško najrjeńše! Nan pak dale na to njedziwaše, ale praji, zo hišće wěc wučinjena njeje, zo ma kóždy drohi a rjany pjeršćen domoj přinjesć. Trochu pokhmurjenaj woteńdžeštaj tamnaj, a tež Pětr bě zrudny, dokelž dyrbyeše znowa tamnu holčku wobćežować. Tola so zwaži a prošeše wobydlerku „tamneho swěta“, zo by jemu tola pjeršćen z ruki dała, a zo budže ji to mytować, budže-li móžno. Wona sćeže swój pjeršćen a da jón Pětrej; tola džiwnje so jemu zezda, zo tu žabu njewuhlada, ale na zahrodže staru žonku. Wostajiwši wšeho khwataše domoj, hdžež hižo zaso wšitcy na njeho čakachu. Joho pjeršćen bě zaso najrjeńši a najdróžši. Bratraj hižo mysleštaj, zo je za njeju wšo zhubjene. Hdyž pak nan wuzna, zo jenož tón kubło dóstanje, kiž nazajtra najrjeńšu a najpřistojnišu njewjestu přiwjedže, zebraštaj so z radosću kóždy po swoju njewjestu. Cyle kruće wěrještaj, zo tón raz dobudžetaj. Pětr džěn njewěrješe sebi holcam do wočow pohladać; tamaj pak běštaj sebi kóždy rjanu a bohatu holcu wuzwoliłoj. Pětr džěše bjeze wšeje nadžije za huna; dopomni drje so na tu, kotraž bě jemu krasne rubiško a drohi pjeršćen dariła, ale zo by jeho njewjesta byla, sebi tola žadać njemóžeše. Tuž khodžeše pomałku po zahrodže: znowa wusłyša znaty hłós, kotryž so jeho prašeše, čehodla dha je tola tak zrudny. Wón pak wotmołwi: „Kak njedyrbjał zrudny być, wčera hižo myslach, zo sym złote kubło zdžědžil, ale nětko je nan jenož tomu lubi, kiž najrjeńšu njewjestu přiwjedže.

Bratraj so mi wusmějetaj, hdyž sam domoj přińdu.“ Zaso jeho žaba do swojeho bydlenja wjedžeše a hdyž tam dóndžestaj, praješe k džowcy žortniwje: „Dwójcy sy pacholej dobyć pomhała, a nětko chce nan hišće kóždeho njewjestu widzieć. Tajku nadžěju smoj w młodźencu zbudžiłej a nětko dyrbałej jeho wopuścić bratromaj k směchej? Kak dha by było, hdy by ty njewjesta młodeho pachola być chcyła?!“ Džowka pak wotmołwi wjesele so posměwkujo: „Wěš dha ty, hač wón wo mnje rodži?“ Młodženc zhubiwši wšu bojaznosć wuzna, zo by jeho jara zwjeseliło, hdy by tajku njewjestu dóstał. Holičo stany a džěše ze žabu do jstwicy wostajiwši Pětra samoho. Po khwili jeho slubjena z lětnej žonu zaso ze jstwicy wuńdže rjenje zdrasćena. Khwatajcy stupaštaj hromadže k wótnemu domej. Nan džiwaše so njemało, hdže je Pětr nadobo tajku njewjestu hrabnył, hdyž so tola z holcami ženje towaršił njebě. Tu zastupištaj tež hižo bratraj, kóždy swoju sebi wjedžo. Nan pak poručí, zo by kóždy swoju w pyšnej reji powjerćał. Dołho pak njetraješe a wšěm třom nadobnym zwotlěta zwjeršna drasta, dokelž bě někak na nje zwěšana, a tamnej dvě stoještej we wšědnjacej. Pětrowa njewjesta pak běše nětko hakle prawje pyšna a krasna. So džiwapo džěše nan: „Prjedy hižo widžach a tež wój to wuznaštaj, zo je wona najrjeńšeho zrósta; njemyslach pak, zo ma pod njenahladnej drastu tak drohu a krasnu! — Widžitaj, Pětrej je zbože „złote kubło“ dariło, čehož so njenadžach.“ Z tym džěše k Pětrowej njewjesće a postrowi ju jako přichodnu džowku. Staršimaj bratromaj pak da nan něšto hódnje pjenjez, zo byštaj po kublešku sej kupiłoj a samoj hospodariłoj.

Ze serbskich bajkow. Šewčikowa zběrka.

38.

Zapowědzena próstwa.

Njerunych wobćežnosćow a wšelakich podčišćenjow dla přińdže dźělba mjeńšich štyrinohakow před krala lawa wo pomoc a polóženje prosyć. Wušikna liška bě wot nich za řečnika před kralom wuzwolena a řečeše tež jara mócnje a dušnje. „Wšo dobre,“ wotmołwi kral, „ale ze wšim prawom dwěluju na wěrnosći a prawdze wašeje wěcy, moji lubi, nic was skórzbnikow, ale wašeho zastupjerja dla, kotrehož lesnej hubje je čím mjenje wěrić, čím lěpje řeči. Tuž džiće a dajće mi pokoj, doniž njezměju druhich dopokazmow.“

Chceš być derje zastupany,
Hladaj, štó će podpjera,

Jebak znaty, přewołany
 Wěc najlepšu rozkida;
 Z wopluskom ždyn jeho mjena
 Je tež twoja prawda křćena.

H. Zejleř, Zhromadžene spisy IV.

39.

Wjelk a liška towaršej.

W klóštrskim lěsu měještaj pak něhdy wjelk a liška swoju khěžku. W lěće khodžeštaj do jahodow a sćipaštaj wot běleho ranja hač do slepeje ćmy. Při tom so často s ludźimi skhadžowaštaj, kotřiž do sťanja, do drjew a do jahodow khodžachu. Wjelk potom jahodki do města na předań nošeše. Tak so z džělawaymaj rukomaj žiwještaj a z dobow nuzny krošik do zymy nahromadžištaj. W zymje khodžeštaj do wsow na přazu, hdžež tak tryskowaštaj, zo so ludžo khori smějachu.

Jónu po hodžoch běštaj na kwas prošenaj. Hižo pozdže wječor podaštaj so na puć; běše rjany čas a měsačk jasnje swěćeše. Jako běštaj khwilu štoj, nadeńdžeštaj studničku, a wjelk praješe: „Što dha to? A liška praješe: „Hdže ha? “ A wón wotmołwi: „Tu w studničcy!“ A měsačk tak rjenje do studnički swěćeše a běše poľny. A wona praješe: „To je sydrješk“. Wjelk praješe: „Ja sydrješk žalostnje rady jem.“ Liška rjekny: „Mi so jeho njecha, sym so kalenow najedla“. A wjelk zdychny: „Moja čerwjena suknjata, hdy bych ja tón sydrješk měł!“ Liška praji: „Wulapaj wodu!“ A wjelk poča wodu srěbać, zo wšón spróštny, a wusrěba cyłu studničku. Ale tam žadneho sydrješka njebě. A wonaj sebi praještaj, zo je jón něchtó wzał.

Potom džěštaj na kwas. Ducej wopraš a liška: „Kotry z naju pak zbyrne jědže domoj ponjese, ty abo ja?“ „Mni so jara njecha“, wotmołwi wjelk. A liška rjekny: „Wěš ty što, wjelko, nječamoj naju jědže hromadu kinyć dać, chcemoj sebi kóždy wosebje brać. Hdyž budže rěkać: Liška, to je tebi, budže to mi, a hdyž rjeknu: Liška, to je wamaj, budže to tebi!“ Wjelk rjekmy: „Mojedla, ja sym spokojom“. A dóńdžeštaj do kwasneho domu.

Liška sydže so za blido, wjelkej pak za blido njedachu, dokelž běše hrozny a trundlaty. Tuž sydže so lišcy k nohomaj pod blido. Počachu nosyć a wudželeć: To je tebi a to je tebi. — Liška, to je tebi!“ a tak za sobu. Přindže raz něšto špatniše abo hubjene, rěkaše: „Liška, to je wamaj!“ To pak wona wjelkej suny, kiž dawno

njemdry pod blidom čakaše. Na poslédku poča so samo hóršić a porskać. Tuž wzachu sebi hosćo kije, pjerjechu jeho a wuhnachu. Čěkajo zaběža sebi we wšěm straše do kólnje, ale cyła črjóda čerješe za nim. A wón skoči na přatr, ale woni wzachu sej žerdže a do njeho kaľachu. Tu sebi žiwy rady njewědžeše a we wšej styksnosći poča studnisku wodu pušćeć, zo so wšitcy delka tepichu. Mjez tym běše liška swoje drasty zhrabaťa a čehnješe najedžena a napita domoj, zo móžeše so lědy njesć. Poslědnje běše prusnicy jědľa a wišnjowy piťa, z tymi womaza so a zdaše so tajka, jako by krawna byľa. Wjelk hľódny, bity a zrudny ju dosćeže. A liška stonaše jemu tajke kruchi. A wjelk tež jara stonajo skoržeše, kak su z nim zakhadželi. A liška praji: „Aw jawjaw! mi je so hišće wjele hórje šľo, ja njewěm, kak domoj přińdu. Njewidžiš, kak krawju?“ A wona postany a so wali a stany a wali so zas a praji: „Mój luby wjelko, ja bych će prosyľa, zo by mje domoj donjesľ. A wjelk wza ju na khribjet. Jako pak ju njese, směje so liška mjelčo a šepny: „Bity njebiteho njese.“ A wjelk praji: „Šľo dha šepoceš?“ A liška praji: „Ničo dale, mój wjelko, ja jeno wobžaruju, zo ty toho sydrješka njedosta.“ A wón ju dale njeseše. A jako kus dale přińdžešľaj, liška šepny: „Bity njebiteho njese.“ A wjelk jeje sľowa zrozumi a rozľobi so jara. A dokelž runje po ľawcy přez řěku džeše, to ju přeco do wody wotťrase a džeše swoju stronu. To pak lišku přez měru jara mjerzaše.

Běše pak wulka zyma a trochu sněha; a liška běhaše mokra tam a sem a čehnješe swoju wopuš zady so. A hľowa ju boleše. Tajka přińdže na drohu a wusľyša wóz jěć; a skoči ruče za keřk. Pohonč z jerjemi přińdže a drěmaše sedžo na wozu. Tuž liška skoči na wóz, wočini jedyn sudk a wumjeta khětro wjele jerjow z njeho. Potom skoči dele a zjě wšitke jerje hač do jenoho. A jako cheyše so do toho dać, přińdže wjelk a praješe: „Šľoha jěš, moja čerwjena sukjnata?“ Liška praješe: „Ryby. Chceš woptać?“ A wona jemu poľ jerja da a tón jemu jara zesľodža. A wón praješe: „Hdže ha sy tajke dobry ryby ľójiľ?“ Wona praji: „Tule w hrjebi.“ A wjelk rjekny: „Tajke bych ja tež ľójiľ.“ A liška rjekny: „To tykń wopuš do wody!“ Dokelž běše zyma, hižo mjerznješe. A po khwili cheyše wjelk swoju wopuš wučahnyć, a liška praji: „Čěžkaj!“ A wjelk praji: „Ja ničo nječuju.“ Liška rjekny: „To je zahe.“ A po khětrej khwili cheyše wón swoju wopuš zaso wučahnyć; ale liška praješe: „Čěžkaj!“ A wjelk rjekny: „Mi so zda, zo so nešľo jima.“ Liška praji: „To je přeco hišće zahe. To su te maľe rybki.“ Wopuš bě pak

hižo khětro zamjerzła. Po dołhej khwili cheyš e wjelk zaso swoju wopuš wučahnyć; ale liška praješe: „Čežkaj!“ A wón rjekny: „Mi so zda, zo sym prawje wulku rybu popadnył.“ Wopuš pak běše kruće zamjerzła.

Tuž liška praješe: „Čehń!“ Ale wón čahaše, čahaše a tola jeje njewučěže. Liška praješe: „Zapjeraj so, zapjeraj! Ja sym so tež zapjerać dyrbjała, jelizo w hrjebi ležo wostać nochcych.“ A wona džěše swoju stronu. A wjelk čehnješe a čehnješe a torhaše a torhaše; wón so zaprije, ale wšo podarmo. Nětko so rozzłobi a storže ze złosću, hač sebi wopuš přitorže. To pak jeho zatrašnje boleše a wot toho časa běše stajny njepřećel liški, byrnjež přjedy byłoj kaž bratr a sotra.

Ze serb. bajkow. Nawkowa zběrka.

40.

Nalětni čas.

Móc boža nam nětk z noweho
To rjane krasne nalěčo
Po zymnym času dawa,
Hdžež zemja, kiž bě zmjerznjena
So zaso rjenje wupyša
A wšudžom rosće trawa.

Nětk zaso škowrončk wjesele
So k njeju horje pozběhnje
A rjany kěrluš spěwa;
Nětk burski čłowjek z noweho
Dže zwjeseleny na polo
A k nowym sywam džěła.

Wšě štomy, kiž we zymje tu
Kaž wuskhnjene bjez lisća su,
Nětk zelenja so rjenje;
Nětk zaso kóžda zahroda
Je kaž najrjeńša lilija
Přez mnohich štomow kćenje.

Nětk Bóh tón knjez přez hrimanje
Tež zemju zaso roztrěse,
Zo płódnisha by była,
Ju z čopłym deščom wokřewi
A z miłym slóncom zwjeseli,
Zo dobry płód by měła.

Nětk w žiwym času nalěča
Tež kóžda wačka wjesoła
Po swojim wašnju džěła;
Haj cyłe dny so prócuje,
Zo pak, hdyž zyma nastanje,
By jědz a bydło měła.

Tuž prócuju so tež, čłowječe,
Spomń, zo to rjane nalěće
A lěčo zańdže ruče:
Tak zo maš potom najěsć so
A swoje čopłe bydlenjo,
Hdyž zyma přindže kruće.

Haj džěłaj, luby čłowječe,
Za swoje rjane nalěće,
Tak dołho, hač sy młody;
Štóz za młodosć je džěławy,
Ma, hdyž je stary, hubjeny,
Wšak džěła krasne płody.

A při tym pak tež pomysl' sej,
Hdyž na zemi tu zachodnej
Je wšo tak krasne, rjane:
Kak tola wjele krasniše
Je njebo — bože bydlenje,
Wot Boha zhotowane.

Tež naš duch jónu zawěšće,
 Hdyž derje naš čas wušoł je,
 Tam wěčnje bydlíc budže.
 Duž sprawna duša wjesel so,
 Budž sčěrpliwa a přečěrǵ wšo.
 Hdyž križ će trjechi wšudže.

Haj zraduj tež a wjesel so,
 Ty sprócniwy križnošerjo,
 Tež za tebe wšo kčěje;
 A hladaj k njebju z wjeselom.
 Tam je naš wóteny kraj, naš dom,
 Tam naš duch zbóžnosť změje.

Pětr Mlyńk, Hórnikowa Čitanka.

41.

Kozakaj.

W času poslednjeje wójny přichahnychu jónu kozakajo do wsy Wuric njedaloko Budyšina. Štó njeby tych znał, pak hišće ze samneho widženja, pak z powědanjow nana abo mačěrje? Što njeby wědzał, zo běchu překlepani pacholjo na wětrosspěšnych kónikach, hewak pak dobri ludžo, wustojni přede wšim na to, njeprěcela w stajnym njepokoju, w nocy a wodnjo w straše a njeměrje zdžeržeć. — Čile ludžičkojo přijěchachu we wjesotej črjódzičcy. We wsy pak běše žiwnosćer z mjenom Mikela. Tež jemu běchu někotrych tych njelubych hosći připowědzili. Tola zo by so jich do časa zminyl, što ta mudra hłowička wobzamkny a sčini? Jeho khěžku, w blizkosći hłubokeho puća a lipoweho keřka, wobdawaše dwórčk a tónle zasy murja z wrótkami. Naš Mikela zezamka, prjedy hač wojacy do wsy přichahnychu, khěžne durje, zawrě wrótku a poda so khwatajcy do brězoweho hajka na hórce pola susodneje wjeski. Wot tam zhładowaše nětk na swój statok dele. Mjez tym běchu kozakajo do wsy začahnyli. Dwaj z nich stupišťaj k Mikelowej khěži, zo byšťaj tam hospodu braťoj. Jako pak běchu tam wrótku zawrěne, přelěze přeni wot druheho pozběhnjeny muričku, bě w dwórčku a sčahny druheho horje, abo pušći jeho wrótku wotewriwši tež nutř. Tak běšťaj w dwórčku. Ale kak dale. Khěžne durje so tež njewotewrichu. Ničo wo to, wědžešťaj sebi pomhać. Hlej, jstwine wokno mješe kukačk abo suwačk wulki dosć. Tón bu wotsunjeny a jedyn pozběhny druheho, kotryž nětko z woknom nutř lěžeše a pomhaše jemu. Při tym słyšach z mojeho keřka za lipu, w kotrymž skhowany přihladowach, tamnoho poť nutřka naivnje te słówčka prajić: „Hósć lěze, hósć lěze!“ — Nutř zalěžši wotewri durje a pušći towarša nutř. Tak běšťaj w hospodze. Mikela bě nazdala khwilku přihladowať. „Tola Bohu skorženo, što so to čini,“ — nadobo wuhlada, zo so doma z wuhenjom kurić poča.

Tuž nastaji so ruče na nohi a khwataše domoj. Tu do jstwy stupiwši widžeše brodateju hosćow wojakow, kotrajž za blidom sedžo z mlóčnika, po kotryž běštaj sebi w pincy pobyłoj, mloko šlapaštaj; w kachlach pak warještaj dalšu jědž. A kajkaj to dobroćiwaj a zdwórliwaj hosćej?! — přetož lědma bě Mikela do jstwy zastupił, prošeštaj jeho, zo by so přisydnył a sobu jědł. — Tak běše Mikela zwólny — njezwólny wojakow do hospody dostał a što chcyše, hač za njelubu hru přecelne wobličo činić!

H. F. Wjela, Hórnikowa Čitanka.

42.

Serbow bitwy pod Lubinom.

D O B I T W Y.

Rapak znoša wot wječora
Na hona so lužiske,
Njestraši joh' lěsna hora
Ani doły hluboke.
Wothłós zrudnoh' rapanja
Po Serbach so rozlěha.

Za rapakom strašnje čehnje
Cuzych wójsko přemócnje
Čemna mróčel powoblehnje
Mjezy zemje serbskeje;
Hrozy z krutym njezbožom
Našim wótcam z wotročstwom.

Na wšě strony pósli njesu
Zrudnu powěsć po kraju,
W polu horka, delka w lěsu
Do bitwy wšo wołaju:
„Bratřa, hona wótcowske
Z wótrym mječom škitajće!“

Štóz krew serbsku w žiłach čuje,
Swětlu brón sej wopasa,
Ryzy konja posedłuje,
Z lubymi so rozdžěla,
Młodženc, wótc, starc šedžiwy
Do bitwy je hotowy.

Hdžež tam wokoł lubinskeje
Hory sokoł zlětuje,
We slěbornych žołmach Sprewje
Jasne křidła wobhladuje:
Tam so Serbja skhadžuja,
Khorhowje jich zmahuja.

Hněw wšěm ducha pozběhuje,
Z wočow khrobłosć płomjeni,
Sylna ruka zapřimuje
Mječ, kiž w nóžnach zašćerči.
Twoji Serbja, Łužica!
Strach a bojósć njeznaja.

Na njebju so slónce khowa
W mróčelach krew čerwjonych,
Mnohich do čemneho rowa
Wita w pruhach błýšćatych.
Tola Serb so wjeseli
Smjerće za kraj wótcinski.

P O B I T W J E.

Zas so slónčko za horami
 Lěsojtymi dokhowa,
 Mróčeje pak z njewjedrami
 Jasnosć jeho přikryja.
 Čemnosć nóčna po zemi
 Čorne křídla rozšěri.

Khroble Serbja wojowachu
 za slawu a swobodu,
 Wótre mječe zejhravachu
 Njepřečelam k njezbožu!
 Doňž njej' přemóc njesměrna
 Wutrobitosć přemohła.

Njemdry wichor wuje w holach, Pod horu tam rowy ryja.
 Drěje lisćo ze štomow, Ze želniwym zdych'wanjom.
 Po krwawnych je nosy polach — Mortwych bratrow z pjeršču kryja.
 Mortwym Serbam zrudny row! Blyskot jasny z hrilotom
 Sama Sprewja slěborna Krwawne polo wobswěći,
 Žarowajo pluskota. Zahrjebanych počesći.

Čežki hrilot k rowu zwoni, Kralow mortwych donjesechu
 Jasny blyskot přewodža; Wysoko pak na horu.
 Čmowe njebo sylzy roni, Z kamjenjemi pokładžechu
 Krwawne rany wopłoka, Rowy, ludej k znamjenju:
 Kotrež smjerć su přinjesli Kak su dali wótcowje
 Serbam za kraj wótcínski. Za Serbowstwo žiwjenje!

Posyte je ze ćělami K ranju won so zyboleše
 Njezbožowne bitwišćo. Hwězda jasna na njebo,
 Bóh tón njebě ze Serbami; Z nadžěju zas posylnješe
 Padnychu jich kralojo! Serbow zrudnu wutrobu:
 Z nimi bě so nadžěja Přichodnosć zo přinjese
 Z kóždej' duše zhubiła. Rjeńše časy zbožowne.

Mikławš Cyž, Hórnikowa Čitanka.

43.

Wucho abo kurjatko.

Borkač přiwjedže sebi kmótra Hansa na kermušu. Jeho za blido sadziwši, počina nože rjedzić a točić. Žona pak pječe w kuchini kurjatka, a po kuchařsku woptawa a woptawa, hač běchu so kurjatka minyłe. Ale kak mohła so nětko wurěčeć? Zbožowna myslička ji připadže. Muž zańdže na najstwu, zo by tam po něčo dóšoł. Spěšnje suny so žona do jstwy a poča: „Hdy byšće wědzał, kmótre, što mój muž z wami chce. Chce wam wuši wotřezać — wbohi je druhdy přemysleny. Čekúće, kmótre, ale spēšnje!“

Kmótr naboja so a khwataše z dwora won. Po khwili přiindže muž dele. „Hdže je kmótr?“ woprašá so. „O“, džeše žona, „ty sy sebi praweho njeplecha do domu přiwjedł; přilěze tón čłowjek do kuchinje a wzawši kurjatka čekny z dwora.“ Muž njewotpožiwši noža, kotryž měješe w rucy, běžeše hnydom za kmótram wołajo: „Kmótre! jenož jedne mi daj!“ Kmótr mysleše na wuchó a nóżkowaše bóle dyžli přjedy.

Ze serb. bajkow. Šewčikowa zběrka.

44.

Božemje horam.

A domoj ptačata do juha
So ze črjódami hotuja;
Mhły běše jako smjertna tuha
Přez doł a horu žołmuja

Wam božemje, wy dobre hory,
Wy hwězdow čichich towarški!
Mje domoj čahnu nowe dwory,
Wam postrow wołam drohařski.

A tola wutroba so rudži
A mikawčk sylzu koleba;
Waš duch mi w duši dziwjosć
skludži,
Ból z mysłow w skałach pohrjeba.

Hdyž parle bjerješeće a smužki
Sej w zerjow barbnym horjenju
A slónco witašeće kaž družki
Na ličkach w růžow młódnjenju.

Mi njebo do wutroby padže
Kaž z bajki zbóžna sonina,
A duša sebi njebě k radže,
Hdyž rajska běše zwonina.

Hdyž pychu mjetaše do rowa
A jusk při slónca khowanju,
A zrudne stoješe bjez słowa
We zerjow čichim plakanju,

Mi twarješe sej čichu khěžku
Do mysłow pokoj podaća,
A na ličo mi z přenjeje hwěžku
So sylza kuli wodaća — —

Hdžež Serb sej twari běše dwory,
Tam z džaknej pěsnju spěwać
chcu,
Kak přemohle šće, módre hory,
Mi w duši dziwjosć, ból a čmu.

Hdyž z ptačatami nětkó čahnu
Do ródnej Serbow do zemje,
Za kłobuk hišće jónkróć sahnú:
Wam, hory módre, božemje!

J. Čišinski, Z juskom wotčinskim.

45.

Šewc a čert.

Něhdy běše šewc, kotryž bě tak khudy, zo při cyłym swojim džěle swoju swójbu zežiwić njemóžeše. We swojej nuzy njewědžeše, što by započal. Tohodla da so čertej zapisać. Tutón so jeho prašeše,

što chce za to měc. „Nó,“ měnješe šewc, „daj mi telko pjenjez, zo móžu sebje a swoju swójbu zežiwić.“ A tak nošeše jemu čert kóždy džen pjeć toler. To pak sta so tehdom, hdyž Jězus hišće ze swatym Pětrom na zemi wokoło khodžeše.

A přińdžeštaj tež k tomu šewcej, kotryž bě so čertej zapisać dał, hdyž so z wječora šěrić poča. Šewc njewědžeše što a z wotkel hosćej staj, a prašeć so jeju šewc strachowaše, dokelž widžeše, zo staj to cyle přistojnaj čłowjekaj. Wonaj žadaštaj, zo byštaj tu přenócować směłoj a šewc jimaj to jara rad slubi. Žona jeju přecelnje powita a přihotowa jimaj dobru wječer, po wječeri pósła jimaj pěknje ložo a sama so wonka pod přitwarkom lehny. Rano stany zahe a zwari jimaj snědań, kaž so to tež słuša. Hdyž běštaj so nasnědałoj a chcyštaj hižo woteńć, wopraša so Khrystus: „Što smój dołžnaj?“ Šewc na to wotmołwi: „E, nič.“ Khrystus praji: „Nó, dha sebi něšto přej! A šewc wotmołwi: „Hdyž móžu sebi něšto přec, dha bych rad měł, zo by so mi třoja wěc dopjelniła; z přenja: štož so tu na mój wusmoleny třinóžkaty stoł sydnje, hdžež ja všědnje sydam, hdyž šewcujo někajke roztorhane škórnje płatam, zo by na nim wostał kaž prikowany, tak dołho hač ja chcu; potom: štož budže na mnje z woknom do jstwy nutř hladać, zo by wot wokna woteńć njemohł, doniž bych ja to njechał, a skónčnje: štož by na zahrodze z mojeje krušwiny krušwy třasł abo šćipał, zo by so wot njeje hibnyć njemohł, tak dołho, hač bych ja to njechał.“

A Syn Boží rjekny: „Stanje so ći, kaž sebi to žadaš,“ a woteńdže ze swjatym Pětrom. A hdyž bě so hižo šewcowy čas minyl, tu přińdže po njeho čert prajo: „Šewco, nětko póńdžeš ze mnu do hele; wšak wěš, zo je hižom čas.“ Na to šewc wotmołwi: „So wě, so wě, ale dočakaj wšak khwilku, hač powječěrjamy, a mjez tym wotpočń tule na třinóžcy!“

Čert njeda so dołho prosyć a čapny so hnydom, zo by tam dočakał. A po wječeri rozžohnowa so šewc ze žonu a z džěćimi na puć do hele a rjekny čertej, zo by nětko z nim šoł. Čerćisko pak stawa a stawa, křiwi so wšelako, zo jeho wšo boli, zo by so jenož wottorhnyć mohł, ale to njeńdže. A křiči na šewca: „Tu tola helsej pali, tuž mi tola pomhaj a pušć mje, pušć! ja ći rad hišće něšto časa přidam.“ A šewc praji: „Je-li zo mi hišće sydom lět přidaš, směš hić.“ A čert jemu hišće sydom lět přida.

A hdyž bě so sydom lět minyło, přiběža čert zaso po swojeho šewca; ale hižo wjacy do jstwy njeńdžeše, jenož z woknom na

njeho hladaše a do wokna klepajo woľaše: „Šewco, sym tu zaso po tebe, hotuj so, wšak wěš, hdže maš hić.“ Ale hdyž šewc čerta wusłyša a wuhlada, rjekny jemu: „E, dočakaj jenož trochu, hač powječerjamy! Čert tohodla wonka na šewca stojo čakaše. A hdyž bě tutón po wječeri a bě so na puć zhotował, rjekny: „Nó, čerćiko, pój! Hižo sym hotowy.“

Ale luby čert njemóžeše nihdy wot wokna, mješe nozy kaž přikowanej. A když widžeše, zo dale njemóže, da so do prošnja: „Pušć mje, bratřiko, přidam ěi hišće něšto časa.“ A šewc wotmołwi: „Hdyž mi hišće sydom lět přidaš, směš hić! Ale to ěi praju, hdyž třeci króc přińdžeš a ty potom, hdyž budu ja hotowy, njepońdžeš, potom pak mi wjacy njepřińdž, ja twój blazn być njecham.“ A čert přida jemu tež nětko zaso sydom lět a wróci so sam domoj.

Hdyž pak běchu so lětka minyły, přińdže čert zaso po swojeho šewca. Hdyž jeho tón wuhlada, rjekny: „Prawje tak, zo džeš, je tola skoro čas. Ale dočakaj kusk na mnje, doniž so njepřihotuju, abo dži do mojeje zahrody a natřas namaj na puć něšto krušwow, su so lětsa runje tak prawje radžiły, njech namaj je žona potom do břmjjenja zwjaza.“ Khwatajcy běžeše čert do zahrody a třaseše tak sylnje, zo za khwilku nič wjacy na štomje njebě, hač hołe hałzy. Mjez tym pak bě so šewc na puć přihotował a woľaše na čerta: „Nó, tu derje zakhadžeš, njechaš traš cyły štom sobu wzac, ja sym ěi tola rjekł, zo by tu krušwow natřasł, a ty tu zakhadžeš, kaž by w heli był. Pój radšo přecy do hele, ja sym na puć hotowy.“ Luby čert pak so prócowaše, zo by ze štoma dele přišoł, ale wšo bě podarmo. Tu počina so šewc na njeho huntorić: „To je tola pře wšu měru. K třecemu razej chcu ja do hele hić a ty njechaš. Mysliš, zo sym twój blazn? Čakaj, čerćiko! „Ruče běžeše nutř po swój rjemjeń a poča tola tak surowje wboheho čerta šic, zo tutón z cyłej šiju woľaše, tak zo cyła wjes so zběža, wćipna, što so tu tola stawa. Šewc wšak njepřesta do čerta młócić, doniž njebě cyle přebity. Hdyž pak wbohi khudak na čerta ani wjacy podobny njebě, pušci jeho šewc prajo: „Dži, kak zo traš ěe w heli hišće spóznaju.“

A z radosću khwataše čert wostajiwši šewca domoj, hač so tak za nim kurješe. Před smjerću poruči šewc, zo bychu jemu, hdyž jeho pokhowaju, falu sobu dali, w kotrejž je khodzil; a tu jemu tež dachu. Bórzy na to zemře a džěše k njebj, a tam přišedši kłapaše do njebjeskich wrotow, zo bychu jemu wotewrili.

A swjaty Pětr wotamkny ze swojim klučom njebieske wrota a jeho wuhladawši rjekny: „Šewco, ty tu žadnoho městna nimaš! woteńdź, štož sy sebi woliš, je so ći stało. Hdyby sebi njebieske kralestwo wuzwoliš, by je měl.“ To prajiwši zamkny zaso wrota.

Šewc sebi sam takle powědaše: „Što mam nětko započec?“ A wotmysli sebi, zo runy puć do hele póńdže. Hdyž čerćí jeho z daloka so bližić widzachu, počachu na so wołać a škrěčec: „Šewc sem dže! khětre zawrějmy wrota, njepušćmy jeho nutř, hewak nas bórzy wšech z hele wubije!“

Šewc kłapaše dosć, ale podarmo. Hdyž jeho tak ani do hele pušćić njechachu, džěše zaso na swjateho Pětra do njebies. Swjaty Pětr wotamkny a pohlada na njeho prajo: „Za tebje tu nihdy žadnoho městna njeje; čiń, zo dale přińdžeš! A tak džěše khudak zaso do hele, a čerćí zaso škrěčachu: „Jenož toho šewca sem nutř njepušćće!“ Tohodla so wón zaso wróci k swjatemu Pětrej. A hdyž swjaty Pětr z klučom wrota wotewri, ćisny naš šewc nadobo swoju smolanu falu do njebies nutř prajo: „Hdyž tam ja njebudu, njech je tam moja fala.“ A zaso džěše k heli. Ale tu so jemu nichtón njepokaza, wrota běchu zawrjene a nutřka bě wšo ćicho. Tohodla praji šewc sam při sebi: „Hišće jónu póńdu na toho swjateho Pětra.“

A džěše a kłapaše zaso. Swjaty Pětr wotamkny a šewc so jemu khětre pod ruku do njebies nutř suny, tam rozpřestrě sebi swoju falu a sydny so na nju. Swjaty Pětr jeho won honješe, zo by tola šoł, hdžež jemu słuša, zo w njebiesach městna nima. Ale šewc hižo sedžeše; jemu so wottam njechaše a rjekny Pětrej: „Wšak ja njesedžu na vašim, sedžu džěn na swojim!“ A wosta při wrotach sedžo, dokelž běše lubemu Bohu žel wboheho, wo kotrehož ani čerćí njerodzachu.

Ze serb. bajkow. Šewčikowa zběrka.

46.

Narodne pěsnički.

II.

KHUDA SYROTKA.

Ja pak khuda syrotka

Nimam žanoh' přecěla.

Wšitcy ludžo na mnje su,

Bjez winy mje hidža tu.

Mać ta je mi wumrěła,
Nana 'šće mam žiweho.

Ja chcu słužić 'mojom' knjezej,
Chcu jom' swěrnje džělaći.

Wón b'dže wěsće na mnje hladać
A mi pomhać z nuzy wšej.

ZRUDNY KWAS.

Hólcy so na kwas hotowachu, „Hdže maće mojeho nawoženju,
Swoje sej koniki sedłowachu. Zo tu jow nihdže wón mjez wami
njej’?“

Swoje sej wotrohi připinachu, „„W nowej je komorje nawo-
Do runoh' pola so zjěždźowachu. ženja,

Rapaki wyše nich zlětowachu, Wón sej swój swětły mječ při-
Na nich tak žadławje rapachu. pasuje.““

Rapaki wyše nich zlětowachu, Třeći króc zwony so zazwonichu,
Wulke jim njezbože wěšćachu: Njewjesta poča so braški prašeć:

Zo jim nawoženja z konja padny, „Hdže maće mojeho nawoženju,
Zo sej šiju a hłowu zrazy. Zo tu jow nihdže wón mjez wami
njej’?“

Prěnje to hono tam přejědźechu, „Z konja je padnył twój na-
Z konja přec padže jim nawoženja, woženja,

Z konja přec padže jim nawoženja, Swoju sej šiju a hłowu zrazył.““
Swoju sej šiju a hłowu zrazy.

Prěni króc zwony so zazwonichu, „Torhajće ze mnje tu lindyr
Njewjesta poča so swatow prašeć: drastu,

„Hdže maće mojeho nawoženju, Běle te płachty mje wodžěwajće.
Zo tu jow nihdže mjez wami
njej’?“

„W nowej je komorje nawoženja, Zo budu žarować lětko a džen
Swoju sej hotuje lindyr drastu.““ W zelenym wěnašku ke mši
khodzić,

Druhi króc zwony so zazwonichu, Na swojoh' lubeho njezabywać!“
Njewjesta poča so družkow prašeć:

Z Hó'nikoweje „Čitanki“.

47.

Přisaha**budyšinskich serbskich měšćanow z druheje položcy
15. lětstotka.**

(Najstarši pisomny dokład serbskeje řeče.)

PŘISAHA.

Ja přisaham Bohu a našemu nejnadnejšemu knjezu, knjezu, krali čěskem a jeho gnadže džědźicóm a všicknym potomnym kralóm čěskim, burgermajstru a radže toho města Budyšina wěrný, poslužny a podany być we dnje a w nocy, hdyž ja wot nich napominan budu, a při radže stać w všicknych wěcach, kotare woni za lěpše poznaju, jich lěpše pytać, a jich hórše wobwarować; tak jak mi Bóh pomoz a jeho swjate słowo.

Časopis Mać. Serb. 1875.

48.

**Wo nastaću serbskich městnostnych mjenow
z mjenow řekow.**

Serbske městne mjena su we třoch dobach časach nastale. Po mojich přepytowanjach nastachu najprjedy wsy, kiž maju swoje mjena po serbskich swójbach abo splahach — potom w druhej dobjě wsy, kiž maju swoje mjena po ležomnosćach abo swojim položanju — a w třećej dobjě wsy, kiž dóstachu swoje mjena po jich wobsedźerjach, t. j. jich knjezach abo knježkach.

Naši Serbja mjenujcy njejsu, kaž němscy stawiznarjo rad wudawaju, hakle w času přecáhowanja ludow abo po nim do swojich sydlisćow začahnyli, po tym zo běchu je pječa Němcy wopuščili, ale Serbja su přenjoťni wobydlerjo, autochtonojo, w krajinach srjedź řekow Wódry a Solawy a wot Łužiskich a Rudnych hór hač k połnocy do nižinow: wot nětčišeho města Frankfurta při Wódrje přez Barlin a Branibor hač k Łobju blisko Džěwina, a tohorunja běchu autochtonojo wšitecy Słowjenjo, kiž dale k połnocy wot Serbow srjedź řekow Wisły a Łobja hač k narańšemu abo baltyskemu morju sydlachu, tak mjenowani Połobjenjo a baltyscy Serbja, kotřiž w splažnym a řěčnym nastupanju jenak blisko stojachu Serbam kaž Polakam.

Naši Serbja wobdžěłowachu jako twjerdže zasydleni ratarjo hižo wjele lětstotkow do Khrystusoweho naroda tutón swóј ródny

kraj mjez Wódrú a Łobjom a mjenowachu so tehdy powšitkownje, dokelž swoju ródnu zemju wobdžěłachu, Zemjane, t. j. Zemjenjo, w staršich romskich spisačelach „Semnones“, — rozeznavajcy so z tym wot svojich nawječornych susodow Němcow-Germanow, kiž běchu pastyrjo a rubježni wojowarjo, t. j. nomadojo. Jako tajcy přičahowachu woni tež hižo do Khrystusoweho naroda husćišo do serbskeho a słowjanskeho kraja srjedź Łobja-Solawy a Wódry-Wisły, podćisnychu sebi mjenje a wjacj słowjanskych splahow a přebywachu mjez nimi, tak dołho hač so jim to spodobaše a jim to jich njeměrna, wojowniska krew dowoli, jako knjezojo a knježerjo, spokojom z tym, zo jim Serbja-Zemjenjo žadane dawki wobstojace w płodach polow dawachu, a jich stadłam — hdyž žadnych sobu přičěrichu — pastwy poskićachu. Na to wašnje so wujasni, hdyž nam Tacitus podawa, zo za jeho čas Suebojo — němski splah, kotrehož přenjoťne sydła su a běchu w nětčišej Šwabskej — tež srjedź Łobja a Wódry sydłachu: běchu so tam jako njeměrní dobywarjo na čas začišćeli. Tu wobsadźichu woni jako swobodní knježerjo hrody a hrodzišća Zemjanow a žiwjachu so kaž knježkojo z dawkow svojich poddanow, z hońtwy a pastwy, lěhajo, kaž jich potomnicy džensa radži spěwaju, na kožach mjedwjedzow a srěbajo piwo, serbske piwo. — A tak so tež wujasni, hdyž nam Jornandes powěda, zo w spočatku ludoćahow Gothojo při wuliwje Wisły w džensnišej Pomorskej a nawječornej Pruskej bydlachu: běchu tam w wonym času z južneje Šwedskeje, hdžež maće hišće džensa krajinu Gothland, přičahnyli a čehnjechu potom w ludoćahach dale k Čornemu morju a skónčnje do Italskeje a k Pyrenejam. Mjeno Serbja běše tehdy jehož pomjenowanje małego splaha Zemjanow-Semnonow, kotryž měješe swoje sydlišćo w nětčišim Voigtlandže, mjenowanym w starych žórłach stajnje „Serbsko“.

Tak khěťře hač Serbja-Zemjenjo počachu worać, syć a žněć, załožichu sebi tež stajne sydlišća abo wsy, a to kóždy swójba abo kóždy splah wosebje, wězo najprjedy w najplódněšich stronach kraja a po móžnosći daleko rózno, zo by kóždy splah dosć wobsydnosće měl. Wšě hona, pola, łuki a lěsy běchu zhromadne wobsedženstwo cyłego splaha, tohodla ma wuraz „wjes“ tón samy korjeń kaž słowo wšón = cyły. Z toho tež wukhadža, zo njebě tehdy hinak móžno, hač zo tajka wjes dosta mjeno cyłeje swójby, cyłego splaha, kiž pak měješe zaso swoje mjeno po svojim prawótcu a załožerju. Tak nastachu naše najstarše wjesne mjena na -icy, delnjoserbski

-ice, haž na př. Čemjercey, Dobrošecy, Lutyjecy t. j. sydliščo swójby Čemjera abo Chočeměra, Dobroša abo Dobrošawa, Lutyja abo Lutpborja, t. r. młody wojownik. Tute mjena nastachu wěsće wjacy wěkow abo lětstotkow do Khrystusoweho narodženja.

Čim bóle so tajka swójba powjetši, čim bóle rozšěrješe so tež jeje wobsydnoś. A zo bychy Serbja tutych wsow džěle swojeje wobsydnośće rozeznawali, dawachu jim po jich wašnośi a wažnośi wšelake připrawne mjena, a tak nastachu naše ležownostne smjena. Hdyž pak bě so tajki zhromadny splah z časom přejara rozrostl a rozmnožil, wotščěpi so wot njeho wotnoha někotre swójby, a sčini so pak cyle samostatna, pak wosta hišće z džěla pod rozkazom zhromadneho splaha. W přenišim padže wuzwoli sebi tutón wotščěpk nowu hlówu, noweho wótca abo starostu, mjenowaše o nětko po nim a připoloži tež nowej wsy, kotruž sebi založi, tuto nowe swójbne mjeno. W druhim padže pak zasydli so ta wotnoha něhdže z boka na ležownosćach, kiž měješe cyły splah hižo za swoje, a založiwši tam nowu wjes, da ji mjeno, kotřež ležownosć wot dawna hižo měješe; tak nastachu na př. wjesne mjena Łaz (= němski „Gehege, Hag, Gereut“), Wólšina („Erlengebüsch“), Brězyna („Birkenbusch“), Dubc („Eichenhain“), Hory („Bergen“), Wysoka („Hochdorf“), Kamjenna („steiniges Gefilde“), Wjazońca („Rüsterbach“), Sprjowje („Sprey = Dorf an der Spree“) a tak dale; tuto nastaće spóznaje so tež hišće z ludoweho nałożka, zo so praji: ja du na Hory, wón bydli na Horach, štož je samo ze serbskeje řeče do němskeje přešlo, hdyž Němcy wokoło Drježdžan praja: er geht in die Lössnitz, er wohnt in der Sebnitz atd. Započatk založowanja tajkich wsow směmy drje hišće do časa před Khrystusowym narodom položiť.

W přěních lětstotkach našeho ličenja časa přestawachu a přestachu drje bórzy do čista založenja sydlišćow z mjenami swójbow, a tehdy mějachy swój započatk založki sydlišćow třećeje doby abo nastachu wjesne mjena třećeje rjadownje, t. j. wsy dostawachu mjena po svojim wobsedźerju abo knježku; tola pak založachu so pódla přeco hišće tež wsy druheje družiny. Přez wobkhad Serbow z Němcami mjenujcy a přez poddanosć wšelakich serbskich splahow a župow Němcam, kiž běchu so do jich kraja dobyli, w času před a po Khrystusowym narodženju, nawuknychy tež Serbja, zo to njeje runje tak špatne a hlúpe z knjezom być, a tak wuwi so tež pola nich staw knježkow, runjež wšak drje tajki serbski knježk tak kruće a surowje knježić njero-

zumješe kaž jeho přikładnicy. Tak nastachu skónčnje robočanske wsy abo wsy knježkow, kotrež tež po swojich knježkach svoje mjeno dóstachu, zo by so tež tak knježkowe swójestwo woznamjenilo; sem słušeja wjesne mjena kaž Měrkow, Hunjow, Stachow, Radwoń, Miłoraz, t. j. wjes abo wobsedźenstwo Měrka abo Měrosława, Unija, t. j. Dobrego abo Unisława = Dobrosława, Stacha abo Stanisława, Radibora, t. j. rady wojowaceho a Miłorada. — Tute robočanske abo knježe wsy přeměňjachu z wjetša swoje mjena ze swojimi wobsedźerjemi, štož so tež tu a tam z lisćinow hodži dopokazać. —

Dr. E. Muka, Łužica 1903.

49.

Nadźěja, lubosć, wěra.

Tam na dalokim jězorje,	Při brjozy toho jězora
Na módročornej hłubinje,	Tam běle kołpy płuwaja,
So wjeze moja nadźěja,	So hordža w žołmach kupajo
Je dobrym wětram podata;	A maja lube towařstwo;
Łódź lubu derje nawodźuj,	Pas, woda, kołpy swěcate,
Mój łódźniko, a njezdrěmuj!	Mjez nimi moja lubosć je!

W tej wodźe kćěje róžička
A korjeni so do brjoha,
So wody přez nju zliwaju,
Hdyž wichory so pozběhnu —
Ta młódna kwětka w jězorje
Je wěra w mojej wutrobje.

H. Zejler, Zhrom. spisy I.

50.

Žadosć.

Štó wróci do kraja mi lětnje ranje?
Wón jeho kćěwa, jeho spěwa radosć?
Štó jenož krótku wróci slódku khwilku
Mi jeho wonjenja a zwonjenja?

Přez haj a hono čehnje zdychowanie,
A w duši cunjozrudna splakny žadosć —
To echo mrějaceho žiwjenja!

O spěchaj rjanoh' ranja zaswitanje!
Wróc kuzło wonjenja a zwonjenja!

J. Čišinski, Formy.

51.

Studnička w Duborcy.

Něhdy bě w Smochćicach wulki mór a koło wokoło. Žadyn domjacy srědk, žane lékařske wukazanje njepomhaše. Bóh luby Knjez pak běše dawno na tón čas z wustrowjacej mocu požohnował studničku w Duborcy.

Při jězdnym puću, kiž ze Smochćic do města wjedže, něhdže pječ stow kročel wote wsy a pjećdzěsat kročel wot puća k prawicy w keřčkach, kiž Duborka rěkaju, žórleše so studnička z jasnej dobrej wodu.

Cyła wjes ležeše khora a mrěće bě we wšěch domach. Štóž pak hišće zamó k tej studničcy po štyrjoch lězć a so z njeje napić, tón wotkhorí.

Wotkhorjeni dyrbjachu khwatać svojich zemřětych khować w blizkosći. Při wjelkowskim puću so hišće džensa to mócne pohrjebnišćo pokazuje na Pjetašec polu pod wulkej brězycu.

Studnička w Duborcy bě z toho časa wuwołana po wšěch Ďelanach. Ze wšěch stronow přikhadžachu khori a napiwachu so strowi. A k čežkokhorym bu ta woda nošena nic bjezdžak. Tež strowi sebi z njej strowotu krućachu. Kiž bychu do města khodžili, bychu sej na domojpuću karany, bleše a khany za dom načerali.

Běše pak knjez nad Smochćicami hrozny, njepopřacy. Tón wyše teje studnički khěžku natwari a ju zamkny. Jenož do hrodu dyrbješe ta woda po roľach běžeć.

Ale bože khostanje njewuwosta. Kiž bě druhim njepopřaľ, přińdže sam do tradanja. Ta woda zaprahny.

Maľy suchi dólčk woznamjenja hišće džensa to městno, hdžež je so něhdy woda wustrowjenja žorliła z kužoľkom.

Ta woda wotpoćuje hľuboko w zemi; tón hrozny knjez pak njeje k wotpoćinku přišoľ.

Hórnikowa Čitanka.

52.

Wodžan.

Prěni wobraz.

L Ě S N Y M Ľ Y N.

Powědařka.

Była je, była knježpička,
wódneho muža njewjesta.
Něť při jězorje žaruje:

we ľěsnym mľynje rodžena,
wot svojoh' nana předata,
wódnemu mužej data je!

Khór.

Šwórčo rěčka žołmy čěri
 pluskotace do dwora,
 wjerći koło, dale měri
 pućik swój do jězora.

Žołma do jězora spěcha,
 wša ju wita wodžina —
 nad nej — módra njebies třěcha,
 wokoł — lěs so wupina.

Khór žónskich.

Na brjozy hrajka sej holičo,
 w jězorje wobdžiwa wobličo.
 Mjeta tam běłuške kamuški,
 łopješka zelene,
 kwěćeńki čěrwnjene;
 spěwa sej wjesole spěwuški.

Spěwajo drastu so wuslěka,
 žołmy so swětluške wobleka.
 Khłódna je wodžička,
 wjeselša myslička.
 W jězorje wobraz swój wohlada,
 z posměwom hordym so zahlada.

Mužski hlós.

Jězor ćichi — samoćina —
 wětrik drěma — lisćo spi,
 čłówske woćko njewidzi. —
 Ale Wodžan z wódnoh' sćina

rozkuzłany na nju hlada,
 rozhorjeny sebi žada:
 „Moja dyrbi być!“

Maruška (ducy domoj).

Nana mam, maćerku sym měła. na mnje wšak njezapomnje.
 Macocha so stajnje na mnje hněwa. Sama sym. — Štó ze mnu khodži?
 Hněwa so — kaž so chce — w hajkach, polach za ručku mje
 maćericy mje njewozmjje. wodži?
 Sama sym — sotřičku bych měła — O hdže by tajki był, —
 wotešla je wot nas w cuze džěła. kiž mi luby wostać chcył!
 W cuzbje je — wjesele —

Khor.

Rěčička šumi, koło so wjerći,
 młyn klepota.
 Wody so ćěrja, gratspěšnje šćerći,
 zwónčk klinkota.
 Wšě ludžo su sparni.
 Młynk z macochu šwarni.

Koło so wjerći, sylnišo čěri,
 lětaja škrě —
 młynca so pali, płomjo so šěri.
 Woheń ma žně.
 Młyn w płomjenjach pada.
 Njei' pomoc, njei' rada.

Młyn pusty šeri — Jězor so swěći
 kaž slóněny błysk.
 Młyník połny dwěla k jězorej leći
 tepić swój stysk — —
 Wšak Wodžan ma woći,
 jom' napřečo kroći.

Wodžan a młynk.

Wodžan: „Hdže khwataš? hdže chceš?“

Młynk: „Preč: dži mi z puća!“

Wodžan: „Zastań a njebež!
praj mi, što chceš?“

Młynk: „Preč! — dži mi z puća!
— njeprašej so! —
ja sym so nadrěł, — napinal
mocy,
podarmo džěłał wodnjo a nocy:
woheń je zežrał moje mi wšo.
Młyn wjacj njemjele.
Zašle wšě wjesele: —
prošeř sym.“

Wodžan: „Hdže dha sy prosył?“

Młynk: Čežcy sym nosył,
Boha sym prosył. — —
Prosył sym něhdy,
prosył sym wjele —
Njepřišoł z bědy, —
wjac' njeprošu!
do wody dele
puć posledni du.“

Wodžan: „Młynko! mi zastań!
Stojo tu wostań:
ja pomhać ėi cheu.“

Młynk: „Nječin mje blazna!
Njehódž je razna.
Pomhać mi nchtó njezechce,
njemóže.
Moje so koło wjac' njeza-
wjertnje!“

Wodžan: „Njerěč tak, blaznje!
Daj sebi radzić:
čin moje kaznje!
što chceš mi sadzić —

A za lětko zasy
ći wjerći so koło,
rjeńše su časy —
wjesoły klepot,
lubozny šepot
jasni ėi čolo.“

Młynk: „Njerěč mi, blaznje!
Móžno to njej!
Mi mysle so muća —
Ně, dži mi z puća —
chcu k jězorej.

Wodžan: „Stój a kedžbuj nětko,
što pomoc ėi sćele:
hdyž minje so lětko,
twój młyn zasy mjele.
Tu wzmi prawicu:
ja pomhać ėi cheu.“

Młynk: „Hdy by mi pomhał —
z ėim zapłaću?“

Wodžan: „By rozom sej pačil,
što by mi plaćil? —
Daj swoju džowčičku,
daj swoju Marušku
njewjestu mi.“

Młynk: „By-li mi pomhał —
džowku by dóstał.

Štwórty wobraz.
WUMOŽENJE.

Powědařka.

Maruška horjo je nosyła,	kwas sotřički wjesele kwasować,
wódneho muža je prosyła,	row lubeje maćerki wěncować,
zo směła na swět hić pohladać,	stupić do božej swjatnicy,
bratřička swojeho wohladać,	Bohu so pomodlić kajicy.

Wodźan.

Na swět cheu hić ěi dowolić,	Do cyrkwy hić pak njedowolu;
tam swojich lubych postrowiće.	by šła tam, ěe z błyskom zakolu.

Khór.

Žołmički ěiše hrajkaju,	brjohi so blyšća do wobzora
žoľmy so sylnje zmahaju,	w miľym slóněku pruhatym.
žoľmiska njemdrje storkaja,	Škowrončki slódecy spěwaju
wichory dźiwje wrjeskaja.	we jasnej módrinje,
Maruška na zwjerchi jězora	łastojčki lubje witaju,
zjěła je k brjoham zelenym,	soľobik zdychuje.

Maruška.

„O što to lubje wohrěwa,	Něť žalosć wšitka woněmi:
mi ěěło, dušu wokřewja.	ja žiwa zas' sym na zemi.“

Powědař.

Maruška po sćežcy khwataše,	Nazdala kiwa ji cyrkwička,
spěšniše kroćele stupase.	zetkaľ ju bratr a sotřička.

Bratr a sotra.

„Witaj, witaj, sotra naša;	Starosće nas wjac' njetraša.
witaj, zo zas' ke mši džeš.	Tuž z namaj pój.“
Něť sej z nami wodychnješ.	

Powědařka.

Při puću lipa zastarska	Tam wisa rječazk z križikom,
ze sławnym swjećěćom,	tón wzała Maruška;
na nim so mile zasměwa	a z radosćiwym zakřikom
mać boža z Zbožnikom.	na so jón powšnyła.

Powědař.

Wjesele zwony zazwonjeju,	před božim woľtarjom klečicy
lubozne zynki roznošeju.	Synej so božom' je modliła,
Maruška kroči do swjatnicy;	maćeri božej džak prajiła.

K h ó r k e m š e r j o w.

Jehnjo bože,	Tebje khwala
swěta zbože;	swojoh' krala
Wumóžniko,	čłowjekojo,
Zbóžniko!	jandželjo.
Žohnuj z njebieskeho stoła	Začěr mocy złeho ducha,
swoje džěci zemskoh' doła.	a štož tebje njeposlucha.

P o w ě d a ř.

Rozzłobjeny lěta, skaka	Z čornych mrócnow błysk je
wodžan zły před cyrkwičku,	prasknył
z helskim hněwom kli a bjaka,	do młyna, a powalił
spowalał by swjatnicu.	młynka, macošje je hasnył
	žiwjenje, młyn zapalił.

Hrimot, šumot, wichor wuje,	Wrjeskotajo dyri druhi
wodžan njemdri w jězorje:	swětly błysk do jězora:
džěcom hłowčki wotwjertuje,	wodžan mortwy — krawne pruhi
sapa hněw we rozkorje — —	zmahuje móc wichora.

K h ó r.

Tam při jězorje khěžčička,	žaruje wbohe džěcatka;
we khěžcy želi Maruška:	wumrěte zo su nješkřceny,
žaruje lěta młoduške,	w njebjy zo města nimaja.

K h ó r ž ó n s k i c h.

Na jězorje gingawki běluške	A žaruja, zo njejsu wukřceny
su džěcatka sydom maluške.	a z njebieskej krónu debjene.
Za maćerku plākajcy hladaju,	Tam kóždzičke lětko skhadžeja,
swe hłowčki k njebiesam zběhaju,	hač k sudnemu dnjej sobu přiń-
	džeja.

P o w ě d a ř k a.

We lěsnym młynje rodžena,	Była je, była knježnička
wot swojeho nana předata,	wódneho muža njewjesta;
wódnemu mužej data je:	nět' při jězorje žaruje.

H. Dučman. Wodžan.

Abraham Frencelius.

Hdyž my Serbja na svojich wótcow džakownje spominamy a jich zaslužby wo serbski lud a serbsku řeč wobnowjamy, zawěšće naš Abraham Brancel abo Frencelius njebudže posłědni, kotremuž

naša serbska wutroba horcy džak čuje. Hižo jeho nan, Michał Brancel, duchowny w Budestecach, „přisporjeř serbskeje wěry“, kaž jemu Serbjo swojeho časa rěkach, bě muž, kiž Serbowstwo horcy lubowaše a bě hač do poslednjeho wokomika horliwy džělačeř we wšěm serbski lud a serbsku rěč nastupacym. Ale wjele wyše nad nana wustupi syn; wón bě přěni, kiž Serbstwo ze serbskej narodnej lubosću wopřija a w słowjanskej mysli je wožiwi; a hačrunjež hižo sto lět w rowje spi, a žadyn serbski spisowačel dostojneho pomnika jemu njestaja, kotryž wón wjac dyžli što druhi zasłuža, tola wopomnjeće tutoho krasneho serbskeho muža čas žiwjenja za swój lud a swoju narodnosť wojowaceho w serbskich wutrobach hač dotal njeje zahinyło, ale jeho zaslužby su hišće připóznawane mjez nami.

Abraham Brancel so narodži 19. novembra 1656 we wjescy Kózłach, hdžež bě jeho nan duchowny samsny, kiž nimale cyły nowy zakon abo testament do serbskeho přeloži. Jako młodženc přindže naš Abraham do Budyšina na „wulku šulu“, t. j. gymnasij a pozdžišo do Wittenberka na „wysoke šule“, t. j. uniwersitu, hdžež so najbóle wuknjenju theologiskich wědomosćow a starych a nowych rěči poda. Po skónčenju swojich studijow bu Brancel w léce 1684 za duchowneho do Huski a dvě léce potom do Šunowa pola Bernarjec powolany. Tu napisa wón swoje najkrasniše pisma, tu skónči tež swoje Serbowstwu woprowane žiwjenje 21. jannuara l. 1740; potom hdyž bě šěsć a pjećdesat lět byľ horliwy služobnik we winicy božej a šěsćdesat lět na wuznaću serbskeje a druhich słowjanskich rěčow džělaľ. W tymle doľhim časa spisa wjele dobrych a wučených knihow*); najwosebniše jeho pisma lěža hišće nječišćene we lužiskich knihownjach a maľo je tych, kotřiž bychu wažnosť tutech zwjetša hobrskich džěľow znali. — Třoje je, štož my tudy wo nim wuprajíc směmy; Brancel bě přěni wučeny Serb, bě přěni Serbo-Słowjan, bě přěni panslawista.

Mósak Kłosopólski, Jutnička 1842.

54.

Bože sedleško.

Płakaľo Bože sedleško
Na Žmórcu šmrěkojtm.
Na wjeršku hory płakaľo
Při swětle měsáčnym.

So prašaľa je šmrěčina
A buki pod horu,
Što sylzow winu porodźa
Božemu sedlešku.

*) t. r. Wo nastaću serb. rěče, etym. słowj. přirunawacy słownik, někotre džěľa wo delnjej serbsčinje a stawizny ludu luž. a jeho wašnjow. Wšitko je spisane ľačonski.

Su škraholcy tež slyšeli

Na haľzach jehľojtych

Pľač zrudny, kiž jich wubudzi

Ze spanja zasparych.

A wotmoľwić to sedleško

Tam sobu slyšachu:

Sym serbske hona wobešto,

Tak šěroke hač su.

Ze zrudnym smjertnym wob-
wěškom

Wobwiwa Serbstwo so;

Ze zwóncow zwuk „pój dom,
pój dom“!

Sym padać slyšało.

Škraholcy wótrych pazorow,

Mi słowa nješkrěće,

Kiž njeńdu wam do wutrobow,

Mje rudža žalostnje.

H. Zejleř, Zhrom. spisy I.

55.

Bydło zrudoby.

Hdžež slónčko jasne zrědka

Tu čěmnoś předrěje,

Hdžež měsačk jeno zčežka

Přes haľzy zhladuje;

Hdžež wokoľ šěrych skałow

So jiwa rozpleta,

Hdžež zrudnych čěmnych haťow

Wětr rohodź přešumja;

Hdžež kurjawa přec wobda

Wšě kerki nazymske,

Hdžež z hrózbny młosom sowa

Sej wutle zanjese;

Hdžeš w čěmnych horow doľach

Přec šumi wodopad,

Hdžež zahrawa na rowach

Wětr z lišćom wječorny:

Tam město wuzwolene

Je twoje, zrudoba,

Tam čěrpjaceho čěhnje

Zrudžena wutroba;

Tam wot tych blaznow khodzi

Wón swětnych zdaleny,

Tam horjow wuswobodzi

So twój wuzwoleny;

Tam poľoži so duša,

Ta čězcy čwilena,

Tam roztaje ta skora

Tež horja lodowa;

Tam lješ balzam swjaty

Ty sama do ranow,

Tam skićiš tróšt ty rjany —

Wšě rany zažija.

M. Bjedrich Wjeleměr, Łužiski Serb 1885.

56.

Slepjanski hród.

Za čas rubježnych hrodow, hdyž mějachu ryćerjo swoje wjesele na rubježnistwje a w tym swoju česć pytachu, do wsow a městow wupadować a ludźi w stajnym straše dzeržeć, tež w Slepom rubježny hród stoješe, kotryž bě synnje wobtwjerdženy. Koľwokoľo běše

wulka murja natwarjena, a před njej bě hłuboka hrjebja z wodu napjelnjena. Tež cyła wjes běše z nasypom a z hrjebju wobdata, kaž je to hač do nowišeho časa zjawne było, doniž so nasypy njerozrunachu.

Hród samón, kaž so powěda a kaž móže so z wurytych dopokazankow z nowišeho časa poznać, nimale srjedź wsy, k poľdnju wot cyrkwy, na nětčišej Handrejkoč a Starych Kašporikoč zahrodže (gurje) stoješe. Jeho poľoženje běše tajke, zo bě wot toho boka, hdžež njebě přez wjes škitowany, jara ćežko, k njemu so předobyć; přetož za murjemi so wulke haty a tonidla wupřesčěrachu, kotrychž ani konjej ani mužej njebě móžno přepłować. Z trjebinskih hórkow so woda po roľach wodžeše, a před hrodom tak kaž slepjanska wěža wysoko hraješe. K poľnocy hrodu pak wjes ležeše, kotraž běše tež wobronjena. Jenički pućik z hrodu na wjesnu drohu wjedžeše, nětčiši „wugon“ nimo Kulinkec. Po nim su ludžo we wójnskim času skót ze wsy honili, a nadobu, a wšo štož su měli, wunošowali. Přez wodu su plawidla měli, z khójcow a witkow splečene, kotrež woły čahachu. W „małym haće“ su wšitko khowali; tam su swój „slěpy schow“ měli a wot toho ma wjes swoje mjeno Slepó. Druzy měnja, zo su plawidlam po němskim „Schleppe“ abo „Sleppe“ narjekli a zo je z toho mjeno Slepó.

Wjesna droha, kotraž z wječora k ranju dže, běše na woběmaj bokomaj, hdžež so wjes kónči, z wrotami a z wisacym mostom zawřěna; wrota k wječoru řěkach „małe“, te k ranju „wulke“. Nimo toho srjedź wsy puć do wsow wjedže, kotrež k poľnocy leža; tam „srěnje“ wrota stojachu, kotryž wujězd je hač do džensnišeho dnja swoje mjeno wobkhowaľ.

Hdy pak je so dawno rozpadany hród natwariľ, što je w nim we wšelakim času nad Slepom knježil, to docyła znate njeje. Z doby wšak, hdyž je Slepó pod mužakowske knježstwo přišlo, so slědowace powěda: w jědnatym stotku nad Slepom a wokolnosću sotře knježeštej, Katarina a Fryjina; wonej stej, hdyž je so jow křesci-janska cyrkej zaľožila, boži dom natwariľoj. Hdyž bě tón dotwarjeny a wěža hač na štyririľk natwarjena, mjez sotromaj zwada nasta, a wěža so njedotwari.

K zwadze pak běštej sotře tohodla přištoj: Katarina haty a Fryjina holu lubowaše. Tu so sta, zo mokre a zymne ľěta přiřdžechu, a přez napjate haty bu zemja hišće wľožniša, a husćiny wokoľo hatow hinjechu. To Fryjinu tak rozmjerza, zo da do wulkeho ba-

bineho hatu hrjebu wuryć. Woda so dele zwala a z njej sobu rjane ryby wupławachu. Z tym bě zwada hotowa.

Fryjina so na to do Mužakowa sčahny, Mužakowske knježstwo załoži a Katarinu z jejnymi hatami w Slepom wostaji; ale wěža bě so přestala twarić.

Prjedy tutoho časa — hdy, to wěste njeje — běše wěsty Prilop žiwy; wón surowe knježstwo nad Slepom wjedžeše, a před nim wšitko třepotaše. Tónsamy Hródkowskich knježi zbi; tola po dlějším wojowanju tam a sem hródkowskim rjućanski knjez pomhaše; Prilop bu přewinjeny a dyrbješe čekać. Na to Slepó pod Hródk słušeše; ale po nic dołhim času so Prilop wróci, a dokelž jemu mužakowske wsy pomhachu, bu Slepó zaso wuswobodžene. Hač je tutón Prilop mužakowske knježstwo załožil abo hač je po přecehnjenju Fryjiny ze Slepoho tuto knježstwo nastało, zwěšćene njeje; ale stari ludźo powědaju, zo je so slepjanske knježstwo tehdy do Mužakowa přepołožilo, jako bu wěža hač do wysokosće štyriróžka natwarjena.

M. Handrik, Lužica 1901.

57.

Budyšin.

Budź witane mi, stare město njepowalne!
Drje třepotało sy, hdyž z Frankom w dźiwim boju
stał Serb, hdyž w smjertnej bolosći sy piło swoju
krew; tola hišće stojiš, Serbstwa sydło skalne!

Drje zapusćal je cuzbnik twoje domy spalne,
krew twojich synow nječłowjeski teptał w hnoju,
a tola wutroby, hlej přez Łužicu dwoju
ći serbske serbski hišće bija njerozwalne!

Hlós zańdženych stolětow na tebje so roći:
„Stój kruće,“ hnuće prosy, „Serbow swědko mócný,
zo stara sława wot tebje so njewobroći!“

Stój, o stój kruće, Serbstwa stražniko ty wóteny,
broń so, zo žadyn wichor tebje njerozkoći;
budź jasna hwězda Serbej, hdyž chce padnyć sprócný!

J. Čišinski, Kniha sonettow.

Wo waŕnosći fotografovania za serbski narodopis.

Naši młodži Serbja so wšitkich wupłodow nětčišeje kultury přimaju a to je prawje; ale my sebi přejemy, zo bychy so samych dobrych wupłodow přimali. My mamy w Serbach kołojezdnych abo kolesarjow, haj same kołojezdne abo kolesařske towařstwa, my mamy tež serbskich lubowarjow fotografovania, fotografov amateurow. Tući móža sebi wulke zasłužby wo naš serbski musej dobyć, hdyž swoje wumjełstwo sobu do služby serbskeho narodopisa staja a nam wšitke wosebiće serbske wěcy, kotrež do našeho museja trjebamy, derje fotograflowane do njeho darja.

1. Što pak ma so wosebje fotograflować?

Na tuto prašenje wotmołwjamy: wšitko, štož je wosebje serbske a štož je wosebje w Serbach: a) ludowe typy; b) ludowe drasty (wšědne, njeďzelske, swjedźeńske) t. r. serbscy ludźo, stari a młodži (karakteristiscy a pěkni) w tajkej drašce; c) serbska domjaca nadoba we wšěch družinach; d) serbske domy, dwory, wsy; e) serbske hry, zabawy, swjedźenje, swjatočnosće, t. r. zhromadženych Serbow při tutych hrach, zabawach a swjedźenjach; f) serbske hrodzišća a hory a z cyła napohlady wšěchžkuli serbskich wokolnow a předmjetow, fotograflowania hódnych.

2. Što ma so při fotograflowanju wosebje wobkedźbować abo kak ma so z cyła fotograflować?

a) Ludowe typy, njech su w cyłej postawje abo jenož hač do pasa (hlowa a wutrobn), maja so přeco brać w dwěmaj postajenjomaj: z přědka (en face) a z boka (de côté).

b) Twarjenja, wosebiće stare a wot ludowych twarcow twarjene, maju so brać z někotrych stron, kóždy króć pak a najprjedy z přědka; nimo toho hišće najbóle kharakteristiske džěle twarjenja, wosebje khódby, swisle, durje, wrota, wokna, jstwy wot nutřka, pěc, domjaca nadoba, stare wobrazy, řězby, pychi atd. Při fotograflowanju cyrkwjow a kapaličkow, křiřow při pučach a na pohrjebniščach, njech su drjewjane abo kamjeńtne, ma so najprjedy cyły předmjet a potom tež stajnje jeho najwaŕniši džěl abo jeho zajimawe džěle fotograflować.

c) Ludowe skupiny při džěle a zabawje, wosebje při swjedźenjach, maju so tak fotograflować, jako bychy wosoby, zajate z džěłom abo zabawu, wo tym njewěďžale, zo bywaju fotograflowane a zo bychy byle dosahnjene a trjehene we swobodnym

a woprawdžitym połoženju najwažnišich wosebitosćow, zamóžacych zajmować narodnopolisnika (etnografa). Tu za fotografowarja nastawa najćežši nadawk, žadacy sebi wustojnosće we wubranju najpřihodnišeho wokomika a wumjełskeho začuća, ale za to su tajke wěcy čím zajmawše a čím wažniše.

3. Što ma so hišće nimo fotografowanja wobkedźbować?

a) Wšitke kopije fotografijow maja so prosto bjez retušowanja činić;

b) k wšitkim jednotliwym fotografijam ma so pak na wosebitu papjerku pak (hdyž njeje wjele) na zadny bok fotografije napisać: α) z kotreje wsy fotografowany předmjet pokhadža; β) hdy je fotografowany; γ) kak so tam mjenuje a kak so mjenuja jeho džěle po serbsku;

c) při fotografijach jednotliwych typiskich wosobow ludźi ma so zapisać: α) kóždeho dospołne mjeno a přimjeno; β) staroba; γ) městnosć narodźenja a nětčišeho přebywanja; δ) postawa a wosebje tež wulkosć;

d) při fotografijach drasćenja maju so na wosebitej papjericy wšě jednotliwe drasty nadrobno wopisać ze swědomitym zapisanjom jich barbow; dale maju so zapisać: α) serbske pomjenowanja jednotliwych drastow a jich džělow; β) jich material; γ) wašnje jich zhotowanja; δ) městno jich wudžěłanja abo kupjenja; ε) wosebite rozdžěle mjez wšednej a swjedžeńskej a mjez lětnjej a zymskej drastu; ζ) rozdžěle mjez drastu wšelakich stawow a starobow, wosebje mjez drastu holcow, młodych žonow, maćerjow a wowkow; η) w kotrych susodnych wsach noša tu samsnu drastu a w kotrych hinašu a we čím hinašu?

To su w hłownych smuhach te dypki, kiž maju so při fotografowanju narodopolisnych předmjetow wobkedźbować, jeli dyrbyja tute měć hódnosć a wažnosć za narodopolis.

E. Muka, Lužica 1905.

59

Mikławšćk.

Tam na skale stoja rozwaliny;
Wětr dže přez jich wokna gotiske,
Sprewja šumi, kak přez wóhniske
dźiwje mocy stara cyrkew zhiny.

W nowej cyrkwi wosrjedź tej ruiny
Bóh zas' bydło ma romantiske,

a kaž něhdy, nětk tež měšniske
prosy słowo za wodaće winy.

Sprócní pućowarjo w tej ruinje
bydla a kaž džěći drěmace
ćišo na maćeřnym sonja klinje.

A te staroswjate rozpadanki
stražuja kaž duchi škitace
mortwych křesćijanow powostanki.

J. Čišinski, Kniha sonettow.

60.

Rowař.

Z rukomaj po durjach masajo
Rowař Bosćij stupi do jstwy hołej,
K blidu šmjata pjana hlowa so,
Jako blěda smjerć we drasće
nowej.

„Čert će křižuj, Khata babica,
Z łoža stań mi, lěni pjenko
zhniły!
Palenc z karana so směwkota;
Swěčku zaswěć, zo sej křewju
žily!“

„Njewěš, zo nam wolij wušoł je.
Swěčka wčera tež so dopaliła?
Lehń so, połnoc juž so bližuje,
Jědnata je hižom hodžin biła!

So za dušu khudu pomodli,
Zo by ćěło pokoj w rowje měło;
Wopištwa so wostaj, do so dži!
Palenc kazy dušu, kazy ćěło!“ —

„Změrom, stara waka w borle tam,
Blady skhowaj sej a přědowanje!
Nochceš-li, dha zaswěću sej sam,
Na šibjeńcu słuša korkotanje —

Saprliška Khata, džens chcu pić,
Zo či keřchow émowy radosć
změje;
Rowař sym a smjerć chcu po-
swjećić,
Při tajkim so piću smjerć džě
směje.“

A tu rowař Bosćij postanje,
Ze jstwy z karanom so šmjata
pjany,
Z durjemi pak strašnje zaprasnje,
Na keřchow wón kroči rozhně-
wany.

Na keřchow so rowař doškraba,
Přez rowy so wjerćo postupuje;
Křiže po boku — tu kóstnica —
We njej wětr w smjertnych zyn-
kach duje.

Bosćij tři króc z pjasću bije
 Před kóstnicu na durje;
 Palenc ruče do so lije,
 „Dobry wječor!“ zarjechtuje.

„Rjechtaj, rjechtaj, žaba bľudnica,
 Karan wuprózdnju při swětle
 jasnym;
 Swěčkow dosć ma moja kóstnica;“
 Zabórbata Bosćij z hłosom djas-
 nym.

Tak kaž čertow wójsko howrjace,
 Za nim duchow émowy rój so čěri;
 Mócný wichor ruje zatrašnje,
 Přez rowy a křiže puće měři.

„K tajkim hosćom njesmě tótka
 Kaž do korčmy zastupić; —
 Što? — Ty mjelčiš, stara črjódka?
 Njedaš próh swój překročić?

Wěrnó, njecha so wam stawac,
 Lěnje stawy dudławew!
 Čakajće, cheu do was kaľac,
 Zo wam nop waš roztaje!“

W zerzawym so zamku wjerći
 Kluč we durjach pomaľku;
 Z khěžki hudźba smjerći šćerći —
 — Tu so durje wotamknu.

Rowaľ swěčku zapaluje,
 Karan staji na ławku;
 Wětr šumi, wětr duje,
 Zatrašuje kóstnicu.

„Aj, snadź chceće přeprošenje
 K nócněj mojej hosćinje?
 Kóstliwcy, duž prošu rjenje,
 Ke mni so jow posadźće!“

Kulody walody kosće so čěrja,
 Nopy za nopami rjepotaja;
 Nohi a ruki so k sebi zas měrja:
 Přenjeho widžiš juž kóstliwca.

„Hojda, wy rjepuchi, čertowe
 pjeňki,
 Pójće wšak bliže a njebojće so!
 Karan was napoji, plěchate
 šćeňki!“

— Pije, so posadźi bórbotajo.

Druhi so sydaju wokoľo tótka,
 Kosćowy rječaz joh' wobeńdze;
 Pjana so wjerći kaž wrótna jom'
 hľowa,
 Huba so karana njedótknje.

Běty tu stoji, tam čorný so stupi,
 Žołty a émowy, šešeraty;
 Zuby tón wótrí a tamny je tupi,
 Wudžera wóči nopachaty.

„Hopsa nětk, hajsja, wy susodźi
 moji,
 Knjeza džens našeho počesmy!
 Zběhajmy rucy a stajejmy nohi;
 Z karana běži duch swjatočny!“

Khört zo by do was! wy prašiwe
 woči,
 Do kutow z wami a do zemje!“
 Napina žiły a na nje wón skoči —
 Cyľa wšak črjóda joh' wobzamknje.

"Pij jenož,	kmóťriko,	pij jenož
Hoséo smy twoji džens nadobni ;	Dwanaće prasny — tu hoséo so	
Knježe naš, džensa so služowni	Zhubja — so swěcy we kóstnicy	
Zwjesela poč jenož hodžinki!"	Hasnu — — w kóstnicy čicho	

Z karana palenc wón do krka lije, Rano Khata stawa. „Zbóžniko!
Kaž by so palił, wón poći so; Knježe Božo! hdže zas' Bosćij
Bóle so kóstliwcow rój na njoh' budže?
wije: Jeho dušu zwarnuj. Jězusko!“
„Pij jeno z nami, naš Bosćijo!“ Pyta jeha, pyta jeha wšudže.

W kóśtnicy joh' nam'ka na kosóach.
Karan prózdny — wokoł běłe nopy —
Rowař leži morwy na marach.
Zašłe, zašłe wšitke jeho khopy,
Kotrež z łopatu wón ryješe.
Po smierci snadź hosćow witaše.

Jan Čěsla, Lužičan 1866.

61.

Kukow.

Kak rad na tebe so, khěžka mała,
dopomnjam, hdžeš sym wot maćerje
słodke spěwać wuknył paćerje
a hdžež wowka je mi bajki bała.

K tebi moja hraje, khěžka mała,
mysl a k tebi, kwětkna zahroda,
hdžež najrjeńši són je přiróda
w hrajkach džěci radostnych mi hrała.

Hdžež sym błyskotate łójił bruki,
hanjał za mjetelom pisany
a hdžež hołb' mi dypał zorno z ruki.

Duch mje żołmowaty, ćicha wjeska,
nosy k twojim třěcham słomjanym,
hdyž hołk swěta wokoł' mje nětł wrjeska.

J. Čišinski, Kniha sonettow.

62.

Nutrni spěwarjo.

Sta so pak, zo knjez Khrystus a swjaty Pětr po swjeće kholdžeštaj. A wonaj přińdžeštaj do wjeski, hdžež w jednym domje tak rjenje spěwachu. A knjez Khrystus wosta stojo, zo by posłuchał, swjaty Pětr pak dale džěše. A jako wón kusk dale přińdže, powohladny so, a knjez Khrystus tam hišće stoješe. Swjaty Pětr pak přeco dale džěše. A jako won kusk dale přińdže, powohladny so zasy, a knjez Khrystus tam přeco stoješe. Swjaty Pětr pak tola hišće přeco dale džěše. A jako wón kusk dale přińdže, powohladny so hišće zasy a knjez Khrystus tam hišće přecostoješe a posłuchaše. Tuž wobroći so swjaty Pětr a přińdže zasy k tej khěži a tam jara rjenje pěsnički spěwachu. A jako běštaj khwilu posłuchałoj, džěštaj dale a přińdžeštaj k druhemu domu. Tam tež spěwachu A swjaty Pětr wosta stojo, zo by posłuchał, knjez Khrystus pak přeco dale džěše. Tuž džěše swjaty Pětr tež dale a džiwaše so wulcyšnje. A knjez Khrystus praješe: što džiwaš so tak wulcyšnje? Swjaty Pětr pak džěše: Ja so tak wulcyšnje džiwam, zo ty tam stojo wosta, hdžež pěsnički spěwachu a tu nimo džeš, hdžež kěrluš spěwaju. Duž rjekny knjez Khrystus: Mój luby swjaty Pětro, tam spěwachu pěsnički, ale to ze wšej nutrnosću, tu spěwaju kěrluš, ale to beze wšeje nutrnosće.

J. E. Smolef, Pěsnički II.

63.

Ranje.

(Sestina.)

W mocy popušćuje křidło nocy;
 Měsac blědnje, wuhašeja hwězdy.
 Wot ranja so purpurowy woheń
 Lije z mocu do mróčelow; slónco
 Skhadža; w złotym zabłysknu so błyšču
 Hory; zemju młode wita ranje.

K žiwjenju a k swětku młode ranje
 Woła ze spanja a ze čmy nocy.
 Swoje zwónčki w womłodženym błyšču
 Kwětki kolebaju. Rosne hwězdy
 Na trawje a kerku koši slónco.
 Nowej' pali lubosće so woheń.

K kćewej, k spěwej tutón hrěje woheń.
 Přez holu so šepa: Dobre ranje!
 Ptačkow spěw, wón kwětkow bjerje slónco
 Za dar džakny po přetrated nocy.
 K trunow hrě mje wabja złote hwězdy,
 Hdyž so ranje kupa w zbožu blyšću.

Žiwjenje triumf we młodym blyšću
 Swjeći. Lubosće a mocy woheń
 Sapa w kóždym woku — Swěćće, hwězdy
 Zboža, Serbam tež! Njeh čerstwe ranje
 Kće jim hač do časow skónčnej nocy!
 Lubosć wutrobow hrěj jim slónco!

Rano, hdyž sej zemju budźi slónco,
 Stawa k žiwjenju wšo w nowym blyšću
 Čmowe wotřasujo puta nocy.
 We wutrobach mócný hiba woheń
 So, hdyž k džělu zwoni čerstwe ranje
 Jasne do nutrinow sajo hwězdy.

Ženje njehasnće, wy złote hwězdy!
 Ludej serbskemu, kiž swětle slónco
 Mojich pěsni je a spěwne ranje.
 Mojim spěwam swěćće w połnym blyšću
 Tež, zo hrěle, swěćile kaž woheń
 Bychu do zymy a do émy nocy!

Swěćće hwězdy, zboža, w złotym blyšću
 Do Serbow! Čmu nocy začěr, slónco!
 Skutkow woheń zapal młode ranje!

J. Čišinski, Formy.

Evangeliska wěra pola Łužiskich Serbow.

Němcy su křesćijanstwo nic jenož z Božim słowom, ale tež z mječom přinjesli. Serbjo so cuzej kwakli stajachu, přez tři sta lět wojowachu wo swobodu, naposlědku buchu přewinjeni, zhubichu kraj a řeč a samostatnosć. Biskopstwa so založachu k wobroćenju Serbow w Mišnje 959, w Merseburgu 865, w Džěwinje (Magde-

burgu) 968, w Havelbergu. Najpriedy postupowaše křesćijanstwo při morju w něččišej Meklenburskej, hdžež tehdy splah Bodricow abo Obotritow bydleše. Tam běše w tu khwilu swobodny serbski kral Gottschalk jako křesćijan z knjezom, bu pak 1066 morjeny. W tamnej stronje přédowaše Wicelin z dobrym wuspěchom († 1254). Mjez biskopami tola někotři widžachu, zo ma so Serbam z pomocu serbskeje řeče přédować. Tajcy běchu Benno Mišnjanski (1066—1166), rodzeny Serb, biskop Wigbert Mersebuski, Norbert Džewinski. Poslědni založi mnišski rjad premonstratow, kotřiž polo džěłachu a při tom bože słowo rozšěrjachu. Tež druge mnišske rjady zasydlichu so mjez Serbami. Po času zhubi so pohanstwo, ale tež serbska řeč bu husto dosć z mocu zahната. Serbski lud bu k wotročstwu poniženy; štóž chcyše postupować, dyrbyeše so poněmčić.

W času reformacije bydleše serbski lud zdžěla hišće za Łobjom, haj samo w blizkosći Wittenberga běchu Serbja, w Hannoverскеj holi so zdžeržachu hač wokoło lěta 1750. Nowa wučba namaka pola Serbow zwólniwe wucho. Hižom 1520 přédowaše budesčanski duchowny Pawoł Bosak po lutherskej wučbje. Wokoło lěta 1580 běše cyła Łužica ewangelska. Jenož pola Kamjenca wosta něhdže džesać wosadow z klóštrom Marijinej Hwězdu katolskich, tež budyšinske tachantstwo zdžerža so katolske a móžeše na dale čím wjacjy za duchowne pozběhnjenje svojich serbskich wosadow činić, dokelž jara mało Němcow při nim wosta.

Z reformacije nasta přenje duchowne hibanje abo tola wožiwjenje mjez Serbami. Přédowanje dyrbyeše so stać w maćérnej řeči. „Stawy“, to su zemjenjo a města, chcychu Serbow při nowej wučbje měć a zdžeržec, tohodla spěchowachu wuwučowanje serbskich duchownych. W lětach 1540—1546 bu we Wittenbergu štyrcyć Serbow na ewangelskich duchownych wuswjećenych, kotřiž wšitcy do serbskich wosadow přińdžechu. Džiwno so nam zda, zo so w někotrych městach tehdy serbski přédowaše, hdžež je džensa hižo dołho wšitko němske, džiwno nam klinči, zo bratraj z Kulowa dyrbyeštaj pruhowanje wospjetować, dokelž němsku řeč dosć njeznaještaj.

Reformacija je maćer serbskeho pismowstwa. Hižom dvě lěće po Lutherowej smjerći, 1. awgusta 1548, dokonči so přeložk „Noweho zakonja“ přez duchowneho Mikławša Jakubicu, kiž běše z fararjom blizko Žarowa, najskěrje we Łubnicach. Bohužel, njeje so tutón přeložk dla khudoby serbskeho luda čišćať, leži hišće džensa w rukopisu w kralowskej knihowni w Barlinje. Přenja

čišćana serbska kniha běchu „spěwaŕske“ wudate wot duchowneho Albina Mollera w Třupcu 1587, jim so přizamkny 1597 hornjoserbski katechismus wot Warichia a 1610 delnjoserbski katechismus, spisany wot Handrija Tary, kiž běše z fararjom we Friedersdorfje pola Lěskowa, rodženy pak z Mužakowa.

Po tutych přěnych pospytach nasta wokoło lěta 1700 mócněše hibanje za serbske pismowstwo a duchowne zastaranje Serbow. Tu mamy předešim naspomnić Michała Frencela, duchowneho w Kózlach a wot 1663—1706 w Budestecach. Na jeho pohonjenje zeńdže so 1660 w Budyšinje přěnja serbska duchowna konferenca, w kotrejž so pjatnaće duchownych zjednoći k zhromadnemu džělu za serbske wosady a tež k zhromadnej pomocy w domjacej nuzy. Frencel přeloži „Nowy zakon“, kiž so 1706 w Žitawje čišćeše. Tež družicy duchowni spisachu serbske nabožne knihi. W Delnjeje Łužicy přeloži „Nowy zakon“ G. Fabricius, duchowny w Kórjenju a po zdzišo superintendent w Khoćebuzu a da jón 1709 čišćeć.

G. Šwela, Evang. wěra mjez Słowjanami.

65.

Při kwasu.

(Romanca.)

Horka, delka, dom so kwasny swěći.

K rejam zajuskaju hosćo zhrěći.

Wonka ćma. Ze sněhom wětr je w kuli —

K woknam pacholo so skradžu tuli.

„Wohladać će jónkróć hišće jeno

Chcu a zabyć potom twoje mjeno —“

Njewjesta kaž róža rjana kćěje,

Wóčko so kaž njebo módre směje.

Nawožen ju k sebi tłóči cunje

A ju wjerći nimo wokna runje

Pachoł wonka zdyrknje kaž krew słaba

Za hłowu so, za wutrobu hraba —

Jemu być to hrozne zda so džeće

„Ně wšak ně!“ A zuby křipja kleće.

Wutroba so torha, čolo pali,
A sněh pod nohomaj jemu smali.

Preč wón wleče so do nocy émowej',
Kaž by wutrobu njesł swoju k rowej.

J. Čišinski, Formy.

66.

Něšto z mythologije.

Prěnjotny čłowjek, wobkedźbujó bytosće a wěcy wokoło sebje, njeje wo nich hinak sudzić mohl, hač jenož po sebi. Čujo w sebi žiwjenje, kotrehož wuměńjenja derje njerozumješe, je wón tež wšitkón wokolny swět jako žiwy wobkedźbowal a jako tajkemu jemu tež znamjo žiwjenja nadawał. Wón pak samsnemu žiwjenju derje njerozumješe — tuž runje tak wopačnje, jako wo swojim žiwjenju, sudžeše tež wo žiwjenju druhich žiwych bytosći abo tež nježiwych wěcow, kotrymž žiwjenje přisudžowaše. Po tajkim puću přindže wón pozdžišo k předstawam wo wšelakich bytosćach, kotrež hač dotal pak w tradicionalnych mythach zděłanišich ludow, pak w přiwěrkach dotalnych dźiwich ludow widžimy.

Dyrbju so jasnišo wuprajić a wěc wukłasć.

Prěnjotny čłowjek předstajowaše sebi dušu jako něšto, štož drje njebě móžno wobmasać, tola štož měješe runje tajku podobu kaž čłowjek sam. Wón mjenujcy widžeše we spanju druhich ludźi, rěčeše z nimi, khodžeše z nimi na hońtwu kaž we woprawdžitym žiwjenju, a njemóžo swójeho sona hinak zapřimnyć, wukładowaše sebi, zo w nim sydli druhi čłowjek, bjezcělny, tola runje tajkeje podoby kaž wón sam, z runje tajkimi wosebitosćemi a potrěbnosćemi, kajkež wón sam ma. Wón dale widžeše, zo kóždy čłowjek, hdyž spi, so njehiba, njerěči, njehlada, njekhodži atd., zcyła je jenož nježiwe čěło. Tuž wón wusudži: we čłowjeku je woprawdže hišće druhi čłowjek; hdyž tón z čěła wuńdže, wostanje čěło bjez žiwjenja ležo — tuž je tamón druhi, bjezcělny čłowjek přičina žiwjenja.

Na tajke wašnje přindže won k póznaću, zo je něšto, štož čłowjeka wožiwa, štož je po prawom čłowjek sam. Hdyž tamne „něšto“ z čłowjeka wuńdže — čłowjek spi. Z tuteho pohladowanja na spanje scěhowaše runje tajke pohladowanje na smjerc. Prěnjotny čłowjek z wopředka zawěsće njemóžeše derje rozdźělić son wot smjerće,

njemóžeše rozdžělic, hač čłowjek, kiž wumrěje, spi a soni, t. r. hač z njeho „druhi čłowjek“ jenož na khwilu wuńdže, abo hač je mortwy, t. r. hač tamón „druhi“ z njeho na přeco wuńdže a wjacý so njewróci. Wot toho přińdže pohladowanje přenjatnych ludow na smjerc jako na spanje, són. Hišće moderny čłowjek praji „wotpočni z měrom“, „spi z měrom“, „wón hižo soni wěčný són“ — njepřemyslejo, zo běchu tute słowa, kotrež wón jenož wobraznje praji, přez jeho prawótcow do słowa myslene, tuž zo powěda něšto, štož je po prawom prastare herbstwo z přenjatnych časow čłowjestwa.

Dopokaz toho, zo woprawdže móže někajke byće w čłowjeku być, hačrunje bjezcěne, widžeše přenjatny čłowjek, hdyž wuhlada swój wobraz we wodže abo hdyž wobkedžbowaje swój scén abo tež dych — wot toho wón nawda dušam zemřetych mjeno duch abo tež scén, kaž hišće džensa džiwe ludý duchow mortwych mjenuja. Z toho můžemy sebi lohcy wuklasć ludowy nahlad, zo duchojo so spóznawaju po tym, zo nimaju scénja — dokelž su sami jenož scén. Přetož w přenjatnych časach zawěsće njewobkedžbowachu ludžo scén jako jednory zjew přirody, ale jako wosebitu bytosć, kotraž, dokelž njeměješe čěta, bě na jedyn skhodžěnk z duchami postajena, abo hinak wuprajene, bě jako duch wobkedžbowana.

Runje tajku abo podobnu dušu, kajkuž w sebi wobkedžbowaje, mjenujcy dušu, kotraž je něhdže z fotografiju, z podobiznu čěta abo zwonkowneje podoby, připisowaše tež zwěrjatam a wšitkim wěcam, kotrež wokoło njeho běchu. Tuž kón, pós, mjedwjedz atd. mějachu po jeho zdaću dušu, kotraž bě dospołnje podobna woprawdžitemu konjej, psej, mjedwjedzej — duše tych zwěrjatow je wón husto we svojih sonach widzał, hewak njewědžeše wón sebi wuklasć zjew tych zwěrjatow w sonach hač tak, zo jeho duša wukhadža z jeho čěta a woprawdže wobkhadžuje z dušemi — konjemi, z dušemi — psami, z dušemi — mjedwjedžemi. Tola runje tak wón sudži tež wo wěcach, kotrež měješe, a wo cyłej nježiwej přirodže wokoło sebje. Tuž jeho wodžěw, jeho łuk a kłoki, z cyła wšitke wěcy maju dušu, kotraž ma dospołnu podobu woprawdžiteho wodžěwa, łuka, kłokow — w sonach měješe wón dušu — wodžěw, dušu — łuk, duše — kłoki. W sonach rosćeše duša — trawa, rosčechu duše — štomy, žołmješe so duša — woda.

Prěnjotny čłowjek wobkedźbowaše, zo mortwe čěło abo čěło spjaceho čłowjeka njekhodźi, njedžěła, njerěči, dokelž bě duch z njeho wotešoł, z čehož sudžeše, zo přičina wšitkich činjenjow čłowjeka je duch — a analogiscy tež přičinu wšitkich wujawow w přirodže, kotrež sebi wukłasc njemóžeše, we wšelakich duchach pytaše, kotrymž, njewědžo hinak, dawaše podobu čłowjeskeho ducha, resp. čłowjesku podobu. Tola husto tež podobu druhich žiwych stworjenjow, zwěrjatow jim přidawaše, hdyž widžeše někajku podobnosć mjez wosebitosćemi tamnych wujawow a wosebitosćemi wšelakich žiwych stworjenjow, zwěrjatow.

Z toho pojimowanja scěhuje, zo tež wšelake podeńdženja swójeho žiwjenja, lubozne abo njelubozne, zbožowne abo njezbožowne připisowaše wšelakim ducham, přecelniwym abo njepräcelniwym — a z toho nastachu předstawy wšelakich duchow, kotrež žiwjeński běh čłowjeka wjedu, postajaju, zaškituju abo jemu zadžěwaju. Měnju tudy genijow starych Romjanow — kóždy čłowjek měješe swójeho genija, — „dajmonow“ starych Grekow, „dolu“ Polakow, Małorusow a Rusow, „sreću“ južnych Słowjanow, „osud a sudičky“ Čechow, „sudjenice“ južnych Serbow, „sudjenice abo rojenice“ Khorwatow. Spodzowne je, zo Serbja podobneje bytosće nimaju, tola zda so, zo někdy tajku bytosć mějachu. Pful drje ma we swójim słowniku słowo „wosudnica“, tola njewěm, zwotkel je ma, hač je je w ludu słyšał abo sam wutworil. Na někotre wašnje bližitej so runje mjenowanym bytosćam serbska „boža łosc“ a „bože sedleško“.

Z takimi genijemi běchu tež duchojo zemrětych prjedownikow. Prěnjotni ludžo mjenujcy wěrychu, zo duša zemrěteho nana ze swójbu wostawa a so z jeje škitowacym duchom stawa. Powostank teje wěry namaka so hišće nětko w ludu, kiž wěri, zo duša zemrěteho w domje wostanje tak dołho, doniž so mortwe čěło k pohrjebej njewunjese. Tohodla pječa njeje derje, přeze wšu měru žaloscić a plakać, dokelž to njebožički, resp. jeho duša, wšo słyši.

Pozdžišo česáčach ludžo wšelakich domjacych duchow, njemy-slo wjacy, zo bě tuta česć z woprědka dušam jich prjedownikow słyšała. Prěnjotni ludžo wěrychu tež, zo móže so duša prjedownika wrócić tež w podobje někotreho zwěrjeća, na př. hada.

Na tajkim puću móžeše nastać wěra do kuboćikow, lutkow abo palčikow, do plonow abo zmijow, zdžěła tež do božeho sedleška a božeje łosće.

Při kolebcy.

Do zahradki wětřik duř	Tuj, tuj, złote džěćatko,
A lisćička tam zelene je hnuř,	Nank, maćěrka za tebe stara so
Z ćicha zynčeše;	Strachi zdaluje,
Lisća spinkajće! Haj!	Mjehecy pósće. Haj!
Jandželko naš lubozny,	W zbóžnym měrje, kuřko, spi,
Nětk spinkaj, złoty hořbiko, tež ty!	Nětk hišće swěći złote słónčko ći,
Lubosć maćěrna	Dónž će njebudža
Njespi, njedrěma. Haj!	Rany žiwjenja. Haj!
Na hały spja ptaćatka,	Dónž će starosć njebudži,
Je kryje štom a z lisćom wodžěwa,	Zamkn módre kukulatko, změrom
Stražu na tebi	spi,
Džěrža jandželki. Haj!	Naša róžička,
	Naša lilija! Haj!

H. Zejler, Zhrom. spisy I.

Nižše stoji ćiše.

Při kromje wulkeho lěsa k njebiesam dosahacych štomow stoješe jaworc a zhladowaše njespokojny a zawistny k jich wysokosći. Ach, čeho dla, džeše wón, njejsy mje, Božo, jako tajki majestostny štom stworił? Kak wjele prjedy a dlěje bych słónčka wužiwał a dale widził! Błysk a hrímanje z powalacym wichorom přičeže, najwjetšeho hobra štomow porazy bože njewjedro a črjoda druhich pódlanow, jaworcowych susodow, ležeše wuwróćena jałorcej k nohomaj a zdychowachu žalostnje na swoju škódnú wulkosć. To widžo hańbowaše so jaworc swojeje zawisće a džakowaše so Bohu za swoju nizkosć, kiž bě jeho zdžěržała.

Njezawidž nikomu jeho wysokosć,
Ty njewěš jeje strachotnosć!

H. Zejler, Zhromadź. spisy IV.

Serbske barby.

Bratřa, dajće město spěwey,	Kajkuž Serbstwo lubuje;
Sława! barbje wyskajće,	Twjerdžizna njebieska
Módrej, čerwjenej a bětej,	Sama k nej so póznawa.

Młody dzień, hdyž ranje swita
 Z różowatej kročelu,
 Z našej barbu zemju wita
 Z lubosću we wobliču;
 Lubosć a wuznawa
 Naša barba čerwjena.

Firmament so módri krasny
 W fijałkowej módrini,
 Jeho barba njewuhasny
 Přecelow slub poswieći;
 Přecelstwo, bratrowstwo
 W našej barbje hordži so.

Bělu drastu njewinosće
 Jasny dzień so wobleka,
 Z běłych liljow khwalba rosće
 Twojej barbje, Łužica!
 Njewina wuzwola
 Twoju barbu Łužica!

Módra, čerwjena a běla,
 Haj, to krasna barba je;
 Komuž wutroba so zhrěła
 Za čuća je wótčinske:
 Zawyskaj, zaklinkaj,
 Stawa serbskej barbje praj!

Handrij Zejleř, Zhrom. spisý III.

70.

Zastarske serbske připiwanje.

Naši wótcojo su wšelake dobre wašnja měli, kiž drje su nětko zabyte, ale tola spomnjenja hódne wostanu. Hačrunje su jich ći, kiž mějachu so za jich zdžěłanosć starać, druhdy za hrubych wudawali, namakamy tola něštožkuli, štož na serbsku zdwórliwosć pokazuje. Tak ju widźimy w jich připiwanju. Njeje so přeco kaž nětko, hdyž tón, kiž ma reju, před hercami stejo na připiće woła, prajiło „Připij sej“ abo žortniwje „Připić huba — božemje Kuba“; ně, naš Abraham Frencel powěda nam w swojim wulkim rukopisnym słowniku str. 2547 takle: Hdyž so někomu, kiž za druhim blidom sedži, připija, praji so: „Ja chcu wam připić jako póćiwemu muzej, jeli přeciwo wašej mysli njebyło a česći nješkodziło.“ Na to wotmołwi druhi: „W mjenje božim; ja rad wozmu jako wot póćiweho muža.“ Hdyž je wupił a zaso porjedził, poda tón přez drugeho a praji: „Bóh žohnuj wam; prošu za dobry dórtk“, t. r. zo by derje pił a wupił. Tón wotmołwi: „Ja rad wozmu, za koho rukij?“ t. r. sym ja rukij, zo je póćiwy muž a připića hódny? Tamón rjeknje: „Štóž je wam lubši, jeno mi nic; pokažće mi prózdnu, připijće wašim towaršam!“ Tónle druhi wupiwši wotmołwi: „Waša wola je so stała.“ Tamón pak pokračuje: „Podajće mi prózdnu; ja chcu wam nowu náleć. Hdyž je znova porjedził, poda dale: „Požohnuj wam Bóh; napijće so čerstweho.“ Napiwši so praji tutón: „Ja so luboznje džakuju za vaše dobre připiće.“

M. Hórník we swojej „Čitancy“.

Bratřa.

Wichor howri. — Njewidziće,
Kak tu z čołmom zakhadžeja
Syčo žołmy ješčate? —
Bratřa, bratřa, k čomu spiće?
Wašu mać džě wusměšēja
Helske mocy sapate!

Stańće jako džěci hódne
Maćerje, kiž porodžiła
Luba was a kubłała.
Polo poskića nam płódne;
Swěru je je plodžiła,
Wjele krewje přelała.

Zhrabajće so! Nječakajće!
Wokomik hdyž žad'n so zhubi,
K nam so wjacj njeskhili.
Wšitke mocy napinajće!
Wótčina wam sławu slubi,
Hdyž sće za nju bědžili.

Mocy su 'šće čerstwe waše,
Rodzićercy přislušeja,
Wótčina je požada! —
Što jich runje zataw'waše?
Z nimi waše mysle džěja,
Wobknježa was přerada?

O! — Ach ně, to móžno njeje!
Kak cheył Serb mi Serbej ćeknyć,
Swoju maćer wopušćić? — — —
Tuž dha khětre, doniž kćěje,
Čas nam. Lěnjoty so sleknyć!
Wótčinu nic zapušćić!

Serbscy bratřa, bratřa moji!
Serbow swěrný Bóh nas stworil
Serbska khorhoń zmahuje.
Njepřećel so w črjódach roji!
Serbski naš duch je traš skhorił,
Zo so wjacj nječuje?

Ně, o ně! 'Nož tesak z nóżnow!
Wótrý tesak złotych wědow
Njepřećelow poruba;
Swěrný škitar serbskich bróznjow
Zniči hrozne zlóšće jědow.
Njepřećelej zahuba!!

Wótčina nas wočakuje
Wutrobu je wotewřiła,
Wjeršneho ma za swědka! —
Bratřa, ćežki boj 'žno wuje!
Prawdy hodžina je biła!
Bóh je z nami. Do přědka!

Jakub Šewčik. Jub. spisy Serbowki I. swjazk.

Łastojčki.

Ze škórcami přińdžechu tež druhe ptački z južnych abo nalět-
nich krajow, a w blizkich kerkach a lěskach so wot ranja hač do
wječora wjesele spěwaše a fifoleše.

Šibakec nan běše hižo w zymje džěcom slubił, zo z nimi raz
do lěsa pónǵe a jim hnězda wšelakich małych a wulkich ptačkow
pokaza a jich mjena našich najrjeńšich spěwakow nawuči. Prjedy
pak, hač slubjena njedžela přińdže, zwjeseli druhu připad Šibakec
swójbu.

Šibakec domček běše mała drjewjana khěžka. Z khěže džěchu jedne durje do istwy, druhe do komory a skhód na łubju. Wjerch w khěži běše drjewjany a ležeše na mócnej hrjedze, kotraž běše tak nizka, zo dyrbyeše trochu wjetši mužski so skhilić, cheyšeli přeńć. Na tutej hrjedze počestej, dokelž so khěžne durje wodnjo mało začinjachu, łastojčcy swoje hnězdo twarić. Cyły dzeń lětaštej wobej spěšnje sem a tam, lěpještej a twarještej tak pilnje, zo běše wječor hižo hódna kromka hotowa. Jank a Lenka pytnyštej najprjedy tych wjesołych hosći a prošeštaj mać, zo by tola na te pěkne ptački njeswarila, hdyž nan domoj přińdže. „Ale hdže dha budžetej łastojčcy w nocy,“ prašeše so mać. „Ach, w nocy wonej k druhim do hródze polečitej,“ mjenješe Lenka, „pola Šoćic je w hródzi wěsće dzesać hnězdow.“

Wječor bu nanej nowinka hižo na wsy wupowědana, a wón z radosću přeće swoich džěći dopjelni, přispomnjo: „Hlejeće, džěći, tež njerozumne ptački wědža, zo Šibakec džěći nikomu kriwdy nječinja a žadnemu ptačkej hnězdo njewurubja, dokelž derje wědža, zo su ptački najlěpši přečeljo čłowjeka a jemu jara wužitne. Jutře wurězam do našich khěžnych duri woknješko, přez kotrež něžne łastojčki tež potom, hdyž so durje začinja, přełeća.“

Po wječeri powědaše nan wjele wo łastojčkach a wo jich mudrosći a lubosći k jich młodym.

„Je tomu něšto lět,“ džeše nan, „zo běch słodeńk w susodnej piwarńi; tam so hižo dawno piwo njewari, ale kóždu zymu hać do nalěca so tam słód z ječmjena hotowaše. Tež tam zasydlištej so dwě łastojčcy a lětaštej wjesele sem a tam. Hnězdo běštej sebi delka na hrjedze natwarilej a měještej wězo hižo jejka, hdyž so słodžić přesta. Dwě njedželi so minještej, a piwarńja běše w tón čas kruće zezamkana. Tu přińdžech z piwarcom zaso do piwarńje a dyrbjach słód wažić, dokelž měješe so wotwjesc. Lědma z piwarcom durje wotamknych a zastupich, powitachu mje łastojčki ze svojim hlósny m „Kiwit — kiwit“ a młode w hnězdažku šćěrčachu wjesele. „Hdže dha tu te ptački sem přińdu,“ prašeše so piwarcom. „Mamy snadź něhdže rozbite wokno?“ Přehladachmój wšitke łubje a nihdže žadneje džěry njenamakachmój, hdžež by ptačk přełećeć mohl. „To je tola dziwna wěc,“ džeše piwarcom, „dyrbimój so přeswědčić, hdže łastojčki k svojim młodym přiłětuja.“ Zamknychmój durje a čakachmój. Za mału khwilku postrowi naj zasy znate: „Kiwit — kiwit“. Łastojčka posyć młode a so zhubi.

Widźachmoj, zo po skhodže na łubju wuleća a tam so zhubi. Zeńdźechmoj na łubju a čakachmoj z nowa. Nadobo słyšachmoj zaso znate „Kiwit-kiwit“ nad namaj a huš, huš běše hižo pod namaj w hnězdze. Hdyž pak so wróci, widźachmoj, hdže wuleća. Na třěše běchu drjewjane wuhenje naprawjene, přez kotrež proch při čišćenju ječmjena a para při sušenju słoda wustupowaše. Tute drjewjane wuhenje pak běchu z wjercha přikryte a mējachu jenož z bokow džěry, dešća dla. Přez tute wuzke wuhenje přelětowachu wbohe łastojčki a žiwjachu swoje džěćatka. Kak dołho su tute łastojčki pytałe a styskno wokoło woknow lětałe, přjedy hač su tute małe džěry na třěše namakałe. Njesu to rozumne a k swojim młodžatam lubosće poľne zwěrjatká?“

P. J. LARAS. Z powědańčka „Šibakec nan“, Łužica 1911.

73.

Stary lěšak.

Widžu jeho hišće w duchu před sobu, toho stareho lěšaka, widžu jeho žiwje, kak posłědny raz pokhileny mi při boku kročeše, tam na horu horje, při kotrejež podnozy bě jeho, z lěsom wobkhlódnjena khěžka. Dopominam so, kak potom zasta tam na wysokim kamjenju, kak z hluboka wodychny a kak so wobroci, zo by krajinu, wupřescěracu so tu před namaj w krasnej pyše, ze mnu; wobdźiwował.

„Slyš, mój přecelo,“ započa wón, hdyž běše so wukašlował, „sym nětko přez sydomdžesat lět stary, a wot svojich džěćacych lět znaju tutu krajinu. Hižo jako hólčec khodžach rad na tuto městno — a khodžach sem tež jako šedžiwc. A čím dlěje tute hona, a tu pod namaj swój domček wobdźiwam, čím wjetši začíšće to na mnje wukonja — a pónawam, zo je na swěće tola tak rjenje, zo so mi staruchej z njeho hišće nochce. A tola začuwam, zo bywa dych z kóždym dnjom krótsi, zo mi mocy spaduja hladajcy, wot toho časa, hač ta zła khorosć mje potornhy... Hlej, luby přecelo, wróća so sem nalěco, wróćeja so ptačatka, ja jich tu njebudu hižo witać, podarmo budža tu wokoło zlětować a podarmo tu pytać swójeho swěrneho znateho lěšaka. Potom přińdź zaso sem na tutón kamjeń, a praj tym ptačkam, zo su stareho lěšaka pokhowali — tam na keřchowje při wsy na hórce. Potom dopomni so na to, stož sym tebi řečał, a wróc so w duchu do woneje doby, hdyž hišće hromadu khodžachmoj — rano před switanjom a wječor při

poslědnich směrkach — hdyž khodžachmoj dele na lěsnu łuku łakać na rjaneho sornika, kotrehož potom porazy wołoj z mojeje swěrnej trěłby. Dopomń so tež na wichorojte nocy, kotrež smój w tužacej službje wonkach přebywałoj, dopomń so na nóc, hdyž sebi při wohnju pod hałuzatym stanom pječechmoj te džiwje hołbje — a kak potom wichor wujo, wot zemje wotwjertny naju stan a kak rozdu woheń, kotryž po lěsu lětaše kaž na směrkach swjatojanske muški. O, přecelo, to běchu za mnje hišće časy poľne zboža, tehdy mějach hišće mocow, wichorej a njewjedru khroble napřećiwo stupić. Tola ach, kak khětre je so to wšitko přeměniło. Hlej, kak mi ruka třepota; wona njebudže hižo wjacj trěłbu k licu nastajeć . . . Ně, ach přecelo, začuwam, zo ze mnu dze ke kóncej . . . Nozy mje lědom hišće nosytej, čuwidła mi sprostnjeju, a woči zhubjuja wótrosc — a tule, tule tón hrozny kašel!“ Stary lěšak položi při tym prawicu na wutrobnjo, a z wočow běše jemu čitać njewuprajny ból.

Stojachmoj hišće khwilku we hłubokim mjelčenju hromadže, a ja hladach staruchej do jeho zrudneho wobliča a widžach, kak so jeho barba přeměnja. Lico a čolo buchu šlewjerběte, hubje pak a dólčki wočow na zeleń módre, a woči přikrywaštej so jemu kaž z pawčinu. A hdyž jeho blizki, lodžany dych na sebi začuwach, dha překhadžeše mi přez žily potajne začuće. — Staruch zezda so mi nětkle kaž postawa, wotpočowaca na čornych marach, na čole z myrtowym wěňčkom . . .

Dopominam so hišće žiwje, kak tehdy starucha za ruku vzach, kak jeho wjedzech pomału, kedźbnje po znatym puću do doła dele, hdzež jeho domčk stoješe. Ach, njewědzach tehdy hišće, zo starucha přewodžach posłědni raz z lěsa domoj, hdzež běše přežiwił tak zakrasnu zbožownu hodžinku a hdzež měješe nětk dokonječ swój běh — — —

Njebě so hišće tydzeń minył, dha hromadžeše so wokoło tuhoto domčka syła ludu w žarowanskej drasće, wšitecy hłuboko zrudzeni, ze sylzojtymi wočemi. Dyrbjach so z mocu přez tutu syłu přećišćeć, zo móhl do khěžki dospěć a tu do małeje jstwički, do kotrejež běch tak často přikhadzał, po stareho lěšaka, zo bychmoj so hromadže nastajałoj won na hońtwu, wo kotrež běše mi wón tak často powědał ze swojeje słódkeje a hórkeje zašłosće, hdyž běše był jako džěćo, jako młodženc, jako muž a jako staruch w zbožu a wjeselu živy. Zastupich do tuteje jstwički a hižo njemóžach so sylzam dowobarać . . .

Haj, wón tón staruch, nětk ležeše tu w běłem kitelu, z blědym smjertnym wobličom, ze zańdzelenymaj wočomaj. Stojach khwilku němy w boli. Potom přistupich bliže, přimnych so jeho lódzymneje ruki, kotruž běše mi wón tak často zawdał — nětk pak, zo bych ju tłóčil poslední raz. Hišće jónu smědzach jemu do wobliča zhladnyć, zo so mi jeho wobraz njemohł nihdy zhubić — a nětko bu na njeho stajene kašćowe wěčko. Mužowje přimnychu kašć a njesechu jón ze jstwy. Na prozy bu čěło hišće trójcy pozběhnjene, a potom donjesene w dołhim čornym čahu tam na keřchow při wsy na hórcy...

Nalěće bě začahnyło do kraja, a z nim zaso ěi wjeseli spěwarjo, kotřiž lěs z nowa woziwjachu. Tež tam na horje nad lěša kow khěžku złětowachu zaso tute drobne ptačatka, lětachu wot hałžki k hałžcy, wot keřčka do keřčka, a ěikotachu, pytachu bjez přestaća. Jich řědko zanošowane spěwy klinčachu pak struchle a žarowansey.

Stojach na kamjenju, hdžež tehdom z lěšakom stojach poslední raz. Dopomnich so na lěšakowe słowa a při tutym wopomnjenju zmócni so mje jěderna žalóść. Haj, nětk wědzach, koho tu ptačatka pytachu njepřestawajcy, čehodla spěwachu tak zrudnje a struchle... „O, ptačatka, njepytajće jeho, wón tu hižo njeje, wón njebudže wjacj připosłuchać wašim spěwam, wón njebudže was wjacj kitać před rubježnym ptakom.... Hlejće, tamle na keřchowje při wsy na hórcy!“

Mojej woći so tam nětkle njejapcy wobroćištej, wotpočowaštej tam horkach dołho, dołho, potom pak zhladnyštej k njebiesam, a mojej kolenje so potknyštej k zemi.

Mojimaj hubomaj wuroni pak so ěichi „Wótće naš“ za toho stareho lěšaka, wotpočowaceho tamle na keřchowje při wsy na hórcy.

J. Lorenz-Zalěski, Łužica 1898.

74.

Serbska khorhoŵ.

Stój, khorhoŵ módra, čerwjena a běła!
Tón barbow błyšč njech Serbow k sebi łóji,
Njech pod nim muž při muži lud wšón stóji,
Zo zemja serbska w tych by barbach kćěła!

Najbóle swěra žada so do džěła,
Kaž njebjo módre jeno rostěj hoji.
A lubóść kreŵ a pjasć njech z mocu poji,
Bjez stónca žadna njej' so róža zhrěła.

We swěrje pak a w lubosći spi přeće,
 Zo trało zbože by, kiž z njeju pleće
 So, zo by radosć wěčnje wostać směła.

Stój, khorkow módra, čerwjena a běła!
 Z njej hajće sebi swěru, lubosć, radosć!
 A mocy Serbja změja dosć a na dosć.

J. Čišinski, Wysk a stysk.

75.

Křižerjo.

Serb, wosebje wjesny, ma ze starych časow khwalbu nabožneho čłowjeka a swjeći swjedženje cyrkwineho lěta rad ze wšej swjatočnosću. Róčne časy, to su hody, jutry a swjatki, traja dotal zwjetša tři dny mjez katólskimi a ewangelskimi Serbami. Najbóle pak wuznamjenja so jutrownička abo přeni dzeń jutrow.

Tehdy raduja so katólscy Serbja z mortwychstaća swojeho Zbóžnika nic jenož w cyrkwjach, ale tež wonka na svojich honach, hdyž wot swojeje wosadneje swjatnicy k susodnej jako křižerjo abo „za křižemi“ po dwu jěchaju. Tajke swjatočne wobkhady na konjoch wjedu so z Khróscic do klóštra Marijineje Hwězdy, po wobpuću, hodžinu zdaleny. Ralbičanscy wosadni podawaju so do městačka Kulowa, dvě hodžiny daloko, a Kulowscy do Ralbic, Njebjelčanscy pak do Wotrowa a Wotrowscy do Njebjelčic, štož je dobru hodžinu różno, wot jutrow 1882 tež Radworšcy do Zdžerje.

Su to jara nahladne čahi, přetož khróscánskich a kulowskich křižerjow bywa přez sto šěsćdžesat, zbytnych pak pjećdžesat hač sydomdžesat. Jěcharjo, wšitcy w swjedžeńskej drasće, su hospodarjo a jich synowje abo tež služowni. Jich konje, hižo hewak starosćiwje kormjene a česane, dóstawaju za tutón dzeń wšu móžnu pychu. Sedla a šabraki, wuzdy a pasy maju wšelake mosazne, kosćane, slěborne a pozłóćane debjenstwo. Hriwy, snadź tydžěn prjedy plećene, pokazuja so kudžerjawe. Na wopuši je židžany wjazzk z bantow přityknjeny, dar to mandželskeje hospozy abo lubowaceje duše; wón bywa čerwjeny a pisany, abo jeli minjene lěto něchtó ze swójby zemrjel, zeleny abo módry. Na tule pychu spomina naš basnik Handrij Zejler w swojim „Nalěću“, hdyž w ranišim přezpolu jutrownych čaharjow praji:

Hdže su mi banty čerwjene,
Na swjedzeń wjesoly;
Štó módrych, běłych přinjese
Na wjedzeń jutrowny?

Hdže sy, mój pyšny koniko,
A što so raduješ?
Kaž slónco skoči skhadžejo
Ty ze mnu zejhravješ...“

Křižerjo zhromadźuja so připołdnju po postajenym dobrym rjedže před swojej cyrkwu. Wjednikej přepodawa so křiž abo boža martra z wulkeho wołtarja, w Khrósćicach druhemu wjednikej hišće swječo z mortwychstanjeneho, a dwaj abo tež štyrjo maju khorhowje z cyrkwe. Při zwonjenju wšěch zwonow a serbske jutrowne kěrlušy spěwajo wobjěchaju potom swoju cyrkej a na to po wsy a po postajenym puću podawaju so k susodnej cyrkwi. Kotřiž dlějši puć činja, modla so tež rózarij a wjedu na tón čas pěši swoje konje. Před susodnej cyrkwu bywaju tu a tam wot duchowneho powitani, Kulowscy a Ralbičenjo wopytaju nyšpor, a wobjěchawši tutu cyrkew a tež nawsu, a w Marijnej Hwězdze tež klóštrski dwór nastajeja so zasy k wosadneje cyrkwi, zasy ze wšěmi zwonami powitani. Z nowa wobjěchaju cyrkew a po wsy. Tu čaka na nich wjele ludźi, kotřiž su w nyšporach pobyli abo kotřiž su jeničcy tohodla přišli, zo bychu na křižerjow hladali, z dalšich městow a wsow. Hdyž křižerjo z cyrkwineje wsy domoj do swojeje jěchaju, je so najbóle hižo wječor přibližił. Doma pak hišće často powědaju, čěji hólcy su najmócnišo spěwali a čěje konje su najkrasniše byle.

Tajki křižerški wobkhađ, kaž jón naši Serbja dotal wobkhowachu, smě so přisprawnny mjenować, dokelž so z přistojnosću a wažnosću wołbywa. Hdžež Bóh našeho rólnika bohaće žohnuje, tam chce tón swjatočnje so džakować a dowěrnje prosyć. Kón pomha hewak k wužitku při ćežkim rólnym džěle, jutrowničku chce jeho Serb sobu wužić k česći božej!

Hdy su křižerjo nastali, njehodźi so zhódać. W Ralbicach wozjewja so kóžde lěto, zo ma so jich wobkhađ stać po starym „mišnjanskim rjedže“, kiž drje je před reformaciju wobstał, snadź hižo w času křižnych čahow. W agendze (parochiale Misnense) so woprawdže poruča, zo by po nyšporje prócesijón był z jutrownymi spěwami.

Móžno pak je, zo su křižerške wobkhađy rólnikow njezemjanow so spočale, hdyž su ryčerjo zemjenjo so na swjedzeńske hry zjězdźowali. Tola njech tomu kažkuli, tu khwilu su křižerjo wosebitosć serbskeje katólskeje krajiny, hdžež po staršich a nowišich prócowanjach nabožnosć a narodnosć so wužitnje podpjeratej.

Michał Hórnik, Łužica 1883.

76.

Serbskim křižerjam.

Kajke radosćiwe klinča hłosy	Konje zesedłane na šabraku
Wot Kamjenca hač do Budyšina?	Z jehnjećom so błyskotaju jasnje.
Što jusk z wotrowskich so horow	Pyšnje młodženc sedži na brunaku,
nosy	Šedźiwce za wuzdu tež hišće
A hač za Kulow so dele pina?	masnje.
Wuběžał čas ćicheho je posta —	Konje rjehoceja w pyše z horda,
Z cyrkwjow jutrowna so radosć	Zwony jutrowny jusk roznošuja,
zwoni;	Z nimi začahuje do akorda
Khrystus stanył je, a w rowje	Křižerjow so serbskich haleluja..
wosta	
Drasta jeno! Jandžel z njebjes	
hroni.	
Serbscy křižerjo ze wšitkich	Z tajkej pychu Serbja jutry
dworow	swjeća —
Na jutrownych konjach wujěz-	Jusk jich dołho konikej do wucha
džuja.	Klinči hišće, křižerjej do džeća,
Z khorhowjemi w ćahach pyšnych	A do honow haleluja bucha. —
porow	
Zanošuja z hłosom haleluja. —	
Konje w kóstkатыm a złotym gratu	Takle z Boha dale jutry swjeće!
Hriwy zběhaju hač wyše wuši	Wótcow wašnje hajće sej a česće!
Kudžerjawe, njesu zmahowatu	Konjom wopuše a hriwy pleće!
Bantow pychu spjatu do wopuši.	Haleluja přez kraj serbski njesće!

Doniž kón so budže we kudžerjach
 Gratować a zadźiwane šmrěki
 Budža šepać sebi wo křižerjach,
 Serbja, Serbja wostanu na wěki!

J. Ćišinski: Z juskom wótcěnskim.

77.

J. P. Jórdan započina wudawać „Jutrničku“, nowiny za Serbow, 1. wulkeho róžka 1842.

Lubi Serbja!

Wšitke ludy wokoło nas maju swoje nowiny a časne pisma, kotrež jim zaštych abo našich časow stawizny a nowinki wupowěduja, kotrež jim wšelake lesne powědańčka, rjane přikłady, směšne basnje a basnički a druhe tajke wjesołe a struchłe čitanja

poskićuja, zo móža woni swoje njedželske popołdnjo abo druhi čas, hdyž ničo za džěło nimaju, wjesele a wužitnje přechinić. Z tajkich pismow nawuknu woni něštožkuli, štož jim w jich hospodařstwje a we wšěm druhim jich džěle, žadanju a potřebowanju wuley wjele spomhać, jich prócu polóžiť, wjetši wuzbytk při mjenšich mocach dawać, ze słowom w jara wjele kruchach wužitk a pomoc přinjesć móže. A někotra krasna hodžinka minje so jim z čitanjom rjaneho powědańčka, lesneje pěsnički, wjesołeho lisćika a wažneje nowiny wo čěžkich wójnach a spodžiwnych podawkach z cyłeho swěta.

„Kak je to tola dušnje!“ praji někotryžkuli z mojich serbskich bratrow; „kak rjenje, hdyž móže čłowjek telko noweho zhonić, tajke wužitne wěcy nawuknyć, swoje čěžke džěło sebi w něčimžkuli polóžiť a w prózdných hodžinach tak so powjeselić!“

„Haj hlej“, praji zas druhi, „Němcy, ach, cí maja tajke wšitko jara lohcy, ale my wbozy Serbja! štó so wo nas stara? Serba hewak kóždy hani a hidži, a hdyž chce wón něšto wjacj nawuknyć hać swoje paćerje, dyrbi k Němcam po prošnju hić; we swojej řeči wón ani słowčka njenamaka.“ Ty maš prawje, serbski bratře mój; tak je było hać tu do tejele hodžiny. Ale to je było, mój přecelo, a njebudže wjacj. Nimo — minyła so je tale čěmna nóc, kiž serbske hona přikrywaše, a nowy dzeń nastupuje za nas. Zestawali su hižo někotři mužojo, swěrne džěci našeje serbskeje maćerje a wołaju nět看 přeze mnje won do wšitkich serbskich honow: „Přeč tule tupu čěmność! Nowe serbske slóncó zeskadžu a wobswěć naše lužiske hory, zo budžemy we swětle khodzić wobdać z brónju wšěje rozomnośće, a wopasani z mječom swjateje wěrnosće!“

Tuž dha wy nět看, moji lubi, pójće a posłuchajće swěru na tónle hlós, dokelž wón njeje tón hlós samopašneje njepokory abo hordeho ropota a zepjeranja, ně — won je hlós bratrowskeje lubosće, kiž wam wužitk, wjeselo, radosć njese, hlós swěrneho přecela, kiž wam wšitko wupowě, štož wón wě abo zhoni, jelizo wam to na někajke wašnje spomóžne a wužitne abo lube a spodobne być móže. Wy pak, duchowni a swětni wučerjo našeho luda a wšitcy druzy, kiž to zamóžeće, pójće a pokazajće, zo woprawdže naš lud lubujeće a chceće, zo by wón dzeń wote dnja přiběrał w mudrosći a rozomnośći, we sprawnosći a wěrnej bohobojosći, pokazajće je přez to, zo našu „Jutrnčku“ pokupiće a mjez našim ludom ju rozšěriće, zo bychu waše mjena přenje stałe mjez tymi, kiž naš lud tež na tele wašnje wuwučěć a kubłować a ke wšemu dobremu budzić žadaja.

W Lipsku, w nazymnym měsacu 1841.

78.

Pohrjebane zbože.

(Sonet).

Hdžež wulke zbože skhowať sy do rowa,
 Tam njekhodź! Daloko budź wot městačka,
 Hdžež, hdyž sy spěwać słyšať zboža ptačka,
 Stej krwawiloj ći wutroba a hłowa!

Tam stara bolosć w duši rěza z nowa
 Ći. Tam pak rozmjerza će kóžda wačka,
 Pak woko nihdy njezabudže plačka.
 Tam k džětu, k zbožu njej' ći zemja strowa.

Hdyž z mocu tajnej ćehnje će a čěri
 Pak k rowej tamnemu, dži w ćichej nocy,
 Hdyž sam sy z bolosću a ze sonjenjom!

Tam wuplač, wujednaj so, se žiwjenjom!
 Ztrěj sylzy sej, stań spěšnje w mužskej mocy!
 Wukń, kak so ćěpí, nadžěja a wěri!

J. Čišinski, Formy.

79.

Wašnja při wotemrěću a pohrjebje.

Hdyž je pola serbskich wjesnjanow khory smjerći blisko, položa jeho we jstwje na nowu słomu, kotraž je z plachtu wodžěta, ale ze žadnym spódnim posleščom. Hdyž mrěje, wotewrja přitomni wokno a powočinja jstwíne durje a poklaknywši wuspěwaju ćichi wótčenaš. Nětk posćelu po čělowu žonu, kotraž čěto wumyje a po móžnosći bórzy tež zwobleka a wupyši. Woda, z kotrejž bu čěto wotmyte, wuliwa so tu a tam do keřka, zo ju ptačk woblétuje; a słoma, na kotruž bě čěto položene, njesmě nihdže do čmoweho přińć. Bě-li wotemrěty z pčolarjom, dóndže bórzy něchtó do pčolencu, zaklepa na kóždy koľč a wozjewja jeho smjerć z tymi słowami: „Pčolki, stawajće, waš hospodař je so minyť“, abo po delnjolužisku: „Pčolki, stawajso, waš góspodař jo humřeť!“ Čělowa žona prosy potom přěćelow, znatych a wjesnych ludźi na přewodženje. Druhdže noša gmejnsku heju abo kwakulu dwór wot dwora abo čorný kij. Kaž došlo je čěto w domje, je wšitko po móžnosći z čicha a tež pola wobeju susodow. Tehdom so njemlóći, drjewo so njeruba, skót so njepřaha. W žarowanskim domje su husto smjertne kěrluše słyšeć. Wječor přiřhadžeja susodža a přěćeljo, zo bychu zrud-

nych změřowali. Wječor před pohrjebom přińdže wyše tychle, z kóžděho domu we wsy znajmjeńša jedyn na „pusty wječor“, a tu spěwaja so zhromadnje kěrluš hač do nocy. Čěło z kitelom woblečene leži w kašću z wysokim wěkom, na kotrež so w někotrych wsach sekera kładže. Na pohrjebnym dnju přiřhadžeja přewodźerjo w žarowanskich drastach, a dostanu piwo abo škleńčku palenca. Najbliži přeceljo pojedźa we jstwjě. Hdyž so čěło z domu njese, dawa so domjacemu skotej pica, zo by njeležał. Je-li pohrjebnišćo w druhej wsy, dowjezu tam čěło z deskowanym wozom a w Delnjej Łužicy z rjeblowanym. Kóžda wjes ma najbóle swoju „mortwu kupku“ z kónc wsy, hdžež žarowanski čah zastawa, a přewodźerjo wuspěwaju wótčenaš; katólscy pak pozastanu najbóle pola třoch swjatych křižow. W někotrych krajinach najbliži žarowacy při tychle modlitwach ani w božim domje tehdom kłobuk njezejimaja, dokelž njesmědźa swoje z wysoka žarowanje přetorhnyć. Njedaloko pohrjebnišća staji so kašć na mary, hdžež duchowny ze spěwarjom napřečo přińdže. Hdyž je modlitwa abo kěrluš dospěwany, pozběhnu nošerjo kašć a njesu jón k rowu. Wosebity rowar njeje wšudźom, ale ryće rowa dže po gmjenje wokoło, tak zo dwaj mužej je wobstarataj. Wóz, na kotrymž bu čěło sem dowjezene, a kóždy stólc, na kotrymž bě kašć stał, leži potom najbóle doma jedyn džen powróceny, zo by mrtwy lěpje wotpočował. Najbliži zawostajeni čiskaju po dokonjenju cyrkwinskih modlitwow horstku abo tři pjeršće do rowa a „měra“ so do rowa pušći. Potom podawaju so přewodźerjo do cyrkwe. Pola katólskich du bliži z přecelstwa při božej mši ze zaswěćenej swěčku wokoło wołtarja. Pola ewangelskich spěwa so pohrjebny kěrluš a duchowny ma řeč a čita běh žiwjenja. We wjele wosadach přizamka so temu hišće „dobra nóc“, to rěka předar praji w mjenje zemřěteho kóždemu přiwnuznemu, susodam, kmótram, dobročelam a přecelam božemje a to kóždy króc z mjenowanjom mjena, džakuje so za wopokazanu lubosć a wšo přecelstwo a přeje za to kóždemu wšitko dobreho. Skónčnje je modlitwa a kěrluš. Po skónčenych kemšach poklaknu přeceljo zasy na row, mjez tym zasypany, a wuspěwaju wótčenaš; bliži přiwnuzni činja to přez cyły žarowanski čas, hdyž do cyrkwe nimo du. Na row postaji so pak křiž, pak druhi wopomnik, abo při šulskich džěčoch hnydom po pohrjebje wjele małych křižikow, kotrež sobušulerjo a sobušulerki darichu. Po pohrjebje zhromadžeja so přiwnuzni najbóle hišće w žarowanskim domje k hosćinje, při kotrež husto na wotemřěteho „na božej

prawdže“ spominaju. Tu a tam pomodla so doma na tym městnje, hdžež je čěło stało, a wobzamknu cyłu pohrjebnu swatočnosť z kěr-
lušom. — Žarowanje abo žalowanje zložuje so po blizkosći přiwu-
znistwa abo swakowstwa k zemřětemu. Džěci žaruja staršeu a staršej
swoje džěci lěto a něšto přez lěto, bratrow a sotry žaruja zawo-
stajeni wósomnaće njedželi, swakow a swakowe, wujow a čety
štwórc lěta. Hłuboke žarowanje traje štyri njedžele a w tym času
njesmě nichtón jich drasty a druhe jich wěcy trjebać. Tež njesmě
w tym času w žarowacym domje łuh džěłany być, ani so płat z łu-
hom parić, tola pak smě so bjez łuha płokać.

Žarowanska drasta wobstoja nětko pola mužskich jenož w tym,
zo so ničo pisaneho abo čerwjeneho njewoblekaju. Žónske žaruja
w bělej płachće, kotraž je w Hornjej Łužicy z jednoho krucha a wot
hłowy hač k nohomaj dosaha. Najbóle hišće maju na čole bětu
šlebjerdku — nětko w „polu“ jenož tule — a w holi běty podhubnik
(podgubnik). Jako pol žarowanja je wokoło Mužakowa płachta hač do
kolen, na ramjenjomaj (nie na hłowje) wotpočowaca, a šlewjer t. r.
na papjeru zwite naškrobjene rubiško na khapje (měcy). W ně-
kotrych stronach Delnjeje Łužicy płáci to za cyłe žarowanje.
W Blótach pak wobstoja žarowanska drasta z dweju kruchow ćeń-
keho płatu. Wjetši delni kruch wobdawa žiwot a je na pasu při-
pinjeny, a mały horni, kiž so tež tam přityknje, dawa so na hłowu.
tak zo ju a cyły horni džěl žiwota a po spodobanju tež wobličo
zawodžěwa. Mjez tym zo w druhich stronach jenož najbližše za-
wostajene w tej bělej žarowanskej drasće khodža, nałożuja ju
w Blótach nimale wšitke přewodžěrki. Za cuzbnika je to spodziwnje
swjatočny zacišć, hdyž někotre čołmy z tajkimi bětymi wosobami
wobsadźene płuwać widži na rozdžělenej Sprjewi, abo hdyž je po
dwu a ze zrudnym druhdy zakrywanym wobličom pomału na po-
hrjebnišćo kročić wohlada.

Hórnikowa Čitanka. Po J. E. Smolerju.

80.

Ptači kwas.

Hlejće, nowa wěc so stała; słyšće, chceće zrozumić:

Sroka je sej muža wzała, žedžiła so woženić.

Hawron je ji nawoženja, toho je sej zhladała;
tón ma wjele zamoženja, za kotrymž je žadała.

Na slubje je rapak pobyl, kwas joh' chcychu wotčišćeć:
wón je na wšěch druhich dobył, njeje dał so počišćeć.

Krah ole běše řěznik kwasny, wón sej wjele na to wě;
to wšak je wam pachol krasny: sam wšě koľbasy jim zje.

Braška być na tymle kwasu stary baćon dyrbyeše:
tón njej' khromy na tu hubu, nad sto młynow klepoce.

Kuchin' je měł wroběl twarić, škrěkawa bě myjerka,
kurotwa jim přińdže warić, kucharka kaž wojerka.

Sowa, hlej, ta lesna žona, ta bě slónka njewjesće;
z nawoženju džěše wróna, kmótra rjana zawěsće.

Z Wrónic dzowku měte družčić žołma, kawka, kabija,
šćihlica kwas dyrbi spuścić, wo nju so tam zabija.

Čarš a škórc tam swataj běstaj, taj najreńšej pachotaj,
z hłowu wijo pyšnaj džěstaj přede wšěmi w frakomaj.

Hupak wjele do so dzerži, přinjese tym družkam pić,
wokol' njeho stajnje smjerdži: něchychu z nim rej'wać hić.

Štyrjo hercy tež tam běchu. Łastojčka bě na husle;
hdyž pak woni piskać chychu, njemějachu pišće.

Konopačk džěn bě na dudki, škowrončk přińdže z piščelu,
mały kralik bě samlutki z kózłom při tym wjeselu.

Čorný kós pak bě so wopił a z nim młoda pocpula,
běše wšitkón palenc dopił, tuž joh' swari čapula.

Kanja poča k dobrom' radzić, dokelž běše słyšała,
cyžika zo chcedža sadzić: na smjerc' bě so spłóšała.

Při tym sta so wulka zwada: sknadžik klesny sykorku;
tu bě trjeba dobrej' rady; ročk zas' hrabny za zybu.

Šěračk poča wšitkich wabić, to je wulcy sylny muž,
chychše šěru plišku zabić, wućeže sej na nju nóż.

Nichtó njebě bóle hněwny dyžli młody srokopjel;
čichi Michał sedžo zdrěmny: dostał hižo bě swój džěl.

Srokopjelej tesak wzachu, nikoho zo njezruba;
a so wšitey strachowachu, žadyn blisko njestupa.

Łysak pak so poča hóršić, što je drózná rěčała;
na sudnistwo běži skorzić, zo je na njoh' škrěčała.

Kokula tam sudnik běše, kaž je kóždom' wědome:
winowatom' pomhać chychše: šelma, hdže maš swědomje?

Hercy hišće wyše běchu a nazdala stojachu.

Či so sobu nječepichu, dokeliž so bojachu:

Zo b'dža dyrbyeć sami rej'wać, hdyž tam wšitko ruješe;
syľobik sam dyrbi spěwać, w kholowach zo čuješe.

Ja pak mam nětk cyle za to: zo tych lěpšich hosći bych,
žołdk hdyž změje žadosć na to, we škli měł wšěch pječenych.

Narodny spěw.

Wódny muž.

Khodžeše přeco z kłobukom w horšci. Njeh bóle slónco abo zyma paleše, wón dzeržeše lědma swój nizki, ale brjuchaty cylindr ze šerokej třechu nad hłowu kaž parasol. To bě najwjacy. Šedziwe włosy běchu hłady k hłowje přičesnjene a zjednočachu so zady do wopuše, tak kruće stołkaneje a zwjazaneje, zo so ani njeikiwkaše — bě to jedna z posledních mužacych wopuši w Prazy, hižo tehdom běštej tu jenož dvě abo tři. Jeho zeleny fračk ze zlotými kneflemi měješe jenož krótki žiwocik, za to pak běštej poručmje dołhej a biještej suchu, mału postawičku knjeza Rybaka do wuskhnjeneju bristwow. Běty lac kryješe nakhilene wutrobno, čorne kholowy džechu jenož do kolen, hdžež so slěbornej podwjazkaj swěćeštej, dale deleka běštej sněhbětej nohajcy hač k druhimaj slěbornymaj spinkomaj, a pod tymaj suwaštej so wulkej črijej. Hač stej tej črijej hdy wobnowjanej byłoj njewěm, zdaštej so z najmjeńša přeco tajkej, kaž by rjekł, zo je so k nimaj rozpukana koža brata z třechi najstaršeho fiakra.

Suche, kosćate wobličo knjeza Rybakowe swěćeše so w stajnym směwkanju. Žadny napohlad skićeše knjez Rybak, hdyž po wulicy džěše. Kóždych dwaceći kročeli wosta stojo a wobroćeše so na prawy, na lěwy bok. Zdaše so, zo jeho myslčki njejsu w nim, zo čescownje snadź kročátku za nim džeja a jeho stajnje z někajkimi wjesołými připadami zabawjeju, tak zo so knjez Rybak dyrbi posměwkować a zo so druhdy po šibakach wohladuje. Hdyž někoho strowješe, wuzběhny pokazowař praweje ruki a z lohka hwizdny. Tajke zlohka hwizdnjenje zapiskny tež tehdom přeco, hdyž knjez Rybak řećeć poča, a najbóle počinaše wón z „ajo“, štož měješe tak wjele řećeć kaž haj, haj.

Knjez Rybak bydleše we Hlubokim puću, hnydom deleka na lěwu ruku z wuhladom na Petřín. Ale byrnjež tež hižo w durjach swojeho domu był, tak khětre hač někajkich cuzbnikow wuhlada, kotřiž so na prawu ruku na Hradčany winychu, přeco džěše za nimi. Hdyž cuzbnicy na šerokim wuhladownišću pozastachu a krasnosť našeje Prahi wobdźiwachu, stupi k nim, pozběhny porst a zahwizdny: „Ajo, morjo! — Čehodla při morju njebydlimy!“ Potom džěše za nimi do hrodu, a hdyž cuzbnicy w swjatowjačawskej kapali zaso scěny wobdźiwachu, z českými drohimi kamjenjemi

wukładžene, zahwizdny druhí króc: „Haj, to chcu wěrić! Pola nas, čisnje kruwar kamjeń do stadła, a kamjeń je často wjac hódny dyžli cyłe stadło.“ Wjacý jim ženje njepraješe.

Dla jeho mjena, a jeho zeleneho fračka a dla toho „morja“ rěkachu jemu wódny muž. Ala zańč smy jeho měli stari a młodzi. Knjez Rybak bě za justiciara na wuměńku, něhdže wot Turnowa. Tu w Prazy přebywaše pola swojeje blizkeje młodeje přiwuzneje, kotraž měješe njewysokeho zastojnika a z nim hižo dvě abo tři dzěci. Powědaše so, zo je knjez Rybak runjewon surowje bohaty. A to nic tak na pjenjezach, kaž na drohich kamjenjach. We swojej jstwičcy měješe, powědachu, wysoku čornu křinju stojo, w tej křini běchu same nizke štyriróžkate čorne kašćiki, khětro wulke a kóždy kašćik bě z nutřka ze sněhbělej sylnej papjeru na same kwadrutki rozdželeny a w kóždym kwadratku ležeše na bawlmje zybolacy so drohi kamjeń. Běchu ludžo, kotřiž běchu to widželi. Wšitko to je namakał a pječa sam na Kozakovej horje nazběrał. My dzěci sebi powědachmy, zo hdyž pola Šajvlec — tak rěkachu či knjeza Rybakowi přiwuzni — jstwu myja, zo ju město z pěskom ze samymj tołčenym cokorom posypuja. Sobotu, hdyž so myje, smy Šajvlec dzěcom přeco surowje zawidželi. Jónu sedžach nad hrjebju za bruskimi wrotami blizko knjeza Rybaka. Tam so mjenujcy knjez Rybak kóždy rjany džen na hodžinku rjenje do trawy posydney a kurješe z krótkeje dymki. Tehdom dzěštaj připadnje dwaj wjetše studentaj nimo. Jedyn z njeju porskný a praji: „Tón kuri maminu watowu suknju!“ Wot toho časa mějach kurjenje mamineje wato-weje suknje za něšto, štož móža sebi jenož jara zamožići ludžo dowolić.

Hewak překhodžowaše so „wódny muž“ — ale ně, njerěkajmy jemu tak, wšak žno njejsmy wjacý dzěci — přeco jenož po bruskich nasypach. Zetyka-li někajkeho kanonika, kotrychž puće tež sem dzěchu, pozasta a popowěda z nim něšto přecelných słowow. Něhdy — posłuchach rad, što dorosćeni ludžo rěča — slyšach jeho kak z dwěmaj knjezomaj rěči, na ławcy sedžacymaj. Wón stoješe. Rěčachu wo „Frankreichu“ a wo někajkej „swobodze“ same dziwne rěče. Na dobo zběhny knjez Rybak porst a zahwizdny: „Ajo, ja so Rosenaua dzeržu! Rosenau praji: „Swoboda je kaž te juškate jědže a sylne wina, z kotrymiž so sylne natury, kotrež su jim zwukle, žiwja a posylnjeja, słabe pak přemocuja, wopojeju a niča.“ A potom kiwný z kłobukom a džěše.

Wjetši a tolsty knjez potom praji: „Što dha ma to přecy z tym Rosenauom?“

Mjeňši ale tohorunja tolsty wotwołwi: „Spisowaćel, najskerje spisowaćel.“

Ja pak spomjatkowach sebi tule sadu jako wobsah wšeje wyššeje mudrosće. Wo Rosenauje a wo knjezu Rybaku mějach jenak wysoku předstawu. Hdyž potom dorosćech a sam wšelakore knihi do rukow dostach, namakach, zo je knjez Rybak tehdom woprawdže docyła prawje citował. Khiba z tym rozdžělom, zo tamnu sadu njebě Rosenau napisał, ale někajki Rousseau. Najskerje bě nječničomna připadnosć knjeza Rybaka z někajkim lohkomyslным čišćeřskim zmylkom woženila.

Ale tohodla hišće zawěsće mój respekt njeje zhubił. Dobry, njesměrnje dobry čłowjek! —

Běše to slónčny awgustski dzeń, takle wokoło třoch hodzin popołdnju. Štózkuľi runje po Wotrohowej wulicy džěše, wosta stojo štóz runje tak po domjacym wašnjú wonka stoješe, zawoła skoku něšto do domu nutř; z klamow běhachu ludžo. Wšitcy hladachu za knjezom Rybakom, dele kročacym.

„Tón so dže něhdže ze swojim bohatstwom hordzić,“ praješe knjez Herzl, korčmar „w dwěmaj slóncomaj“.

„Ow jej!“ zawoła knjez Muškot, překupc na rózku, tomu dyrbi zľě być, njese na předaň!“ Je mi žel, dyrby-li wuznać, zo knjez Muškot přewulkeho respekta pola susodow njewužiwaše. Powědaše so wo nim, zo je raz hižo bankrotej blisko pobył, a do džensnišeho dnja hlada dobry maľostronski susod na „bankrotarja“ docyła hinak hač zbytny swět.

Ale knjez Rybak kročeše spěšnje dale, trochu spěšnišo dyžli hewak. Pod ľewej pažu njeseše jedyn z tych štyriróžkatych čornych kaščikow, wo kotrychž bu hižo telko powědane. Čišćeše jón kruće k čětu, tak zo so kľobuk w rucy deleka kaž k nozy přikľijeny zdaše. W prawicy měješe španski kij z plačitym kneflikom ze slonoweje kosće, znamjo to, zo knjez Rybak něhdže na wopyt dže, hewak ženje kija njenošeše. Postrowjany zběhaše kij a hwizdaše wjele wóťřišo hač hewak.

Zendže po Wotrohowej wulicy, přendže swjatomikľawšske torhošćo a zańdže do Žamberjeckeho domu. Tam bydleše po dwěmaj skho-

domaj profesor gymnasia, knjez Mühlwenzel, mathematik a prirodospytnik. Potajkim muž za tehdyši čas trochu njewšědnje zdžě-
lany. Wopyt njetraješe dołho.

Knjez profesor bě w dobrej mysli. Jeho mócne, zasadžite čěto
bě runje w připołdnišim drěmnjenju wotpočło. Dołhe šěre włosy,
kotrež hołu hłowu wěncowachu, šmjatachu so sem a tam w bjez-
starostným njeporjedže. Módrej, duchapólnej a přecy přecelnej
wóčcy so swěćeštej. Wobličo, bjez toho přeco čerwjene, so horješe.
Tele šěroke, dobrociwe wobličo bě trochu synlje w jětrach pobyło
a dawaše knjezej professorej přičinu k stajnemu žortej. „Tak to
na swěće je,“ by prajił, „hdyž so holčka směje a ma mjezwoči
dólčk, potom je to pječa rjane; hdyž ja so směju, mam dólčkow
sta, a sym tola pječa přeco jenož hrozny.“

Pokiwny knjezej Rybakej k sofje a woprašo so: „Sto sebi po
tajkim přejeće?“

Knjez Rybak połoži kašćik na blido a wuzběhny wěčko. Pisane
kamuški so swěćachu.

„Ja bych rad — nó wěsće, ja bych rad zhonił — što je tónle
tu, što je tole jowle tak snadź hódne —“ třepotajo praješe.

Posydny so potom a podeprě sebi brodu wo hłowčku kija.

Knjez profesor zahlada so do kamuškow. Potom wućeže jedyn
čemny kamušk, wažeše jón w rucy a hladaše na njón napřečiwo
swětlu. „To je moldawit“, praješe.

„Što?“

„Moldawit.“

„Ajo, moldawit,“ zahwizda knjez Rybak. Na jeho wobliču běše
tak trochu widžec, zo tele słowo přeni króc w žiwjenju słyši.

„Tón by so do našeje gymnasialneje zběrki hodzał, te žno su-
rědke. Tón byšće nam předać mohl.“

„To by so hodžalo. — Što dha takle —“

„Tři šěsnakj w dwacytnikach byšće za njón dóstał. Nó?“

„Tři šěsnaki!“ zahwizdny čětko knjez Rybak. Broda so zběhny
a zwjeze so zaso na hłowčku. „A te druhe?“ šeptny po khwili,
kaž by rjekł, zo jeho w šiji něšto spina.

„Chalcedony, jaspisy, ametystki — to ničo njeje.“

Za mało wokomikow bě knjez Rybak hižo zaso na rózku
Wotrohoweje wulicy. Stupaše pomalku po wulicy horje. Přeni króc
jeho susodža wuhladachu, zo ma kłobuk na hłowje. Šěroka třěcha

bě do čola sčehnjena. Španski kiješk čehnješe so z kóncom po zemi a ščerčeše po dložbje. Njehladaše na nikoho, njezahwizda ani jónu. Toho runja so na puću ani jónu njewohladny. Wěsće džens žadna z jeho myslíckow wonka njeharowaše, wšitke jeho myslícki běchu w nim.

Džensa hižo z domu njewuńdže, nic na nasypy a nic na Brusku. A běše tola tak krasny dzeń!

Běše hižo k połnocy. Njebjo so módrješe kaž na ranje, měsačk so zyboleše z najpyšnišim, najkuzłarnišim błyšćom, hwězdy so třepjetachu kaž běle škrě. Petřín bě pokryty z překrasnej slěbornej młhu, slěborne morjo ležeše nad cyfej Prahu.

Wjesole swětło liješe so do jstwički knjeza Rybaka z woběmaj woknomaj, šěroko wotewrěnymaj. W jenym woknje stoješe knjez Rybak. Stoješe tu jako stołp, sprostnjeny. Z nazdala howrjachu wołtawske wory z čahatym mócnym zwukom. Hač je stary džěd słyšese?

Nahle so zatorhny. „Morjo! — Čehodla tu njeje morjo!“ zašepta a hubje jemu zatřepjetašej.

Snadž so w nim žołmješe stysk jako žołmjace morjo.

„Ej,“ zatorhny so potom a wotwobroći so. Na zemi ležachu wotewrěne kaščiki a jeho woči so do nich zaprěšej. Wza najbližši z nich, wućeže z njeho kamuški a sypny je do horšće. „Fi — črjopy!“ a šmórny je z woknom won.

Delka zapukota a zaščerča wokno. Knjez Rybak so ani dopomnił njebě, zo je deleka w zahrodže škleńčnik.

„Wujo, štoha tola činiće?“ zawoła přecelny mužski hlós wonka, kaž so zdaše, ze susodneho wokna.

Knjez Rybak stupi nimowólnje kročel nazad.

Durje zapiskachu a zastupi knjez Šajvl. Snadž běše jeho krasna nóc we woknje zdžeržala. Snadž běše tež na starym wuju njewšědny njeměr wobkedžbował a z jeho jstwički dołho trajace šukotanje słyšal. Snadž běchu so tež někotre starcowe zdychnjenja wótre z woknom won zalehnyle.

„Wujko, wy drje tola njechaće wšitke te krasne kamuški z woknom zmjetać?“

Stary muž so zatorhny. Potom zašepta, hladajo škleńčanje k Petřínej: „Nima to žadneje hódnoty — črjopy to su —“

„Ja wěm, zo nimaju wulkeje hódnoty, wšak ja to sam znaju. Ale swoju hódnotu maju tola, za nas a za was. Wy sće sebi je

sprócniwje zběrať — wujko, wostajće je, prošu was, wšě mojim dźěćom. Budža na nich wuknyć, wy budžeće jim wukładować —“

„Wy snadź sće sebi myslili,“ šepťaše zaso starc ze słabym hłosom a napinanjom, „zo sym bohaty, a ja nětko woprawdže —“

„Wujo,“ praji knjez Šajvl z krutym, ale při tym mjehkim hłosom a hrabny starca za ruku, „njejsmy dha my bohaći dosć, hdyž mamy was? Moje dźěći njebychu džěda měle, moja žona by byla bjez nana, hdy bychmy was njeměli. Wšak tola widziće, kak smy wokoło was wšitecy zbožowni, wy sće žohnowanje za naš dom —“

Na dobo přistupi starc hač k samemu woknu. Huba jemu dyrkotaše, we wóčku jeho něšto njewuprajnje paleše. Pohlada won. Njewidžeše ničo cyłego, wšo so zyboleše kaž rozpušćeny dejmant — hač k samemu woknu — hač do jeho wóčka — morjo — morjo!

Dale wjacj powědać njebudu, dale wjacj njemóžu.

J. Neruda, Malostranské povídky. Přeložil Lužan. Lužica 1896.

82.

Serbska njewjesta.

Sym Serbow serbske holičo,

Mi Hanka rěka;ja;

A wjes'le sebi spěwajo

Mam spěšnosć do džěta.

Hdyž škowrončk ranko zaspěwa,

Mi spěwa k stawanju,

A jědu-li do džećela,

Z nim spěwam wo wjetu.

Na mjezu jězdzu zelenu,

Serp tupy wótrů sej,

A žněju trawku rosatu

Na mjezy kwětkatej.

A hdyž so ručka womača,

We trawcy rosatej,

Mi pjeršćen mój so blyskota

Na ručy na mokrej.

Tón pjeršćen mam wot lubeho

Rjaneho pachoła;

K nam wječor, hdyž so zasměrkło,

Mój luby přikhadža.

Sym w zymje k nowej košulecy

A k płatej napřadla;

Płat dawno je žno natkany,

Płat trjebam njewjesta.

Tež pjerje je wšo wudrěne

Na dołhich wječorach;

Tuž poslešća mam hotowe

We swojich komorkach.

Za čerwjeny bant na hłowě

Chcu měć wěnc pućany;

Mać budže čěpcow kupić mi

Za drohe pjenjezy.

Mi družčić budža holiča,

Te wjesne towarški,

A budže kwasna hošćina

Přez tři dny zaspochi.

H. Zejleř, Zhrom. spisy I.

Nawoženja.

Narodno-episka baseň wo džewječich spěwach.

(Ze štwórteho spěwa.)

Na wutrobu bě Michałowu so zas' na nowo čorna
 Zrudźba waliła z čezu najćežšej a ze zrudnoh' woka
 Zas' wula so jom po licomaj wjelezrudnuška sylza.
 Na Michała so wobroćejo mać zjewi jom tole:
 „Michale, ach njepuśc tola nadžěje! Z nadžěju swět wšón
 We žiwjenju sej ze studnje čerpa tróšta najslódšoh'.
 Zawěsće za młodźenca pak najmjenje so přistoji takle.
 Zo postrowił by na džens' z posłědna na wječor škowrončk
 Slónco ze spěwom, k wječornemu pozběha so njejbu,
 Ze zrudnymaj nětk křidleškomaj dele pjerchota na zeń,
 Zo njemóže wjac ze šije spěw rjenje žórlaty jeho
 Slónco překrasnjować, tola hdyž so ze směrkow rańšich
 Wuzběhuje jom młoduški dzeń zaso z luboznosćemi,
 Wumyla z błyskotatej sebi rosu na swětlej mjezy
 Z wóčka spar a z wjeselšimaj so zas' křidlomaj ptačk juž
 Do njejbes zawjercawši, džak slóncu na nowo spěwa.
 Hdyž zašlo je za hory zelene z wječora slónco,
 Drasći so ze zrudobu najhlubšej na łucy kwětka
 Zawěrajo swoju hlówěcku najpyšnišu přeskódnym mrózam,
 Pokošiwi pak na ranje ze rtom so slónčnym tak horco,
 Zas' wotamka tu hlójkcu ze spěchom z krasnosću młodej,
 Srěbajo z wjeselosću jeho koški z pońnej hubku.
 Michale, kij je nadžěj, a zepjerajo so mi z dowěru čłowjek
 Na njón, na swěće přiměrjeny jemu dokonja běh swój.
 Njezadwěluj mi, Michale, tuž; wšak maćeri khroble
 Wěř, zo wuhotuje 'šće ci kwas tež z holcu najkhuďšej
 Nan, runjež džens' so ci staja. Najposłědniše jemu słowo
 To być njemóžeše nihdy na swěće, Michale luby.
 Wěř mi, we wutrobje jemu płomjeni za tebe lubosć,
 Zo by na rukomaj tebe z lubosću nosył najradšo.
 Sam pak wěš tola, zo nan na pjenjezy nimo měry
 Hlada, a zo je do česće, to nazhonił sy sam juž,
 Dži' nož k njom' a daj jemu poslušny słowa najlěpšoh'.
 Z nanom popowědać tola wo tym dyrbiš najprjedy.
 Wułożowanja, so spušeć mi na to, njebudže činić

Wulkeho, rozestaješ-li jom' wšitko. Praji drje džensa,
 Zo njesměš přiwjesć jemu do domu bjez pjenjez holey,
 Wusłyš-li pak, zo Róžanćikec sy sej wuhladał Hańžu
 Za mandželsku, budź přeswědčeny mi, zo do toho zwoli;
 Wukhwalował je někotry raz mi ju pilnosće dla jej'.
 Hrudź naprosyć drje tuž so jom' da, zo njeb'dže tak kruće
 Naprašować so, što do pjenjezow b'dže ji nan sobu dać móc."
 Do wutroby běchu Michałowej' tež wo prawdze słowa
 Maćerine zawěte najlěpšu nadobo nadžěj.
 Maćeri džak pak wuznawajo džeše z lubosću słowa:
 „Maćefka džens,“ njemóžu pak na nihdy před nana stupić;
 A přejara 'šće pukota hrudź mi moja w najwjětšim
 Njeměrje. Móc wuprosyć chcu wot Boha jutře sej na to
 Na kemšach; budź pak mi ze srědnicu, moju maćerka luba,
 A přihotuj juž do časa nana na moju žěntwu!“
 Maćerina hrudź zajuskne tuž, a ze směwkom džeše:
 „Michale, prjed' hač na zahrodže 'šće mi na štomach hustych
 Jabłunka začerwjjenja so najprěnje, na slóncu ćopłym
 Dozrawjejo, b'dže mandželsčina juž ěi we domje lubosć
 Póslaničko słać, wo blido, wo skót starać so, wo hródz.“
 Wobaj pozběhnyštaj so, ze spěšnej kročelu kročo
 Přez zahrodu, sebi radzičku na žěntwu radžo najlěpšu.
 Z posłědnicu nětk kročeše sam pak do kuchnje Michał.
 Dojědźiwši tu spěchaše do konjenca, sebi za lack
 Čornakomaj natykawši při blidže khlěbowych skórkow.
 Wješele na Michała zarjehotaštaj; džě najwjětša
 Zrudźba, kiž do wobjeda 'šće jom' ze styskom zjewješe wšitke
 Wobličo, bě nětk pozběhnyła so nimale z njeho.
 Konjej zgratowawši sebi zapřeže do woza žitnoh',
 Na rjebliźnu so zlehnywši do polow ćěrješe ze wsy.

J. Čišinski, Jubilejne spisŕ Serbowki I.

84.

Handrij Zejleř.

Z połnym prawom praji Michał Hórnik wo H. Zejlerju: „W
 njeboćičkim zhubichmy jednoho najzaslužbnišich Serbow, sobu-
 załožerja a wožiwjerja noweho Serbowstwa, sławneho pěsnerja
 a pilneho spisowarja, kotrehož mjeno budže so w stawiznach
 serbskeje rěče a literatury wěčnje błyšćić.“ Woprawdže, Zejleř
 běše w každym nastupanju přikladny, wubjerny čłowjek. Njeli-

čomnje wjele je wón za naše Serbowstwo skutkował kaž z pis-
mom tak ze słowom a z přikładom. Jeho powaha běše wjesoła
a spokojna, miła a ponižna, přecelna a lubosćiwa. Tuž bě wón
wšudže rad widžany a njeměješe přeciwnikow ani mjez Němcami.
Wón njeje ženje ani jako młodženc ani jako muž za zwonkownej
česću a swětnej khwalbu honił, ale bě dospołnje spokojeny, hdyž
smědžeše z měrom a njenyleny wot swětneho hołka za dobru
a sprawnu wěc džělać, wón so nihdže do přědka njetłóčeše a tola
skutkowaše při wšěch wjetšich a mjeńšich wótčinskich naležnosćach
mócnje sobu ze słowom a skutkom. Dołhi čas bywaše wón, runjež
husto njespóznaty a njewidžany, „factor movens“ při wšitkich serbskich
hibanjach a prócowanjach. Jeho najwjetša radosć běše, hdyž
so wěc wot njeho započata abo podpjerana radži, runjež druzy
česć a džak za njeho žněli. W Lipsku na př. bě wón duchowny
wodžeř „Sorabije“ a tola wostaji rad zwonkowne wjednistwo swo-
jemu přecelej Krygarjej, po dołholětnym njesprócnym zběranju
běše wón wobšěrne připrawy k wudaću serbskeho słownika sčinił
a tola wjeseleše so, jako dr. Kř. Pful z myslu wustupi, zo serbski
słownik spisa a wuda, poskići jemu wšě swoje zběrki k wužiću
a podpjeraše jeho wšomóžnje. Jeho łazowska fara njesłušeše do
lěpsich w Serbach, a tola njeje so wón ženje wo žane druhe město
zamołwjał, ale je spokojneje wutroby swoju jemu wot Boha připo-
kazanu wosadu z najwjetšej swěru a lubosću wučil a wodžil. To
pak tež jeho wosada wědžeše a připózna waše: wón běše wote wšitkich
svojich wosadnych, wulkich kaž małych, bohatych kaž khudych,
Němcow kaž Serbow, jako jich duchowny wóte a radžičeř wulcy
lubowany a česceny; a wón wědžeše, runjež svojich Serbow pře
wšo lubowaše, mjez woběmaj jemu připoručenymaj narodnosćomaj
stajnje puć pokojenja a zjednanja derje namakać, hdyž běše druhdy
tež mjez nimaj někajka překora nastała. Wosebje přiwisowachu
jemu khudži wosadnicy dla jeho dobroćiwosće a darniwosće; wšudže,
hdžež bě nuža, wón z wotewrěnej ruku hnydom a w dosahacej
měrje podpjerujo pomhaše.

Tutu stajnu hotowosć k pomhanju pokazowaše Zejler we wšěch
wobstojnosćach, kaž tu přeciwo svojim wosadnym tak napřećo svojim
mnohim bližšim a dalšim přecelam, kaž w cyrkwinskich tak w na-
rodnostnych serbskich naležnosćach. Wšě pohiby serbskeho ducha,
wšitke serbske wustawy a towarstwa, wosebje tež našu jemu
k wutrobje přiroscěnu „Maćicu Serbsku“ wón rad a husto z nahlad-
nymi darami podpjerowaše.

Wšitke wjesole a zrudne, česáce a wuznamjenjace podawki w žiwjenju serbskich wótčincow a svojich přečelow přewodžeše Zejler z wutrobnym, njesebičnym džělbračom a radowaše so, hdyž móžeše je z cunimi a khwalobnymi přispěwami poswjećić a překrasnić.

Khudži serbscy studenci a wučerjo namakachu a znajachu w Zejlerju wótcowскеho, skutkowneho přečela; wón njeje ženje žadneho próstwu wotpokazał. Jeho lubozneje přečelnosće a zahorjaceje serbskosće dla pućowachu kóžde prózdny mnozy serbscy studowacy młodžency a wučerjo na łazowsku hospodliwu faru, na kotrejž so druhdy woprawdže ze studentami, wučerjemi, gymnasiastami a seminaristami mjeřwješe. Zrudny ze zrudnymi a wjesoly z wjesoly mi wědžeše wón sebi přez swoju wutrobnu radosćiwosć bórzy přikhilnosć wšěch tych młodych wutrobow dobyć a wšěch mócnje za serbsku řeč a narodnosć, za serbske wašnje a žiwjenje zahorić. W přnim lětdžesatku jeho přebywanja we Łazu mějachu jeho nježenjeni rowjenkojo a młódši serbscy přečeljo stajnu hospodu na jeho farje, w kajkimžkuli času a na kažkuli dołhi čas přińdžechu. Wobkhađowachu pola njeho tehdy wosebje ze studentow a kandidatow Pjeńčk, Domaška, Cyž, Ernst Smoleř, Haas, Krušwica, Wařko a z wučerjow Kocor, Kulman, Wjela, Bjar, Karl Smoleř, Hicka, Bórš, Libš. Bě to krasne žiwjenje, hdyž běchy wjacori z nich wokoło Zejlerja k wjesolej, duchapołnej bjesadže zhromadźeni. Tehdy w nich płomjo wótčinskeje lubosće wysoko a horco sapaše. Zejler pak běše słonco, kiž jich wšitkich wutroby wohrěwaše, zahorješe, wokřewješe.

Za „Serbski słownik“ zběraše Zejler z ludoweho erta a ze staršich serbskich spisow a čišćow hižo wot studentskich lět — nimo dra. Pfula wěsće ze wšitkich Serbow najpilnišo — wšěžkuli słowa a wurazy a zapisowaše je swědomiće do svojich słowniskich zběrkow, z kotrychž potom najwažniše drej. Pfulaj přepoda k wužiću w jeho wulkim, 1866 dowudatym „Serbskim Słowniku“, na kotrymž wón z Mich. Hórnikom pilnje sobudžěłaše. W studentskich lětach běše sebi Zejler wotmyslił po wudaću řečnicy tež dospołny serbsko-němski a němsko-serbski słownik wudać, tola wšelakich zadžěwkow dla wón tutón wotpohlad wuwjesć njemóžeše, a podžišo jón cyle spuści, jako zhoni, zo dr. Jórdan a dr. Pful přihoty činitaj k wudaću serbskeho słownika. W knihowni Maćicy Serbskeje pak khowataj so dwaj rukopisnej foliantaj, wot jeho ruki pisanaj: 1. jedyn z l. 1827 z 378 stronami a z napisom wonkach na zwjazku Deutsch-

Wendisches Wörterbuch Tom I. A—G a nutřka na titulnym łopjenje: Njemsko-Sserski Ssłownik wot Handrija Sejlerja 1827. — 2. druhi z l. 1830, Mać. knih. rukop. A 33 z napisom „Słowow zběrka“. Spodźiwne je, zo ani tón ani tamny wot dra. Pfula wučerpany njebu, tak zo so tam wšelake słowa namakaju, kotrež w Pfulowym słowniku njestoja. — — —

Zeijlerjowa řeč je jednora a jasna, wobrazna a žiwa, myslam a začućam přiměřena, ženje subjektivnje barbjena a dosć husto řeči našich narodnych pěsni podobna. Z jich pokładneho žórła čěra wón nimo znajomosće ludoweho ducha njezaprahnite mocy za swoje pěsnje a basnje a zložuje so z wosebitym wumjetstwom po jich podložkowych příkladach žadajo swojemu serbskemu ludej něšto poskićić, štož by tón cyle a po všěm za swoje připóznał a sebi bjeze wšeje čěže hnydom a do cyła přiswojił. Runje z tutoho wotpohladanja pak wukhadža na druhej stronje mjeńša a wjetša słabosć někotrych jeho pěsni tež z časa jeho najwyššeje pěsnjeřskeje twórnosće, a njedospołnosć wšelakich jeho rymow, runjež wón hewak jara lohko, prawidłownje a wumjetscy derje rymować rozumješe, wo čimž mnohe jeho pěsnje swědča. A z teje sameje přičiny tež so njestrachowaše hdys a hdys při składnosći abo k položanju rymowanja dialektiske, wosebje holanske twórby a słowa přijimować, štož smědžeše sebi hižo tohodla čím skerje dowolić, dokelž za čas jeho najplódnijeje basniskeje džěławosće naša pisomna řeč hišće tak kruće postajena, wobmjezowana a wudokonjana njebě kaž džensa. Hewak běše Zejler kruty sudnik wupłodow swójeho ducha a porjedžeše na wšelakich pěsnjach mnoho a husto, štož je z jeho zawostatych rukopisow a zakhowanych listow na Kocora a Smolerja jasnje widjeć. Tež mamy, z najmjeńša wot l. 1860, wěstu měru, kak wysoko wón sam tu abo wonu pěseň a baseň wažeše, w tym, hdže ju wón wozjewić da. Najwudokonjenješe mjenujcy podawaše wón do „Časopisa Maćicy Serbskeje“, mjenje dokonjane do „Łužičana“ a wšědniše do „Serbskich Nowin“; pěsnje, kiž pak z cyła jeho spodobanje njenamakachu, šlapi wón do rukopisneho, resp. papjerneho kućika we swójej studowalni, hdžež zakryte a zabyte wostachu, doniž je my tam njewučězechmy.

A wažnosć Zeijlerjoweho basnistwa wotpočuje bjez dwěla w tom, zo wón maćiznu k swójim pěsnjam z přirody a ze serbskeho wjesneho žiwjenja bjerje a zo ju wón we wótcěmskim, čistoserbskim a pobožnym křesćanskim duchu zapřimuje a wobdzěłuje. Ze swójim wótrym, wotewrěnym wocom widžeše wón, kak hłuboko je našemu

ludej swatja lubosć k Bohu a něžna, přelubozna lubosć k božej stwórbje do wutroby zaščěpjena, a wón jako prawy syn serbskeho naroda wobsedžeše tutě jeho samownosće sam w najvyššej měrje: wón wobkedžbowaše žiwjenje stwórby jara domyslnje a dowćipnje a rozumješe jo nam basniscy w najrjeńšej podobje předstajeć. Wo tym swědča nimo mnohich jednotliwych pěsni wosebje jeho „Počas“, kotrež su najlěpši dopokaz jeho hlubokeho zapřićeća božej stwórby a jeho basniscy tworjaceje mocy. Serbske domjace a ratafske žiwjenje z narodnymi wašnjemi a swjedženjemi našeho luda matej za podložk wosebje „Serbski kwas“ a „Serbska meja“: tu kaž druhdže Zejler měrnje a wěrnje bjeze wšěch wotpohladow date serbske wobstojnosće wopisuje a w plastiskich, tež jednoremu čitarjej zrozumliwych wobrazach tak žiwje a zajimawje nam před woči staja, zo so nam zda, jako bychy so předmjety a podawki wot njeho wobspěwane před nami wupřescěraće a stawate a jako bychy jeho serbske wosoby žiwe před nami khodźile a skutkowaće; Zejler je swój serbski lud nanajlěpje znał a z najhorcyšej, čistej lubosću swojeje něžneje, nadobneje wutroby wo nim a za njón basnił; jeho pěsnje dawaju nam woprawdžity wobraz serbskeho luda samoho, kajkiž wón je ze swojej sprawnej, pobožnej, ale nic pobožnostkowej mysli a ze swojej swěru. Tuž štož chce serbski lud nic jeno w jeho zwonkownym, ale tež w jeho znutřkownym žiwjenju spóznać, tón namaka k tomu najkrótsi, najnjemylniši a najlubozniši puć w Zejlerjowych pěsnjach a basnjach. — A ze swojej swěrnej lubosću k serbskej zemi zaščěpuje Zejler serbskemu ludej samemu lubosć k domowinje a k maćérnej rěči, kotruž wón znaješe a wumjełscy nałożować wědžeše w přěnjotnej cyłosći a cunjosći kaž žadyn z jeho rowjeńkow. To připóznavaju tež wuley wukrajny kriticy, kaž na př. pólski spisaćel hrabja Stanisław Mieroszowski, kiž mi wo Zejlerjowym pěsnistwje takle pisaše: „Ja čitam tute wabjawa idyle z cyle wosobitej radosću — lubozne su wone kaž nalětnje kropački, mejske zwónčki, njezapomnički, fijałki, nalički a druge małke, něžne pólné kwětki, kotrež nas ze swojej graciju, něžnotu a ponížnej elegancu zwjeseluja. Wulka wustojnosć k temu słuša, něšto woprawdže rjaneho a nadobneho po wašnju ludowych pěsni tak zbasnić, zo pola luda tež spodobanje a lubosć namaka — a Zejler je, mysli, tutu wustojnosć w najvyššej měrje wobsedzał“ Haj, tutón posudnik ma cyle prawje: naš Zejler je ludowy basnik w najlěpšim a najvyššim zmysłu słowa; čistoludowy a dospołnje serbski kharakter jeho pěsni je jim puć do srjedze našeho luda

přihotował a Zejlerja kóždej serbskej wutrobje tak lubeho a sympatiskeho sčinił kaž dotal žadneho druheho serbskeho basnika.

Dr. E. Muka w Zhromadź. spisach Zejlerjowych.

85.

Ródnej rěči.

O klinč a brinč mi, ródna rěč,	Tak zynčo kaž dych nalětni
Kaž z njebyes lubosć w tebi dycha!	A wonjejo mi w trunach hraješ.
Za njewjestu chcu tebe měč,	Móc słodka ze rta wěje či,
Ty krasna mojich sonow pycha.	Hdyž do pjera mi kuzło tkaješ.

Ty mojeju sy wušow wysk	Ty woheń mojich słowow sy
A hordosć jazyka sy moja.	A mojoh' mjena króna krasna.
Hdyž česni mje a spina stysk,	Hdyž wichori a hroža čmy,
Mi křidlo twoje zynki troja.	Sy hwězda mojim myslam jasna.

O hrěj nas, deb' nas a nam swěć,
 Ty wbohich Serbow złota pycha!
 Haj, kliné a brinč mi, ródna rěč,
 Wšak z njebyes lubosć w tebi dycha!

J. Čišinski, Serbske wobrazki.

86.

Maćerna rěč.

Maćerna rěč ma w sebi wulku móc. Kajki lud je, što wón myslí a za čim žedzi, što přežiwi a čerpi, što jemu wjeselo čini to a hišće wjacý čće do rěče a žórli zasy z njeje. Wona načišći ludej jeho kharakter, wašnja a nałožki. Hdzež je so Serbam z namocu maćerna rěč brała, tam su so rozpušćile narodne zwjazki mjez ludom, tajcy su so po času skhilili k cuzemu, doniž njejsu cyle do njeho přešli. A tak smy zhubili serbske splahi a ludy a jenož horstka zwostachmy we Łužicomaj, kupa wosrjedz žołmjaceho morja Němcowstwa, kotrež chce nas póžrěć. Džensa hišće pozhubjujemy Serbow po stach přez wotkhad do městow, přez zastojnistwa, towarstwa a žentwy. Přez to wotemrěja mnozy swójemu narodej a słowjanskemu swětej. Što sebi mjez nami Němc na swoju rěč być zda! Našu dzerži za špatnu. Nichtó njeprěje wažnosć nas wobdawaceje němskeje rěče. Čehodla njedyrbjeli ju jako druhu wobkhodnu do čista nawuknyć? Tola njesmě so k škodze serbskeje wužiwać a trjebać.

Serbska řeč ma w našich ludowych šulach měč centralne stojnišćo. Zcyła započínaju wyšše šule přezahe z wuknjenjom cuzych řeči. Najprjedy ma so džěćo w maćeřnej rozwućeć. Pokazuju na tamne džěći, z kotrymiž w cuzej řeči zcyła ničo započeć njemůžeš. Njeje tón čłowjek, tón lud wobžarowanja hódný, haj njezbožowný, kiž swoju maćeřnu řeč, kotruž wšědnje trjeba, dospołnje njewobknježi? Tajka serbska řeč, kajkuž druhdy mjez Serbami słyšiš, je wonječesćenje maćeřneje řeče. Hdyž serbske džěćo w šuli runje telko njemůže kaž němske, zda so we woćomaj němskeho dohladowarja hlupiše być, njedźiwajcy toho, zo wone w swojej maćeřšćinje wjele duchowneje maćizny wobknježi, kotruž pola němskeho podarmo pytaš. Je dha němska zdžěłanosć wjeršk wšeje mudrosće na swěće? Što ma so potom wo druhich Germanach, wo Romanach a Słowjanach dźeržeć? Štož je sebi njeskaženu a njezranjenu mysl za duchowne derjeměće bližšeho, křesćansku sprawnosć a čuće za naturske a bóžske zasady wobkhowať, tón dyrbi samo najmjeńšemu ludej joho njepřikrótsene prawo na maćeřnu řeč připóznać. Wězo mamy tež winowatosće napřećo statej. Wón žada sebi jenajke duchowne wuwijanje luda. Tola na woćehnjenju džěći nima wón njeposrědne prawo. Te słyša staršim. Stat ma jenož tomu dopomhać, štož starši njemóža abo zanjechaja. Swójba ma swoje naturske prawo na maćeřnu řeč. Teho nimaju stát, cyrkej a šula jej kazyć a brać. Stawy jedneho stata maju so mjez sobu lubować a česćować. Tola wjacý lubosće smědža sebi domoródní jenajkeho pokhoda wopokazować. Kóždy čłowjek smě po křesćanskej wučbje swój narod najbóle lubować. Z tym pak so cuza řeč a narodnosć njezacpěwa, štož nam naši njepřeceljo rad potykuj. Lubosć k narodej je wola boža. Tohodla mamy jón ze wšěmi dowolenymi srědkami stajnje a wšudže podpjerać a zakitować. Štož potajkim ze słowom a skutkom swoju serbsku narodnosć zapřewa, so maćeřneje řeče hańbuje, ju wonječesći a potłóčuje, haj hišće druhich k tajkemu hrěšnemu činjenju wabi a tak wot wšěch přistojnych ludźi zacpětemu wotrodženstwu polěkuje, je najhórši renegat, Judaš na swojim ludze, je hanjeř Boha, kiž je jemu maćeřnu řeč do erta zaščěpiť. Tajcy tež žadnych materialnych woporow za swój lud a narod njepřinjesu, radšo brója zbytny pjenjez za swětnu a hrěšnu wjesela. Tajkemu je tež wšo jedne, hač je Němc, hač Serb, hač Rus abo Prus; je kosmopolit. Pod kwaklu dotalneho systema w Němskej su Serbja nimo měry narodnje škodowali, a naša maćeřna řeč bě k prošeřskej róli, haj k smjerći zasudžena a zatamana.

Wukhod maćeřneje řeče je naturski, tajke je tež naše prawo na nju. Štóz chcył to přec, tón by so čłowječej naturje spjecował. Nichtó njeje sebi ju sam dał. Za wšech čłowjekow je wona jedne z najdróžšich kubłow, kotrež na zemi mamy. Maćerna řeč je řeč wutroby a mysle, w kotrejž cyłe duchowne žiwjenje ze swojimi myslimi a začućemi so zjewja. Wona je z wosobu tak něžnje zjednocena, kaž čěło z dušu. Štóz ju bjerje a niči, tón torha jednotliwcej kaž ludej častki z duše. Kóždy lud ma swjate prawo na swoju řeč, a byrnjež mjeńši był. A tele natur-ske prawo je pola wšech ludow jenajke. Njech kóždy, pola kotrehož narodne čúce njeje hišće cyle pohlušene a podušene, sam rozsudzi, hač wón wupad na swoju maćeřnu řeč jako hórku njeprawdu njezačuwa. „Móc dže přez prawo!“ Tak rejachu něhdy hakatistojo a wšoněmcy. A Bohu džak, jich rohi njerostu wjacy hač do njebjes. K tomu słušeše kharakter: před nimi, před wyšnosćemi a předstajenymi swojeho serbskeho zmyslenja a narodneho přesvědčjenja so njetajić. Z dobrym příkladom běchu a su nam naši wótčincojo. Hdyž budža Serbja wšě swoje džěło a skutki po tym posudžeć, hač su we wšim k lěpšemu a k wužitkej naroda, potom budže s nimi tež lěpje.

Jurij Slodeńk, Serb. Slovo 1919.

87.

Serbščina.

Je serbska řeč kaž lyry slěbrozwuki,
kiž hiba porsćik zefyra;
kaž truny, kotrež přez hajnišća, łuki
najmilše zynki zaklinča,
zo kwětka tež směwa
so wjesele, spěwa
a klinči haj a dom.

Njej' serbščina kaž wětry šepotace
a w hał'zach mócne šumjenje?
Njej' w studničcy to žórło pluskotace
we sćinje čiche zynčjenje?
Haj, khwalimy miłu
tu mócnu a žiwu
sej serbsku swoju řeč!

A praj, hač nješući kaž žołmy wodow,
kiž wichor wala wějacy?
Kaž hrimot, mróčelow to połny škodow,
hdyž njemdri z błyskom zatrašny?

Haj, hrožace słowa
ze žołmjach' doła
to potom zynki su.

Sy słyšať hdy ty lubozniše spěwy,
hač sołobika, škowrončka?
Sy posł'chať, na jězoru kołp hdyž běty
swój spěw we smjerći zanoša?

Tak klinči kaž žana
tež rěč naša rjana;
duž najlubša nam budź!

Jan Čěsla, Hórnikowa Čitanka.

88.

Wužitnosć serbskeje rěče.

Hač-tež-to je serbska rěč wužitna? Serbska rěč, kiž ma wjacj gramatiskich twórbow dyžli němška, je rozwiwanju myslenja wulcy spomózna; tohodla serbscy hólcy, kotřiž woprawdže serbscy mysla, na gymnasiu při wuknjenju cuzych rěčow z wjetša so wuznamjenjeju. Ale wužitk serbsčiny přez wučerńju won daloko do žiwjenja saha. Němcy žadaju za náš nětčiši čas pódla němčiny znajomosć dweju nowišej rěčow: francózskeje a jeńdželskeje, a někotryžkuli na wuknjenje teju sameju rad wjele pjenjiz waži, dokelž při pućowanju do wukraja abo doma we wobkhadže z ludźimi druhich narodow bjez njeju być njemóže. Tomu abo tamnomu česćenych čitarjow snadź so to tak nuzne njezda; ale wón mi, ja z nazhonjenja rěču, na słowo wěř, a kóždy młódši daj sebi wote mnje radzić, zo khroble njedyrbi wuknjenje rěčow zakomdžec, hdyž so jemu, kaž wosebje na gymnasiu, składnosć k tomu poskića. Přetož — tež wothladujo wot wužiwanja literatury — nchtón njemóže wědžec, hač budže wón přichodnje na měrnej wjesy sedžec, kotraž je z jenej abo dwěmaj rěčomaj dospołnje spokojom, abo hač snadź do wobstojnosćow přińdže, kiž znajomosć někotrych nowišich rěčow wužitnu abo tež njewobkhadnje nuznu činja. Tak daloko smy z praktiskimi Němcami cyle přezjene, kotřiž germanske a romanske jazyki wobjimać pytaju: ale my hišće něšto wjacj žadamy;

přetož štož němske mjezy překroči, tón lohko do tajkich krajow dóndže, hdžež ani germanska, ani romanska řeč njedosaha. To wi-džimy hižom w najbližšej blízkosci, w susodnej Rakuskej, hdžež je najwjetši džěl krajow wot Słowjanow wobydleny. Tu, kaž tež w Pólskej a Ruskej, je wikowanja a služby dla hižom tón abo tamón lužiski Serb pobył, kiž sebi ze serbskej řeču přez kraj pom-haše. Wo wužitku serbskeje řeče wjedža tež stari ludžo powědać. kiž mózachu so we wójnje z ruskimi wojakami atd. zrěčeć, a kotřiž při tym lěpje woteńdžechu hač susodni Němcy. Čim bóle pak w našich časach wobkhad ludow mjez sobu, ze železnicami atd., přiběra, čim nuzniša bywa — na čož su němscy překupcy z džěla tež hižom kedźbować počeli — znajomosć z najmjeńša jedneje słow-janskeje řeče. Štož pak jednu rozumi, namaka so lohko do wšitkich druhich jako sotrowskich řečow. A tónle wulki wužitk, kotryž budže so w běhu lěstotkow přeco zjawnišo pokazować, podawa nam naša luba maćerna řeč, naša serbsčina. Tohodla sebi ju khwalmy a hajmy jako wosobnu dobrotu, kotruž je^o boža miłosć nam wobradžiła.

Dr. K. B. Pful, Hórnikowa čitanka.

89.

Epigramy.

I.

Džaka w swěće njehladaj,
Připóznaća nježadaj!
Hewak w hněwje zahinješ a w złobje.
Myto skutkow pytaj we wutrobje!

II.

Stupać w taktu, kaž so piska,
Z wjelkami wuč z jednej' truby,
Wěc mi stajnje běše nizka —
A tak mnohim njeběch luby.

III.

„Serb sym, Serb swěrný wostanu,“
Do swěta młodženc hordže trubi.
Hlej, džěło lóžše, ćežši pjenjez so
We Němcach zabłysknje, a khwatajo
Wón jako muž so z Serbow zhubi.

J. Čišinski, Formy.

Ja sym Serb.

Ja sym Serb, to kóždom' praju,	W modlitwach za narod prošu
Njeh mje khwali, hani!	W horju, we radosći;
Rodženy sym w serbskim kraju,	Kóždu ranu jemu košu
Hdžež su ludžo khmani.	Swěrný we lubosći.

Serbsey čuju w swojej duši,	Z tysac stron njeh za mnu šwórča
Serbsey mysli hłowa.	Njepřečelow šipy,
Žadyn wětr mje njepohłuši,	Zradcy njeh, štož chcedža, bórča:
Hołk mje njepřewoła.	Njepušću so lipy.

Kóžda žilka serbsey bije,	Wotrodženc njeh so mi směje,
Kóždy stawčk je serbski.	Njeh mi přečel klije,
Dónž so morjo njewulije,	Zawistnik njeh česć mi drěje,
Wostanu ja serbski.	Njeh mje krjúdža zmije:

Ja sym Serb, haj, hač do rowa
 — Słyš mje Bóh samlutki —
 Serbska wutroba b'dže, hłowa,
 Serbske słowa, skutki.

Jakub Šewčik, Jubilejne spisy Serbowki.

Móc serbskeje řeče.

Něhdy sym w Łužičanu rozestajał, čehodla Serb z konjom a ze psom němski řeči. — Kón a pos staj zwěrjeći, z kotrymajž tajki zemjank najradšo wobkhadžeše. Podan njewólnik wotposłucha sebi řeč knjezowu a mjenješe skónčnje, zo kón a pos jeno němski rozumitaj.

Psy pak tola serbski rozumja nic jeno w Serbach ale tež něhdžežkuli druhdže. Dwaj přikładaj tu podam, kiž sym sam nazhonił.

Dowjezech so wóndanjo (nazymu 1886) na konjacej dróžnicy po Zeitz-skej hasy won ke Konjecam. Steju na zadnim peronju a někotři mužojo. Wulki čorný pos přiběža — a běžeše z boka woza šćowkajo a chcyše jeneho skusać. Chychu jeho wotehnać z wołanjom a hroženjom — ale pos čím bóle šćowkaše. Khwilu přihladowawši na psa zawołač serbski:

„Psyče, njej' će hańba?!“ A pos so, scáhnywši wopuš, zawróci a čěkaše wot woza. Wšitcy so dźiwachu. Ja pak so smějaeh a rjeknych: „Řěč njeznata je psa stróžila.“ Při sebi wšak myslach: Tež ludžo našu řěč njeznaja — a Serbow so boja — —

W zažnym nalěcu 1886 džěch po drózy z Drježdźan do Wysokej; w Böhlen zastupich pola zahrodnika, a chcych něšto nalikow kupić. Řěčach ze zahrodnikom, a njedaloko stoješe pos rječaznik. Pos so mi spodobaše, a chcych z nim porěčeć. Zahrodnik praješe: „Pos kusa.“ Počach psej rjenje serbski řěčeć, a pos přeco bliže ke mni lězeše, a poplacowach jeho na hłowu, a pos mje njekusny. Zahrodnik so dźiwaše a rjekny, zo rozumił njeje, štož sym z psom řěčał. „Widźiće,“ prajach „pos rozumi serbski a wy nic — wě wjacj dyžli wy.“

Ducy domoj pak sebi myslach: My Serbja z Němcami přecy rjenje řěčimy, a njechadźa nam rozumić. Njerozomne skočo w sakskich krajinach zabyło njeje, zo su jeho přjedownicy serbski khlěb jědli.

Handrij Dučman, Łužica 1910.

92.

Serbam.

Lětnje wětrički hdyž zaduwaja
 Bóh wšěm kwětkam kćěci dowoli!
 Kóždy zahrodka so krasnje zybolí,
 Něžne kwětki wónje rozsywaja.

Zo by kwětka rjeńšo zakćěwala,
 Pilny zahrodnik jej přiliwa;
 Na prócu a mučnosć njedźiwa,
 Zo by krasnosć hišće přiběrała.

Serbowstwu džeń nalětni tež swěci,
 Młódne kwětki kćěja w mnohosći,
 Pokrjepja je pilnosć serbskich džeći.

Tuž sej tute kwětki zdobnje hajmy,
 Zjednočmy wšě mocy w lubosći,
 Bohu wjeršnemu so pod škit dajmy!

M. Hórník, Čitanka.

Serbske wobydlerstwo w Budyšinje w spočatku 15. lětstotka.

Budyšin, z wopředka małe wobronjene městačko abo lěpje wjeska, natwarjeny wot našich serbskich prawótcow, bě najprjedy tež jenož wot nich wobydleny. Tak zwosta to lětstotki dołho. Ale hdyž němski kejžor Ota I. we wójnje ze Serbami sebi twjerde městna pytaše, z kotrychž mohł dale přećiwo Serbam wojować, natwari w Budyšinje, tak powědaju nam króniki, twjerdžiznu, pozdžišo Ortenburg mjenowanu. Z dobom posła do tuteje twjerdžizny němsku wobsadku. Z tym přičezechu přeni Němcy do dotal serbskeho Budyšina. Pozdžiši němcy kejžorowje, kotřiž tohorunja ze Serbami wójny wjedzechu, spytowachu tež křesćanstwo do serbskeho kraja zawjesć a sćelevu tohodla němskich kolonistow do kraja, kotřiž so wězo předewšěm do městow tłóčachu. Kaž wšudžom, tak sta so tež w Budyšinje, zo Němcy Serbow bórzy po ličbjě přesahnychu. Budyšin pak bu z tutym připućowanjom kolonistow stajnje wjetši a wjetši, a Němcy, kotřiž ze Serbami hromadže bydlie njechachu, tutych po něčim z měšćanskich murjow wutłóčichu. Serbja, stajnje měř lubujo a njeradži wojujo, pytachu sebi z wonka měšćanskich murjow nowe bydla a twarjachu sebi nowe statoki. Tak rozumimy, zo so na kóncu srjedźneho wěka předměsto Budyšina „*serbske předměsto*“ mjenowaše.

Z pomocu dawkowych lisćinow sym spytał ličbu serbskich wobydlerjow w Budyšinje w započatku 15. lětstotka wobličić. Njejsu drje w tutych lisćinach jako Serbja woznamjenjeni, tola myslu, zo je so mi po swójbny mjenje dawki dawarja abo po jeho pokhodze t. r. po městnu, z wotkelž je do Budyšina přičahnył, poradžiło, ličbu Serbow nimale z wěstosću wuslědźić.

Z přehladu dawkow widźimy, zo měješe Budyšin wokoło lěta 1408 něhdze 347 serbskich hospodařstwow z 1909 wosobami, to je 35,8 procentow wšitkich wobydlerjow, potajkim wjac dyžli třećinu Serbow. Přispomnić tu dyrby, zo měješe Budyšin po mojich wobličowanjach tehdom wšo hromadže 5335 wobydleri. Zo Serbja woprawdže před přikhadzacymi Němcami do předměsta Budyšina wotstupowachu, widźimy z toho, zo bě w nutřkownym měsće 94 serbskich hospodařstwow z 517 wosobami, we wonkownym pak 253 hospodařstwow z 1392 wosobami. Abo po procentach přindze 9,8 procentow na město za murjemi a 26 procentow na město před murjemi. W nutř-

kownym měsće běše wosebje „*Serbska wulica*“, w kotrejž najwjacy Serbow bydleše, po čimž je tež swoje mjeno dóstała.

So samo rozumi, zo mnozy z tutech Serbow njeběchu w Budyšinje samym rodźeni, ale zo běchu, jeli nic runje sami, tola jich starši a prastarši do Budyšina přicahnyli. Zajimawe je zhonić, z kotrych kónčinow serbskeho kraja abo z kotrych serbskich wosadow běchu připućowali. To praja nam jich swójbne mjena, kotrež su mnohim z nich date po wsy abo wjescy, z kotrejež do města přicachnychu. Tak widźimy, zo tehdy budyšscy Serbja ze sčěhowacych wosadow pokhadžachu: z bartskeje 3 wosoby abo swójbje, z budyšskeje 26, z husčanskeje 6, z hodźijskeje 9, z hućinjskeje 2, z bukečanskeje 4, z mało-budyšinskeje 1, z klukšanskeje 6, z malešanskeje 3, z minakašskeje 6, z njeswačidskeje 11, z budestečanskeje 4, z póršiskeje 3, z radwošskeje 5, z hornjowujězdžanskeje 3, z wjelečanskeje 4. Dale pokhadžachu z wosadow lubijskeho wokrjesa: z bukečanskeje 3 a z ketličanskeje 4, a z wosadow kamjenskeho wokrjesa: z króscičanskeje 3, z wosleńčanskeje 3, z ralbičanskeje 2 a z wotrowskeje 2. Z tutoho zestajenja spóznaćwamy, zo wosebje z wosadow blisko Budyšina wjacy Serbow do města čahaše, dyžli z dalšich. To pak je tež cyle zrozumliwe. Jenož Njeswačidło čini tu wuwzaće ze swojej wysokej ličbu 11 wosobow abo swójbow.

Što pak bě wina, zo mnohi krasnu čichu wjesku z lubym domčkom a kćějaty mi polemi wopuści a swoje zbožo w měsće pytaše? Pola toho abo tamnoho běše to nadžěja, zo w měsće wjetše zamoženje docpěje, hač je jemu to w ratařstwje móžno. Ale časćiša přičina bě sčěhowaca: W času do 14. lěstotka wědžeše serbski rolnik, zo wšě čěže ratařstwa njese za swoju džědźičnu zemju a za wosobinsku swobodu. Tola wot tutoho času a snadź hižo něšto přjedy dyrbyeše ratař pódla svojich starodawnych čěžow tež nowe přisłušnosće dopjelnjeć a k tomu zemju wobdžělać jenož jako poddan w hrodze sedžaceho zemjana, kotryž dawk žadaše. Tuž mnohi radšo wšo stejo a ležo wostaji a pytaše w blizkim Budyšinje swoje zbožo.

Nimo měry zajimawe by hišće było wuslědźić, kajke rjemjesła wosebje Serbja w Budyšinje wukonjowachu. Znate je, zo w něšto pozdžišim času Němcy z hidu na Serbow w měsće zhadowachu a skónčnje to docpěchu, zo žadyn njesmědžeše z mištrom być, jeli njemóžeše dopokazać, zo njeje serbskeho pokhoda. W tutym našim času to po zdaću w Budyšinje hišće njeplaćeše. Tola hač dotal

njejsmy hišće žadnych kužołow wuslědźili, kotrež bychu nam na tole prašenje wotmolwiše. Nimale z wěstosću pak můžeme prajić, zo Serbja wosebje w předměšće Budyšina tež husto dosć jako ratarjo swóji khlěb jědźachu.

Dr. Jakub Wjacławsk, Č. M. S. 1917.

94.

Mortwy doł.

Balada.

Pójće mi hólcy, khwatajće,
Pójće nětk, ze mnu spěwajće
Spěw mi tón cuni klinčaty,
Po wšěch mi Serbach zynčaty,
Po wšěch mi Serbach serbowskich
Wo tych mi rjekach ryčérskich! —

Tam hdžež mi we luboznej saksonskej zemi
Łobjo to šěroke slěbori so,
A nad Łobjom skały so zběhaju k njejbu,
Tam wysoko stwarjeny móst ja ěi znaju
Wot skały do skały wjedźacy tak,
Zo wyšši nej' žadyn ěi po cyłym kraju. —

Z mosta tam dele zhladuju,
Wuhladam trašnu hłubinu,
Wudžera na mnje dźiwje so
Hłuboke, hrózbne bjezedno;
Šmrěki tam delkach hobrske
Su ěi kaž jehły maličke!

Tam hród je stał serbski na wysokej skale, —
Minyło tomu so wósom stow lět, —
Dha na nim rjek Wójměr bě nadobny z knjezom,
Pan sylny a rjany, po wutrobje sprawny
Wótcowskim přiboham přiwisujo,
Pak swěrný a w bitwje před druhimi sławny.

Žadyn joh' winik njepřemó,
Žadyn tež brón jom' njepřekló;
Přez kabat jemu železny,

Přez worcel jemu blyščaty
 Puć jeno lubosć sčini sej,
 Lubosć ke knježnje póćciwej.

Je lubosć ěi džiwna, njedžiwa na wěru,
 Aní po narodže njepraša so; —
 Jadwigu bě wuzwolił, křesćanku, džowku
 To němskeho ryćerja Wulframa młodu,
 Kiž tam na susodnym hrodže bě knjez
 A surowy njepřećel serbskemu rodu.

Słał drje je Wójměr braškow k njom'
 Z přistojnym, pěknym postrowom,
 Z próstwami sam so ponižił,
 Tajkile wotrjek naprosyl:
 „Serbskoh' za pohana psyču krej,
 Nanihdy moja džowka nej'!“ —

Na třěše zasutała zrudnje je sowa,
 Wokoło hroda bě wichorina
 So zběhnywši přirodu zatřasla džiwnje:
 Pak wjetšu we wutroby hłubinje twori
 Wójměrej zrudoba z njepokojom,
 Zo nihdy nej wurjec, kak we nim so hori.

Wěra ta hory přesadži;
 Lubosć wšě hory přeskoči:
 Wójměrej přińdže do mysle,
 Lisćik wón lubej napiše,
 Sćeale tón lisćik z huslerjom
 Podróžnym skradžu lubej dom:

„Wo jědnatej, luba, budź jutře ty delkach
 Pod hrodom w zahrodže čakajo mje,
 Zo wuńdzeměj skoro wšěm njepřihodnosćam,
 Zo lubosći twariměj tempel we miłym
 Mojim mi hrodžišću skałowatym,
 Na mojim mi sydlišću njepřewinliwym.“ —

Čitawši holčo měnkluje,
 Dwojaka mysl ju přehnuje:

„Dyrbju dha, abo njedyrbju? —
 Budža mje swarić njeswěrnju —
 Budža mje tamać njesmilni —
 Njetama-li Knjez njebjeski?“ —

Ně, wón drje Bóh lubosće wostanje wěčnje,
 Njetama, štož džě po lubosći je!
 Tu z nana — hač křescana — hidženje sapa;
 Tam z pohana wutroby lubosć so płodži,
 Kaž z njebjes jandželik kiwajo mje: —
 „O jandželko, twoje njech swětło mje wodži!“ —

Nóc běše ćicha nastała,
 Sparnu tu płachtu přestrěła.
 Jěchataj dwaj tam na konju,
 Čěritaj spěšnje po puću;
 Dojěchu Wójměr z Jadwigu,
 Na Raćin — skału wysoku. —

A mějtaj so derje a wužijtaj rjenje
 Jasne dny wjesela z džakownoću!
 Tu pod stóncom khwilčički zboža su kuše, —
 Haj slěduje lóhcy dosć njewjedro trašne
 Hodžinku miłu, zo wotčerpić maš
 Traš z trajawej zrudobu wšo zbože brašne. —

Bórzy džě Wulfram wuslědži
 Khowanku swojej' džowčički;
 Pěni so w złósći, zaroća,
 Wjećenje krwawne přihiroža;
 Wulki džěl Němcow wobjěcha,
 Syły sej luda zhromadža:

„Mi pójće nětk, krajenjo, pomhajće wjećić
 Křiwdu nam šibale naćinjenju!
 Was, wšitkich džě nastupa, hač smědža Serbja
 So smjeći nam dale, nam knježić na škodu, —
 Wutuřmy hnězdo to sokołowe,
 A smjerć tomu sokołej, smjerć jeho rodu!“ —

Tupaju konje, zrjehotnu —
 Wótre te mječe zabrinknu, —
 Mróćełe Němcow walejo

K Raćinej so a smalejo
 Surowje wšitko wutupja,
 Štož jenož serbske mjeno ma.

Drje nadběhi činja, pak witani krwawnje
 Z twjerdžizny stupaju z wopječicu;
 Što čłowska móc zamóže přećiwo twjerdži,
 Kiž Bóh je chcył sam ju ze škitom tak wodžěć,
 Čas zo by, wšo hewak scyrowaty,
 Lět tysacy ani ju njezamóhł podmlěć? —

Měsacy tak so pominu,
 Lěto je nimal' na kóncu: —
 Běda, či běda, Wójměro!
 Sylniši winik přiwda so, —
 Hórši, hač Němcow zlobota,
 Njepřećel hlód so přisnowa!

Ach, z hlódom wšě stawy či wostabnjeja,
 Z hlódom wšě wutroby zezawutla,
 Kaž kwětkka bjez włohi či zwjadnjena mrěje:
 Hlej, Serbam hlód wutrobu njesčini khamnu.
 Žiwý so njepoddam njepřećelam!
 Tak Wójměr: „Stož swobodu lubuje, za mnu!“ —

„Do twojej rukow, Morjawa,
 Swobodny syn či khwatam ja!“
 Mječ w rucy z mosta šwikny so,
 Z nim jeho štyrceć rjekojo,
 Zleća do trašnoh' bjezdónka —
 Bjezdno wšitkich pohrjeba. — —

Jich kosće tam běleja w hłubinje ćichej,
 Křižik jim žadyn tam stajeny njej',
 Jim sołolik žadyn tam njepozaspěwa, —
 Hač lutke tam sowisko styskniwje woła:
 Sława budź wěčna, wy rjekojo wam! —

Hlej, to je ta powěsć wot mortweho doła.

95.

Mařcyna přaza.

Mařka předže spěwajo
 Bětku kudžel židžanu,
 Wóčko swětle błyskajo
 Swědči mysl radostnu.

Kajke wčera wjesele,
 Juřk bě z Mařku na slubi;
 Džensa hórke rudženje —
 K wójni su joh' zbrónili.

Wjeré so, čénke wrjećenko,
 Směwkaj mi so myslička,
 Čehú so, swětle předženko,
 Budžeš kwasna suknička.

Mařka předže plākajo
 Šěru kudžel pačosnu,
 Wóčko žołmy sylzujo
 Swědči tyšnu zrudobu.

Wjeré so, čorne wrjećeno,
 Lubeho su zabili;
 Šěre, zrěbne předženo,
 Smjertna budžeš košul mi.

Jan Radyserb-Wjela, Tydženska Nowina 1844.

96.

Wineta.

Hdyž do wóčka čí pohladnu,
 Dha na Winetu pomyslu,
 To sławne město zastarske,
 Kiž do morja so přepadže.

Štóz prawe hrónčko wurjeknje,
 Winetu zaso wuzběhnje
 Z najjasnišimi wěžemi
 A wysokimi khěžemi.

Praj, kajke hrónčko wuzwolu,
 Z čimž twoju lubosć wubudžu,
 Zo kaž Wineta postanje
 Mi w čichej twojej wutrobje?

K. A. Fjedor, Lužičan 1868.

97.

Serbski prawopis.

Runjež su Serbja jenož mały lud, dha mjez nimi tola dwoje
 wěry wuznaće knježi. Wobej wuznaći měještej dotal swój wosebity
 prawopis; a rozdžěl teju prawopisow mały njeběše. Z toho přińdže,

zo protestantů katolske knihi čitać a zrozumić njemóžachu, a katólscy nic protestanske. Dokelž pak smy nětko wšitcy w nawědžitosći a rozswětle tak daloko, zo jedyn druhemu wjacy wěry njewutyknjemy, a dokelž smy póznali, zo kóžde rozkhadženje serbskim naležnosćam škodži a zo móže Serbowstwo jenož w přezjednosći luda duchownje so rozwijeć a rozkčěwać, tohodla su so mužojo wobeju wuznaćow w tym zjednoćili, zo by so nowy prawopis postajił a wot wobeju wuznaćow nałožował, tak zo by kóžda wudata kniha kóždemu Serbej wužitna byla. Tak je tute nowe wašnje pisanja, tutón nowy prawopis nastał, kotryž je na powšitkowne słowjanske prawidła založeny a so składny abo analogiski mjenuje. Tohodla, serbscy krajenjo, njewotwlakujće so tutoho prawopisa! Přez njón, jenož přez njón móžemy zjednoćenju našich Serbow a rozkčěwanju jich duchowneho žiwjenja spomóžni być. Njepraj nichtó: To su nowinki!“ přetož na starym městnje njemóžemy přecy stojo wostać. Njepraj nichtó: „Tón prawopis je ćežki!“ Wón je při nałoženju małeje prócy lóžši hač stary. Wulka syła našich wučenyh je jón z wutrobnej radosću powitała, a wy, kiž jón dotal njejsće póznali, přimajće so jeho z najlěpšej wolu! Wopomńće, zo chcemy zjednoćeni za nawědžitosć našeho rad wuknjaceho ludu džělać.

Do słowjanskeje řečnicy, a wosebje do słowjesow, je Čech Dobrovský najprěni swětle přinješt, kotrež naš krajan dr. Pětr Jórdan we swojich řečničnych spisach rozšěrja, na čož tudy džakownje spominamy.

Dr. Kř. B. Pful. Čas. Mać. Serb. 1848.

98.

Serbski rychłopis.

Hdyž běchu ludžo počeli prajene słowa pisać, počachu sebi tež na to myslić, kak bychu je po móžnosći ruče napisać móhli. Tohodla nałožowachu hižo w starogrekskich a staroromskich časach wšelake skrócenki słowow. W nowišim času poradži so wunamakać pismo, z kotrymž móžeš khětrišo pisać hač řećeć. Tajki rychłopis wuslědži za němsku řeć mjez druhimi Gabelsberger. Dokelž běše jeho system khmaňši dyžli druge podobne, přenjese jón Hendrich Jakub Heger, podpjerany přez sławneho Šafařika, přez Šumavského a druhich, l. 1848 na štyri najwjetši słowjanske řeće. Potom tež druzy we wšelakich słowjanskich řečach rychłopisne zestajenja při-

prawjachu a nałożachu. Tež w našej serbšćinje njewosta to njespytane. Štož smy wo tom zhonili, staj so tu prócowajoj jako přeni naš najslawniši narodowc Michał Hórnik, a po nim z młódšich Jurij Kral. Do ćišća pak płody jeju prócowanjow dotal přiše njejsu.

Někotremužkuli pak, wosebje serbskim předarjam a řečnikam, budže snano witana wěc, hdyž budža móc swoje myslički khwatnje napisać a z tym wjele droheho časa zalutować. To je wina, čehoždla namołwjany přez druhich swój rychłopis tu w ćišću wozjewjam. Wón je nic jeno po theorii zestajany, ale po mnohe lěta tež praktiski přeze mnje wuspytowany a nałożowany. A k tomu je wón tak lohki, zo jón kóždy zdžělany Serb za někotre njedžele a, štož němsku stenografiju hižo znaje, za tydžeń dospołnje nawuknje. Z rychłósću zjednoća tutón rychłopis tež dospołnu wěstosć, kajkuž ma pismo, tak zo tón, kiž jón znaje, bjez wobćežnosće přečita nic jenož, štož je napisał sam, ale tež štož što druhi. Srědkaj, z kotrymajž so to dosćěha, staj teje: pismiki su jednore, pisaju a zwjazuju so lohcy; skróćenki słowow su postajene po wěstych prawidłach. Potajkim džěli so wučba wo rychłopisu do dweju dželow, do wučby wo zložkach a do wučby wo słowach.

Dr. Filip Rězak, Č. M. S. 1895.

99.

Hudźba.

Ty wodziš mje na hona jasne,
Čěr ludaprózdnu, éichomnu,
A moje přeca, sony krasne
So swěća tebi we wočku.

Njech swět mje tyši, přepóznawa,
Ty wěš, što pjelni wutrobu.
Wšak twoja řeč mi wěstosć dawa,
Zo znaješ radosć, stysknotu.

A sym ja přišoł khudy k tebi,
Tu nabych drohich kubłow dosć:
Hlej, pokoj duše dobych sebi,
Móc a horjo a zbožownosć.

K. A. Fiedleř, Lužica 1901.

K. A. Kocor.

Štó by mjez nami Serbami jeho mjena njeznať? Štó by jeho spěwow njespěwał? Wotročk a džowka, bur a knjez, zdžěłany a njezdžěłany w holi a horach, we wsach a městach, spěwa při džěle a při wjeselu krasne hłosy našeho mištra. Tež cuzome, samón němski susod so Kocorej kłoni, z respektom a počesćowanjom. A my džensa našemu mištrej ławrjenc podawamy, džakownje prajicy: „Ty sy, kiž sy naš luby lud spěwać wučil!“

Kocor je rodženy melodiski genij; z jeho kuzłařskeje lyriskeje harfy stajnje nowe zaklinčuja hłosy, poľne naivneje jednorosće, ale nutrneje hľubokosće; wurazy to woprawdžiteho wumjeľskeho ducha. Našemu ludu je Kocor zaľožer serbskeje narodno-wumjeľskeje hudźby, wosebje spěwa.

W serbskich hórkach a hajkach zahořskeje wokoliny dorosće; tam zaščěpichu so jemu serbske narodne hłosy zahe do wutroby; a hdyž bě pozdžišo w hudźbje so kublať, z mócnym hibanjom wožiwichu, rozwiwachu a přetworjachu so: narodny spěw bu ze žiwjenjom jeho byću. Hnydom jeho přenje hudźbne pospyty wobswědčuja to; spěšnje nadoby powšitkowneje popularity.

Wjele k wuspěchu Kocorowych komposicijow přida zbožowny připad, zo namaka w fararju H. Zejlerju basnika, kotryž tak kaž wón stoješe na ródnej půdze serbskeho ludstwa, pěsnjerja bjeze wšeje tendency, kiž date poměry a wobrazy z ludoweho žiwjenja skićeše w plastiskej formje a w prostym podaću.

Tak bu Kocor tež sobuzaľožer serbskich spěwanskich swjedzenjow l. 1845 a scěhowacych, a z tym njesmjertny zbudžowať noweje serbskosće. — Tehdom džě počachu so Serbja z nowa jako lud začuwać, a zjawnje přez Kocora dopokazachu swoju khmanosć tež za salony. Kocor njewobmjězowanie wobknježeše programy spěwnych swjedzenjow, jeho spěw so rozleća do najzdalenišich wsow a mócnje wjele wudokonja za zbudženje mľodeho Serbstwa. Tež někotry mľody wobdarieny Serb tehdom swoje mocy spytowaše, kaž Frencl w Njeswaćidle — a staršaj hižo: Smoleř a Zejleř we Łazu.

Kocor je z njewšědnej pilnosću džělať, wozbožujo swój lud z wulkej syľu maľych a wjetšich skľadbow.

Wulkotnje začisćachu so posľucharjam jeho oratorije, z kotrychž drje stej „Nalěće“ a „Kwas“ najkrasnišej wupľodaj jeho Musy; mi so „Nalěće“ najkrasniše a najsľawniše mištrowe džěľo być zda.

Ale tež w jeho mjeńšich džěłach so krasne nakhadžeju parle. W dejmantowym blyšču swěći so jeho „Syrota“, kotraž tež najkamjeńtnišu wutrobu zmjehći. A kak žórli so bohaće melodiske žiwjenje w opereće „Jakub a Khata“! Jedne z najposlědnišich rjanych džěłow mištra je „Wodžan“, na słowa H. Dučmana-Wólšinskeho komponowane. Tež krasne narodne reje se zajimawym rytmom je nam Kocor darił. Ani njezapominajmy na jeho komornu hudźbu a jeho ouvertury, hačrunjež njejsu tak znate. Hnujacy začišćuje so duši jeho duchowny oratorij: „Izraelowa zrudoba a tróšt“. Wšě wjetše komposicije — oratorije, su so w Budyšinje, Lubiju a tež w Drježdžanach, ze znamjenitym wuspěchom před wubranym poslucharstwom předwjedłé, mištrej k wulkej sławje a nam Serbam k česći — a k wužitku.

Wšitke Kocorowe komposicije, tež najwobšěrniše, kaž jeho oratorije, maja wěsty raz wysokeje noblesy a žadnjeje pócciwosće; wšitke su po formje jednorje tworjene, njeso znamjenja narodnych hłosow. Ja bych Kocorowe spěwne pěsnje přirunał holčcy ze wsy, prostej w drasćenju, rjanej, něžnej a lubej, tu sonjacej, tu šibałej: a jeje módrej wóčcy a kčějacej hubcy nas wobkuzhujetej, hdyž džě je wšo tak přirodžene na njej, ani jeje mysl njekhori na mudrowanje.

We swojim narodže Kocor samsne město zajima, kotrež Bjedrich Smetana w čěskim. Někotre rysy su jemu a čěskemu mištrej zhromadne. Wobaj narodžištaj so w přenjej štwórci minyłego stotka, Smetana 1824 w Litomyšli, Kocor 1822 w Zahorju pola Budestec. Wobaj z prostych stawow swojeho ludu pokhadžataj. Kocorowy nan bě rolnik, Smetanowy piwarc. Lubosć k hudźbje w tym a wonym wucui w najprěnišej mladosći. Kocor zdžěła so w Budyšinje w dobrej wučbje hudźbného direktora Heringa jenak wustojnje kaž na klavěrje, tak na piščelach, a na seriousneho komponistu — Smetanowy talent zrawješe w Prahy pod nawodom znamjenitneho virtuosa na klavěrje a hudźbného składowarja Prokeša. Smetana a Kocor zahe z originelnymi składbami předstupištaj před lud: Kocor někotre z luboznych přeničkow poswjeći swojemu wučerjej Heringej, Smetana swoje kharakterne opus 3. za klawěr mištrej Lisztej. Wobaj w najlěpšich mužnych lětach stworištaj džěła, kotrež same hižo bychu njesmjertnosć zawěsćile jeju mjenu: Kocor swoje złote „Nalěće“, Smetana swoju z dychom nalěća dychacu a zahrěwacu ze slónčnym blyščom operu: „Prodaná nevěsta“; a wobě džěle wšak buštaj tež tu a tam najčascišo spěwanej. Jako z Kocorom Serbam,

tak ze Smetanu českemu ludu nasta založef specifiscey narodneje a wumjelskeje domjaceje hudźby a z tym mócný wubudžeř ludu. Wulke koncerty, woprawdźite swjate dny domjaceje hudźby, wobaj składowarjej samaj dirigowaštaj, žnějo zahorjene triumfy, najlěpši synowje ludu wyskachu jímaj.

A tola, kak so wobaj mištraj rozkhadžujetaj zaso! Samotna lyriska Kocorowa powaha a Smetanowa postawa dramatisa předstajujetej wótry kontrast. Hišće bóle wumjalcow džěli polo hudźby, na kotrymž knježitaj: Kocorowa domena je hłownje pěseň, Smetanowa komorna hudźba, symfoniske basnjenje a opera. Ze złotym ławrjencom staj wobaj wěncowanaj, ale Kocor je wjele přjedy w ludu so předobyl, hač dołho we wukraju — w šwedskim Göteborgu — jako kapałnik skutkowacy a dojasnjowacy so Smetana; pozdžišo hakle tutón profeta we swoim wótcnym kraju připóznaća dońdže. Wysokeje staroby wobaj dóspěštaj, tola tež tu je Kocor lubušć Musy byl.

Hižo 80 lět starcej bě w slěboru pózdneje nazymy, a hišće so, njedžiwajcy na snadnu khorosć wočow, čělnje a duchownje čerstwý čuješe wužiwo w měrje we swoim ketličanskim idylu wulkich skutkow płody. Kak struchły za to bě Smetanowy žiwjeński wječor! Čěski mištr, kotryž hinak hač Kocor tež materielnu nuzu žiwjenja nawědži, bu hižo w najlěpšich mužnych lětach z wušnej khorosću napadžený, a dospołnje wohłuchnywši skónči w začěmjenju ducha njezbožowny, lědom majo 60 lět w pražskich Kateřinkach.

Bjarnat Krawc, Łužica 1902.

101.

Zdalenej lubej.

O daj mi, daj wšak, moja miła, Wšón swět sy sama mi ty rjany;
 Či zhladować do wóčka módroh' Kiž radosće w nim njenamakam,
 Če, prošu, lěkarja njech dobroh' Ach tebjě dobyć, miła, čakam,
 Ma wutroba mi přestyskniwa! . Ach tebjě — njejsym zacepěwany!

Ach cheyła tróšć mi jeno skićić
 Tu w njewjedrach, we žiwjenju,
 A byli tež přez pohladnjenje.
 Mje njebudža tež potom nićić
 Wšě wosudy, we žadosćenju
 Ja njepodam so słaby ženje.

Michał Bjedrich - Wjeleměr, Łužičan 1875.

Klankodźiwadło a jeho wuznam.

Smy žiwi w dobrej, w kotrejž čłowjestwo při wšěm swojim pospochim khwatkom do přědka zaso přima za starymi dobrymi dołho dosć zacpěwanymi zarjadowanjami. Tak je to tež z klankodźiwadłami. Něhdy, hdyž wjetšina ludźi hišće ani nowinow, ani knihow, ani dźiwadłow ze žiwymi hrajerjemi njeznaješe, běše klankohrajeř, kiž ze swojim khuduškim wozyčkom město wot města, wjes wote wsy čahaše, jenički japoštoł wumjełstwa, haj, docyła duchowneje zabawy. A potom přińdže wobrot. Sepje časopisow a knihow rozlečachu so po wšěch krajach, dźiwadła rozéchu ze zemje a mali, ponižni kralojo a pryncojo a pryncesny klankohrajerjow běchu wopuštěni a wisachu po wšej swojej krasnosći zapróšeni něhdže w kućiku a tryskow poľny Hapka abo Kašpork zakisny a zaby swoje žorty, kiž běchu telko khutnych připoslu-charjow rozwjeseľi. Tola nic na wěčne! Wón jako zastupnik sylneho njezničomneho optimisma njemóžeše zadwělować, wón wědžeše, zo wšitcy ći zakuzľani pryncojo a pryncesny zaso wotuća ze swojeho hľubokeho spara hišće k wjetšej krasnosći. A měješe prawje. We wulkich městach, w krasnych wumjełscy wuwjedženych dźiwadľach wustupuje džensa zaso Hapka jako swěrný sľužobnik svojich wysokich knjezow, a klankodźiwadło ze swojej sylnej wobkuzľacej naivitě dobywa sej dale a wjacý přiwisnikow a lubowarjow. Njerěču tu wo Barlinu, hdžež plaći najtuńše městno w klankodźiwadle — tři hriwny. Ně, klankodźiwadło ma a móže za tuni pjenjez poskićeć džěsću a wotrostľemu wokřewjenje a powučenje nadobo.

Wězo, předewšim džěsću. A tu skutkuje jako wubjerny srědk k wupěstowanju džěsćowskeho kharaktera. Moderna pedagogika hódnosći sej klankodźiwadło wosebje tohodla, dokelž móže so z nim najľožo a najľěpje přeskutkować jedna z přěnich požadankow pedagogiskich: wuwučować přez zabawu, rjec wěrnosć ze směwkom na hubinkach. Přeskakowacy, wjesoľy duch mľodžizny njeje jara přikhileny suchim šulskim wědomosćam, kotrejž, su-li podawane tak kaž su, sprócuj, budža njelóšt, haj, činja zaćišć přinućeneje namocy. Džěći wšak dyrbyja rady přijimać wučbu, powučenje ma jim być witane wjeselo, wosebje tam, hdžež so jedna bóle wo wukubľanje kharaktera dyžli rozoma. Móžemy džěco nuzować, zo by přijimało wědomosće, nihdy wšak, zo by so nutřkownje po-

lěpšiło — tu dyrbi kóždy džěčo same chcyć, dyrbi na přeswědčiwych přikładach widžeć, zo jedna wopaki a kak ma jednać prawje. Tu wězo šulske srědki njemóža dosahać. Dyrbimy dalše srědki pytać, z kotrymiž bychmy tutón wažny zaměr docpěli.

A tu njemóžemy sebi lěpšeho pomocnika myslić, dyžli dźiwadło a to klankodźiwadło, kotrehož kuzło skutkuje tak bjezposrědnje a je tak blisko džěscowskej duši, zo je w tutym nastupanju njemóžemy dosć wysoko hódnościć. Maćizny klankohrow, brane najbóle ze swěta bajkow, rěča z najzrozumliwišimi słowami k młodej džěscowskej hłowčcy, poľnej fantastiskich sonow a zbožownej w přespodźiwnych widženjach, kaž je wukuzlać dokonja jenož čerstwa, žiwa a móčna džěscowska fantasija. Maćizny tajke podane wězo wot woprawdžiteho basnika, njemóža misnyć wuspěch, dokelž skutkują z typiskimi, razowitymi postawami ludoweje poezije.

Dobra klankohra je z wokřewjenjom tež za dorostłego přihladowarja. Romantiske wuzdaće rjekow mjenja lubowólnje wobraz a zwróćaja jednanje a niča při tym ironiscey ilusiju; rjekoko hladaja z dowěru žiwjenju napřećo, ale njedadža so wot njeho, zjebać, njezadwěluja při wocomiknym nješlachćenju. Dokonjeja sej wažić poľnosć, krasnosć a słódkosć žiwjenja, a zhladuja z dobromyslnym směwkom na jeho podskoki, kaž bychy chcyli rjec: wšak my wěmy, zo to tak zlě njeměniš, sy tola dobre a krasne. Přihladowarjej so zda, kaž bychy rjekoko měli wosud we swóich rukach a bychy jemu diktowali notu swóich napadow.

A za tej kalejdoskopiskej hru přeměňawych scenow přeswitaja jimawe rysy prosteho ludoweho basnistwa, tak njepytaného a jasného, jednoreho styla, z tak wotewrjenej čilej mudrosću čisteje wutroby, zo dyrbi tež dorostłemu być wumjeľski požitek sćěhować hru ze zajimanjom. A džěci čuaja instinktiwnje móc žiwjenskich wěrnosćow, podmolowanych z nuznosću wosuda, a bjeru je z dźiwadła tak sobu, kaž běchu wot ludoweho basnika přežiwjene a na jewišću podate: hľuboke, woprawdžite, ale w pisanych a wjesoľtych ramach stroweho nahlada na swět. Demoniskosć a tajomosć, samowne ludowym wutworam, su paralizowane ze směchom Hapkowym, kiž dokonja pryzlować tež w najbóle kritiskich situacijach.

Z klankodźiwadłom wšak je tež móžno pěstować wumjeľske čuće. Na kraju wonka móže klankohrajeř być jenički japoštoľ wumjeľstwa. A tohodla kładze so tež w posľednim času tajka wažnosć na to, zo bychy podawane hry byľe hódnotne plody

woprawdžiteje poezije a dale zo bychu klanki same byle zhotowjene wot swědomitych wumjełcow. Njesmě so ani podhódności techniske zhotowjenje figurow. Klanka dyrbi być wumjełscy stylizowana, dokelž dyrbi so ze swojim wurazom a z móžnosću příchodnych gestow zbudzić žadane začuwanje.

Štož nastupa maćiznu, tu nawjazuje klankodźiwadło na ludowu tradiciju. Bajki, powěsće a narodne eposy wobsahuja cyłe bohatstwo dramatiskich elementow. Juž džensa je móžno małemu publiku podać woprawdže wumjełske džěła, napisane specielnje za klankodźiwadło, na př. klasika klankodźiwadła, hrabje Poccija, a mnohich druhich.

Tohodla je nuzne, zo bychu wšitcy, kotrymž zaleži na tym, zo by naša młodosć měla ze swojich zwjeselenjow najwjetši duchowny wužitk, přinjesli za tutón wažny zaměr swój wopor — zawěsće won přinjese bohate plody!

Fr. Procházka — C. Wjenk, Łužica 1918.

103.

Słónco — swoboda.

„Słónco, słónco chcu ja měć!“

Woła slónčna róža,

„Kak ja dyrbjů rosć a kěć,

Kaž to róže móža?“

Prawje maš, o rózica,

Sy tež k tomu stworjena.

A ty ducho čłowjeski,

Na čo leći tebi?

Njejsy rózam k runosći,

Praj, što přeješ sebi?

Ja će słyšu zašumić

A mi wótře wotmołwić:

„Swobodu, mi swobodu

Město slónca dajće,

Putá, spřah a robotu

Z razom rozłamajće;

Štož je z Boha rodžene,

Dyrbi tež być swobodne!“

H. Zejleř, Zhrom. spisy III.

Něšto wo čłowjeku w diluvialnym času w Europje.

Diluvialna doba našeje zemje je potajna hranica swětnych a zeńskich stawiznow. Jeje čas móžemy džensa lěpje postajić hač prjedy. Mjez tym wšak, zo po přepytowanjach poslednich 30 lět džensa egiptske stawizny hač něhdže do lěta 4000 před Khr. derje dosć znajemy, w Europje stawizniske žórła wjele prjedy zaprahuja, dosahuju z najwyša hač do 15. stotka před Khr. Wo tym, štož je so prjedy w žiwjenju europiskich ludow podawało, zamóže nam jenož prahistorija někajke wotmołwjenje dać. Wučeni su stawizny zemje do wěstych periodow z kharakteristiskimi zwěrjatami a rostlinami džělili. Paproši wuhloweje doby slědowachu jehlinowe a hišće pozdžišo lisćowe štomy krydoweho časa, skónčnje rostliny z jasne widžomym kćenjom. Podobnje móžemy zwěrinu w njedžělenym zwjazku wot jednorych hač k wyše organizowanym formam sćěhować, hač k runje khodžacej čłowskej wopicy před něšto lětami w třećej podzeńskej woršće wosrjedź kupy Javy namakanej. Přirodospytnicy w jeje kosćowcu předkhadžace formy pračłowjeka zeznawaju. Njedźiwajo na tutu, tola hišće trochu njedowuslědženu namakanku — pokazuja nam druhe, zo je pračłowjek hižo wěstu kulturu měł. Wosebje prawobydlerjo Europy stojachu na přiměrjenje wysokim stojnišću zdžěłanosće. Ze spodžiwanjom widžimy, zo naš džěl zemje w třećej dobje a w jeje mócnej vegetaciji hišće njebě wot ludźi wobydleny. Přenje dopokazy wo čłowjeku nakhadžamy hakle w slědowacym lodowym času. Tehdom njeběchu jenož Alpy, ale tež hornje Włochi, Šwabska, hač samo srjedžno-němska hornina z lodowcami přikryte, a wot sewjera přikhadžu napjelnjachu lodowe rěki wužłob baltyskeho morja, džěl sewjerneho morja a połnócnu nětčišu Němsku. Rostliny a zwěrjata so k južnym pobrjoham Europy, z džěla samo do Afriki naspjet wróćachu, z džěla do cyła zahinychu. Za nimi pak čišćachu so wot połnocy druhe družiny, kiž zymu znjesechu. Srjedź tuteje tak mócnej přeměnjeneje přirody stoješe nětko čłowjek. Powostanki jeho byća namakaš w Francózskej a w Němskej wšudžom w tych stronach, kiž w lodowym času zalodžene njeběchu. Tajke namakanki wobstojeju z brónjow, ručneje a domjaceje nadoby, pychi, wšelkich wotpadkow a mjenje abo lěpje zdžeržanych kosćowcow. Sławne su wosebje namakanki w Schussquelle w Šwabskej a z Taubacha w Ilminym dole pola Weimara. Flora a fauna přěńšeje po-

kazujetej docyła sewjerny raz, mjez tym zo starožitnosće z Taubacha pózdnišemu — srjedžolodowemu — času přisłušeju. Jim podobně su namakanki z wulkich podzemskich prózdnjencow w Francózskej a Šwabskej. Zložimy-li wšitke tute powostanki porunjo sebi, dóstawamy šlědowacy wobraz diluvialneho čłowjeka:

Diluvialny čłowjek měješe hižo wěstu přenjatnu zdžělanosć, nakhadžamy pola njeho přenje spočatki rjemjesła a druhich wustojnosćow. Wón bě hońtwjer, runajo so w tym snadź sewjerno-amerikanskim Indijanam abo Čukćam w Asijskej. Swoje brónje hotowješe sebi z wótrych kamjenjow, kiž z rjemješkami k někajkemu toporu wjazase. Hłowna džiwinina běchu w tym času běhače, hobrske jelenje, mamuty a prózdnjenske mjedwjedže, kiž traš w jamach łoješe. Přetož ze swojimi kiprymi a snadnymi brónjami sebi z čězka zwěri tamnym sylnym a džiwiw zwěriskam swobodnje napřećiwo stupić.

Hońtwjerški dobytk rozumješe wukožić a wukutlić, trjebajo při tym kamjeńtny nůž abo mjedwjedžowe čelesno. Mjašo pječeše sebi na wohnju a spóžera je drje tež na poľ syre. Pozdžišo nawukny, sebi je warić w hustoplećenych witkowych korbach, z nutřka z hlinu zamazanych. Přez to dóndže najskeřšo k hornčerstwu. K wotměnjenju jědžeše hdys a hdys ryby, kiž bě sebi z rohowej wudu popadnył. Po wobjedže wotpočowaše muž na mjedwjedžowej koži, mjez tym zo žona swoje hospodařske přisłušnosće wobstarowaše. Šiješe drasty ze šidleškom, kiž bě sebi z jelenjoweje kóstki wudžěłała a tež z tajkimi jehlami. Wězo běchu drasty jenož z kožow, přetož přasć a tkać diluvialny čłowjek njerozumješe. Pičk wón najskeřšo był njeje, přetož porědko nakhadžeju so piwne sudowja, kaž wobdžělane jelenjace nopy. Tola pychu wón hižo znaješe a lubowaše. Na to pokazuja přewjerćene zuby džiwich konjow a čelesna džiwich kóčkow, kaž tež kruchi čerwjenca, z kotrymž so wěsće barbješe. Z toho hódamy, zo je so tež zawjeselić wědžil w swojim žiwjenju. Wurězanki a wudypanki na rohach wobswědčuja nam, zo su někotre splahi hižo spočatki wumjełstwa dospěle, přetož wone pokazuja na wótre wobkedžbowanje přirody. — Mało wěmy wo wobydlenjach diluvialneho čłowjeka. Bydleše najskeřšo w lěće pod kožanymi stanami a w zymje pytaše wuček w zemskich prózdnjencach a škałobach. Normalnu čělnu postavu pračłowjeka rysować je čězko, dokelž hižo tehdom wšelake splahi w Europje bydlachu; najčasćišo namakachu so doľzy ludžo z doľhimi nopami. Čłowjeka diluvialneho časa šlědowachu ludžo kam-

jeitneho časa, kiž su z kolikowych twarbow bliže znaći. Wot skón-
čjenja lodowego časa je so — kaž wšelake wobličjenja přezjedne
dopokazuja — něhdže 20.000 hač 40.000 lět minyło. Kak snadnuške
zda so nam napřečiwo tutej ličbje tamnych 1500 lět před Khr., kiž
kónc historiskeho přepytowanja w Europje woznamjenjeju!

Jan Keřk, Łužica 1901.

105.

Něšto z geologiskeho twara wokolnosće Budyšina.

Budyšin, stare hłowne město hornjołužiskich Serbow, k ranju,
k pońdnu a k wječoru z wěncem nahladnych hór wobdate, z kotrychž
najhordžišo Čornobóh swoju krasnje wobrosćenu, z wěžu króno-
wanu hłowu wuzběhuje, stoji na powyšenu tudy dale k pońcocy
spadowaceje runiny, z wjetšim džělom na prawym brjohu Sprewje
wosrjedź płódnych polow, łukow a hajkow, a ma swoje cyrkwe,
hród a domy do twjerdeho zornowca zatwarjene. Wokolne hórki
wužłobuje drje nětko proch a dynamit, železnica wotwožuje rjenje
přirubany abo točeny zornowc do dalokich měst, wozy drobne kuski
k porjedžowanju drohow a pućow; tola napadne přeměnenje zwjer-
šneho napohlada zemje z tajkeho čłowjeskeho džěla njeslěduje.
Kak hinaše mocy su k temu jónu słušałe, hdyž so hłuboke rěč-
nišćo do tutoho twjerdeho zornowca ryješe, hdyž bu hórka „Čělc“
abo „pola Přiboha“ z nawalom wodžinow přelamana, hdžež nětk
wysoke kamjeitne stołpy z wody so wuzběhuja, swědkojo stareje
zlamaneje hordosće. Hišće wjetše mocy běchu trěbne, přemóčne
zemjerženja zakhadžachu, hdyž bu we wjele staršich časach zornowc
niže nětčišeje „Winicy“ wosrjedź rozlamany a zaklinjena nahladna
žiła drugeho kamjenja šćěpjela.

Tutaj přikładaj neptunskich a wulkanskich přeměnenjow
w našej krajinje w pradawnych časach nejstaj jeničkaj; namakamy
tudy w nižinach pod płódnej pjeršću tež kopjena drobneho běleho
pěska, tu a tam hromady mjenje bóle žolteho ščerka a šěroke lěhwa
hlíny. Drobny běły pěsk a mjenje drobny ščerck rozdžělujetaj
so napadnje wot našeho rěčneho pěska, kiž z rozdrjebjenja našich
horow a kamjenjow z rěčnej wodu lěto wob lěto nastawši wopřija
jenož zestawki tutych, wosebiće zornowcowe — tamneje zestawk
pak je křemjeń rozdrjebjeny z wodu, kotryž pola nas bóle zrědka
so namaka. Šěroke lěhwa z njeho .su wěsće z dalokich krajinow
z mócnje so přiliwacej a žołmjacej mórskej wodu sem přinjesene

a w měrnišich žlobjach so ščerck w cyle drobný pěsk wotsadźowaše: hdžež pak poŋna móc wodow hišće knježeše, tam wostachu wulke, ćežke, hobrske kamjenje, zdžěla na mócnych lodowych škrutach připlowawši, wabjo pozdžišich wobydlerjow krajiny k wšelakim dziwnym powěsćam. Tele morjo kryješe cyłu němsku a słowjansku sewjernu runinu; z wuzběhnjenjom zemje pak buchu wody do druhich nižinow wotpušćene. Mnoha krajina, něhdy płodnje wobrosćena, je z tym nětk přikryta z wodu a mórske žołmy wobnowjeja tam džělo pola nas zanjechane přeměnjejo zeńske wobličo. Pola nas wora nětk ratar, khowataj so sorna a zaječk, hdžež něhdy mórska ryba a mórski rak so wjeseleštaj.

Wobkedźbujo bliže zestawki tutych mórskich připlawow, nadeńdžemy w nich wšelake kamjenje, kotrež su našej krajiny hewak cuze, kaž čerwjeny zornowc z finskich brjohow, wapnowe kamjenje a krydu kupow a krajinow něččišeho narańšeho abo baltiskeho morja, jara zrědka tež jantar; wšitke pak pokazuja na sewjerne kraje jako swoju domowinu.

Zastupiwiši do našich ščerkowych abo pěskowych jamow nadeńdžemy tež často, kaž wšudžom po polach rozbrojeneho wšěm znateho cuznika: křesawc abo klepany kamjeń. Wón bu w starych časach, wo kotrychž stawizny mjelča, k wšelakej domjacej nadobje abo k brónjam trjebany, dokelž so z twjerdosću a wótroscu kromy svojich złamkow wuznamjenješe. Swědk tamnych časow, powěda wón potomnikam čłowjestwa, mjedžowy abo železny naporjad wužiacy w žiwjenju w tak mjenowanym kamjenjowym času. Štóz chce na jeho dziwne powěsće kedźbować, tomu powěda wón z hišće wjele staršich časow, z časa, hdyž čłowjek hišće zemje njewobydleše, z časa, kiž je započatk jeho byća. Nic z pismikami čłowjeskeje řeče su pisane jeho stawizny; ně, w kamjenju wobkhowani su nam wobydlerjo tamnych časow sami a móžemy jich přirunować z našej něččišej stwórbu. Přirunujo wšelake křesawcy našeje krajiny namakamy, zo su čmowe a módrojte tudy khude na skamjenjeniny, swětliše, brune, nažołć a šěre pak w tym bohatše. Namakam w zběrcy z našeje krajiny mórskeho jěža, pak dospołnu skamjenjenu skoru abo kožu we wjacorych družinach, pak jenož złamki skory zasy druhich družinow, wšitke drje w něččišej stwórbje wotemřełe, we wulkosći husaceho hač k hołjacemu jeiku rozdžělně; dale nohć-dołhe wjertawkojte škorpiznaki w načerwjen kamjenju; w druhich wšelakobarbnych kuskach dołhe křemikowe jehły, złamki krasnje wutworjenych pruhownikow, kotrychž přerěz je mjenje bóle pra-

widłowny pječiróžk. Najwjacoriše pak su stwórby z najnižších organismow, z rjadownje koralow.

Zwjeršny napohlad tutych pokazuje mnohe haložki a koruški, wšelako ze sobu splečene a přez cyły kamjeń rozšěrjene, na skorje a we zdónčku pak mnohe džěrki ze wšelakozubkowanej kromku we wěstym porjedže stejace, najčasćišo w křiwe so křižowacych smuhach; mjez nimi druhdy tež łopjenojte twórby z mnohimi bónčičkami. Tajkele kožojte, łopjenojte twórby namakamy tež w něčičích morjach hišće na př. flustra. Zdónčki abo łopjenojte twórby su kolonije jenajkich zwěrjatkow, kiž w bónčičkach bydla a wšelake nohi abo ramjenja k łóženju cyroby wutykują. We starych skamjenjenych formach su jich čělka zhnile a jenički powostank snadź jewi so we wosebitej barbje kamjenja, jich wapnojtý wupot abo zdónčk je wostał, njeprerajojte pak přeměny. W tamnych časach, hdyž wapnowe a krydowe skały so tworjachu, wjeselachu so swogeho byća tež žiwochi w křesawcu namakane, dokelž na kupach narańšeho morja nadeńdzemy křesawe wšudže we wapnowych abo krydowych skałach, pak w jednotliwych kuskach, pak we worštach zakładzeny. Chemiski přepyt pak powuča nas, zo křesawe wapnojte zestawki jenož připadnje woprijejo hłownje z křemikoweje kisaliny wobsteji. Můžeme sebi myslit, zo tehdom, hdyž běchu so minyle wodžiny, z kotrychž so wapnowe a krydowe skały z wulkeho džěla tež přez powostanki najdrobnišeje zwěriny tworjachu, na wjeršku krydowych twjerdnjacych polow lužički stojo wostachu z čěčitej křemikoweje kisaliny; wša zwěrina w nich so žiwjaca wěsty čas w tajkele mokrinje trajaca napjelnješe so bóle a bóle z křemikoweje kisaliny, doniž žiwjenje cyle njezasta; tuta kisalina pak stwjerdny bóle a bóle do mjenších a wjetších kruchow abo kulow, do našeho něčičšeho křesawca. Tute lěžachu kryjo potajnosć tamnych časow we sebi lět tysacy na městnach swogeho nastaća, doniž mórské žołmy je zaso wutorhnychu z měrneho přebytku a přenjesechu daleko do druhich krajinow, tež na pola a hona našeje Łužicy.

Dr. Pětr Dučman, Č. M. S. 1878.

106.

Jěž.

Jěž je nimale poł lohća dołhi a při tym sylneje zasadźiteje postawy, kotraž je z wjercha z krutymi šěrymi kałačemi wobrónjena, mjez tym zo hłowu, brjuch, nohi a wopuš jednora kosmina samsneje barby přikrywa.

Jěž je po cyłej Europje a nawječornej Asiji z domom. Tu na-
deńdžeš jeho w horach a w runinje, w holi, polu a zahrodže, tola
wšudžom nimale porědko. Wo towaršnosći jěž wjele njewě. Pod
hustolistnymi kerkami, pod hromadami walčkow, w płotach a na
podobnych městnach móžeš jeho lěhwo namakać. Je to wulke,
z lisćom, słomu a synom wukładžene hnězdo, kotrež sebi do někaj-
keje džěry natwari. Njenamaka-li pak žadneje, wuryje sebi sam wobyd-
leńčko, kotrež je něhdže poł lohća hluboke a z dwěmaj wukhodomaj
wuhotowane, z kotrejuž jedyn k połdnju a druhi k połnocy wjedže.
We wysokich žitach džěry ani njehrjeba, ale je ze samym hnězdom
spokojom, kotrež na cyle wosebite wašnje twari. Zo by maćiznu
k njemu z hubu abo z nohami nosyć njetrjebał, kula so tak dołho
po zemi, doniž so lisćo na kałače njepřikała; a to čini tak dołho,
doniž cyły wał na sebi nima. Potom čampa pomału domoj. Ze-
zdanje-li pak so jemu wonka něšto wopak być, posłucha kedźbliwje
do wšěch stron, a jeli někajkeho njepřecela wučuje, zawróci so
hnydom, abo njeje-li k tomu hižo wjacy khwile dosć, sčehnje so
do kule. Chceš-li jeho do rukow wzać, wobróć jeho tak, zo je
khribjet zwjěrcha a jězdź khwilu z ruku wot hlowy k wopuši po
kałačach, zo jeho zhładkuješ! — Tajkeho móžeš jeho potom cyle
derje z nahimaj rukomaj wotnjesć. — Docyła mamy tež srědky, zo
so rozwiye. Hdyž jeho do wody kuliš abo tež jenož z wodu poliješ
abo jemu tobakowy kur mjez woči duješ — mjezwočo je tam, hdžež
je dólčk do kule — to jeho w prawym času na nohi stajiš.

Wodnjo jěž porjadnje spi a při tym tak smorči, zo so wo
smorčatym čłowjeku přisłownje praji, zo „smorči kaž jěž“. Hdyž
so émić počina, naš kałak stawa, dokelž sebi žolďk swjeho prawa
žada; hewak wšak so jěž zawěsće tež w nocy z hnězda hibał njeby.
Tak pak dyrbi won — a tu je hewak nimale njelepe skoćatko cyle
wustojny hajńk a wuwjedže wěcy, kotrež sebi nihtó wot njeho
pytał njeby. Jeho wšědna cyroba su brunki, šwjěrče, skóčki, muchi,
waki wšěch družinow, šlinki a myše. Čłowjek wěrił njeby, zo mohł
pomałki a njewuskočny jěž spěšnu myš popadnyć, a tola tomu tak
je. Wonka wšak za njej njedoběhnje, ale rozrywa džěru, hdžež je
so skhowała, a bórzy myšine kwićenje a jěžowe spokojne smor-
čenje přeradzi, što je so stało.

Samo jědojteje zmijicy so jěž njestróži. Jeho bitwy z tutym
zlóštnikom přirodospytnik Lenz něhdže takle wopisuje: jónu sadžieh
jěža do wulkeho korta a dawach jemu, zo bych zhonił, što naj-
radšo jě, po móžnosći wšelaku žratwu. Kaž so tu bórzy přeswěd-

čich, jědžeše najradšo myše, sad pak jenož, hdyž ničoho druheho njeměješe. Wosebje pak so dźiwach, zo so nic jenož wšědných hadow, kotrež jědojte njejsu, ale tež zmijicy njestróži.

Sadźich raz staru, prawje jědojtu zmijicu k njemu do korta. Jěž ju bórzy wuču, stany ze swojeho lěhwa a čehnješe ju wopytač. Hdyž jeho knjeni zmijica přińc widžeše a wosebje, hdyž ji skhrobły hósé mjez woči nuchać poča, jeho z wjacykroćnym skusanjom počesći. Cyle spokojom z tajkim powitanjom wosta jěž bjeze wšeho rozhorjenja změrom sedžo a woblizowaše sebi rany. Ale při tym jeho zmijica z nowa a to do jazyka skusa. — Ničo wo to. Hišće přeco jěž sčěrpnje přihladowaše. — Tola nadobo hrabny zmijicu tak za hłowu, zo wšě kosće zropotachu, a zežra ju hač do połojcy. To bě připođnju. Wječor doje dalšu połojcu a druhu młodu znižicu, a nazajtra hišće 3 druhe.

Tutón nadrobny wopisk drje po zdaću žadneho zmysla nima, woprawdže pak je za praktiske žiwjenje tola cyle zajimawy, dokelž je z njeho widžeć, kak nimo měry wužitny jěž čłowjekej je. Čim njerozumnišo tuž je, hdyž ludžo tu a tam tutoho swojeho dobročérja zabiwaju, kotrehož měli na wšě móžne wašnje hajić. Móžeš drje hišće něhdžežkuli powědać słyšeć, zo jěž w nocy do mloka khodži a zo je samo kruwom z wumjenjow wudoji. Ale tute poroki su so jako bajki wupokazaše, tak zo rozomny čłowjek do toho njewěri. Cygamam a podobnym wokołowahatym ludam je jěž hišće po smjerći z wužitkom, dokelž jeho mjaso jědža. Stari Romjenjo trjebachu jeho kožu za wochlu a k česanju wołmjenjow.

Nimo njerozumnych ludźi ma jěž tež hišće mjez zwěrinu mnohich njepřečelow. Psy su wšě njemdre, hdyž jěža wuhladaju; ale najzmužičiše z nich, kotrež chcedža so do njeho dać, bórzy z krawym nosom a wopuš powěšejo dale čahnu. Liška jeho, kaž so powěda, z tym k rozwiću nuzuje, zo jeho z přěnimaj nohomaj do wody kula; potom je jej wězo lohko, jeho za hłowu hrabnyć a zakusać. Jěžowy najwjětši njepřečel pak je sowa, kotraž je jemu wosebje tohodla strašna, dokelž je runja njemu nócne zwěrjo.

Jěž so jara derje skludzić hodži; trjebaš jeho jenož z jeho do talneho městna wotewzać a na druhe w domje sadzić. Tu so cuzbnik lohcy zeznaje a zhubi bórzy wšu bojosć před ludźimi. Nimo toho tež na picu runje wostudły njeje. Žerje, štož dostanje, a pyta sebi nimo toho sam po domje wokoło, hdže što lepi; wosebje so na łójenje myši derje wustoji; abo hdyž maš w kuchni abo

wokoło khachli khabry, njech su wulke abo małe, wobhonjej so za jěžom a sadź jeho na spomnjene městno. Z tym małych čornuchow lěpje a tuńšo začěřiš hač ze wšelakimi kupowanymi srědkami. Mjez napojemi lubuje jěž kaž domjaca kóčka najbóle mloko.

J. Nowak-Horjanski, Lužica 1891.

107.

Herc.

Sym herc we Serbach znajomy,	Su česlojo hdže zběhali
Mje wšudžom witaja,	Sej po mnje sćelega;
A maju džen hdže wjesoły,	Jim zajusknju te truny tři
Mój smyk jim zejhrawa.	Na reju do kola.

Kaž włosančki 'nož smykowe	A wječor na mnje wjesela
Na truny pomasnu,	So młode třiharki.
So hnuja črjowka wjerćane	Jim lóžka nózka wjertliwa
A jasnje wyskaju.	Po huslach poskoči.

Ja hudžu młodej njewjesći	Ma rychły ludžik swjatoka
A spěšnym kwasarjam,	Na trawnym radniku,
A kmótram hlej po wječeri	Ja zahudžu — a młodzina
Ja žiły wubudžam.	So wjerći pod lipu.

Wšě rjane džowki korčmańske
 Mi rady porjedža,
 Pak njepowěm ja, kotra je
 Mi ze wšěch najlubša.

J. Radyserb-Wjela, Č. M. S. 186-7.

108.

Wo serbskej reji.

Nětko móžemy přistupić k wopisanju mjezow narodneje serbskeje reje. Wona so rozprěsćěra, respective so rejwa, hač runje nic wšudžom jenak husto, z přěnja w tych wokolinach, hdžež so narodne nastroje, husle abo dudy, namakaju. Dale sym ju nadešoť

na zapadže Hornjeje Łužicy pruskej najpołnóčnišo w Brětněj, hdžež je mi ju hišće herc Nazdala z Michałkow na modernych huslach piskał a hdžež, kaž su mi tam prajili, so hišće hdys a hdys rejwa. Tež we wokolinje Wóslinka su ju hišće znali. Nowotnik w Čisowje mi hišće někotre hewak mi znate reje piskaše. Herc we Wysokej mi tež praješe, zo znaje serbske reje piskać, njeměješe pak khwile a přislubi mi, je napisane pósłać. Třeća kupa, hdžež sym hišće narodnu reju namakał, je — kućik zady Picnja w Delnjej Łužicy.

To je jara zajimawy, škoda zo zabyty kruch serbskeje domizny. Cisće serbski jako w rěči, tak tež w drasće a pěsnjach. W cyłej Delnjej Łužicy njenamakach žadneje jeničkeje serbskeje reje — hač tudy, w tym zastorčenym, w dalokěj, šěrokej holi skhowanym kruchu serbskeje zemje. Tu je mi herc Pětac w Drejcach na huslach — modernych — tři jara originalne a zajimawe reje, druheho kharaktera hač hornjolužiske su, piskał. To bě pozdže wječor a wón potom njechaše wjacy piskać. Škoda, zo runje tajke hubjene zymne, dešćiwé a wětrne wjedro knježeše tak zo dyrbjach khwatnje so do Budyšina podać, bojo so wo swoju strowotu. Sym kruće přeswědčeny, zo so w Drycach, Janšojcach a wokolnych wsach hodži hišće wšelake rezběrać, štož budže za serbsku narodnu hudźbu zajimawe.

W druhich kónčinach, wosebje w Delnjej Łužicy, njejsym serbsku reju z cyła rejwać widzał. Wšudžom rejwachu „němski“. Dowolće mi hišće małe prašenko, serbsku narodnu reju nastupace. Znajdu jednu jeničku serbsku reju, w kotrejž rejwarjo (hdyž taj, kotrajž „reju měještaj“, porejwaštaj) 8 kročeli doprědka, 8 wróco du a potom štyrikročelowu reju na jednym městnje rejwaju. Njebě něhdy wjacy družinow narodnych serbskich reji?

Podobnje, kaž běše pola susodnych Čechow, kotřiž mějachu wšelake „strašáky, vrtáky, řezanky, rejdováky, kominíky, furianty“ a druge reje? Snadž by, so hišće tu a tam někotry stary čłowjek na druge wašnje narodneje serbskeje reje dopomnić wědzał? Za tym slědzić by za serbsku ethografiju jara trěbne a wažne było. Mi w tym nastupanju něšto wuslědzić njeje so radžilo, tak zo so mi nimale zda, zo su stari Serbja woprawdže jenož jednu reju měli, na čož zda so tež jenajkosć hłosow serbskich reji pokazować.

Serbska meja.

Zelena ta meja
 Serbska lěsna reja,
 Kiwa k rjanom' wjeselu;
 Tuž hotuj so, ty rjane holčo,
 Hotuj so na rejku
 Z pacholom na trawniku!

Deščik budže kapać,
 Słónčko budže sapać,
 Bórči nan a wotradža;
 Maćerka ta stara,
 Ta je poľna swara
 Pjenježkow tych swětłych dla.

Mile njebjo lubje směwa so,
 A swoje holčo wjedže pacholo;
 Wokoľ rjanej' meje
 Zejhrawaju reje,
 Horkach banty, rubišća.

Měja rubišćata khila so;
 Tuž kedźbuj, kedźbuj, spěšne pacholo!
 Za tym wjeřškom hrabń!

Wona leći, hrabń za wjeřškom
 zelenym!

Pacholo so mjerzaše,
 Kiž tu meju njekrydže,
 Zo njej' holčo jeho
 W rejach kralowa.

Do korěmy ducy,
 Tu meju w rucy,
 Tón hólčik juska
 Na sylnych ramjenjach;
 Či hercy hudža
 A wjes'le budža
 A hraja rjeńše přezpolo.
 Zawyskajće, poskakajće,
 Wjeselće so rjanej młodosće;
 Bjeřće dar tej' lubosće
 Z ruki holičow!

Něhdy sněhi nańdu,
 Ličkow róže zańdu;
 Róža njewinosće
 Wěcnje rjana kće!

H Zejleř, Zhrom. spisy III

Na rejach.

„Bohu džakowano, zo je tola skoro zaso tydžeń dokonjany,“
 tak rjekny sobotu popołdnju Wićazec Jakub. Ale kajku měješe to
 džě přičinu, zo so tak žadosćiwje na njedźelu wjeseleše? so prašeš.
 To drje doľho rozkładować njetrjebam: jenož praju, z běchu tehdy
 runje žně. Po cyłych dnjach wot ranja zahe, hač do wječora pozdže
 dyrbi tu, woprawdže wobžarowanja hódny čłowjek, na polu stać
 a so stajnje na słóncu pražić, zo mohľ so zapalić! Byrnje tež jenož
 w košli a kholowach był, so tola pót přeco z rěkami z njeho lije.
 Štóz to sam hišće njespyta, ani njewěři.

Tuž so njedźiwajmy, zo so wšitecy wjesela, hdyž słyša sobotu swjaty wječor zwonić; přetož njedźelu džě budža móc powotpočnyć.

Njedźelu rano abo dopołdnja pak njedźětaju, pak ležo njespja prajo, zo dyrbja so tola tež jónu za tydžeń wuspać. Ně, bohudžakowano! tak daloko hišće pola Serbow njeje. Džerža kruće do Boha a do bóžskich wěcow, a kóždy bur kedźbliwje za tym hlada, zo čeledź božich službow njeby zakomdžiła.

Po kemšach mužsey před cyrkwu zastawaju, powědajo sebi tu hromadže, abo du tež hišće do wobjeda na škleńcu piwa. —

Michał: Nó, hóley, hdže pak džensa pónđžemy, njejsu nihdže reje?

Jakub: Kak by było, nastajmy so do Jawory! Tam džensa su reje, a łubju maja tam tež, kaž je kóždemu znate, dušnu. Njejsmy tam dołho wjacy byli.

Wšitecy běchu z tym spokojom, a wosebje tež tohodla: přetož mějachu hišće něšto z Jaworčanami wučinjeć.

Michał: Dočakajće na mnje, ja wokoło wječora po was přindu, zo bychmy potom móhli hromadže hić.

Pětr: Njebudź pak nam zas' smjerć dołho, kaž je to hewak twoje wašnje; njebudžeš-li tu wokoło šesći, to my přeco pomału pónđžemy.

* * *

Hosćencar: Witajće, hóley! mje dołho wjacy wopytali njejsće, skoro sym wam za zło wzał.

Jakub: Smy wšak so posledni raz khětrje napłóšeli — a zo běchmy tehdom cyle njewinowaći, to sam derje wěš. Džensa pak chcemy so zaso zjednać.

Michał: Pójće horje, pójće! hercy džě hižo piskaju.

Pětr: Michale, dži jenož horje pohladać, a potom přindź nam prajić, kak su će přiwzali, my wupijemy mjez tym deleka škleńcu piwa.

Michał džěše nětko na łubju, a tu jeho Jaworsey hóley jara witachu a jemu hnydom připijachu prajicy: zo to tehdy tak zlě mēnjene njeběše, haž je so zdało, a zo jim to za zło brać njesmēdža. Skoči nětko spěšnje dele, zo bychy tež swoji towaršowje sobu horje šli, kotřiž so nad tymle jara zwjeselichu!

Jaworsey: Pójće so z nami napić, Wotrowčenko! a njech je to, štož je so stało, wšitko zabyte!

Wotrowčenko: To je tež naše přeće, a smy tohodla tež sem přišli, zo bychmy so zaso zjednali.

Powědachu pak sebi dołho, podawachu sebi přećelnje rucy, a wupichu za mału khwilku tójšto škleńcow na nowe přećelstwo.

Na cyłej łubi běše wšitko hišće dwójcy wjeselše, kaž hewak; přetož serbscy hólcy radzi njepräčelstwa nimaju.

Njeje pak tu widžeć, zo su žně a zo jich stawy bola; ale skakaju a wjerća so kaž popki, kotrež móža cyły tydzeń lehněć a jenož rejwać wuknyć. Wosebnje su hólcy na reje wšě nabłazne, a pískanje jim woprawdže do stawow zajězdźuje. Byrnje bychy tež bóle mučne byće, reje pak tola njespušća, je-li jim to někak móžno.

Z najwjetšej lubosću a jednosću je tu młody lud přecelnje zhromadžený, hdžež wšitke starosće, wšu prócu a rozlaty pót zapomina, zo by so tak prawje z cyłej wutroby wjeselić mohl. Tu hrabnje čerwjeny młodženc smějo a z rukomaj placajo lubozne holčo a wjerći so z nim mjelčo do koła. Tam stoji črjódka hólcow, kiž spěwaju a juskaju, zo cyła łubja klinči. Je to z cyła za Serbow wosebite znamjo, zo přeco, haj samo při čěžkim džěle wjele spěwaju. A wo čłowjeku, kiž rad spěwa, móžeš tež skoro z wěstosću prajić, zo ma dobrou wutrobu.

Hdžež 'nož pohladaš, wšudže nakhadža wóčko wjesołych dobrych ludźi. Čuješ so mjez nimi čisće zbožowny; přetož njeje wšak w Serbach tak kaž we wulkich měšćanskich salonach, hdžež su na wěste prawidła wjazani. Ně, tu móže so kóždy po swojim wašnju zawjeselić; a kak derje čini to wutrobje!

Je-li traš so w tydženju tež druhdy hněwał a prawje nadžěłał, to tola kóždy zaso na to zabywa, myslo, wšak sym přetrał a škodźiło mi tež ničo njeje! —

Hańža: Hana, štó to tola je, kiž z Krawcec Mariju rejwa, staja jednu kročel kaž druhu, a při tym tak mjelčo, zo jeho ani njeslyšiš.

Hana: Ja jeho tež njeznaju, přindže prjedy z Wićazec Jakubom sobu horje.

Lejna: To wšak je, kaž sym słyšała, Wićazec Jakubowy bratr, a změje džensa wječor reju. Boju so hižo do časa, kak pak budžemy jich domoj nawabić móc. —

Michał: Ale Pětrje, takle so mi dołho wjac na rejach lubiło njeje kaž džensa. Kak šikowanje so to čas minje, hdyž so njestorkaja a njewurěčuja, kaž so to bohužel husto stawa.

Hańža: Jakubje, njebychmy skoro domoj šli; je hižo dwanaćich, a rano dyrbymy zaso zahe stawać.

Jakub: Dočakaj jenož hišće khwilku, póndu pohladać, hač su wšitcy hotowi, a potom hnydom hromadže pónđzemy.

Hólcy, njechamy so pozběhnyć? mamy skoro čas!

Ju, to můžeme, wupijmy škleńcu piwa hišće hromadže, a potom mjelčo čeknjemy, hewak pak nas tola zaso zdzerža.

Zapłaćichu nětko woróznju a sunychu so, zo jich nchtó njeby pytnyl, z domu, hosćencarjej dobru nóc přejo.

Jakub Bartec (Čišinski) 1873, Łužica 1902.

111.

Kral Přibysław.

Šěre so swětło rozpřestruje,
Mróčel so blěda čerwjeni;
W murjach so čmowych roz-
swětluje,
Za pruhu pruha zyboli.

Z wotročkom wotročk khwata
k džěfu,
Wójwoda z knjezom za nimi,
Mocy su mužow w połnym kćěwu,
W bitwje so kóždy zjednoči.

Poslědnje směrki dołhej' nocy
Do bydłow čěmnych čekaju,
Ze złotym swětłom čerstwe mocy
W duši a w čěle hibaju.

Žiwjenje nowe, nowe byće
Na hrodže, w dole pō murjach,
Hibanje wšudže, pružnosć, tyće,
Čerstwa krew cyrči w wutrobach.

Wrota zas ščerča; dupot koni
Na mosće bje dudławje.
Khorho tam běhu ryčer kłoni
Póselstwo měra wěšćuje.

Před krala wjedžo wojewodu
Ryčer tak čicho zakliwa:
„Djas dyr do tebe, z hlódnoh' rodu!
Mór njech će čorny spóžera! —“

Ryčer pak hordy z hłosom pyšnym
Praskajo na mječ porěči:
„Ludwik, knjez naš ze słowom
tyšnym,
Kralo, či takle poruči:

Lebju podaj, mječ twój krwawny
Kralej ty Frankow miłemu!
Podaj nam Limas starodawny,
Hrody wšě — ludej němskemu!

Podaj tež lud a kraje twoje,
Džowku, tež sebje sameho!
Z daloka hlej! so našich roje
Sćahuja z kraja serbskeho.

Dosć žno sy přelał krewje rěkow,
Serbow dosć twojich zničil sy!
Podaj so! kónc na wěki wěkow
Z mjenom je serbskim! Skonjał
sy! —

Přerězl džě zwjazk sy, zwjazki
měra,
Ludwikej kiž sy přisahał!
Pohanska dyrbi zhnici či wěra,
Dosć žno sy z Pjerunom, z Flin-
som hrał.

Wotročski splah waš dyrbi padnyć,
Frankow wy zhinili služobni! —
Prašiwy staw na wěki zwjadnyć,
Zeń kotryž z krewju pohnoji.

jasne, módre, a njeličomnje wjele hwěžkow zyboleše so na nim. Z powětra sapaše pak lodžane dychanje, kotrež so w podobje drobneje, běleje mučki na hałuzy a moch sadžeše. Čmowozelene šmrěki počinachu so tak na spodźiwne wašnje pomału wobswětlować, žiwe mikotanje wukhadžeše z drobných jehlinow a na moše zaswěćachu so zybolate hwěžki. Wšitko běše za krótki čas pokryte z běłym moškom a tak wuzběhowaše so kóždy kerjašk, kóžda hałužka, haj sama kóžda jehlina we mhlowninje.

Spodźiwajo wobkedźbowach tute kuzłapołne plećenje we stwórby a běch při tym skoro zapomnił na jelenje, kotrychž dla běch so tu džensa tak zahe wustupił. Dołho běch hižo za nimi khodźil, tola dotal njeběch hišće zboža poměť, jednoho tutých rohatých wobydlerjow našich lěsow z kulku potřělić. Z nowej nadźiju běch so džensa na swoje stare městno, za hałuzaty šmrěk, stupił, přetož derje wědžach, zo ma tu blisko přez lěsny puć statny jelen swoju sćežku, po kotrejž wón rady při rańšim směrkanju do husćiny kroči. Dotal běše so mi jelen kóždy króć zbožownje zminyć wědzał a tohodla běch džensa čím bóle njedočakliwy a wěpny, kak budže mi tón króć zbože přikhilene.

Stojach hižo tójhdy na městno přikowany kaž socha a nič so hišće njepokaza. Za to počinaše zyma čím bóle šćipać a rězać. Drasta běše z bělej, lodžanej rosu cyła posypana a błyskotate krystalki swěćachu so na třělbiněj tarči. Wšudžom běše bělina a žiwe mikotanje a tež w powětrě počinaše so jasnić. Slónčko spaše drje hišće za lěsami, tola na njeby wupřescěrachu so pomału swětle, žolte kolesa, kotrež po času čerwjenu barbu naběrachu. W husćinje nastawaše pomału žiwjenje. Čorne kosy a žolte sknadžiki wulětowachu po rjadu ze svojich skhowanych łóžkow a ze spěšnym čikotanjom a wjesołym pjerchotanjom woznamjenjachu swoje spodźiwanje nad spěšnym přetworjenjom stwórby. Čorne čarše a spěšne sykorki dypachu hižo w trawje a na hałužkach pytajo za wačkami a brúčkami, kotrež pak běchu so přez zymu hluboko do zemje zakhowaće. Zwěrjatka běchu tak skludne, zo mohł je druhdy z ruku popadnyć; wone mje zawěšće njerozeznawachu wot kóždeho bližšeho šmrěka, přetož wšitko běše so přeměniło a wšitko zdaše so jenak běle.

Tola što to? Njezasłyšach na dobo daloce ruče, njeběše to ryćenje jelenjowe? Haj, njeběch so myliť, słyšach je jasnje a zrozumliwje k druhemu razej. Běše to wone ryćenje, kotrež jelenje wustorkuja w času družčenja, w času, hdyž je jich wutroba na-

pjelnjena z lubosću a njenasytliwej požadliwosću. A tuto ryčenje je tak jímace, tak wobkuzłace, zo ludžo husto daloke puće njelutuja, jenož zo móhli na krótkce wokomiki tutón pralěsny hlós do so srěbać. Hižo při wječornym směrkanju započina jeleń swój hrimaty hlós zanošować, z tym swajejo přečiwnika namołwjejo, jemu polo wostajić, abo so z nim na móc měrić. A husto přindže tak mjez tutymi mócnymi wojownikami k bitwje, kotraž najčasěšo z poraženjom slabšeho kónči.

Spodźiwajo připosłuchach tutomu pózdnemu ryčenju jelenja. K třecemu, k štwórtemu razej wón mócnje zaryča a to kóždy króc jasnišo a bliže. Kóžde tajke ryčenje sluchaše so kaž daloke, bluke hrimanje, kotrež so mócnje přibliža. Po zdaću nastaješe so jeleń w runej měrje na mnje. Wutroba wša rozhorjena žiwje we mni dupotaše a rucy přimaštej so krućišo třělby, kotraž měješe traš bórzy wulke džěło dokonjeć.

Zaso běše wšitko z měrom, jenož ptačatka čikotachu dale a wohrěwachu so w złočanych pruhach skhadžaceho slónčka, kolebajo so na próšnych hałužkach. Wysoko w powětrje čahachu wulke črjódý wrónow, wótře harowajo do połodnych krajow. Powětr běše čenki, přewidny, zo móžeše wóčko do njesměrných dalokosćow sahać a by zawěsće hač do njebyes pohladać mohło, hdyž je na tym fijałkowy zawěšk zadžěwał njeby. Lohki wětrik pozběhny so hdys a hdys we wjeřškach šmrěkow a saješe błyskotatu rosu we hrajatych trubjelach z hałužkow. Běše to wobkuzłace plećenje w božej stwórbje, tu w napohladze sameje krasy čuješe so wutroba tak zbožowna a swobodna, zo njeby so z kubłami a česćemi swěta měnjała. —

Tola njeběše to łamanje hałuzow přede mnu w zdónkatym drjewnišću, njebliži so tu traš hižo mócný jeleń? Haj woprawdže, tamle khwata něšto w runej měrje na mnje. Khětrje zložich třělbu k licu a měrjach — tola wohańbjeny wotstajich ju zaso. Njewinowata sorna to běše, kotraž chcyše so do husćiny skhować. Za starej sornu krosnowaše pak so małe sornjatko, kotrež z plačitym hlósom swajej maćeri přiwołaše, zo njeby tak khwatała. Mje njespóznašo skočištej wobej pódlu mje do husćiny. Jej běše něšto zatrašilo, přetož zdaše so, kaž chcyłoj so bližacemu njewjedru wukhować.

Tak tu zaso stojach w nadžěži zjebany, zo jelenja hišće wuhladam, přetož ničo njebě wjacý wo nim słyšeć. Haj, tež tutón króc běše mje hońtwjeřske zbožo zapomniło, lesny jelen běše

mje tež džensa přeliščił. Mjerzacy cheych hižo swoje městno wopušćić, tola kaž wot błyska zraženy zjědžech za šmrěk. — Smědžach swojim wočam wěrić? Njestoješe tu přede mnu w khójnach jeleń? Běše móžno, zo móhl so tu wón tak z óicha přibližić? Haj woprawdže! Hlej! nětkole zběha. wón hłowu a łóji powětr, ach, nětko mje wón pytnje a khětre so zaso wróci! Ně, město toho zaryča wón ze slěbrojasnym, ale mócnym, hłubokim hłosom. Jeho šijne hriwy so při tym wupjerachu a jeho wočcy so błyskotašej kaž worjowołej, hdyž pyta sebi wopor.

Cyle poraženy wobkedžbowach tutoho lěsneho hobra, kotryž tak zmužiće swojim njepräčelam swój přikhad wozjewješe. Jeleń čuješe so zawěšće najmóčniši a běše kóždy wokomik hotowy, kóždemu přeciwnikej, kotryž cheył sebi zwažić, jednu z jeho swójbnych wotwjesc, swoje dwanaćekrónate rohizna na čolo stajić. Hordže a samopašnje kročeše jeleń runje won, na mnje sebi ani njenadžějo, zo tu hišće móčniši přeciwnik steji, kotryž móže jeho z jednym pohibom porazyć. Haj a nětko běše čas! Jeleń stoješe njeukryty srjedz dweju khójnow kusk wot boka a tu mějach dobre měřišćo. Wutroba z rozhorjenitosću mócnje we mni biješe, tola wočko měrješe wěšće a ruka njetřepotaše. Mócný wrjesk! Přede mnu mrócel kura a přez tutón kur widžach, kak so jeleń zaběraše a kak wón z přědkownymaj běhomaj vysoko do powětra zarubny. Potom skoči hišće něšto kročeli na bok, hdžež so wjerćo k zemi sypny.

Khětre přiskočich k jelenjej. Wón běše hižo wudychał. Kulka běše so jemu přez wutrobu přeryła, wona běše požadliwu wutrobu na wěčne změrowała. Za znamjo jeho zmužitosće swědčeše pak na jeho wutrobne poslednja česć — wulke barbne koło.

J. Lorenc, Lužica 1893.

113.

Z Homeroweje Iliady:

MÓR. ZŁOBJENJE.

Złobjenje, bohowka, spěwaj Achillowe Pelesa syna škódne, kiž staji do njepräměrných bědow Achajskich a mnohe sylne ryćerjow duše k Hadesej torhny, samych pak rubjenstwo witane sćini psykam a ptakam, — wobzamknjenje pak Dzeusowe je so wuwjedło poľnje — po tym hač přjedy w rozkorje hněwnej so džělił j běštaj Atresa syn, knjez škitacy ludy, a krasny Achilles. —

111
Kotry džě bohow jeju we zwadže wojować zehna?
Dzeusowy syn a Latony. Tón mjenujcy hněwny na krala
khorosć we wójsku budžeše škódnů, a mrějachu ludy,
dokelž joh' Chryzesa měšnika njeběše dostojnje česćił
Atresa syn. Wón džěše wšak k łódžam spěšnym Achajskich
wukupić džowku a přinjesć njepräměrjomnu wukup,
w rukomaj wěnc Apolla dodalatřělerja mějo
na złotym bjerle, a prošěše naležnje wšitkich Achajskich,
Atresa synow pak najbóle dweju, kazarjow luda:
„Atresa synaj a druzy zwupaskowani Achajscy,
wam njech bohoyo domy olympiske mějacy dadža
wutupić Priama město a zbožownje domoj so wrócić;
džěćo pak lube mi pušćće a wukup tule sej wzmiće
bojo so Dzeusa syna dodalatřělca Apolla.“

Tehdy přihłosowachu druzy wšitcy Achajscy
měšnika česćić a wukup wubjernje wosebnu přijec;
ale Atridže Agamemnonej njeběše lubo,
ale zlě wotpósta, słowo pak k tomu nasylne staji:
„Zo tebjě, šedziwco, njezetkam ja při žłobojtych łódžach,
ani hdyž nětko so komdžiš ani so přichodnje wróciš;
zo snano z bjerłom ći wěnc by bohowy njepomhał ničo.
Ju pak ja njepušću, doniž tež staroba w našim ju domje
njenadpadnje w Argejskej, daloko wótcneho kraja,
khodžacu wokoło krosnow a bližacu k mojom' so lěhwu.
Ale dži, njehněwaj mje, zo by čerstwiši domoj so wrócił!“

Tak džeše, boješe so pak wón šedziwc a podda so słowu,
džěše pak mjelčacy při brjozy wjelewneho morja.
Horco pak potom wón šedziwc prošěše dodala ducy
knjeza Apolla, kotrehož podja kudžerna Leto:
„Slyš mje, třělco ze slěbornym prokom, kiž škituješ Khryzu
a jara swjatu Killu a knježiš nad Tenedom z mocu,
Smintheso! je-li hdy tebi swjatnicu k wjeselu twarjach
abo hdy hižo tebi pleca tukojte palach
howjaze abo kózlace, tole mi žadanje dopjelń:
Moje njech Danajscy z kłokami twójimi zapłaća sylzy!“

Tak džeše z modlenjom, jeho pak słyšeše Fojbos Apollo.
Džěše pak dele z wjerškow Olympa we wutrobje hněwny,
z prokom na ramjenjomaj a kłokadłom zawrjenym twjerdže;

zaščerčachu džě kłoki pak z ramjenjow hněwného, hdyž so hibaše sam; wón kročeše cyle pak podobny noci.
 Posydny potom so nazdala łódźow a sypaše kłóki;
 strašny pak za slěborneho wrjeskot wobłuka nasta.
 Mule a spěšne psyčata najprjedy nadpadowaše,
 dale potom na samych so měřjacy kónčojte kłoki
 mjetaše; přeco pak wohnje za mortwych so palachu huste. —

Džewjeć dnjow po wójsku nadpadowachu bohowe kłoki,
 na džen pak džesaty zwoła do rady lud sebi Achilles;
 jemu wšak bohowska k wutrobje da, běłotohčata Hera;
 so wšak wo Danajskich staraše, dokelž džě widžeše mrěće.
 Hdyž pak ěi tak so skhadźowali a w hromadže běchu,
 k nim pak so zběhnywši džeše hibity běhař Achilles:
 „Atresa syno, měnju, zo nětko my ćěrjeni wróćo
 domoj so podamy, je-li zo wukhowamy so smjerći,
 hdyž tola kóncuje zdobom wójna a khorosć Achajskich.
 Ale nó, někajkoh' wěšćerja nětk abo měšnika prašeć
 chcemy so abo tež sonarja — přetož tež són je wot Dzeusa —
 kiž by mohł prajić, što hněwa tak jara so Fojbos Apollo,
 hač džě wón slubjenjow dla abo hač je dla woporow hněwny,
 hač něhdže wonjenje młodych wowcow a dospołnych kozow
 dostawši zechce z nas wotwobroćić skaženje jěre.“

Wěsće wón rjeknywši tak so džě sydney, a mjez nimi stany
 Kalchas, syn Thestorowy, hač najlěpši ptačatow znajeř,
 kotryž, što bywa a budže a było je, znaješe derje
 a bě do Ilija nawjedował łódže Achajskich
 z wěšćenjom swoim, kiž dał běše jemu Fojbos Apollo;
 tón k nim řečeše dobreje mysle a mjez nimi džeše:
 „Oh luby bohu Achillo, mi zlobjenje kazaš Apolla
 wułožić knježerja, kiž do daloka z kłokami třěla;
 po tajkim řečeć ja chcu, ty pak kedźbuj a přisahaj mi so,
 zo wěsće přecelny mi ze słowom a z rukomaj spomhaš.
 Wěsće wšak měnju, zo rozhněwa muž so, kiž wšitkich Argejskich
 knjez je mócný, a jemu poslušaju Achajscy.
 Přetož sylniši kral je, hdyž hněw ma na snadneho muža;
 by-li wšak tež džen samsny hněwanje spóžerał do so,
 ale tež pozdžišo hidu ma, doniž dokonjał njeje,
 we swojej wutrobje. Ty pak sej přemysl, hač pomhać mi budžeš.“

Jemu pak z wotmołwu džeše hibility běhař Achilles:
 „Budź jara mužnjeje mysle a wozjewě wěšćenje, kiž wěš.
 Wšak při Apollonje, lubušku Dzeusowým, kotrehož prošo,
 Kalchaso, bože ty wěšćenja Danajskim wozjewješ jasnje,
 nihtó za žiwjenje moje a zeńske rozhladowanje
 na tebje při łódžach žłobojtych ćežkej njezłóži rucy
 ze wšech Danajskich, ani, kiž wo wjele najlěpši hordži,
 Agamemnon, Achajskich so być, by-li myslil na njeho.“

A tehdy potom bu mužny a šwarny řečeše wěšćeř:
 „Ani džě wón dla slubjenjow ani dla woporow hněwny
 njeje, ale dla měšnika, kotrehož je Agamemnon
 wohanil, džowku tež njepušeći ani njepřija wukup,
 tohodla bědy džě dał je třeleř a póscele dale.
 Ani wón přjedy z Danajskich njewozmjě hanibne horjo,
 hač nanej lubemu njedadža rjanoličkate holčo
 darmo bjez wukupje, wopor pak póscelu swjedgeński swjaty
 do Chryzy; tehdy zwujednawši zdobrimy jeho.“ —

Zeserbšćil M. Urban, Lužica 1916.

114.

Z Homeroweje Odysseje:

ODYSSOWE DOSPĚČE K FEJAKAM ABO NAUSIKAA, KRALA ALKINOA DŽOWKA.

Tak wón tam drěmaše slódcy sčerpliwy jasny Odysseš
 ze sprócnosću a spanjom zajaty: ale Athena
 poda džě na puć so k ludu a městu muži fajekskich,
 kotřiž přjedy raz bydlachu w hornjej krajinje rumnej
 blisko kyklopskich mužow, khroble so wupjerowacych,
 kiž jich wurubjowachu; wšak sylniši běchu na mocy.
 Wot tam so zběhnywši zasadži Nausithoos bohoruny
 jich na Šeriji z dala wot ludži so žiwjacych z khlěbom;
 město pak wobhrodži z murju a we nim natwari khěže,
 bydla tež staješe bohama a zahony wudželowawe;
 ale wón hižo zemřeł a k Aidesej wotešoł běše;
 Alkinoos pak nětk knježeše, wjedźicy mudrosć wot bohow.
 K jeho so domu hibaše sapaca z blyščom Athena,
 bohowa, domojwrót mužnemu rozpominajo Odyssej.
 Sahaše k jstwicy pak strojnej, hdžež knježna wotpočowaše
 njesmjertnym runa po podobje čěla a wobliču rjanym,

Nausikaa, Alkina wuley zdobneho džowka;
 pódlá pak džowcy dvě služobnej, mějacej rjanosć wot Rjankow,
 z wobeju stronow, durje pak zawřene blyšćiwe běchu;
 wona kaž z wodychom wětra pak k łóžku so knježnički zjawny
 a džě so k hłowam stupi a knježnje rěčeše słowo,
 w podobje Dymasa džowki, we łódźniskej sławneho wědze,
 kotraž bě młodostna towarška jejna a spodobna w duši,
 tutej so spodobnjowawši blyšč sapaca džeše Athena:
 „Nausikaa, je nětk mać tak njerodnu rodžała tebe?
 njewobstarane tola drje leža blyšćiwe šaty,
 tebi pak kwas je blisko, hdžež trjeba je rjenje so samu
 zhotować, drastu pak poskićić wonym, kiž powjedu tebe;
 wěće však pokhadža z teho mjez ludom lubozna khwalba,
 nan pak a česćowna mać z tym změjetaj wjesele swoje;
 ale džimój tam płokać z dobom ze skhadženjom zerjow,
 z tobu tež pomocnica ja póńdu, zo nadžělaš sebi
 hać najspěšnišo, dokelž však knježna juž njebudžeš dołho;
 hižo však požadaju mjez ludom najlěpši tebe
 Fajekow wšitkich, z nich sama tež pokhadžeš z rodom;
 ale huj, pohanjej nana sławneho na ranje zahe,
 zo by dał gratować mulow a wóz, kiž powjeze šaty,
 kaž tež ruby a pokrywy blyšćiwe; tež pak je tebi
 samej tak wo wjele rjeńšo hać z nohomaj stupotać pěši;
 přetož su daloko wot města zdalene płokařske žłoby.“
 Hnydom pak zerja so bližachu na złotym stole, kiž samu
 zbudźichu, Nausikau, rjenje drasćenu; ruče pak sona
 jara so džiwaše; džěše pak sahajo přez dom, zo powěsć
 dała by staršimaj, lubemu nanej a maćeri. Nutřka
 jeju pak namaka; wona při wohnišću sedžeše wołmu
 z džowkami služobnymi morjopurpurnu předzo,
 jeho pak při durjach zetka mjez rjekami duceho z domu
 k zhromadźiznje, hdžež jeho Fajekscy wołachu jasni.
 Wona pak najbliže stupiwši k nanej lubemu džeše:
 „Luby nanko, hać njechał wóz přiřhotać mi nětko
 wysoki kolesowaty, zo bych sej dowjezła šaty
 pyšne k rěcy na płokanje, kiž mi dosć brudojte leža?!
 Tež so pak samemu tebi, hdyž sy mjez přenimi rađu
 wuradźeć, słuša čistu mějo na žiwoće drastu;
 pjeco pak tebi su w domje rodzeni synojo lubi,
 wonaj dwaj ženjenaj, třo z nich pak młodži kějacy hólcy,

woni pak přeco chcedža drastu najčisćišu nosyć do rejow stupajo; naleži wšo to pak wutrobje mojej.“ — Tak džeše; přetož so strachowaše kwas kćějacy nanej lubemu naspomnić; tón pak wšo pytny a džeše ze słowom: „Ani mulow ěi njezapowědžu ani što druhe, džowčo! Dži! mjez tym ěi přihotuja wotročy wozyk wysoki kolesowaty, z pokrywom wuhotowany.“

Prajiwši tak k sebi wotročkow zawoła; woni pak běchu poslušni; woni džě wonka wóz wósličy w kolesach dobry wuhotowachu. mulow pak wjedžechu pod přah a k wozej spřahachu; holčo pak z komory nošeše blyšćite šaty a je na wozyk rjenje hladčeny zestaja dele; mać pak do toboły nastaja dosahaceje jědže wšelkeje, nutř pak da přikus a wina do kožanca nala kozaceho; holčo pak na wóz poda so horje.

Dała pak běše do złoteje bleški wonjacy wolij, zo by ze žonami služobnymi so žaľbowala.

Wona pak křud wza a wotežki swěcate z blyščom, z křudom pak zapraska k běhej; z mulow wrjeskot pak běše; wonej pak ěěrještej spěšnje a wjezeštej šaty a knježnu, nic samu, sobu z njej džowki tež druhe služobne džěchu.

Ale hdyž potom džě wróćo so domoj dyrbješe podać spřahnywši mulow a šaty zhládkowawši sej rjane, zaso tu druhe sej bohowka, sapaca z blyščom Athena, wumysli, zo by Odysseus so wubłudžił, wiďzał tež knježnu rjanu po wobliču, kiž jeho k městu by muži fajekskich dowjedła; potom ból wjerchowka funkny k služobnej džowcy; džowku drje misny, do kužola hlubokeho pak ěisny; te pak k tom do zdala zakřiknychu, a jasny Odysseus wocući, sedžo pak rozpominaše we myslach a duchu:

„Běda mi! do kraja kajkich dospěl zaso sym ludži? Hać dže su woni zlostni a džiwi, nihdy pak zdobni, abo lubuja cuzych a maja pobožnu dušu?

Mi jako žónske woľanje młodych klinčeše holcow; [wilow, kiž přebywaju na wjerškach wysokich horow a při źórľach řekow a na ľukach pokrytych z trawu.]

Wěće nětko drje něhdže sym blisko při řěčacych ludžoch, ale huj! sam cheu wobhonić ja so a z woćomaj wiďzeć.“ — Prajiwši tak so ze keřkow wusuny jasny Odysseus.

Zastrašny samym pak zjewi so, hrozny wot sólneho blóta.

Do wšěch pak stronow ćěkachu różno k wupadnym brjoham ; sama pak wosta džowka Alkina ; jej však Athena khrobłosć skići do mysłow a bojosć zebra ze stawow ; wosta pak z napřeća stejo so dđeržaca ; wón pak Odyssees rozpominaše, hač prosył by knježny z wobličom rjanym wobjawši kolena abo tak ze zdala z luboznym słowom prosył by, hač jemu pokaže město a poskići drastu. Tak džě so jemu rozpomnjacemu lěpje być zdaše prosyć ze słowami ze zdala luboznymi, zo knježna jemu, hdyž kolena wobjał by, w myslach by njewzała za zło. Hnydom najpřećelniše a wužitne praješe s owo : „Prošu će, kralowa, žádná snadź bohowka abo sy smjertna ! ? Wčera na dwacety m dnju sym čěmnemu wučeknył morju, mjez tym pak přeco mje njeseše žołma a torhawe wětry z kupy Ogygije, nětko pak tudy mje wučisny bózstwo, zo bych snadź hišće tež žalosć ćérpił ; nihdy však, měnju, njezměje kónca ; ale bohoyo dopjelnja prijedy hišće dosć złeho ; ale so, kralowna, smil ! přetož bědy přetrawši mnohe k tebi sym najprijedy dospěl a z druhich nikoho njeznaju ludźi, kiž město a krajinu tutu wobydla ; bydło pak pokaž mi ; poskić pak plašć mi so woblec, je-li maš přišedši žádné snadź zawalenje za drasty ! Tebi pak bohoyo dadža njech wšitko, štož požadaš w myslach swojich, muža a khěžu, a jednotu přidadža pěknju ; njeje však woprawdže přez tuto móćniše ničo a lěpše, hač hdyž zložena jěnak we myslach hajitaj khěžu mužik a žónka, mjerzanje stajne za zawistnych ludźi, radosć pak dobro přejacym, samaj pak najlěpje wěstaj.“ Jemu pak Nausikaa běłohćata wotmołwi zaso : „Cuzbniko, dokelž so njerunaš złemu a hlupemu mužej, Dzeus pak Olympiski ludžom sam wudžěla žiwjenja zbože, dobrym a złym, kaž zechce, kóždemu, něhdže tež tebi tuto je dał, či pak trjeba jě při wšěm tym sćérpliwje přetrjeć ! Nětko pak, dokelž sy k našemu městu a krajinje dospěl, ani nětk drasty njebudžeš parować, ani što druge ze wšeho, štož so při zetkanju prošerjej zbitemu słuša. Město pak tebi chcu pokazać, prajić pak mjeno či luda : Bydla Fajekscy we měšće a krajinje tutej, ja pak sym Alkinoowa wysocy mužneho džowka, na nim pak wotpočuje sylnosć a přemóć Fajekow.“

Zeserbšćil M. Urban, Lužica 1911.

Smjerc maćerje Jugowićow.

Miły Božo, wulki to dziw Boži!
 Hdyž so zehna na Kosowe wójška,
 We wójsku tym džewjeć Jugowićow
 A Jug Bogdan: dzesaty wón běše.
 Boha prosy Jugowićow maćer,
 Zo by Bóh ji woči sokołowej
 Dał, a křidle bělej swětloh' kołpja.
 Lećała by na Kosowe rune,
 Widžała tam džewjeć Jugowićow,
 Džesateho Jug Bogdana starca.

Prosyła je, Boha naprosyła:
 Bóh je dał ji woči sokołowej
 A tež křidle bělej swětloh' kołpja;
 Wona leći na Kosowe rune:
 Mortwych nańdže džewjeć Jugowićow,
 Džesateho Jug Bogdana starca.
 Wyše nich bě džewjeć wójnskich hlebj,
 Nad hlebjemi sokołow pak džewjeć,
 Wokoł hlebjow džewjeć dobrych koni,
 Pódl hlebjow džewjeć dziwich lawow.
 Zarjehota džewjeć dobrych koni,
 Z dohom zaru džewjeć dziwich lawow,
 Zaškrěča tež sokołow tych džewjeć.

Ale maćer hrudže twjerdej' była,
 Sylzy wot wutroby njespušćiła;
 Ale jima džewjeć dobrych koni,
 Zjimała tež džewjeć dziwich lawow,
 Zjimała tež sokołow wšech džewjeć.
 Potom wróci so do hrodu běloh'.

Synowki ju z dala wuhladachu,
 Kročalku drje napřečo ji džěchu.
 Zawrěšćało wudowow je džewjeć,
 Zapłakało syrotow je džewjeć,
 Zawrěšćało džewjeć dobrych koni,
 Zaruło je džewjeć dziwich lawow,
 Zaškrěćało sokołow je džewjeć.

Ale maćeř hrudže twjerdej' byla,
Sylzy wot wutroby njespušćila.

Hdyž je było w nocy wo połnocy,
Zawrěšća to Damjanowy běłoš
Praša mać so Damjanowej' lubej':
Synowka mi, luba Damjanowa,
Što nam wrěšći Damjanowy šumjel?
Hač je hlódny pšenicy drje bělej',
Abo lačný wody ze Zwečana?

Wotmołwja jej luba Damjanowa:
„Maći naša, maći Damjanowa,
Njeje hlódny pšenicy wšak bělej',
Njeje lačný wody ze Zwečana:
Je wšak jeho Damjan tomu zwučil,
Do poł nocy sytnoh' wowsa kramšćić,
Wot połnocy drohu pućowaći;
Tak wón želi swojoh' hospodarja,
Zo joh' njeje na sebi dom přinjesl.

Ale maćeř hrudže twjerdej' byla,
Sylzy wot wutroby njespušćila.

Nazajtra, hdyž zaswitał dzeń běły,
Lećitaj dha hawronaj dwaj čornej,
Krwawe matej křidła do ramjeni,
Na pysku so běla pěna ješći.
Ruku njesetaj wot khrobłoh' rjeka,
A na rucy slubny pjeršćeń zloty.
Pušćiloj stej ruku maćeri do klina.

Wza sej ruku Jugowićow maćeř,
Wjerćala z njej a ju wobroćala,
Zawołała Damjanowu lubu;
Synowka mi, luba Damjanowa,
Póznawaš ju, čėja tale ruka?“

Rjekny na to luba Damjanowa:
„Maći moja, maći Damjanowa!
To je ruka našeho Damjana,

Dokelž znaju slubny pjeršćeń, maći,
Slubny pjeršćeń ze mnu był je k wěrowanju.“

Wza sej maćeř ruku Damjanowu,
Wjerćala z njej a ju wobroćala,
Potom z ruku z ćicha bjesad'wała.
„Moja ruka, zelene jabłučko,
Hdže sy rostła, hdže sy wotšćipnjena?
Ach, sy rostła na mojim mi klinje
Wotšćipnjena na Kosowym runym!“

Tole prajo, lohko dušu spušći.

Južnoserbska narodna. Přeložil J. Winger, Łužica 1897.

116.

Mór w serbskich Hornich Łužicach.

Naši stari serbsey wótcojo mějachu husto pod mórom ćěrpjeć, kž w swojim času mjez nimi z wulkej surowosću zakhadžeše. Wosebje zły bě mórski čas w Serbach wokoło lěta 1632. Najsurowišo wustupi tehdom tuta khorosć w holanskich serbskich wosadach wot Wojerec hač k Zhorjelcej. We Wojerecach zemře na nju w lěće 1632 w poł štwórta měsaca na 700 ludźi, młodych a starych a powěda so, zo tehdom we Wojerecach njezby wjacy hač 16 porow mandželskich. Ze samsnej surowosću zakhadžeše mór we wokolnych wojerowskich wsach, na přikład w Bórku, hdžež nimale wšitcy wobydlerjo na njón wumřechu. W Sprjewicach započa so mrěće hižom w lěće 1631. Tehdomny sprjewičanski farař Matej Wićaz bě tohodla nuzowany so do Hamorow a wot tam pozdžišo do Bórka a naposlědku do Wojerec sćahnyć a bě wot Sprjewic na tři štwóřće lěta zdaleny. Zo pak jeho spowědne džěći mjez tym njebychu cyle bjez Božeho słowa byle, wotměwaše wón bože služby wonka w holi pola Bórka, hdžež tež křćiješe a bože wotkazanje wudželeše. Na samsne wašnje přědowaše tehdom tež duchowny z Khołma pola Nizkeje Hózničanam přede wsu a stoji na tym městnje, na kotrymž je so to stało, blisko pola Hóznicy hišće džensniši džen kamjeń z napismom: „Pestaltar 1632“ k dopomnjeću na tamón zrudny čas. Podobny wołtar z kamjenjow natwarjeny a z ličbu lěta 1632 namaka so tež na hórcy pola Jězora, na kotrejž je jězorski farař Hrjehoř Krygař pod dubom bože služby wotměwał.

Do tutoho duba bu pozdžišo ličba lěta 1632 wurězana a je so dołhe lěta pola Jězora zdžeržał. Jako pak bě wón po času z nutřka cyle zhnit, su jón na posledku lózy pastyrjo zapalili a tak tutoho swědka ze stareho časa skazyli. W lěće 1832 bu toho dla wot jěžorskeho hrabje horkach naspomnjeny wołtař na samsnym městnje natwarjeny, na kotrymž bě přjedy tamón dub stał. Kak zrudnje je tola dyrbjało w tych pomjenowanych a tež w druhich wokolnych wsach być, hdyž běchu tež bože domy w nich zamknjene, dokelž so ludžo bojachu w twarjenjach skhadžować! Tysacy su tehdom zemřeli a husto dosć njebě tu nikoho, kiž by chcył zemřelych pohrjebać, dokelž so kóždy wo swoje žiwjenje boješe. Hakle w lěće 1633 wróci so zasy lěpši čas, přetož z tutym lětom přesta to mřeće. — Nowy a runje tak zły mórski čas nasta w Serbach w lěće 1680. Tola zda so, zo je tehdom mór mjenje serbskich wosadow přecaňnył, hač poł sta lět přjedy. W lěće 1680 přińdže wón wot Drježdźan sem, hdžež bě z wulkej surowosću wustupił a na tysac ludźi morił. Ze serbskich wosadow měješe, tak wjele hač je znate, najwjacy smělnjanska wosada přečerpjeć. W Smělnej samej wumrě, kaž je tehdomny smělnjanski duchowny Jurij Wessenig do svojich cyrkwinskih knihow napisal, 31 wosobow na mór, z kotrychž buchu jenož štyrjo na keřchowje pohrjebani, wšitcy druzy pak w zahrodach, na łukach a w keřkach. Zo su so druge wsy w lěće 1680 před mórom w Smělnoj bojałe, to wobkrućeja nam tež stare cyrkwinske knihi w Palowje, z kotrychž widźimy, zo su tehdom Zemičenjo a Tumičenjo dla mora w Smělnoj wudyrjenego swoje džěci w Palowje křčić dali, štož je so posledni króc hišće wulkeho rózka 1681 stało. Kaž w Smělnoj, tak zakhadžeše mór w lěće 1680 tež w Kamjencu hač najhórje. Tam wumrěchu na njón štyri radni knježa, štyri duchowni a wučerjo, dwaj lěkarjej, sydonnaće rowarjow a přez tysac pjeć stow druhich ludźi. Wšě khěže běchu poľne khorych a tak mjenowana „boršč“ pola Kamjenca bě wot čeknjenych měsćanow z Kamjenca wobsadźena. Wjele domow a wulicow bě zabitych a městske wrota běchu zawrěne. Skót ruješe w hródzach a dyrbjese zawutlić, dokelž tu nikoho njebě, kiž by jón z picu wobstarał. W měsće samym nasta hlód, dokelž nichtón wjac ze wsow ničo nutř njepríwjeze. Mortwi buchu wšitcy hromadže do hlubokich jamow čiskani a z wapnom posypani, dokelž khwile njebě, za kóžde čěło wosebje row ryc. Jako bě naposlědku w měsće najwjatša nuza nastala, smilichu so wokolni zemjenjo a kublerjo nad njezbožownym městom a posłachu jemu khlěba a

butry a wina a wšelakich druhich wěcow k warjenju, ale jenož hač před wrota. Hakle přichodne lěto 1681 přesta mór w Kamjencu zakhadžeć a tež w druhich stronach, w kotrychž bě 1630 wustupił. Wot tutoho lěta sem njesłyšimy tež ničo wjac, zo by so mór hdy zasy w našich Serbach pokazał, hačrunjež je tu tež pozdžišo wjele khorosćow pod druhimi mjenami pobyło, kiž su runje tak surowje mjez Serbami zakhadźałe kaž něhdy mór.

K. A. Jenč, Hórnikowa Čitanka.

117.

Pokazka ze Sienkiewiczowych „Křižakow“.*)

W tym času spohladowaše mištr na kralowske wójska, kotrež so z lěsa walachu.

Dołho hladaše na jich syłu, na jich křidła rozpřestrěte jako křidła hobrskeho ptaka, na khorhojow tučel — z wětrom so kolebacu, a nahle so jemu na wutrobu lehny někajke njeznate strašne začuće. Snadž wuhlada z wočomaj duše sepje čělow a rěki krewje. Njebojo so ludźi, naboja so traš Boha, kotryž dźeržeše hižo w swojej ruce tam na njebieskich wysokosćach wahu dobyća.

Přeni raz přińdže jemu na mysle, kajki je to strašny džen nastał a přeni raz začu, kajke njesměrne zamołwjenje je přewzał na swoje ramjenja.

Tuž zblědny jeho wobličo a hubje zatřepotaštej, a z wočow so jemu wuronichu spore sylzy. Komturowje ze spodźiwanjom na swójeho wjednika spohladowachu. —

— Što wam je, knježe? — woprašo so hrabja Wende.

— Zawěsće je to najpřihodniša khwila za sylzy — džeše surowy Hendrich, čłuchowski komtur.

*) W času křižnych wójnow bě rjad němских křižakow nastał, zo by wojował přečiwo Turkam a Boži row zakitował. Hdyž běchu Turkowje swjaty kraj zaso křesćanam wudobyli, přesydlchu so němscy ryčerjo najprjedy do Bjenatkow (Venedig), a potom lěta 1309 do Małbarga (Marienburg) nad rěku Nogat w něčišej zapadneje Pruskej, zo bychy wojowali přečiwo Litwjanam, tehdom hišće pohanskim. Tola litwinski wjerch Jagiełło, woženiwi so ze swj. Jadwigu, přija křesćansku wěru, da so křičić a po jeho přińdže tež jeho lud. Tuž móžachu křižacy po prawym swój krawy mječ do nóżnjow tyknýć, ale nje-
dźiwajecy toho nadpadowachu woni dale litwinski kraj, doniž so Litwini z Polakami njezjednočichu a křižakow pola Tannenberg (1410) cyle zbichu a na hlówu porazychu. Henryk Sienkiewicz, sławny pólski spisateł, w swóim romanje „Křižacy“ bitwu wopisuje.

A wulki komtur Kuno Lichtensteinski nadunywši hubje rjekny: Zjawnje ċi to porokuju, mištrje, přetož nětko so ċi słuša, wutroby swojich ryćerjow pozbudźeć, a nic wostabjeć. Zawěrnó, tajkeho ċe njejsmy do toho časa widźeli. —

Ale mištrej so njedźiwajcy na to tak pospochi sylzy na čornu brodu kulachu, kaž by něchtó druhi w nim plakał.

Skónčnje bu tak trochu nad sobu z knjezom, a pohladnywši z krutym wočkom na komturow, zawoła: „do khorhojow!“ Tuž skočichu kóždy do swojeje, přetož mištr powě to jara z mocu a z ruku načahnywši so k swojemu brónjerjej rjekny: „Podaj mi přilbicu!“

* * *

Hižo we woběmaj wójskomaj kóždemu wutroba biješe, kaž heja, ale hišće njeběchu truby: znamjo k bitwje daće.

Nasta khwila wočakowanja, ċežša traš dyžli bitwa sama. Na polu mjez Němcami a kralowskim pólskim wójskom pozběhowaše so wot tannenberskeje strony něšto prastarych dubow. Na nje běchu tudyši burja zalězli, zo bychu přihladowali na wojowanie tychle wójskow, tak hobrskich, kajkichž swět widzał njebě z nje-pomnjenych časow. Ale nimo teje jedneje kupy štomow bě cyłe polo puste, šěre, struchłe, na mortwu pusćinu podobne. Jenož wětr po nim hanješe a smjerć so nad nim znošowaše. Ryćerjam so woči nimowólnje na tule mjelčacu zło wěšćacu runinu wobroćachu. Mróčele po njejbju přelětujoy zasloniču z časami slónco, a tehdy padaše na zemju smjertna ċma.

Tu nasta wichor. Zašumi w lěsu, zedrě tysacy lisćičkow, wuwali so na polo, zhrabny suche stwjelca trawy, zezběha mróčele procha a njeseše je wójskam křižakow do wočow. Runje w tej khwili zarža přewótry hlós wojeřskich róžkow, hwizdzałow a pišćalkow w powětrě, a cyłe křidło litwinskeho wójska zběže so a lećeše kaž njesměrne stadło ptakow přeciwo njepřećelej. Po swojim wašnju dachu so hnydom do skoku. Načahnywši šije a potuliwši wuši hrabachu konje ze wšej mocu do přědka, a machajcy z mječemi a kopjemi lečachu jězdni ze strašnym křikom přeciwo lěwemu křidłu Křižakow.

• Mištr bě runje při nim. Hižo bě přešlo jeho pohnuće, a z wočow džěchu jemu město sylzow škrě. Wuhladawši přibližowacu so litwinsku syłu, wobroći so k Bjedrichej Wallenrodej, kotryž na tej stronje nawjedowaše a rjekny: Witołd je přeni wustupił. Započće tež wý w božim mjenje! —

A kiwnywši z ruku, [pušći 14 khorhojow železneho ryčerstwa do bitwy.

— Gott mit uns! — zaru Wallenrod. Ryčerjo, znižiwši kopje, počachu z woprědka kročel za kročelu hić. Ale runje kaž z hory zwaleny kamjeń padajo so přece bóle do skoku dawa, tak tež woni. Z kročelow přeńdžechu do skoku, a potom lečachu, jakož lawina, kotraž dyrbi wšitko zmjasć a rozbić před sobu. Zemja žalosćeše a zhibowaše so před nimi.

* * *

Bitwa měješe so kóždy wokomik rozčahný a rozbuchný po cyłej smuzy. Tuž počachu pólске khorhoje jězdnych staru wójnsku pěseń swj. Wójčecha spěwać. Sto tysac ze železom pokrytych hłowow pozběže so k njeju, a ze sta tysac wutrobow wudoby so jedyn hobrski hlós, jakož hrímanje z njebies:

„Boga-Rodzica, Dziewica,
Bogiem sławiona Marya!
U Twego Syna, Hospodyna,
Matko zwolona, Matko jedyna,
Zišci nam — spust winom!
Kyrie Eleison!*)

A z razom jim móc do kosći stupi a wutroby buchu na smjerć hotowe. Běše však tajka njesměrna dobyčerska sylnosć w tych hlósach a w tej pěsni, jakož by woprawdže počalo bože njewjedro bić po njeju. Zadyrkotachu kopja ryčerjam w rukach, zadyrkotachu korhowje a korhowčki, zatřepota powětr, zakolebachu so hałužki w haju a w lěsu wubudžene wothłosy wotpowědowachu a ržachu we hłubinach kaž wospjětujo jězoram a tymješćam a cyłej zemi, kaž dołhej a šěrokej:

Zišci nam — spust winom!
Kyrie eleison.

A woni spěwachu dale:

*)

„Boha-Rodźićerka, Knježna
Wot Boha sławjena Marija!
Pola Syna Swojeho, Knjeza,
Maćer wuzwolena, Maćer jenička
Wuproš nam — spuštění winow!
Kyrie Eleison!

Twego Syna Krzciciela, zbožny čas,
 Usłysz głos napełnij myśli człowiecze;
 Słysz modlitwę, jenže Cię prosimy:
 To dać raczy, jego prosimy:
 Daj na świecie zbožny pobyt
 Po żywocie rajski przebyt,
 Kyrie Eleison!*)

Wothłós wotmołwješe: „Kyrie Eleisoon!“ — a w tu khwilu
 na prawym křidle hižo bitwa howrješe zasakła a kročeše dale
 bóle do srjedź.

Hołkot, rjehot koni, hrózbny mužow rozkřik so z pěsnju mě-
 šeše. Ale z khwilemi křiki wustawachu, kaž by tam tym ludžom
 dycha zaprahło a w jednej z tajkich přestawkow móžeše hišće raz
 zasłyšeć hrimace hlósy:

Adamie, ty Boży kmiecu,**)
 Ty siedzisz u Boga w wiecu!
 Domieść nas swe dzieci,
 Gdzie królują święci anieli!
 Tam radość,
 Tam miłość,
 Tam widzenie Twórcy, anielskie bez końca!

Kyrie eleison.

A z nowa rozeńdze so rozhlós po lěsu: „Kyrie eleisoon!“

Mara na prawym křidle hišće donaby, ale nchtó njemóžeše
 widzieć ani rozeznac, što so tam stawa, přetož w tej khwili pušći
 mištr Ulrik, kotryž z hory na bitwu hladaše, pod Lichtensteinom
 20 khorhowjow na Polakow.

*)

Twojego Syna Křćenika, zbóžny čas —
 Wusyš hlós, napjeln mysle čłowječe,
 Słyš modlitwu, kotřiž Če prosimy.
 To daj mile, tebje prosimy:
 Daj na swěće pěkný pobyt
 Po žiwjenju rajski přebýt,

Kyrie Eleison.

**)

Hadamje, ty Boži mužo,
 Ty sedziš při Bohu južo!
 Wzmi nas swoje džěci,
 Hdžež kraluja swjeći jandželjo!
 Tam radość,
 Tam miłość,
 Tam widjenje Stworičerja, jandželske bjez kónca!
 Kyrie eleison.

A z dobom přihna so kaž z błyskom Zyndram z Maszkowic do pólskeho na čole zastupa, w kotrymž najwubjerniši ryčerjo stojachu, a pokazawši z nahim mječom na zbližowacy so Němcow pomrok, zaru tak z wotmachom, zo so konje w přních rjadach na zad zwalichu:

Do nich! Bij!

A z razom so ryčerjo pokhilichu konjom na šije, a wusunywši před sebje hlebije, postupichu.

* * *

Z powyšeneho městna kral cyłu bitwu wjedžeše, rozsyłaše póstlow, a wudawajo rozkazy wšón zdybawi. Wuhladowši skočnje wšě wójška w džěle, poča so tež sam do boja zaběrać.

Bojo so wo poswjećenu kralowsku wosobu, njepušćichu jeho dwórnicy. Żoława zhrabny konja za wuzdu, a hdyž tež jeho kral z hlebiju po rucy smykny, njepušćí. Druzy jemu tež puć zastupichu, prošo, žebrijo a předstajejo, zo tak tež bitwy wusudow njepřewali.

A w tu khwilu so nad samym kralom a cyłej jeho družbu nahle najwjetši strach nakopi.

Po přikładze tych, kotřiž bitwu rozehnowši so wróćachu, zaměri so tež mištr — Polakam do boka, rozwi so w koło tak, zo dyrbyeše jeho 16 wubranych korhowi runje njedaloko hórki přěńć, hdžež stoješe Władzislaw Jagiełło.

Dohladachu so hnydom stracha, ale njebě khwile, so wucofać. Zawichu jenož kralowske woznamy a z dobom doleća, štož bě w konju mocy, kralowski pisař Zbigniew z Oleśnicy k najbližšej korhowi, kotraš so hotowaše, njepřecěla přijec a kotruž ryceř Mikławš Kielbasa nawjedowaše.

— Kral wobstupjeny! Na pomoc! — zawoła Zbigniew . . .

Łužica 1903. Zeserbčić J. Wingeř.

118.

Z wopomnjeću smjertneho dnja wulkeho wótčinca Michała Hórnik.

(† 22. małoho rózka 1894.)

Náš Hórnik wumrěť! Takle z Budyšina
So zrudna njese powěsć z wichorom;
A hórcy žalósćo wot Lubina
Do Błótow dele płáče kóždy dom.

Ach, khorhojnik naš padnył je a hasła
 Najrjeńša hwězda njebja serbskeho,
 Najkhmańša žiwjenja je žiła prasta,
 Preč móc najwjětša ludu našeho.

A hlejće! Přez Słowjanstwo, přez Europu
 Kak tuta ćežka powěsć khwatnje dže;
 A hdžežkuli tež staji swoju stopu,
 Tam w duši stysk a w woku sylza je —

Hoj! k Budyšinej ludźi poľne puće
 Su z Łužicy a z krajow dalokich;
 A wšitkich jene spina bóľne čuće
 A jena žadosć wjedže wšitkich jich:

Jom' do wobliča jónkróć hišće zhladnyć,
 Na keřchow jeho čěło pomhać njesć,
 Při jeho rowje na kolena padnyć
 A dać tam posłědnju jom' zeńsku česć —

Kašć na Mikławšku pušća so do rowa,
 A ze wšěch woči nahły prasny plač;
 Wšak kóždy wě, što w nim a z nim so khowa,
 Zo ničo to nam njem'že zarunać.

Budź Bož'mje! Tebje Serbja njezabudu;
 Tam horkach njezapomń ty na nas tež;
 Ze swojim wulkim duchom w serbskim ludu
 Ty dale nad nami a wěčnje knjež!

Jakub Čišinski, „Serbske Zynki“.

119.

Wopomnjeću Hórnikowemu.

Zańdženu pónďzelu (27./II. 1904) je so minyło džesać lět, zo je wumrěł Hórník. — Hdyž kamušk do jězora čisnješ, nastawaju koło wokoło zmohi, najprěnje wulke, potom dale mjeńše a mjeńše, doniž so skónčnje cyle njezhubja: zwjerch wody je so zasy změrował a wupřestrěwa so jako hladka runina před twójim wóčkom kaž přjedy. Podobnje je so stało z mjenom mnohich serbskich wótcincow. Zaklinčachu, wuklinčachu; nichtó jich wjacj njewupraja a nje-

slyši. Mohlo snadž so tež mjeno Hórnik runje tak zhubić z pomjatka serbskeho naroda? Nihdy, ženje! Přehluboko je so čěr, jeho skutkowanje zaryło do serbskich stawiznow, hlubšo dyžli žłobjo Sprjewje do zemje serbskeje! Přewysoko pozběhuje so jeho mjeno nad mjenami rojeńkow, wyše dyžli skalny khribjet Boha Čorneho!

Wuklinčale su dawno žarowace zynki zwonow, kiž smjerć wótea wótciny připowědowachu wšěm serbskim wutrobam. — Kotry syn mohł zabyć swójeho nana? A njeje Hórnik swój cyły lud lubował z wótcowskej, nanowskej lubosću? Haj, je snadž hdy žadyn nan swójim samsnym ródny m dźěćom mohł wjac dać, woprować a wotkazać, dyžli je Hórnik so woprował a wotkazał cyłemu swójemu horcolubowanemu narodej? Naš lud je ratařski lud a to jara wustojny a nimo měry pilny ratařski lud a wón waži sebi kóždy rózka a brjóžka namrěteje zemje a kóžde stwjelco, kiž na nim narosće, jara vysoko, haj — skoro mohł prajić — přewysoko. Ale je to tež jeničke bohatstwo, kotrež ma prawy dobry serbski a křesćanski nan swójim dźěćom zawostajić? Njejsu dary ducha a plody wutroby, nadobne křesćanske zmyslenje, póćiwosć a počínki tež bohatstwa, snadž hišće wjetše a drohotniše bohatstwa, kiž hakele nadžěju dawaju na tamne pokłady, kotrež mole ani, ani zezawina njezahubi? A runje tute bohatstwa, bjez kotrychž tež sama serbska zemja, tak horcolubowana serbska zemja, jeno zemja wostawa, je Hórnik nic jeno swójim přiwuznym, ale cyłemu, wosebje pak katólskemu serbskemu ludej poskićał, dawał a wotkazał z najdarniwišej wutrobu a a ruku.

Hdyž, kaž so we přisłowje praji, po lutowarju brójer přindže, kotryž rjane kubło, kiž su wšitcy jeho prjedownicy sta lět po swóich dobrych ponižnych a hluboko křesćanscy zmyslenych wótcach namrěwali a w počće swójeho wobliča wobdžěłali, za krótki čas přečini, njeje to čorný njedžak přećiwo nanej a wšěm jeho předkhadnikam? Podobny njedžak přećiwo našemu njezapomnitemu Hórnikowej wostań wot nas dale zdaleny dyžli slónco wot zemje.

Hórnik je wumrěł, ale nic cyły. Tež mjez nami je hišće žiwy jeho duch w jeho skutkach, džěłach a spisach. Jeho ruka drje tlače, ale symjo, kiž je wusywała ze ženje njewustawacym pjerom, hišće skhadža, rosće a nadobne plody njese a ponjese, doniž budže serbske słowo čitane a čescene. Hladaj jeno do knižkow, z kotrychž šulske dźěći wuknu, na zabawne spisy za młodych a starych, posłuchaj jeno w domje božim na lubozwučne zynki we swjatym

kěrļušu, wzmi słowo boże do rukow: wšudžom widžiš, słyšiš mjeno Hórnik. — W słowniku, w kotrymž so khowa cyły pokład našeje droheje maćeršćiny, njeje ani jednoho słowa, kotrehož by jeho wótry rozom njepřeslědžył, jeho pomjatk že słowami sotrowskich řečow njepřirunał. Hórnik běše wječh w kralestwje myslerjow!

Ale, štož je jemu tež woprawdžite knježstwo, nahladnosć a swěrnú podatosć pola wšěch Serbow dobyło, to bě jeho nadobna wutroba. Jeho durje běchu wšěm přistupne, jeho ruka wšěm potřebnym wotewrjena, jeho rada wšěm poskićena. Hač wysoki, hač nizki, hač bohаты abo khudy, hač zdžěłany abo njezdžěłany, wšitkich wón lubosćiwje přijimaše. Kóždy pohib a kóžde słowo swědčeše za to: Hórnik ma njesebičnu, ponižnu, k pomocy a k woporam stajnje zwólniwu, nadobnu wutrobu. To běše tajna móc a spođiwné kuzło, kotrež je jemu plăćiwosć a wliw wšudžom a přecy dobywało a tež zdžeržało.

Wo serbskich kralach je jara mało znate, snadž z wuwzaćom krala Miliducha, kiž z rjekowskimi Serbami wojowaše přećiwo cuzej přemocy. Štož so tutym wutrobitym škitowarjam serbskeje narodnosće njeje radžilo, to je Hórnik z mocu ducha, wutroby a ruki docpěl a dobył, natwariwši nam sylnu twjerdžiznu noweho narodneho pismowstwa. Njeh sebi kóždy, štož je był Hórnikowy wučomc a pomocnik, a tež kóždy druhi, štož serbske pjero wodzić a serbske słowo řečeć rozumi, přikład bjerje na tamnych wutrobitych rjekach, kotřiž swojemu kralej swěru wobkhowachu hač do smjerće. Hišće mnoho ma so wojować, džělać a dokonjeć za zdžerženjo serbskeje řeče a narodnosće, k natwarjowanju a wutwarjenju kralestwa božeho mjez serbskim ludom: njeh je mjeno Hórnik wšěm, wšěm bjez wuwzaća, zhromadne dobyćerske hesło. Jeho duši přejmy a prošmy wěčny měř a wotpočink, jeho wopomnjeću pak wostań česć a sława!

J. Libš, Kat. Posoł 1904.

120.

Čas serbskeho narodneho znawarodženja.

Wubudžena narodna myślička, zwonka serbskeho kraja w towarstwach plahowana a w Serbach wosebje přez Tydžeńsku Nowinu rozšěrjena, pokazowaše so přeće bóle w zjawnosći. Duchowni, wučerjo, kandidaći, řečnicy, lěkarjo, studenći, haj tež wjesni mužojo spóznachtu potřebnosć wužšeho zjednocowanja, zo bychu so ze zhromadnymi mocami za serbski lud postarali. Njedosahachu wjacj towarstwa młodžiny za wudokonjenjenje w maćernej řeči, ale wu-

čeni ludžo we wažnych powołanjach stojacy zjednočowachu so najprjedy we wuradźowankach a potom w towařstwach. Serbscy wótčincy pak derje wědzachu, zo Němcy jich prócowanja zwjetša njeradži widža. Tohodla dyrbjachu wobhladniwje wustupować, chcychu-li swój zaměr — duchowne pozběhnjenje Serbow — docpěć.

Hižo w času swojeho studowanja słowjanskeje filologije we Wrótsławju pod profesoromaj Purkynju a Čelakovskim zapřija J. E. Smoleř mysličku wo založenju literarneho towařstwa za Serbow po přikładze českeje a ilirskeje Maćicy. Ale to njehodžeše so tak lohcy wuwjesć, hačrunjež běchu w léce 1845 wšelacy wótčincy za to dobyći. W tym času poby tež sławny historiograf Franc Palacký w Budyšinje a wobtwjerdžowaše někotrych Serbow w mysli založenja zhromadnoserbskeho literarneho towařstwa.

Na zhromadźiznje abo poradže Serbow na jutrownej srjedže 1845 w Budyšinje so wobzamkny, zo dyrbi so přede wšim přihotować a zřadować spěwanski swjedzeń, na kotrymž bychu so jenož serbske pěsnje spěwałe. Wučer K. A. Kocor, tehdy w Stróži, zhromadži starše spěwy a zestawjowaše nowe hłosy, wupytowaše spěwarjow a spěwařki w serbskim kraju, a wotměwaše z nimi wuwučowanja. Na 17. winowca 1845 bě na třelefni w Budyšinje prjedy w serbskich a němskich nowinach připowědženy serbski koncert, dotal njesłyšana wěc! Z bližšich a dalšich stron přijědžechu Serbja a tež Němcy; koncert so derje poradži a wšitkich spokoji. Powěsć wo tym roznjese so po Serbach, zo je Serbstwo w zjawnosći z česću wustupowało. Kocor bu z tym k dalšej džěławosći wubudzený a komponowaše wjacy serbskich spěwow, kotrež jemu wosebje H. Zejleř podawaše. Spěwarjo a spěwařki pak swěru w koncertach pomhachu. Tak wotmě so potom druhi tajki swjedzeń zaso w Budyšinje 1846, třeći we Wojerecach tež 1846, štwórty w Budyšinje 1847, pjaty w Marijnej Studni 1848, šěsty w Lubiju 1848, sedmy w Marijnej Studni 1849, wósmy w Budyšinje 1849. Tež pozdžiše serbske koncerty buchu wažne za znowarodjenje Serbowstwa.

Pódla spěwanja so literarnje dale džělaše wot jednotliwcow a w towařstwach młodžiny. Zejleř pisaše pódla „Nowin“ „Missionske powěsće“, Smoleř přeloži z J. A. Wařkom Fr. L. Čelakovskeho „Wo hlós pěsni ruskich“ 1846, Kocor „Serbsku Meju“ 1847.

W Prahy studowacy Serbja, kotřiž hižo pod J. Dobrovským a W. Hanku so w řeči wudokonjachu, založichu 1846 tež twjerdše zjednočenje mjez sobu — towařstwo „Serbowku“.

Mjez tym zrijadowa so nakhwilny abo přihtowacy wubjerk wotmysleneho towarstwa Maćicy Serbskeje: Zejleř, Kłosopólski, Pful, Wjela a Smoleř. Wuradžene statuty přepodachu so k dozrijadowanju dr. Adolfeje Klineje, kotryž jako měšćanski rada z wyšnosću znaty dowolnosć sakskeho knježerstwa k založenju towarstwa dósta 26. Małeho rožka 1847, po čimž móžeše so Maćica Serbska na jutrownej zhromadźiznje dozałožić.

Po wustawkach chcyše Maćica Serbska dobre ludowe a wědomstne pisma wudawać, jako tež Časopis za rozwučenje a nawědžitosć serbskeho ludu, při čimž dyrbyeše so zdobom na čišćenje a wudospołnjenje řeče džělać. Sobustaw móžeše kóždy być, kiž snadny lětny přinošk zaplaći. Z přinoškow a dobrowólnych darow měješe se pokladnica tworić, jako tež knihownja so založić.

Dozałoženje Maćicy Serbskeje, jedyn z najwažnišich skutkow serbskeje historije, sta so 7. jutrownika 1847 na třěleřni w Budyšnje. Po přeprošenju w Nowinach zhromadźichu so ze wšěch kónčinow hornjoserbskeho kraja duchowni, kandidaći, wučerjo, studenći a někotři rjemjeslnicy. Woni přijachu předpołożene wustawki, wuzwolichu předsydstwo — dra Klina za předsydu, kandidata Wanaka za sekretara, J. E. Smolerja za redaktora Časopisa — a wuradžowachu wo wudajomnych knihach. Wužitne bě mjez druhim postajenje, zo ma hłowna zhromadźizna na kóždolětnu srjedu po jutrach so wotbywać.

Po dozałoženju Maćicy Serbskeje rozpósła so přeprošenje „přečelam serbskeje řeče a literatury“ najprjedy w sakskim džěle Hornjeje Łužicy, a potom w pruskim, hdyž bě z rozkazom 30. jutrownika 1847, přez superintendentu Kubicu z Wojerec wobstaranym, tež pruskim Serbam přistup k Maćicy dowoleny. Maćica chcyše jako starosćiwa mać wšitkich Serbow być a wšěch swěrných Serbow wokoło sebje zhromadźić. Jeje skutkowanje bě jenož z tym trochu zadžěwane, zo bě wot spočatka khuda. Tola je při wšem tym wjele za serbski lud dokonjała, zjednočejo prjedy džělených Serbow w jedneje pismowskej řeči a wudawajo wužitne serbske knihi.

W tajkim zaměrje zestaji najprjedy dr. Pful za Maćicu serbski prawopis, kotryž po přehladanju přez Smolerja a Kučanka so přiija a w přěnim lětniku Časopisa — 1848 — so wočišća, a hnydom počachu so přenje knižki za lud wudawać: Štyri předowanja H. Lubjenskeho, Serbske Hornje Łužicy abo statistiski zapisk

E. B. Jakuba a J. Kućanka, někotre powědančka a druhe powučne spisy.

Nowe towarstwo doby sebi wjele přecelow a wubudžeše wulke nadžěje, kotrež pak tola njemóžeše w datych wobstojnosćach tak spěšnje spokojić. Hižo w přenjej horliwosći wohrozychu młodu Maćicu Serbsku njenadžěte podawki w němskich krajach.

Z Historije serb. naroda wot W. Bogusławského-M. Hórnik.

121.

Hišće je Serbstwo tudy.

*Hišće so řeči serbska řeč maćerna
Po kraju serbskim! Serbja su pobožni,
Kiž zakhowaju staru swěru;
Cuzbować njechadźa Serbja swěrní! —*

*Je řeč a wěra wótcow jim darjena
Wot Boha samoh', kotryž jich wukhowať
Je dotal mile k česći swojej,
Zo bychuh khwalili jeho swěrnosć.*

*Serbstwo njech młódne kčěje nam po kraju,
Njech jemu skići městno so na slóncu! —
Złósć njepřecelska njeswať na njoh'
Zawisć a hluposć je hida złóstna.*

*Tudy je polo, na kotrymž džěłaju
Wšak pilni ludźo, wutrajni w česnotach! —
Tuž, Serbjo, zakhowajmy swěru
Z maćérnej řeču sej herbstwo drohe! —*

M. Urban, Wotčinske hrona.

122.

Francózske wójsko w Čornym Khołmcu

do bitwy pola Budyšina 1813.

Sym jeho derje znať, stareho Běłojic džěda. Wón běše susod při farje, a přińdže tež drudy na wječornu bjesadu k mojemu njebohemu nanej na šulu. Potom zdžělowaše rad podawki ze zastarskich časow. A tak zhonichmy tež, zo je džěl francózskeho wójska 1813

do Čorneho Khoľmca trjehiła. Tuta wjes ležeše tehdy — a leži tež hišće nětko z džěla — srjedź čěnnnych lěsow a zdalena wot wjetšich drohow w dolinje mjez horomaj. Jenož stara droha z Wojerec do Drježdźan wjedžeže hižo tehdy něhdže dobre poł hodžiny wote wsy přez holu „Čertowe nuhło“. Džiw je tohodla, zo su Francózojo tehdy Čorny Khoľmc namakali. Wěsće njeby to so stało, njeby-li wša wokolnosť z nimi napjelnjena była dla blizkich bitwow pola Wysokeje a pola Budyšina.

Čorny Khoľmc běše wězo kaž wša wokolina tón čas hišće sakschemu kralestwu přislušacy, a dokelž běše kral we zwjazku z francózkim kejžorom, běchu Francózowje w spřecelenym kraju. Ale woni njewobkhaďowachu z Khoľmčanami jako z přecelemi! A to běše z přičinu toho, zo stary Bětojić džěd jich wopyt zabyć njemóžeše.

Wón powědaše tak: „Na wječor nawalichu so Francózowje do wsy. Kóždy dom dósta wojakow. My jim dawachmy, štož mějachmy.

K wječeri zesydachu so k blidu a dóstachu šklu mloka z khlěbom nadrjebjenym. Ale khlěb běše jim přěčorny a pominachu běły. Dokelž pak tón njedóstachu, blabachu so na nas, my pak jim njezrozumichmy. A hlej, tón jedyn běše tak njehańbity, zo šklu zapřimny a ju z tym lubym božim darom do srjedź jstwy bricny, tak zo črjopy a kuski khlěba wokoło lětachu.

Mój nan so khětro postróži, tola běše skoro rozmysleny a khwataše k susodej na faru, Farař drje běše tehdy njebohi Štempel. Tam běše francózski wyšk na hospodže, a tón dyrbjěše pomhać. Mój nan skoržeše swoju nuzu susodej fararjej z próstwu, zo by tola chcył z wyškom po francózske popowědać. Knjez farař džěše hnydom do hornjeje jstwy a bórbotaše khwilu z wyškom. Potom džěštaj wobaj z nanom a přińdžechu k nam do jstwy, hdžež hišće wšitko ležeše kaž prjedy.

Hdyž wojacy wyška pytnychu, woni zestawachu a — so wě — mjelčachu. Wyšk přikaza nětko, zo by so druha škla přinjesła. Potom kazaše wojakej, kiž běše šklu rozbił, zo by wšitke kuski na zemi zezběrał. A tón lažeše po kolenach po hlinjanej jstwe a zběraše. Potom nala mać hišće jedne mloko. A nětko wšitkim derje słodžeše. Wyšk stoješe we durjach a přihladowaše — ja pak stojach w kućiku a mějach swoje wjesele nad tym, kak jim pěsk mjez zubami škripoce.“

Tak powědaše Bětojić džěd. Wot druhich njesłyšach ničo z tamnoho časa.

H. Jordan, Łužica 1892.

123.

Při tebi.

Daj, miła, při Tebi mi bydlić,
 swět je ach tak prózdny, samotny:
 mi w nim so styšče, tam přec' sydlić
 cheył, hdžež moja droha, luba sy!

Daj miła, k Tebi zas mi khodzić,
 swět je połny hołka, pohłuša:
 ach njedaj mojej duši hłodzić,
 njech je při wutrobje wutroba — —

Daj wuček mi, swět je tak hruby,
 tola Twojej wóčcy swěćitej
 so lubosćiwje, hlós Twój luby
 nihdy njetama, ach smilnosć měj!

Daj při Tebi mi zdrěmnyć měrnje,
 swět je wšón tak falšny, jebawy:
 wšak Twoje wóčko měni swěrnje,
 Ty pak, luba, swěrnosć sama sy!

Ach, daj mi, daj o miła, číše
 daj mi wusnyć, daj so přeco hnuć,
 zo při Tebi najwutrobníše
 měł bych zbože, namkał k zbožu puć!

E. Muka.

124.

Zymski wobrazk.

Zemja je sebi běle poslešćo mjez woči séahnyła a nětko spi. Wšo žiwjenje je woćichło w polu a w holi, a zrudna čišina knježi, hdžež něhdy spěwy so znošowachu. Ptačata su nas hižo dawno wopušćile a su leaće přez šěroke morjo daloko, daloko... Tež žaby su na swoju pěseň zabyły, a su so zaryły hłuboko do dna zeleneho hata, z kotrehož nětko wjacy njemóža; přetož tolsty lód je so na hat lehnył. Ani rěčka wjacy njebórboce w khłódnym hajku a njebaje nam wjacy wo swojim lěsnym skhowje a wo ródny domčku. Tam stoji w čémnej komorcy jeje kolebka; tam spaše dołho, dołho; tola na dobo wotući, zastyska so ji po swěće a swětle,

a skoku wuskoči jako slěborny kužo! z kolebki a čekny do swěta. Ale zymje njewučekny. Tež ji je zyma młodej spěšnej nózcy spu-
tała. W klinje slěborneje rěčki blyščachu so něhdy swětle kamuški,
a rybički sebi w jasnej wodze hrajkachu. Nětk je wšitko přeč, wšo
je zyma wzała, tež módre njezapomnički na brjóžku je mróz za-
hubił. Jena wulka běła płachta kryje wšitko.

Tola čłowjek zwuknje wšemu; tež wulkej žarowanskej bělej
płachće sněha a mortwej čišinje, w kotrejž jenož wróny škrěča,
rapak kraka. Druhdy wězo zawuja tež psy a třělba prasnje — ale to
je wšo. Tola čłowjek zwuknje wšemu, zwuknje po času tež zymje,
póznawa rjanosće a wjesela, kotrychž ani zyma žádná njeje. Nje-
měnju tu swjateho Mikławša, ani Božeho džěsća a jeho darow,
kotrež naše džěci tola tak žadosćiwje wočakuja, tak radosćiwje
witaju. Njeměnju tu ani wutepjeneje jstwy a ćopłych kachli, za
kotrež so wćipne wnučki tłóča, hdyž jim naše wowki bajki baja.
Ně, tež wonka w přirodže mnoha zymska radosć naše džěci wo-
čakuje.

Hižo wjacjy dnjow je njebjo někak mhlowe, njemóže so wjacjy
wujasnić a kaž wołojane wisaju z njeho čezke šěre mróče. Skón-
čnje dá so do sněha a wjesele polětuje běle pierje w powětre.
Młody sněh je mjehki, da so mjasć, a małe ručki wubjerne kulki
z njeho spjeku. To naše džěci derje wědza a z črjódami tohodla
na běle ladko ćěrja, hdžež so přěnja sněhowa bitwa započina. Při
tym je hołk a hara, zo so ladko třase. Pódla spytuje so sańča ćěr,
a tak khětre hač budže někak móžno, budže so tu jězdzić, hač sanje
lětaj! A byrnjež tajki mały kholowač tež raz wotlećał, to ničo
njewadži; w snězy sebi ničtó kulow njenabije. Haj, sanje, to je
w zymje džěci žiwjenje, a zawěsće njeje wjetšeho wjesela, kaž hdyž
Bože džěco sanje wobradzi a k tomu mjećel sněha. Tola, komuž
je so na sanjach wostudziło, tón dze na lód pohladać. Tež hat je
wožiwił a za to, zo tu: w léce žaby rjechtaja, słyšimy tu někole
naše džěci. Njecha so jim wottud, a přejara khětre swjaty wječor
domoj woła. Tola porjad dyrbi być, a skónčnje njeje to ani tak
zlě, byrnjež sebi jedyn khwilku přebył. Kóždy wě: to su džěci.
Hórje je, hdyž je sebi zwažny pachol daleko zalěžł a w zymnej
wodze nowy drjewjanc wostajił. Potom njesłodzi jemu doma
wječor, ale hlada sebi radšo helu, hdžež so na ćoplej ploicy sedžo
suši. Ale drjewjanc je přeč; nazajtra budže nad nim hižo tołsty
lód, a lědma nalěto zaso nad wodu připluwa, njeje-li so přjedy
w blóće na dnje hata zabrodził.

Z jenym drjewjancom wězo njebudžeš wjacy na lód khodźić, ale za kachlemi tohodla hišće njetrjebaš sedžo skorzić. Tež za tajkich njezbožownych je so zyma postarała. Hdyž je sněha wjacy, twarja so mjenujey jara derje rjane sněhowe muže. Kuluch sněha nawala so bórzy a zjednočenym mocam poradži so skónčnje tež, khadlu na nohi stajíc, štož je wězo čezše džěło. Ale z tym je sněhowy muž tež hižo mohł rjec dokonjany; wšo druge da so samo. Za rucy so z kóždeho boka kolik do wulkeho čěta tyknje, a na tołstu šiju placnu prawje wulku kulowatu hłowu. Sněhowy muž ma wulku čornu hubu a čini, jako cheył cyły swět na dobo póžrěć. Tola boječ so jeho tohodla nichto njetrjeba: mólčkej, čornej wóčcy hladatej přejara přecelnje do swěta, a hdy by so běły pachol tola raz roznjemdrił a zapyrił, by roběžal. To je tež skónčny wosud sněhoweho muža; njerosće kaž druzy ludžo, ale přińdže hnydom wulki na swět, a potom so jeho mócne stawy džen a bóle sydaju, doniž wšitko njerozběhnje. Njewostanje ničo hač luža wody a někotre kuski wuhla we njej.

Tola wšo, štož prawje je: tak dołho hač je sněhowy muž hišće žiwy, hraje wulkeho knjeza, a samo khrobły kón so napłóša, hdyž jeho nimo tajkeho běleho přemjenka wjedžeš. Kaž njemdry čěri potom přez hory a doły, a sanje leća za nim jako wětrik. A čehodla tež dyrbjal zamožity bur so w snězy na hermank abo na „kołbasu“ brodźić, hdyž ma w hródzi konje a w kólni rjane sanje! A k tomu, kak rjenje je, hdyž móžeš sebi žymske popołdnjo do polow zajěć! Skoro ani njepytneš, zo jědžeš. Hdžež bě prjedy hrozny, kamjenjojty puć, tam njeje nětko ani blóta, ani kamuška: běły sněh je wšitko přikrył, sanje jědu kaž by třělił a štomy, statoki a cyłe wsy nimo mikaju. Swjata knježi čišina; jenož wólnej konjej druhdy rjehotatej, a pod sanjemi pišći, wrěšći běły sněh. Je khětro zyma, z dołheho ranja duje řězny wětrik. Za to je powětr kaž krystal čistý. Brunakaj so pyritej, a z blizkich domow stupa běły kur do jasneje wysokosće. Tón běły kur abo lěpje woheń, z kotrehož kur sapa, je brón, z kotrejž přećiwo zymje wojujemy. Mjez tym je nas přecelná wjeska přiřala a jedyn kaž druhí strowi nas kóždy statok ze swojej rjanej bělej třěchu. Njech tohodla lóze huby na zymu praja, štož so jim zechce; sprawnišeho hosća dyžli zymy nihdže njeje. Jenak je kóždeho ze svojim darom wobdžělił: bohаты nima nad svojim hrodom rjeńšeje płachty jako khudak na swojej słomjanej khěžcy; kóždu třěchu debi nanajrjeńša pycha. Kóždy kolik, kóždy měznik ma swojub ětu čapku a jenički wulki běły płáš kryje wjes a polo.

Njedaloko za wsu započina so pokhmurjeny lěs. Tež wón je so do sněha zawalił, a pod mócnym brěmjom bětych pjeri zhibuja so hałuzy hordych šmrěkow. Něhdy mějachu w tych nakhilenych wjerškach ptački swoje hnězda a hałuzy žołmjachu w słódkich pěsnjach; nětko je wšitko éicho kaž w zakuzłanym hrodze. Tón zakuzłany hród ma slěbornu třechu, slěborne wěže nad njej, a slóncó swětle koła na nju sćeale. Ale koła su přeco wužše a mjeńše, doniž skónčnje slóncó za lěsom njezapadnje... Ale nje-móže so ze svojim lěsom dželić; hišće jónu zhladuje na slěbornu jeho třechu, a lubozna čerwjeń rozlije so po wšěm njebju a po bělej zemi. Hišće jónu zaswěća so dejmanty do běłego plašća zatkane, hišće wokomik so w purpurowym blyšću wjes a město hori — a róžowe swětło hasnje.

Wokomik je njebjo prózdne; k wječoru słaba čerwjeń, hewak nihdže běleje mróčački, nihdže swětleška. Tola hižo stawa k ranju měšačk a jeho wowcki hromadza so na wšěch kóncach njebja. Ze svojim blědym miłym swětłom strowi měšačk swoju towaršku zemju a šepce ji wo nowym rjeńšim nalěcu.. Ně, naša zemja njeje wumrěta; naša zemja číše drěma, a pod běłym plaščom bija mócnje jeje žily.

M. Andricki, Łužica 1892.

125.

Jejdyrkec Hapla a Hantychryst.

(Humoreska.)

W rjanych, dobrych časach, hdyž „naše Serbstwo z procha stawaše“, hdyž naši džědojo a naše wowki so z dobrymi Serbami začuwachu a jich džěci hišće njejězdžachu w škleńčanych wozykach, ani nic po železnicy do Drježdžan, ani nic z kolesami na wulěty do swěta, ně, hdyž naši stari a młodži Serbjo radšo pěši khodžachu, šikowanje pomałku, z wěstosću a swědomitosću hladaajcy sebi dom a hospodařstwo — tehdy běše w Starej Cyhelnicy pola Kukowa staruška serbska ćetka žiwa, kotraž bě něhdže wot Kulowa sem do našeje wsy so wudała. Powšitkownje rěkachu jej „Jejdyrkec Hapla“, dokelž bywaše nastajnosći z jeje přenim a poslednim słowom: „Mój jejdyrko tola, ach mój jejdyrko haj!“ a „mój jejdyrko!“ přědku a „mój jejdyrko!“ zady.

Tale Jejdyrkec Hapla bě wam skoro tajki original, kaž njebo-čički „Jejkacy Handrij“. Tón je wam tež stajnje a wšudže jenož pěši khodžił a njedžiwaajcy toho daloko wokoło po Serbach přišoł,

často tež do Němcow tu a tam; čas žiwjenja pak njeje jenički raz ze železnicu jěł, samo nic do Drježdžan. Tam měješe pječa bratra — kaž su nam to „Serbske Nowiny“ powěte — bratra, kotryž měeše wot njeboh Handrija něhdže pjeć stow hriwnow požčenych. Jejkowy Handrij dojdže sebi po nje pěši — z kijom, z karu, dokelž bě jemu šibały bratřik swój dołh w samych lutych drobných pien ježkach wuplaćil. A luby naš Handrij, kaž ničo z toho, wotwjezy sebi swój pokład z residency do Małego Wjelkowa — na karje. Bě tajki prawy samotař. Trodlojkaty khodžeše swjatk a pjatk; a tola měješe něšto, štož by jemu džensa někotryžkuli najwosobniši panik abo naduty pacholč zawidzał — šwarnu hromadku pienjez!

Tajka originalna ćetka bě tež Jejdyrkec Hapla. Wona drapaše a škrabaše njewustawajcy wšudže wšitko hromadže, štož so na brjóžkach, pućach a na sćežkach waleše: kóždu hałužku, kóždy kiješk, kóžde pjerko, kóždu trawičku, kóžde zeličko, kóždy powjazk, kóždy bančík — wšo so jej přihodžeše, wšo bě spomožne k jeje drobnemu hospodarstwu. A swoje ćežko zaslužene kroški kopješe w starych nohajcach a zamkaše zamoženje do stareje molowaneje křinje, kotruž bě po wowcy namrěła.

Kaž Jejkacy Handrij wšemu z puća khodžeše, štož by so z „domfom“ hnało a wozyło přeze wšě hory a doły, tak tohorunja naša cyhelńska ćetka čekaše přede wšěm rchatym, křidlatym nowotařskim žiwjenjom. We wonym času bě mjenujcy čłowjeska mudrosć wunamakala přenje kolesa, a swět započa kolesować. Jězdžachu na zastařskich dresinach, kiž měwachu přědku jara wulke a zady małuške koleso. Ale naša luba Hapla znaješe jenož swoje kolesko při kołwroće abo to při swojej karje.

Běše to raz w lěcu. Stara Hapla džěše „na bětl“ do bunow. Tu přihna so nadobo wot klóštra wulke rjebłate mužisko — traš z Kamjenca, khibą hišće něhdže z wotkal dale — na tajkim wysokim kolesu. Z cyłym wotmachom čěrješe po nimale nahlej horje dele přez Staru Cyhelnicu: raz, dwaj — raz, dwaj — raz, dwaj! — Hopsa! Zhubiwši runowahu wali so ryćeř-kolesowař, tak dołhi hač bě, do přěrowa při „běrtlu“. Jejdyrkec Hapla hlada a hlada, zo mohła sej woči wuhladać: mužisko přileći z kolesom — raz, dwaj — raz-dwaj — raz, dwaj; — kolesko poskoči: hopsa! — měři do přěrowa! běži, pada, a muž wala so přez hłowu: hopla! — Jejdyrko tola, tajkule kekliju cyhelnski swět hišće widzał njebě. — Wša wustróžana čeka luba Hapla přez puć humpotajcy do wsy, křičo, wrěšćo a wołajo so Bohu tak a hinak: „Ach, ty mój jejdyrko, ty mój jej-

dyrko, mój knježičko, pomhajće, lubi ludžo, čekajće, čekajće, to je sudny dzeń! — do Cyhelnicy je přijěl „Hantychryst“, ach, mój jejdyrkecy haj, haj, „Hantychryst“, křídlaty, rohaty, lětacy „Hantychryst“! —

Na křik a haru su naše wjesnjanki bórzy do hromady. — „Štó, što? Antikhryst!“ zastróžana praša so Nowakec Lena.

Humpoštec Hanzlk bě sebi runje w zahrodcy před woknami hrajkał a tež cyłej kekliji přihladował: Wulke koleso, małe kolesko, kosćaty muž, teptacej nozy frfrfr — hopsa! Wšo tole hromadže běži křiž na křiž brbrbr — kolesowe wokřidło wječluje z „wysokim“ ryčerjom. Aw, jawjaw! a nadobo: Hopla, do hrjebje! — Tajke něšto bě wězo tež Hanzlk přeni króc zawohladał. A nětko wón nóżkuje, štož móže, k zběžawšim so na Hapline wołanje žónskim a woła: „Maći, maći! Tamle w hrjebi jedyn muž z karu leži!“ —

A bórzy so wukopa, hdyž mužisko so z přerowa wudrapa a ze swojej „karu“ ke Khrósćicam čěrješe, zo to njeběše někajki Antikhryst, ale Wonječan Njelepec Bosćij, kiž bě před wjele lětami do krawcow šoł, w Drježdžanach Němcam wjele lět kholowy płaťał a z tym telko pienjez našl, zo bě sebi tajku „mašinu“ — dresinu kupić mohł. Nětko bě do Serbow přijěl na „wysokim konju“ a z wulkim titulom „Velociped-Agent“, štož najzrozumliwišo po serbsku rěka: „Knjez Nobel, fiksnóžkowař a wuskočny dohrjebjesopřezhlłowumjetař.“ A našej lubej Hapli běše knjez Nobl přenju „probu svojeho kumšta“ pokazał. Jejdyrkec Hapla je „hejgn“ potom prajić dyrbjała: „Derje tola, zo je Bóhl'byknjez mojeho Michała k sebi wzał, tón bě tež tajki fikshornčeř a wuskočny ptačk, a štó wě, hač mi tež wón njeby raz z tajkej karu wujěl!“ —

J. Bryl-Serbin, Lužica 1912.

126.

Božemje Budyšinej.

Nětk nastaju so z Budyšina,
Hdžež mój rjany přebytk bě,
Mój wosud chce, to njeje hina,
Sprjewi dać mam styskanje;
O přećelo, mój Budyš'no,
Mój zabyć njemóžemoj so.

Mi złote hodžinki tu kěču,
Lěta zbóžnje zlečachu,
Nětk wjedže puć pod druhu
třechu,
Drohu ćahnu zahórsku;
O přećelo, mój Budyš'no,
Mój zabyć njemóžemoj so.

Chcu sebi kwětki šćípać druhdže,
 Wěnašk radosće sej wić,
 Wšak swěće róže kćěja wšudže,
 Štož tam njej', chcu přimyslić;
 O přecelo, mój Budyš'no,
 Mój zabyć njemóžemoj so.

H. Zejleř, Zhrom. spisy I.

127.

Za Budyšinom na roli . . .

Z dypkom $1\frac{1}{2}$ hodžin rano 21. meje 1813 — běły dzeń hižo skhadžeše — wustupi Napoleon na hłowne budyšske torhošćo. „Rjeni ludžo“, rjekny wuhladawši jatych z wčerawšeje bitwy, kotřiž běchu na torhošću zestajeni. „Štó je najstarši po službje?“ woprašá so přistupiwi k jatym oficěram zestajanim w přnim rjedže.

„Wjerch Rjepnin!“ zawoła něchtó.

„Wy sće nawjedowař přnjeho polka „gwardejskich“ jězdnych kejžora Alexandra?“ woprašá so Napoleon.

„Ja — rozkazowach jenož jeničkej eskadronje!“ wotmołwi Rjepnin.

„Waš polk je swoje přislušnosće stajnje z česću wukonja!“ rjekny jemu Napoleon.

„Khwalba wulkeho bitwarja je najlěpše myto za wojaka!“ wotmołwi jemu raznje wjerch.

„Z wjesełosću podam wam tule khwalbu,“ rjekny Napoleon.

„Štó je tónle młodźenc pódla was?“

Wjerch Rjepnin předstaji jemu swojeho syna, lědy 19lětneho młodźenca z hišće hólčacy m pohladom, kotryž bě po swojim přecu do přnich rjadow so pósłał, a kotřehož běchu na Čělcu wyše Wownjowa zajeli, hdžež chcyše runje z konjom z wysokeje skały do Sprjewje skočić.

Přecelniwje na njeho pohladajo rjekny Napoleon: „Tón započina młoduški z nami so měřić!“

„Bě młodosc hdy ze zadžěwkom, zo njemohł čłowjek khrobły być?“ wotmołwi jemu młody Rjepnin z jasnym zynkom a z wubranymi francózkimi słowami, zo so Napoleon tomu džiwaše.

„Wubjerne wotmołwjenje!“ zawoła kejžor, „młodźenco, wy w swěće hišće daleko dóndžeće.“

Tež ranjeného wjercha Handrija Wolkońskeho běchu zawjazawši jemu ranu před Napoleonowymaj wočomaj postajili, zo by so z nim francózska česć doměřiła.

Běše-li tež wjerch Handrij před něhdže pjeć mjeńšinami z wojakami, kotřiž jeho njesechu, někotre słowčka porěčeć mohł, njewotmołwi wón Napoleonej tola ničo. Přespatny zdaše so jemu Napoleon ze swojej maličkostnej hlupojtosću a wjeselom nad dobyćem, a na jeho mjezwoču zjewi so džiwnje zrudnuški wuraz, jako chceł prajić: „Mi njebě trjeba, zo sym před Budyšskimi murjemi ranam a smjerći napřečo šoł; wšako je mój narod twoje puta roztorhał.“ A na jene dobo bu wuraz w jeho mjezwoču spodziwnje wótry, jako chceł prajić: „Hišće su ludy, kotrež ty putaš. Kóždy narod, a był-li hišće mjeńši, ma bože prawo, wo sebi sam sudzić. Ty sy tole prawo mnohim narodam rubił; hlej, ja běch tež přišoł, zo bych tule njeprawdu wjećił a zo bych narody wuswobodził.“

Napoleon njemóžeše wjacj dlěje do tohole mjezwoča hladać; tohodla wotwobroći so k rjadam, hdžež wojacy stejachu. Wuhladawši pak tam čłowjeka z hobrskej wulkosću, wuznamjenjeneho z křižom čestnje legije — běše to Lazarew, najdlějši muž w połku Preobraženskich, kotremuž běše Napoleon w Tilsíce ze swojej ruku tutón wysoki křiž na wutrobno připjał — wotwobroći so wot jatych njepřečelow.

W $1\frac{1}{2}$ 5hodžin jěchaše Napoleon wot Nadžanec na kinjanske hory. Młody dzeń skhadžeše. Njebjo běše jasne. Jeni jenička mrócel je k ranju přikrywaše. Wopušćene nócne wohnje zhašowachu při skhadžacych rańšim swětle.

Pódla kejžora sedžeše čłowjek na konju w žoltej drasće ze swěćatym kłobukom a z wulkim pjerom na kłobucy. Wobaj so žiwje rozřečowaštaj a hladaštaj husto na wulku papjeru. Tónle muž njeběše, kaž sebi w zjednoćenym wójsku myslachu, sławny nawjedowař francózskech jězdnych, Murat, Napoleonowy swak, kral neapolitanski, ale bě to jednory serbski čłowjek, sakski postilon Dejka z Budyšina w nježdělskej postillonskej drasće, samsny Dejka, kotryž je přenju serbsku nowinu „Serbski Kurěr“ wudawał, a kotrehož je Napoleon po bitwje do klódy sadził. Kejžor bě jeho sem dał zawołać, zo by sebi dał wot njeho wsy na karće zapisane w krajinje pokazać.

Tehdy zarža něhdže na prawicy jenički wutřěl z kanóny; wón wuklinča a zhubi se w powšitkownej čišinje. Někotre mjeńšiny so minychu. Druhi, třeći wutřěl wrjesny, zo powětr třepotaše . . . štwórty a pjaty hrimaše blisko a swjatočnje zaso něhdže wot prawicy.

Hišće njeběchu přenje wutřele wuklinčate, a hižo wrjeskotachu druge, so měšejo a jedyn druhi zamyľujo. Žalostna hra běše so spočała.

A. Sommer, Lužica 1913.

Čoľmiski spěw.

We pisanej khěžcy na čoľmje	Čoľm njese nas číše a rady,
So wjezemy po řečy,	Wón z wodu so rozmoľwja,
Po hladkej, po slěbornej žoľmje	Hry muškow a žoľmičkow blady
Přez kužoľ a hľubiny;	Nam k bokej so towařša;
Kaž rybički spěšne pod nami,	Kaž žoľmička stawa, so lěha,
Sej khwalimy žiwjenje;	Tak spľunje lóšt žiwjenja,
Jědž, lubosć a nadžěja z nami	Nam radosć pak mysličku
A powyšej wjesele.	zběha,
	A lubosć ju pošwjeća.

Stój! smějate brjohi k nam praja,
 Stój! kiwaju do wody,
 Wětr přecelny zaduwa z kraja:
 „Tu přistaw je lubozny“;
 A kiwaju druhe tam brjohi
 Nam něhdy: „Tu zastawaj“ —
 Dha stajimy z nadžěju nohi
 Na wěčnosće rjeńši kraj!

H. Zejleř, Zhrom. spisy II.

Při studničcy.

We łukach studnička so khowa,	A módre zwónčki z waha zwonja
Z njej' žórleško so kužoli —	Ji z boka kěrluš lubozny,
K njej wabi mje, hdyž na mni	A hwězdy z njebjes do njej'
kowa	kłonja —
Swět a so z hidu puzoli.	Hač na dno błyskot hordozny —
A parla ze dna běľa stupa,	Rad sydam sam tam při studničcy
— Přez łuki čehnje čichota —	A hladam, słucham hodžiny,
Hdyž spěwnu šijku ročk sej kupa	Hač sylza błysknje přez zerničcy.
A z džakom spěwk ji čikota.	A pokoj majka nutriny.

A boža móc a boža lubosć
 Mi z kuzłom mysle jimatej,
 Zo pěseň z jasnym hłosom wuroś
 Mi dyrbi z duše wyskatej'.

J. Čišinski, Z křídłom worjoľskim.

130.

Serbska njewjesta.

Sym Serbow serbske holičo,	Tón pjeršćen mam wot lubeho,
Mi Hanka rěkaja ;	Rjaneho pachola ;
A wjes'le sebi spěwajo	K nam wječor, hdyž so zasměrkło,
Mam spěšnosć do džěła.	Mój luby přikhadža.

Když škowrončk ranko zaspěwa,	Sym w zymje k nowej košulecy
Mi spěwa k stawanju,	A k płatej napřadła ;
A jědu-li do džěćela,	Płat dawno ježno natkany,
Z nim spěwam wo wjetu.	Płat trjebam njewjesta.

Na mjezu jězdzu zelenu,	Tež pjerje je wšo wudrěne
Serp tupy wótru sej.	Na dołhich wječorach ;
A žněju trawku rosatu	Duž poslešća mam hotowe
Na mjezy kwětkatej.	We swojich komorkach.

A hdyž so ručka womača	Za čerwjeny bant na hłowi
We trawcy rosatej,	Chcu měc wěnc rućany ;
Mi pjeršćen mój so błyskota	Mać budže čěpcow kupić mi
Na ručcy na mokrej.	Za drohe pjenjezy.

Mi družčić budža holiča,
 Te wjesne towarški,
 A budže kwasna hosćina
 Přez tři dny zaspochi.

Handrij Zejler I. (1828).

131.

Hdže z nim ?

Je čitař hižo hdy rano na wulicy pobyl ? Ja nochcu čitarja ranić, ja wěm, zo je čitař „nobl“ a nima trjeba, zo by stawał prjedy džewjećich — nó ale, připad ! A když je jeho potajkim připad wuwjedł hdy z doma prjedy, zawěsće je so při swojim znatym wótrym wóčku dohladał, zo su na wulicy nic jenož ludžo, ale tež wěcy, kotrež widžec hewak njejsmy zwučeni. Kaž tež při jeho znatej duchapołnosći njeje dwěla, zo je wo tych ludžoch, a wěcach, wosebje však wo tych wěcach potom rozpominał. Něhdže při khězcy stoji stary karan. Něhdže na kromje khódnika płatana bańka. Něhdže leži wosrjedz wulicy pónoj. Kak su tam se wěcy

přišle? Su sej snadź wuleće w nocy z njestražowanych polcow a njejsu potom domoj trjechiće, když hižo rańše zerja switachu? Su zhubiće přez někajki připad, při rańším nakupowanju, swoju kuchařku a čakaju tu nětko jako derje wuwučeny pos, kiž zhubiwi swojeho knjeza so sydnje trjebaj do srjedź puća a hlada wokoło sebje, hač sej jeho knjez zasy namaka?

Nu derje. Nětko so řeči wo khólerje a wo přihotach na nju — prošu čitarja, zo by mi dał dopowědać, zo by so njeprašał, kak to zwisuje — jenož njech mi da změrom pisać a pisać, na skónčny kónc so tola spóznaje, zo njerěču tak přehlupje. Potajkim: Řeči so wo khólerje. Što pječa ma wšo čłowjek činić, zo by so jej dowobarał. Předewším: čistota wobydlenja je poł strowoty. Strowe howjaze, ćelace a swinjace mjaso je pječa tež poł strowoty. Dobře pilzeńske piwo je pječa runjež poł strowoty. Summa summarum: hdyž so na předpisy swěru kedźbuje, je čłowjek w času khólery pječa połtřeća króć strowiši hač je po prawym trjeba. Čemu však bych njekedźbował na wšě předpisy z na najwjetšej krutosću, když su a) k mojej strowoće, b) hdyž dopjelnjowanie předpisow napjelnja čłowjeka ze zastoynistwa zdobom z njewuprajnym požadom!?

Hdyž běch sej potajkim na najbližším rózku přečitał přisłušne magistratne přikazy, přestach hnydom so překhodźować a wróćich so domoj. No — ja sej myslu, čiste je tu dosć! Podłoha a domjaca nadoba je pod stajnym a kedźbliwym dohladom mojeje Anče. Knihi drje su pod mojim samsnym dohladom, ale myslu sej, zo jim tróšku procha nješkodži — však bychu měte hewak tak swjatočny, tak samokhwalny, a hlupy napohlad! A hewak — hm, hewak tu poprawom ničo wjacy njeje. Khiba potajkim hišće ložo.

Zahłowkaj bělej kaž kołpjej. Přikrywa kaž płašć lilije, ložowa płachta kaž młody sněh. Włosankowe matracy kaž buchty. Słomnik — — słomnik — —

„Anča!“

„Prošu?“

„Hdy pak sym sej dał naposlědk wutykać swój słomnik?“

„To ja njewěm — štož sym tudy, ně — to drje je hižo same sykanje.“

Anča je pola mje šěsć lět. Spominam wróćo, za tych šěsć lět — podarmo spominam! Kupich sej tón słomnik, wutykany a přešity, hišće w rózojtych časach rjaneje młodosće — —

„Anča!“

„Tu maće 75 krejcarow — skočće hnydom k synarjej po tři woklepje słomy — hnydom, praju!“

Anča leći. Anča přičehnje so z třomi woklepjemi słomy. Da so do słomnika, wupróje přešiwanje, rozpróje šowy, hrabnje do słomy.

„Ale — hdže pak z tej starej słomu!“

Žónski rozom je tola wótriši dyžli naš! Na to bych tak hnydom njeprišo! Haj wšak, prjedy hač tam tykamy nowu słomu, dyrbymy najprjedy wottam wzac staru a — hdže z njej? Čisnyć ju z woknom, někomu na hłowu?

„Što pak so stawa z tajkej starej słomu?“

„To ja njewěm!“

„Hm,“ wotmołwjam zrazom, „tu maće pjenjez, je to šěsćak. Džiće tamle do toho wysokeho doma. Tam maja jamu na smjeće — dajće domownikej tón pjenjez, šěsćak, a wón wam dowoli, zo byšće do jamy wusypała słomnik.“ Wšak tón mužski rozom je tež hišće k něčemu!

Džěše a přińdže. Zo pječa domownik nochce. Zo pječa tam do jamy mjetaju služobne tež horcy popjeł a woheń by so mohl zapopadnyć słomy. A jama by była pječa tež bórzy poľna a bur sej nětko po smjeće njeprějědže, hakle w zymje, nětko pječa ma doma dosć za džěto.

„Tak što?“

„Ja njewěm!“

„Ale, ale!“ wołam po khwilcy — mužske mozy su wobdźiwa-hódnje płódnje! — „jutře je srjeda, gmejnski wóz přijědže po smjeće! Wzmiće tón pjenjez, šěsćak, daće počojcu smjećerjej, kiž zwoni, počojcu pohončej, wusypataj wam to samaj na wóz.“

„Derje, ale na čom potajkim budžeće džensa spać? Słomnik njemóžu hižo položić do łoža, je rozpróty, słoma by so přesypała mjez překušemi.“

„Wězo — no ale — budu potajkim spać na zemi! Rozpočožimój pobočnu, doľhu podložku tamle z lěhanki na zemju, rjenjej na njej pósćelemoj — a budu spać kaž kral!“

Spjach tež jako kral. A hnydom rano wunjese Anča słomnik na khódbu před durje, a čakachmój. Zwonjeť přińdže a ja w skoku přistupich k woknu, zo bych był ze swědkom teje procedury. Wóz přihrimota, Anča čěrješe ze słomnikom před dom.

„A hdybyšće mi dawali zloty, ja wam to na wóz njewozmu — ja njesměm, mam zakaz!“ zawoła pohonč a praskny do konjow.

Anča čehnješe słomnik zaso domoj.

„To je hižo hlúpe!“ praju.

„Je to hlúpe,“ wobkrućeše Anča.

„Tak so tola k něčemu mějće — mój Božo ně! woprašejće so něhdže, što činja druzy ludžo!“

Anča leći. Něhdy za hodžinu zaso přileći. „Zo je pječa najlěpje to spalić w kachlach.“

„Nó widziće — zo smój na to njeprišťoj! Potajkim palće! A wěće što? Džiće so po domje tróšku prašeć, njebudža-li něhdže buchty pjec a njeprēja-li sej, kaž so słuša, podpalić trubjel? Abo rozpyrić něsć, rozumniće?“

Anča hižo zaso leći. A potom njese wotmołwu, zo pječa nihdže njebudža pjec buchtow, a zo sej nihdže njeprēja podpalić trubjel. Ale wona ale dyrbi nětko hižo na wiki a zo sej z tym palenjom tež nětko njemůže hrajkać, hakle wječor. A zo by čłowjek potom na stajnosći při tom sedzał. — Nu derje!

Nadeńdže wječor a bě po wječeri. Anča započa čahać słomu, džělać wěhće a storkać je do něsće. Ja so sydzech do jstwy k pisanskemu blidu a posłuchach, kak to z kuchinje do wuhjenja rjenje čehnje a hući. Spokojom kurjach swoju wiržinku — ja mam tele hućenje we wuhanju smjerc rad!

Nahły hołkot před domom. Wonka čłowjeske hłasy, potom zazwonjenje. Wuskoču a posłucham do khódby, što tež to so tam stawa. Zo pječa pola nas lěta woheń z wuhjenja a lěta hač na třecu třechu.

„Slódky Božo, Anča — přestańće palić! W skoku z tym słomnikom něhdže do jstwy, a přińdu-li k nam, činće, jako byšće njewědźala ani toho najmjeńšeho. Su kachle rozpalene?“

„Hdže tež to — wot tych por wěhćow — skoro zymne!“

Njejsu přišli — Bohu džakowano! Woheń přesta po třechach lětać a ludžo na wulicy so po něčim rozeńdžechu.

Rozmjerzany pachach kur do wjěrcha. A tójšto rozmjerzaniši lehnych so potom zaso na zemju.

Wězo scěhowace rano mje zaso wokřewi. Wuńdzech sej hnydom won, zo bych za tym slědził, kak wotbyć njeprějomy słomnik. Prašach so policajskeho stražnika, prašach so zjawneho poslužnika, prašach so wšěch znatych knježničkow.

Stražnik salutowaše: „To ja njewěm.“ Poslužnik zejma čapku: „Prošu, to njewěm.“ Knježnički prajachu jedna kaž druha: „Haj, z tajkimi wěčkami je to čěžka wěc!“

„Holca, holca,“ praju Anči zaso doma, „to budže wobuza! — Ale što, takle to tola njewostajimoj! Wustojiće so na džěłanje

duťkow — nic? nó, ja was nawuču, pójće!“ A džětachmoj dutki a tykachmoj do nich słomu. A hdyž jich hižo běše šikowana hromada, natykach sej jich něšto do kapsow, džěch so zaso překhodzować a truśach dutki, hdžežkuli khodžach. Samsneho dnja pobych hišće šěsćkróc na překhodzowancy; nazajtra pak dwanaćekróc.

Činjach tole tak štyri dny, a potom so pokaza, zo smój ze słomnika wuprózdnił hakle mały kóněk. A wuličich, zo bych dyrbjał něhdze hišće sydom mėsacow takle khodzić.

Zawěšće njetrjebam prajić, zo běch hižo skhorjeł. Na ničo druheho njemyslach. We hłowje mějach hižo samu słomu a před woćomaj tež słomu. Tamle w tym kuće jstwy stojachu tři woklepje, tamle w tym kuće mój wbohi słomnik, a tamle zas ta dołha podložka z lěhanki — hdže — hdže wobroćić woči!? A když so w nocy na zemju lěhach, klějach a swarjach, zo bě to woprawdže skoro do šije hańba. Njepisach skoro ničo, stawach rano hižo před skhadženjom sólónca a lečach hnydom zaso so překhodzować.

Při jednej tej překhodzowancy so potajkim sta, zo so dohladach na wulicy runje tych karanow, bańkow a pónojow, na kotrež je so wótre wóčko čitarjowe wězo hnydom na započatku tutoho nastawka dohladało.

Z tymi karanami, bańkami a pónojemi wšak ma so wěcka takle: kóždy Pražan smě měc někajki karan, po připadze bańku, a tež pónoj — w tym so njenamaka poroka a na to njeje khostanje. Ale druhdy so stawa, zo so karan n. př. rozbije — a nětko to započnje! Hdže z nim!? Čisnješ-li jón na dwór, přinući će domownik, zo by sej jón wzał zaso rjenje wróco. Čisnješ-li jón na wulicu, zebjerje će stražnik. Čisnješ-li jón smjećeřeje na wóz, smjećeř či jón čisnje dele. Njewozmje jón ani za najlěpše přepiće, ma kruty zakaz. — Derje. Wozmješ potajkim karan w nocy, wuńdzeš na wulicu a stajiš jón njewobkedžbowany — nó hdžežkuli so či wuzda. A nazajtra zebjerje jón smjećeř rjenje z wulicy, tež bjez přepića, a je derje.

Tu zajě do mnje hanibna myslička! Kak dha by było, hdy bychmoj tež mój, potajkim ja a Anča, w nocy hrabnyłoj słomnik a donjestoj jón tamle za rózku a słomu wusypałoj!? Bjez dwěla njerjana — njeporjadna myslička a k tomu hišće přećiwo zakonjej — ale přiznawam so: mni so lubješe. Ach, čłowjek bywa tak snadno špatny! Wězo — ja změju njezbožo. Zrazom, Bóh wě zwotkel, budže tu stać patróla. Budže cheyć, zo bych tu słomu zaso zebrał. Ja so budu wobarać, zworam naposlědk někajki řečany njeskutk, zebjeru

mje, wotwjedu — zrazom budže po mojej dotalnej stačanskej bjez-poročnosći — ale to je mi hižo wšitko wšo jedne — ja —

„Miłosćiwy knježe — miłosćiwy knježe“ — přihna so zrazom Anča do jstwy — „ja 'žno wěm, hdže z tej słomu! Mlokačka — ta, kotraž kóždy džen tamle z wozykom stoi — pječa ju rada bjerje, trjeba stanjo doma do khlěwa! Jutře jej to damy!“

„Ale je to tež wěste?“

„Wěste!“

Što mam hišće wjacy powědać!? Spjach tu nóc derje. A nazajtra rano njesechmoj potajkim ja a Anča słomnik k mlokačcy, hdyž běše so Anča wězo hišće najprjedy woprašala, hač naš dar tež woprawdže přiwozmje.

Bě to krasny wokomik! Hdyž mlokačka nam podawaše wróćo prózdny měch, předoby mje čuće džakownosće tak, zo wokošich mlokačcy ruku, wobjach wutrobnje jeje rjebłaka a kročach ze sylzajtymaj wóčkomaj domoj.

A doma hrabnychmoj čerstwu słomu a tykachmoj potajkim znova. A hdyž bě słomnik hižo skoro poľny, hrabnych Anču, započach hwizdać: „Na tej łucy zelenej“ a rejowachmoj hromadže wokoło słomnika susodsku, hač so namaj poča wjerćeć hlowa.

To je ta cyła historija, tak kaž je so stała a kaž ju powědam. Je pěčna a časowa; sym z njej spokojom, kónču.

Jan Neruda, „Drobné klepy (kleski)“. Z českeho přel. J. Wícz.

132.

Ptači kwas.

Džens je sroka zwěrowana	• Mužny kraholec kwasny řěznik,
Z nawoženjom hawronom.	Bačon šwarny tóčka je.
Hosći wjele, znatych, cuzych	Kurotej pak pilnje wari,
Srokec widži kwasny dom.	Wustoji so na jědže.
Haj, braška kapon wyska tam:	Haj, štož w čřjopow namaza,
Witajće wšě hosćo k nam.	Zwopłokuje škrěkawa.

Nawoženi slónči vróna,	Po wobjedže du na reje,
Sowa slónči njewjesće.	Hercy mójnje džěłaju:
Carž a škórc staj pyšnaj swataj,	Łastojčka na husle hraje,
Šěsć tych čestnych družkow je:	Škowrončk duje pišćalku,
Haj, žołma, skulej, kabija,	Haj, z kózłom hlejće kralika,
Kawka, drózna, šćihlica.	Na lik trubi pocpula.

Čorný kós, tón paleňčk srěba,
Hač so pjany wobkuli.
Trasłaka wón tež je zawjedł,
Łysakej so pisani:
Haj, hněwna swari čapula,
To b'dže strašna wadžeńca.

Šěračk šěru plišku mórnje,
Kibit storči tonušku,
Sykorku sknadź žolty klesnje,
Ročk tón hrabnje za zybu.
Haj srokopjel měř z mječom chce.
Bakut pak jom' wutorhnje.

Po ludowym spěwje.

Hupak na škrjeńca so hórši,
Zo joh' hani smjerdžaka.
Zo by njedošlo do pukow,
Kok'la skóržbu sudzić ma.
Haj kokula bjez swědjomja
Zasudži tam hupaka.

Nowy wrjeskot, hercy płača.
Zo jim čekuje zaslužba.
Čichi mihał syłobika
Skubny, a tón zaspěwa.
Haj, na to zasta rozkora:
Nasta krasna jednota.

Khwatajće, ale spěwajće! 1910.

133.

Biskup Myriel.

Lěta 1815 běše jeho Miłosć Charles-François-Bienvenu Myriel z biskopom w D.

Jónu záklepa něchtó na durje biskopoweho domu.

„Dale!“ zawoła biskop.

Durje so nahle šěroko wotewrěchu, kaž by je ze wšej mocu wurazył.

Zastupi čłowjek, sčini kročel doprědka a wosta stojo, njezawrěwši za sobu duri. Na khribjeće měješe wačok, w rukomaj dzeržeše kij. Jeho wobličo běše khrobłe, hněwiwe, mučne a hrube. Woheń z wohnišća na jeho swěćeše.

Biskop hladaše změrom na přikhadnika. Runje wotwěraše ert, cheyjo so woprašec, čeho sej přeje, hdyž so přikhadnik z woběmaj rukomaj zeprě wo kij, přeměri starca z wočomaj a rjekny:

„Tak. Mjenuju so Jean Valjean. Sym khostanc. Džewjatnaće lět pobych na wjeslicach. Před štyrjomi dnjemi su mje pušćili a nětko du do Pontarlier, tam su mje pósłali. Štyri dny du z Toulona. Džensa sym wušoł štyri mile. Tu w korčmje su mje wuhnali, dokelž mam žolty pas. Džěch do druheho hosćenca, ani tam mje njejsu wostajili. „Póraj so!“ praja. Džěch do jastwa, dohladnik njeje mje tam pušćil. Džěch do psyčeje budki, pós je mje kusnył a wuhnał, jako by był čłowjek, jako by tež wón był zhonił, što sym. Cheych přenocować na polu, ale je éma, — pomyslich sej, —

přiňdže so deščika, wrócih so do města, zo bych so stulił něhdže při wrotach. Hižom hotowach so lehnýc na kamjeńtnu ławku, tu mi pokaza někajka stara žona waše durje prajo: „Zaklepaj tudy!“ Tuž zaklepach. „Što je tu pola was? Korčma? Mam 109 frankow, štož sym sej w jastwje zasłužił. Zapłaću. Pjenjezy mam. Sym mučny, však sym wušoł štyri mile, a sym hlódny. Móžu tu wostać?“

„Knjeni Magloiorowa,“ praješe biskop swojej hospozy, „přinjesće sem hišće jednu jědznu připrawu!“

Pučowař sćini tři kročele dopředka a bližeše so lampje, stojacej na blidze.

„Posłuchajće,“ rjekny, kaž by derje rozkazej njezrozumil, „sće slyšał, zo sym khostanc? Přikhadžam runy puć z khostańnje,“ wučeže z kapsy žoltu lisćinu a rozewri ju.

„Tu je mój pas. Žolty — widziće? Jehodla su mje wšudže wuhnali. Chceće, přečítajće sej jón? Wustuju so na čitanje, sym to nawuknył w klódže. Tam je šula za toho, kiž chce wuknyć. Pohladajće, što je tu napisane: „Jean Valjean, na swobodu pušćeny khostanc, narodženy . . .“ to was njezajima. Pobych 19 lět w khostańni. Pječ lět za rubježne padušstwo; štyrnaće za štyri pospyty w čeknjenje. Jara strašny.“ Wšitecy mje tu wuhonjeja; a wy mje sem pušćiće? A njeje pola was konjenc?“

„Knjeni Magloiorowa, dajće čiste šaty na łožo do spańnje!“ Knjeni Magloiorowa woteńdže rozkaz wukonjeć. Biskup wobroći so k hosćej.

„Sydnće a wohrějće so, luby knježe. Budžemoj hnydom wječerjeć. Mjeztym zo wječerjamoj, wam připrawja łožo.“

Pučowař bě widžomnje wopřimnył. Wuraz jeho wobliča, dotal rozmjerzany a hruby, přeměni so do wuraza dźiwaceho so, njedowěriwego, radostneho, a wón započa jakotać kaž čłowjek, kiž je přišoł ze swojeje měry.

„Što? Hlejeć! Mam potajkim wostać? Njewuhonjeće mje! Khostanca! Rěkaće mi „luby knježe“. Wykaće mi, njetykaće! Njeprajće: „Póraj so, pso!“ kaž mi bych prajili wšitecy. Wočakowach, zo mje wustorčiće. Tohodla sym wam hnydom rjekł, što sym do čłowjeka. A wy mi kazaće k wječeri a dawaće mi łožo ze šatami, kak, to by khort! 19 lět njejsym spał we łožu! Sće to dušni ludžo! Dowolće, knjez korčmař, kak so mjenujeće? — Zapłaću, njech sej žadaće štožkuli. Sće dobry čłowjek. Sće tola hosćeńcař?“

„Sym duchowny,“ wotmołwi biskop. — „Duchowny!“ znapřećiwi khostanc. „Woprawdže duchowny tuteje wulkeje cyrkwyje? Hdže sym to měł woći, zo sym so njedohladał wašeje čapki.“

Po tutych słowach położy do kuta wačok a kij, zastorči lisćinu do kapsy a sydney so. Mjez tym zo rěčeše, stany biskop a zawrě durje, kotrež běchu wostałe wotewřene. Knjeni Magloirowa so wróci. Bě přinjesła hišće jednu jědźnu připrawu a położy ju na blido.

„Knjeni Magloirowa,“ praješe biskop, położyće jědźnu připrawu bliže k wohnjej a wobroćejo so k hosćej doda: „Nócný wětrik je w Alpach zymny. Zawěšće sće přemjerznył, knježe?“

Hdyžkuli wupraji słowo „knježe“ ze swojim khutnym měrnym hłosom, rozjasni so z radosću khostancowe wobličo. Khostancej rjec „knježe“ je samsne, kaž lačnemu podač škleńcu wody. Poniženje lačni za česćownosću.

„Ta lampa ma njejasne płomjo,“ připomni biskop. Knjeni Magloirowa zrozumi a woteńdže do biskopoweje spańnje po slěbornaj swěčnikaj, kotrejž přinjese ze swěćacymi so swěčkami a staji jej na blido. Wědžeše, zo to měješe biskop rad, zo so zaswěćichu, když su pola njeho hosćo.

„Sće dobra duša,“ praješe khostanc, „njezacpiwaće mje. Sće mje wostajił pola sebje. Njejsym wam zatajił, zwolkel přikhadžam a štó sym.“

Biskop wza khostanca přećelniwje za ruku: „Njebě wam trjeba mi rjec, štó sće. Tutón dom njeje mój, ale boží. Tute durje njeprašuju so přikhadžaceho, ma-li někajke mjeno, ale ma-li někajke horjo. Wy ćerpiće, čwiluje was hlód a lačnosť, witajće, zastupće. Njepřijimam was pola sebje, tu je z knjezom tón, kiž trjeba wučeknišća. Wšitko, štož tu je, je vaše. Što trjebam wědžeć vaše mjeno. Prjedy dyžli sće rjekł swojo mjeno, hižo wědžach, kak mam wam rěkać.“

Hósc pohladny ze spodźiwanjom na njeho. „Woprawdže, wy sće wědžał, kak so mjenuju?“ — „Haj,“ wotmołwi biskop, „wědžach, zo was mjenuja mojeho bratra.“ — „Haj, běch hlódny, hdyž tudy zastupich,“ praješe hósc, „ale nad wami dyrbju so tak džiwać, zo sym samo na hlód zabył!“ Biskop pohladny na njeho a woprašo so: „Wjele sće ćerpiał?“

„Ach, ćerwjeny kabat, kula přiwjazana k nozy, deska město łoža, zyma, horcota, biće, dwoje puta za kóžde zpřećiwenje, klóda za słowo wotmołwy a rječazy tež we łožu, haj samo w khorowni. Psy, haj psy su zbožownišo! A to traješe 19 lět. Dži, budź žiwy ze žoltej lisćinu!“

„Haj,“ praješe biskop, „sće přišoł z městna žalosće. Ale słyšće, w njebiesach budže wjacý radosće nad zapłakanym wobličom pokutneho hrěšnika dyžli nad čistym wodžěwom sta sprawnych. Je-

lizo sće sej z tutoho městna čěrpenja přinjesl zlobu a hidu přećiwo ludžom, sće hódny sobučuća; jelizo pak sće sej přinjesl pokoru, měř a wotpušćenje, sće lěpši dyžli my wšitcy.“

Mjeztym přinjesa knjeni Magloirowa wječer. Biskopowe wobličo přija nagle wjesoły wuraz hospodliwego domjaceho knjeza. „Prošu, přisydně so,“ rjekny žiwje, kaž by hewak hosćom k blidu kazał. Biskop přečita modlitwu, potom nala poliwki. Hósć da so ze spěchom do jědze.

„Mni so zda, zo na blidže něčeho pobrachuje,“ rjekny zrazom biskop. Woprawdže, knjeni Magloirowa bě na blido runje te tři nuzne jědzne připrawy položila, mjeztym zo bě wašnje kłase na blido wšitke jědzne připrawy, hdyž wječerješe w domje něchtó cuzy. Knjeni Magloirowa porozumi naražcy, mjelčo wuńdže a za khwilku błyščachu so na blidže hižo wšitke jědzne připrawy, kotrež bě biskop žadał, symetriscey rozpołożene před kóždym, štož sedžeše za blidom.

Po wječeri wza biskop z blida jedyn ze slěborneju swěčnikow, poda druhi swojemu hosćej a rjekny: „Dowjedu was do wašeje jstwy.“

„Khostanc džěše za nim. Tu khwilu, hdyž džěštej přez spařuju, kładžeše knjeni Magloirowa slěbro do křinki na scěnje nad hłowu biskopowego łoža. Činješe to kóždzičkeho wječora, prjedy hač džěštaj spać. Biskop dowjedže hosća do jstwy, w kotrež bě čiste łožo pósłane, staji swěčnik na blidko a zdali so přejo jemu dobru nóc.

Hdyž bě na cyrkwinskej wěži druha hodžina wotbiła, wocući Jean Valjean. Bě jeho to wubudziło, zo bě łožo přemjehke. Njebě na khmanym łožu hižo dwaceći lět spał, a hačrunjež bě so w drasće lehnył, njeda jemu njezwučene začuće twjerdže wusnyć. Wjele wšelakorych mysličkow hraješe jemu we hłowje, a jedna so na stajnosći wróćeše a dobywaše nad druhimi: Bě widzał šěsć slěbornych jědznych připrawow a wulku lžicu do poliwki, kotrež bě knjeni Magloirowa na blido položila. Te jědzne připrawy njedawachu jemu měra. Ležachu tu, něšto kročeli wot njeho. Hdyž bě šoł přez spařnju, bě widzał, kak je kładžeše stara hospoza do křinki nad hłowu łoža. Je sej křinku derje spomjatkował. Bě na prawu ruku wot wukhóda z jědzeńje. Jědzne připrawy běchu masivne, ze stareho slěbra; hdyby je předał, by mohł wuwikować dwójcy telko, dyžli štož bě sej zasłužil w času swojeho džewjatnaćelětneho přebywanja w khostařni.

Cyłu hodžinu tak wosta w dwělach a w boju. Wotbichu tři hodžiny. Wotewrě woči, zběhny so na ložu. Rozčahny ruku a přimny na wačok, kotryž čisny do kuta jstwy, spuści nozy a sydny so. Wosta něšto mjenšinow khabłajo w tuteje posiciji, potom stany, hišće něšto mjenšinow wosta stojo bjez toho, zo by so rozsudził a nasłuchaše: w khěži bě cyle čicho. Potom tykny sej črije do kapsy, sčahny wačok z rjemjenjemi a wza jón na khribjet. Zatajejo dych a kedźbliwje stupajo, nastaji so k susodnej jstwě, kotraž bě biskopowa spařn'a. Durje běchu přizačinjene: biskop njebě jich ani za sobu zawrěł. Valjean sčahny sej čapku do čola a džěše spěšnje runy puč ke křincy, njehladajo na biskopa: Kluč tčeše w duričkach, wotamkny je. Přenja wěc, kotraž jemu do wočow padže, bě korbik ze slěbrom; wza jón, džěše z rychłej kročelu přeze jstwu, bjeze wšeje kedźbliwosc, a njeđiwažo na šum, kotryž z tym nastawaše, džěše k woknu. Hrabny swój kij, wuskoči z woknom, skhowa slěbro do wačoka, w skoku přeběža přez zahrodu, přelěze přez plót a skhowa so.

*

Nazajtra, při skhadženju slónčka, překhodžowaše so biskop po zahrodze. Knjeni Magloirowa přiběža rozhorjena k njemu.

„Biskopska Miłosć! Je čeknył a slěbro je nam wotnjest. Hlejće, tule je přelěž!“ Biskop stoješe khwilku číše, potom pozběhnywši zamyslenej woči rjekny změrom: „Předewšim je hišće prašenje, hač bě slěbro naše. Dawno sym je z njeprawom pola sebje khował: słuša khudym. A tón čłowjek je khudy.“

Po małej khwilcy džěše biskop snědać k samsnemu blidej, za kotrymž bě wječor před tym sedzał Jean Valjean. Runje stawaše wot blida, hdyž něchtó zaklepa na durje. „Dale,“ zawoła biskop. Durje so wotewrěchu. Tři mužowje dźeržachu za khornař štwórteho, štwórty — Jean Valjean.

Biskop přistupi k nim tak žiwje, kaž jemu dowoleše jeho pokročila staroba. „Ach, to sće wy!“ praješe, hladajo na Jeana Valjeana. „Jara mje wjeseli, zo was widžu. Słyšće, wšak sym wam tež dał swěčnikaj, stej slěbornaj, kaž wšo druge. Čehodla njejsće sej jej wzał z jedźnymi připrawami?“

Jean Valjean pozběhny woči a pohladny na biskopa z wurazom, kajkiž njemóže wuprajíc žadyn čłowjeski jazyk. „Tak je tón čłowjek prawdu rěčał, Waša Miłosć?“ woprašo so stražnik. „Zetkachmy jeho; zdaše so nam być kaž čeknjenc. Zadźeržachmy jeho, přehladachmy a namakachmy slěbro...“ „A wón je wam prajił,“ rěčeše biskop

z posměwkom, „zo je to jemu dał stary duchowny, kiž bě jemu nóclež poskičil? A wy sće jeho sem přiwjedli? To je njedorozumjenje.“ „Tuž můžemy jeho pušćić?“ „Wězo,“ wotmołwi biskop. Stražnicy puščichu Jeana Valjeana, kiž stupi něšto kročelow do zady. „Je to wěрно; zo su mje puščili?“ porěča z čicha, kaž řeča ludžo spicy. „Haj, sy swobodny, njejsy slyšal?“ rjekny jedyn ze stražnikow.

„Luby přecelo,“ wobroći so k njemu biskop, „prjedy hač woteńdžeće, wozmjete sej swojej swěčnikaj! Tu staj.“ Džěše k wohnišću, wza slěbornaj swěčnikaj a poda jej Jeanej Valjeanej. Jean Valjean třepotaše na cyłym čele. Mechanicy wza swěčnikaj a wšón zamotany zhladowaše na njeho. „Džiće w měru!“ rjekny jemu biskop. „A zo bych njezabył, luby přecelo, přińdžeće-li hišće ke mni, njeje trjeba khodźić ze zahrodu. Můžeće přecy přikhadžeć a wotkhadžeć z durjemi z wulicy. Zawěramy je wo dnjo a w nocy na klinku.“ Potom wobroći so k stražnikam a doda: „Knježa, móžeće hić.“

Stražnicy so zdalichu. Jean Valjean čuješe, zo je blizki womorje. Biskop k njemu přistupi a rjekny šeptajo: „Njezapominajće, njezapominajće nihdy swojeho sluba; dał sće słowo, zo wužijete tych pjenjow k tomu, zo byšće so stał z porjadnym čłowjekom.“ Jean Valjean njemóžo so dopomnić na žadne sluby spodžiwa so. Biskop wupraji tute słowa wosebje doraznje. Swjatočnje doda: Jeano Valjeano, mój bratře, wot nětka přestawaće slyšeć złu a překhadžeće do mocy dobra. Sym wašu dušu kupił. Wuhonjam z njeje ducha čmy a wotedawam ju Bohu.“

Victor Hugo. Z romana „Les misérables“ („Bědny“),
přel. J. Wićaz.

134.

Wječorne rudženje.

Słónco za horami lehnyć khwata,
Ptačik w lěsu sebi wusnył je:
Łysačk zaškrěča raz hišće z hata,
Hdže pak pokoj mój mi, hdže mi, hdže?

Z wěžow po kraju so swjatok zwoni,
W horach zwonow wothłós k měrej dže;
Do wsy do hródzow skót pastyr honi —
Hdže pak pokoj mój mi, hdže mi, hdže?

Hvězdy na njebu so pasu číše,
 Měsac baje jim a wodži je,
 Sony človjekam do myslow piše —
 Hdže pak pokoj můj mi, hdže mi, hdže?

Z woknom do hvězdneje nocy hladam;
 Njebo w miłym měrje módre kće —
 Z čežkej myslu na stoł skoržo padam;
 Hdže pak pokoj můj mi, hdže mi, hdže?

J. Čišinski, Z křídloŭ worjołskim.

135.

Swjatkowny wulět do Lubnjowskeje a Komorowskeje strony Delnjeje Łužicy.

Dokelž běch hižo někotre lěta wjacy w lubnych serbskich Błótach lubnjowskeje strony a w kadziwych wuhlowych podkópkach komorowskeje krajiny njepobył, doježdzech tam w krasnym swjatkownym času, zo bych tam w Błótach čerstweho serbskeho powětra a pola Komorowa wuhloweho kada so nasrěbał a wobhladał, kak so tam w Błótach serbska narodnosć bėdnje wo žiwjenje bėdži. Wobě stronje stej na nawječornych mjezach serbskeho krajika, a hižo wo 100 a wjacy lět so bėdžitej wo byće a njebyće.

W Lubnjowje a Błótach.

Lubnjow nabywa přeco bóle napohlad barlińskeho předměsta, a slyšiš tam tež přeco wjacy po barlińsku a židowsku so rozrěčować hač po prawoněmsku a serbsku. Hosćenc, do kotrehož załožich, měješe dospołnje barlińskeho kolorita a powětra. Piwo njeběše hubjene a jědź njeběše dobra, woboje pak po wulkoměšćansku seline drohe. K wječeri mi narěča hosćencar lubnjowsku delikatesu: błótowske mjeńki w kisałym sypotatym, kiž pak běchu tak suche, swižne a twjerde, zo mi w šiji třace wostawachu a zo dyrbjach něšto króć porskać, zo so njebych zadusyl, ale je zaso do šklički składł, z kotrejež běch je brał. Spał pak sym tam derje dosć, dokelž běše móšnička hišće poľna a tuž myslička spokojna.

Rańše stónčko zakłapa ze swěćatej pruhu do wokna a zawoła: Zaspanco, stań, stań, won do Błotow čahń! — Stanywši wupich rańši kofej, wobhladowach sebi městačko, wupytač row delnjoserbskeho basnika a poslednjeho lubnjowskeho serbskeho fararja Stempela, stupich do cyrkwy, zo bych tam pohladał na wobraz tutoho na-

šeho wótčince, postorčich knihárníka Bruchmanna, z našeje serbskeje wustajeńcy w Drježdžanach mi derje znateho. Tón mi slubi Stempelowy wobraz fotografować a nam poskićić, zo bychmy jón móhli we „Łužicy“ a „Slov. Přehladže“ swojim čitarjam pokazać. Tola tajke slubjenja su stajnje lóžše hač dopjelnjenja. Tak čakam a čakam nětko na tutón wobraz, kaž hižo čakam wob dwě léce a dzeń na fotografiju mi slubjenu: wobrazu limborskeho spisaćela, fararja Křescána Henniga we Wustrowje, sławného poľabskeho lexikografa († 1719), kiž we wustrowskej cyrkwi při woľtarju wisa: snano mje z woběmaj k lětušim hodom překwapja!

Zhoniwši, zo ma Lubnjow wot něšto lět přez prócowanje swójeho něčičišeho wysšeho fararja pěkný „blótowski musej“, dostupich tam, wobdźiwjujo jeho žadnostki, kotrychž běše přeco hižo dosć; najbóle mje zajimowachu serbske wěcy, kiž tam su, kaž rjane fotografije a wobrazy delnjoserbskich drastow, wosebje z blótowskich stron, někotre starše serbske knihi, wosebje 2 eksemplary Hauptmannowych spěwarskich „Lubnjowski sarski sambuch“.

Wokoło 10 hodź. k čołmarjam při lubnjowskim přistawje dostupiwiši, wotnajach sebi za 5 hriwnow z přilubjenjom jědže a pića na přidawk, wjesłowarja ze serbskim mjenom, skočich do jeho čołma a při krasnym wjedrje a njekrasnym kaňanju blótowskich kuntworow abo konturlicow, jědžechmoj z wjesolej, spokojnej myslu a w přecelnym „rozgranjaniu“ po „stšujach“, „groblich, cerach a groblicach“ nutř do Blótow, do lubyh mi wot młodosće — Blótow.

Džěd mojeho „pšewjadnika“ běše kruty serbski hospodař w Bórkowach był, jeho nana kisałe kórki do Lubnjowa zwabichu, wón rozumješe a rěčeše hišće serbski, jeho syn, mój čołmař, saha ze swojim „wjasłom“ za pjenjezy tak husto hač jeho žadaju, k ranju won k džědowskemu statokej w Bórkowach, njemóže pak hižo wjac — serbski. Wjezech so wot Lubnjowa po wšelakich groblach, wosebje po „Nowej rěcy“ (němski: Prinz - Wilhelm - Canal) a po Lěžanskej grobli, nimo lubnjowskich kupow, najprjedy na „Lědy“, do znatych „blótowskich Bjenatkow“. Tam, kaž bě mi znate, wot dawna „Serbstwo“ domřewa a — domřewaše woprawdže, wěje tam po cyłej šerokej wsy barliński duch, serbsku drastu su tam Serbowki hižo zwjetša wotpołožile a troja so po měsćansku, chcedža być knjenje, barlinařki, jazyk wjerći so jim po barlińsku. Dorosćeni pak rozumja zwjetša hišće serbski, někotři, kaž na př. wobsedźer najwosebnišeho lědžanskeho hosćenca z mjenom Rychtař,

40-lětný muž, a druzy -- řeča samo hišće serbski, nic se swojimi, ale z Bórkowčanami a druhimi Serbami, hdyž so z nimi zetkaju a tamni z nimi serbski započnu.

Tu pak zdaše so mi runje tak, kaž před 200 lěta w Limborčanach tehdy, hdyž wustrowski farař Kř. Hennig z prócu a la-tárnju Słowjana tam pytaše a stareho bura Janiška w Klenawje dosahnywši, z jeho wust swój němsko-połobski słownik zestaja, kotrehož original so w Zhorjelcu w knihowni towařstwa wědomosći khowa. A tu by runje mohł mjenowany hosćencař Rychtař, wob-honity muž, lědzansku króniku zestajeć kaž to tam pola Limborčanow w lětach 1724 a 25 činjaše — hišće džensa sławjeny Jan Parum Šořta z wjeski Žićina (n. Süten). Ale naši burja wšak pytaju swoju sławu na — druhim polu! —

Z Lěd po „Wóřšowskej cerje“ při miłym wjesěłym spěwanju syľobikow a druhich přecelow — ptačatkow dale wjesłowachmoj na „Wóřšowsku“, štož běše prjedy hajnikownja w lubnjowskim měščanskim „Błótu“, nětko pak je wobšěrna a wosobna błótowska restauracija; jeje wobsedźer je Bělašć; kiž prjedy z kórkami w Lub-njowje wikowaše; bě tam hižo radna črjódka ludźi, a ředne serbske žowčo nam poslužowaše, Mariana Kórjeńkoje z Bórkow. Hdyž běch tu powobjedował — so wě, zo sebi tež šćuku skazach z błótowskim wóřmužom — prajach zapłaćiwši Marianje po delnjoľužiskim wašnjju „hadchej“, (t. r. à Dieu!) a wona mi na to „Bóžemje“, a ja jědźech dale nutř do błótowskich wyššich a nižšich wóřšow po někajkej přěčnej „cerje“ do „Mutnicy“ a dale po „Palencowej grobli“ do „Kralowskich Błótow“, zetkawši tři čołmy, poľne nakładźene ze sylnym wóřšowym drjewom, kotrež běchu barlińscy koľodźejo pokupili.

We wodźe widźach tam a sem kćějace te rjane běte błótowske „wutki“ a w ľěsu při wodźe we wysokej trawje srjedź třćiny swižne žoľte wódně lilije, wokoľo čołma šuskachu rybički, wosebje „kukleje“ podobne našim šližam, pica nic za ludźi, ale za wjetše ryby, za šćuki — tola wone přeco w prawym času před čołmom čekachu, tak zo řadneje njewobhladach, byrnjež wudźeraľwoči wjetše, hač nopaški. Suwajo so po „Abramecy“, wuzkej grobli, a potom po někajkej šěršej „cerje“, při kotrejež kóncu leži kralowska hajnikownja z němskim mjenom „Schützenhaus“, kiž je tež z doľom restauracija, přijědźech skóńčnje na znaty „Kanowy młyn“, hdźež poswaćich pod rjanej štominu pomazku z plecom a z karančkom piwa, a mój towařš-čołmař nic mjenje.

Kanowy młyn leži wosrjedz najrjenšeje wólšiny cyłych Błótow, služaceje do kralowskeho lěsa a dosahaceje hač k hajnikowni pod „Dubom“; posledniša běše prjedy zakryta w čišinje najkrasnišeje dubiny, nětko pak tam wokoło njeje jenož hišće 4—5 sylnych dubow stoji. Kanowy młyn pak njeje wjacý młyn, ale kaž „Dub“, kralowska hajnikownja z restauraciju — młyn bu poku-pjeny wot knježerstwa a do hajnikownje přestworjeny.

Wotpočnywši a wokřewiwszy so, jědzeh na lipjansku stronu po někotrych mjeńšich runych cerach bjez mjena; přez wysoku čěmnu wólšinu, wobaracu horcemu slóncu a přińdzeh přez „Wisćanku“, wotležanu a maľohdy wobjězdženu groblu zaso na „Mutnicu“ a „Lěžansku groblu“ nimo lubnjowskeho měščanskeho lěsa a lukow, poľnych wysokeje trawy a wobhladaŵši z daloka zaso „Wóťšowsku“, k wječeri znowa zaľožich do Rychtarjec hosćenca abo hotela na Lědach; je to woprawdže po měščansku zarjadowany wosebny etablissement ze salomaj, wulkim a maľym.

Wulki je z wobrazami sakskich kurwjerchow pyšeny a maľy ma scěny wobwěšane ze wšelakimi mjenšimi a wětšimi wolijowymi wobrazami barlińskich molerjow, kotřiž tam pódla we wosebitej, wot Rychtarja za nich natwarjenej rjanej khěži bydla a při tym z wjetša sceny Błótow a Błóťowskeho žiwjenja wobrazuja. W njej je 25 jstwow za molerjow a tež druhich, z poľnej pensiju za 4—5 hr. wob džeń; jara tunje a dobre přebywanje! Jědz je wubjerna.

Wšitko sebi wobhladaŵši a powječerjaŵši, so po lěžanskej grobli a Górzešowje, z kotrejež je pěkný hród hrabjow z Lynař derje widžec, a po kotrejež wjele drjewa so pławješe k hrabinskemu řezakej — zašo do Lubnjowa wróćichmoj; při tym ja hišće wobhladach a sebi wobhladach wšitke mnohe, a z wjetša jenajke blóťowske čolmy, kotrež w Lubnjowskim přistawje abo jězdźidle stojachu. Tute čolmy w lubnjowje wěsty Franc Lubchol, a na Lědach třo burja džěľaju, a wob lěto raz, a to srjedu w póstnicach wiki bywaju z nowymi a starými čolmami w Lubnjowje.

W Komorowje a Kóšynje.

Nazajtra z Lubnjowa nimo Kalawy jěducy a dopomniwši so na wćipneho kalawskeho hosćencarja z lěta 1878, kiž tehdy wšudže za mnu a mojim towařšom khodžeše, zo by zhoniľ, hač chcemoj kalawske škořnje abo što druge kupować, dojědzeh prosto do Komorowa abo, kaž lud pola nas praji, do Zľeho Komorowa. Čehodla su jemu naši prjedownicy narjekli „zľemu“, njewěm; hdyž ja tam

bywach w mlódšich lětach, ženje njejsym pytnyť, zo by byť zły, nawopak, rad wopytowach tam přeco staruškeho swěrneho wótčinca, kapłana Kózlika, poslednjeho serbskeho duchowneho w Komorowje. Džensa wězo, po tym zo je w měsće a po wokolnosći twornjow narostło kaž hribow, brunicowych podkopkow daloko a šěroko, jama so wuryła při jamje — by so Komorow skorje zły hodžať mjenować; wjele cuzeho džěławeho ludu je so tam načahnyło, a njerědko stawaju so tam bića a kałanja. A serbska narodnosć je tam tež skoro hižo zabita a zadušena.

W hosćencu pak, do kotrehož běch zastupiť, zo bych tam džen a noć wostať, běše wulka kordija. Wjele wobsedźerjow twornjow a podkopkow, wjele kupcow a překupcow z daloka, kotrymž wšitkim bohatstwo z wočow a porstow hladaše, měješe tam někajki zjězd.

Dziwach so, kak je so tuto měrne ratařske městačko, kajkež běše hišće za čas stareju Libuše a Kózlika, tak ruče dospołnje přeměniť. Je tam w twornjach a podkopkach tež wjele pólskich džěłaćerjow, a za nimi su někotři pólscy rjemjeslnicy, překupcy a korčmarjo přičahnyli. Při torhojšću w najwjětšich nowych klamach widžach pólske napisma, w jednym woknu: ubrania dla robotników, a w druhim: polska usługa, a wyše duri: Kubaczek. Tola tež dwaj židaj mataj pólske napisma, a wot pólskich džěłaćerjow najbóle wopytana je korčma Polaka z mjenom: Szwejda. Wězo staj tež katolski duchowny a katolki wučer pólskeje řeče swědomaj, štož pak je tež cyle nuzne, hewak tam swoje přislušnosće njebyštaj móhľoj dopjelnić.

Tak tu mócnje w cytej wokolnosći pólskeho ludu a pólskeje řeče přibywa. Přetož přeco wjacj pilnych džěłaćerjow trjebaju mnohe te jamy, huty a twornje do koła wokoło města; wot Němješka přez Kóšynů a Kóšynku do Żarnowa a Sedlišća, wot Sedlišća přez Rań do Murjowa a Wórlicy, a we wsach znutřkach tutoho koła runje wopisaneho — a pilni a tuni džěłaćerjo Polacy su.

Woni so tež swojeje narodnosće, maćernej řeče a cyrkwy kruće dźerža; ze Serbami pak nimaju wobkhada ani zwiska; tu z burstwom Serbstwo mócnje woteběra a hinje. Wšak su twornje za Serbstwo kaž za burstwo mohľ rjec jěd, kotrehož njeznjesetej ani to ani wono. Najlěpje šo serbska narodnosć a řeč dźerži w Bukojnje a w Kóšynje, dokelž su tam z džěla hišće zamožići burja... Su drje tež hišće we Wjescy, Komorowskim předměstu, we Wórlicy a druhdže čisto serbske swójby, hdžež so domach samo z džěćimi

serbski řeči, ale přeco lěta a mjenje jich bywa... Wulećach džě sebi z Komorowa někotry króc na wsy, wosebje do Bukojny a Kóšyny, Žarnowa a Rowneho, hdžež je pilny, němski wučer ze serbskim mjenom Pawlica, kiž wobšěrně němsku króniku města Komorowa a wokolnosće piše; 14 zešiwkow je hižo wudał.

E. Muka, Lužica 1903.

136.

Hola.

Hdyž chce nas zyma spóžerać,	O hola, zymy skludźerka,
Hdyž wějo émi so w polu:	Štó njewě, kak nam služiš?
Štó lěsa khwalbu njespěwać,	Přez wopor twojoh' bohatstwa.
Štó chcył mi zacyć holu?	Najhórkšu zymu stužiš;
Stup, towaršo mój předuty,	Hdyž khwatajo do ćoplej
Do jstwički ćišišeje,	jstwy
Do stołpatej' pój drjewiny,	Połmódri huhotamy:
Hdyž w polu wuček njeje.	Dha wěmy, što éi dołžimy.
	A što na tebi mamy.

Dha hordž so w włóskach zelenych,
 Kiž twoje džěći pyša;
 Hordž so do časow šedźiwych,
 A kaž ée sněhi tyša

Twój njewjestny wěnc njezblědne,
 Hdyž lěta khód sn minje,
 Hdyž wo krónu haj žaruje
 A krasnosć łukow zhinje!

H. Zejleř, Zhrom. spisy II.

137.

Běžina Łuka.

Běše krasny julijski dzeń, jedyn z tych dnjow, kotrež jenož tehdy bywaju, hdyž je so wjedro dołho wobstajniło. Z najzažnišeho ranja je njebjó jasne; raniše zerja so njepyrja kaž woheń: rozliwaju so z cunim rumjencom. Slóncó — njewohniwe, njerozžehlene kaž w času žahaceje suchoty, njeblukobahorowe kaž před wichorami a njewjedrami, ale swětle a přecelnje blyščate, — měrnje płowa pod wuzkej a dołhej mróćalku, čerstwje so přeswětla a ponórja do jeje lilijoweje młhy. Hornja ćeńka kroma rozčehnjenje mróćalki

zabłyskuje z hadźikami; jich błyšč podobja so błyšćej kowaneho slěbora. Ale hlej! zaso linychu so hrajaće pruhi, — a wjesele, wulkotnje kaž lečo, pozběhnje so móčne swěćadło. Wokoło připołdnja wozjewja so z wjetša mnohosć kulojtych, wysokich mróčelow, złoćiwosěrych, z něžnymi běłymi kromami. Podobnje kupam, rozmjetanym po bjezkónčnje so rozlatej rěcy, je wobběhowacej z hlubokopřehladnymi rukawami runeje módriny, so wone skoro z městna njehibaju; dale k wobzorej wone spławaju, so hromadu ćišća, módriny mjez nimi hižo wjacj widžeć njeje; ale wone su tež tak lazurne kaž njebo: su wšě přecehnjene ze swětłom a ćopłotu. Barba wobzora, lohka, blědzelirowa, so cyły dzeń njezměnja a je koło wokoło jenajka; nihdže so njećěmnja a njewjedro so njesćahnje; lědma so něhdže z horka dele módrojte smuhi ćahaju: — to skoro njepytnjomny dešč saje. K wječoru zhubjeju so tele mróče; poslednje z nich čornojte, njewobmjezowane, kaž dym, lěhaju so w růzowych kupkach z napřeca khowaceho so slónca, na městnje, hdžež je so wono ponóriło tak spokojnje, kaž bě so spokojnje na njebo zběhnyło, stoi krótki čas čerwjene swětło nad počěmnjenej zemju, a něžnje mikotajo, kaž wobhladnje njesena swěca, so wječornička na nim zažehla. Na tajkich dnjach su wšě barby zmjeħčene, swětle, ale njekałate, na wšěm leži wotbłyšč někajkeje hnujaceje cunjoty. Na tajkich dnjach bywa druhdy horecota jara sylna, haj druhdy so samo „pari“ na spadach polow, ale wětr nakopjenu žahłotu rozhonja, roznoša a wichorywjerće — njedwělnje znamjo wobstajneho wjedra — ćahaju z wysokimi stołpami po drohach přez rolu. W suchim a čistym powětrje wonja po połonje, syčenej růžcy, hejduši; ani hodžinu do połnocy so žaneje wložnoty nječuje. Tajke wjedro přeje sebi ratař za žně.

Runje na tajkim dnju honjach raz za ćećorami w čerńskim wokrjesu tulskeje gubernije. Nadeńdžech a natřělach dosć džiwiny; napjelnyjeny waćok mi njesmilnje ramjo režaše; ale hižo běchu wječorne zerja pohasće a w powětrje hišće swětłym, hać runje wot pruhow skhowawšeho so slónca wjacj njerozjasnjenym, poča so zymny scěň scáhować a rozliwać, jako skónčnje wobzamknych so domoj wróćić.

Iwan Turgenjew. Ze „Zapiskow hońtwjerja přeložil Jan B. Pjech.

138.

Jěra staroba.

Je na dnju swjateje Genovefy.

Wichoraty dzeń. — Njemdra, bojazna běše to nóc; z mócnym dychom hwizdachu hać do ranja połnocne wětry a přez wumoco-

wany kraj waleju so stajnje hišće nowe a nowe sněhowe žołmiska z bělej ćmu kryjo struchły džeń. Do wysokosće murjow kopja so wějeńcy, nahe štomy stonaju, pod howrjenjom třepota w dolinje so tulata wjeska. —

Připołdnju so mróčełe roztorhachu, sněh přesta padać, ale wětr howri dale, z třěchow so wěje we wysokich trubjelach sypotaty sněhowy proch.

Štóz njetrjeba, z khěže njestupi — a štóz wuńdže, khwata spěšnje zaso pod třěchu.

Džěći měrja ducy ze šule nawěty sněh. Tu zawali so tutón do zymneho pjerja, tamón wotřase so kaž mokry pos a storčiwši zmjerzłej rucy hłuboko do zaka, spěcha wokoło zahrodneho płotu po wuzkich, hłuboko zawětych šćežkach domoj. Jenož hłowy drobnych jich postavow su widžeć, kak spěchajo dyrkotaju nad smuhami wysokich nasypow; tak wysoko kopja so sepje wusypanego sněha.

Burja njepušća drjewjane łopače ani z rukow — zawěte šćežki wusypuja wob džeń wjacj króc.

Čežcy wleča so po wjesnej drózy knježske wozy. Kolesa skiwlo kwiča, zarywajo so hač do wóskow do bětych sněhowych sepjow. Konje wjerća njeměrnje ze zawětymaj wušomaj a wobkusuja polodžene wojo. Mróz wěša so jim na nós a mikawče a cyłe čěło zda kaž so z wapnom polate.

A zaso třepota z hustym, wěčnym sněhom powětr. Pod bělej jeho čězu zhibuja so třěchi, pikota kryw; z hrabjemi wothrabuja běle poslešćo, zo njeby tak tłóčiło.

Za wjesku wšo běte, wšudže běte, na hórkach a w dolinje, kólowokoło šěroko daleko ta bjezkónčna njepřewidžomna, woko slepiaca swětła dalina.

Kehelate kopcy lišća so z bělymi žołmami k zniženemu njeby, so wijace hłuboke puće so zhubjeju, doły su pomjeńšene, zwyšene su hórki — sněhi rostu do njeby. Štomy płowaju hižo jeno kaž kulojte keřčki ze swojimi krónami w bjezkónčnym powodženju sněha; nihdže zwuka, nihdže žiwjenja — wšudže, wšudže jenož ta błyskotata mnohosć bětych čěličkow kaž z křudom šwihanych z praskacymi zwukami orkana.

Tež hawrony a wutrajne wróny su wopušćile přjedy lubu, džensa tak struchłu, za žiwjenjom jim łakatu zymsku přrodu. Ze sylnymaj křidlomaj bědža podarmo ze zasakłymi napadami wětra a wujachlene, wuskrjudžene měrja so w nakłonjenym, motatym

lětu do čišiny dworow; tam rozražuja wuhłódnjene z njemdrym pyskom zmjerzłe konjace hruzliki.

Wokna khěžkow hladaju kaž wobělene slepje do zymy; jenož kudźerjawy dym nad zawětymi třěchami wudychuje pod krywom drěmace žiwjenje.

Polu hatka sedža, bjez zmysła za wšo to, husy. Zaspane stoja na jednej, do sněha zarytej nozy, a pysk skrywši pod pjerjo, spłuwaju z posněženej zemju do sameje, lědma rozeznamneje běliny — Nastawa ćmička.

Po zawětej šćežcy so napinajo čercha k hatej do rubišćow zababjena stara Rybakowa.

„Hdže chceće, četa?“ zawoła na nju Błažec kmótr.

Stróžiwši so storhny so ze swójeho čerchateho hića a swóich čezkich mysli.

„Sym pola zwónka pobyła a nětko hladam za husymi.“

Suchi, torhaty kašel přetorhny jeje řeč.

„Byšće so wupoćić měła; kašlujeće.“

„Ale hdže tež to bych so wupoćila? W tej lódzymnej komorje?“

Błažec kmótr mikny z wokom a wuhlada na zmoršćenymaj licomaj hišće so blyšćate slědy sylzow.

„Plakaće.“

„Ale što, plakam? Jenož to žiwjenje doplakuju. Njeje dnja, njeje hodžiny, ani nocy, zo njebych plakała. Tajke njejsym sebi swoje stare lěta myslila“ — zdychny staruška a bjezmócnje suny ze suchej, woť drjenja sčehnjeney ruku wo suknju. „Dwěmaj knjezomaj je čezko služić. Njejsym doma ani pola Khrystofa, ani pola Rybakec. Tam spju, tam jěm, a džělać dyrbyu tam a tež tam. Što so našmjatam a naslužu za tón cyły luby džeń. Hdyž sym młoda byla, to wšak njejsym tak wustawała, kaž to nětko wustawam. A lědom so sydnu, mje hižo zaso do něčeho čěrja — — Zlě so mam mój luby Mikławšo, zlě — —“, wutřě sebi staruška ze swojimi małymi kósćikami swojej woći. „Njech za husymi hladać du! A nětkle! W tutym sněhu — za husymi hladać. Tři džěci maju, strowe kaž ryby, a mje staru šmjatawu wowku sćelu po husy — — — A w tajkimle wjedrje! — — — Hihhihi! Haj wo nju so njestaraju, — jenož sedža a w ćopłym zhódawaju, kotra ma rjeńšu suknju! Ha — ha! Božo na njebiesach, hdy budže to jenož ke kónce, hdy budže to tomu kónce? Ha — ha — ha pytať je! Husy, husy — haj! To maju rady! Hdyž jenož njebych trjebała w tym sněhu tak łazyć — — Haj, wšak haj! Nó, tak božemje, Mikławšo! — — —“

Štaruška wołaše hišće něšto króc na husy kaž na džěci a machajo z ruku na prawicu a na lěwicu, šmjataše so za husymi do napol wotewrěnych wrotow.

Hdyž začinješe wrota, čehnješe so za njej hižo nócna čma. Wětrik zadu a zmjeće z třěchi wysoku seř sněha před wrota.

Přeložk z Al. Mrštikoweje króniki „Rok na vsi“. Přel. serbske blido na Pražskich Vinohrodach. Łužica 1906.

139.

Serbski nakładnik Jakub Herrmann.

Hdyž hišće we złotej Prazy přebywach, zo bych ducha a wutrobu na wažne powołanje přihotował, překhodźich wjele króc wosebjě tamne wulicy, w kotrychž su najwjetše knihikupstwa. A džiwna wěc, mje zajimowachu prasuche napisma nowych knihi, wo kajkežkuli wědomosći jednachu. A wěm so hišće džensa na mnohu tam wupołożenu knihu dopomnić. Z wopředka činjachu na mnje najsylńiši začišć mjena spisačelow, a tajki profesor — profesorojo z wjetša knihi pisaju — tajki profesor, kotrehož wšelake titule mějachu na napismje lědma ruma, bě mi tehdom bjez mała něšto wjac dyžli čłowjek. A tak so sta, zo sym dosć husto přewidźał, što bě tam cyle delka w poslednim rjadku čišćane, mjenujcy słowčko „nakład“. A tola ma tuto słowčko, kotrež so tak ponižnje w poslednim kućiku khowa, wulki, wažny wuznam. A tež ja sym do toho přišoł.

Běch mjenujcy sej zwěrił, tež sam knihu napisać, a nětko bě moja cyła a jenička žadosć, ju čišćanu widźeć. Ale — ale što budže ju nakładować? Jedyn z mojich wučerjow mi radžeše, zo bych so pola Tempskeho w Prazy woprašec spytał, a chcyše tež moju próstwu podpjerować. Tola to bě podarmo. Wobroćich so do Lipska, wot tam dostach radu, redakciju němskeho „słowjanskeho archiva“ prosyć, zo by ju do swójeho časopisa přijala a potom wosebity woćišć zhotowić dała. Ale tež to so njeradzi. Skónčnje přepodach rukopis Michałej Hórnikej za Maćicu Serbsku. Ale tež Maćica so khětro wotlakowaše a rukopis měješe so najprjedy wot wosebiteje komisije swědomiče pruhować. To só ani Hórnikej nochcyše spodobać a — Hórnik přiji sam na swóje risiko cyły nakład a mi wotpadže čězki kamjeń wot wutroby. Telko prócy, časa, woporow a wutrajnosće sej žadaše, nakładnika serbskeje knihi namakać.

A z toho časa wěm ja derje, što ma słowo „nakład“ na sebi a tohodla sym so pjera přimnył, zo bych wopomnił a rozpomnił zaslužby, njezachodne zaslužby najwoporniwišeho serbskeho nakładnika: Jakuba Herrmanna.

Prěni króć jako horliwego serbskeho wótčincea spóznach našeho wosławjenca při slěbornym měšniskim jubileju našeho njezapomniteho Hórnikarje lěta 1881 při krasnym swjedženju w něhdušim Lauec hosćencu w Budyšinje. Słyšu to mohł rjec hišće džensa, kak Hórnikarje jako wučerja serbskeje řeče a serbskeho pismowstwa khwaleše a sławješe. A to z dobrym prawom. Hórnikarje bě wučer nic jeno z ertom, ale tež ze skutkom. Słowa pohnuwaju, přikłady ćahnu. To směmy wo Hórnikarje prajić. Hórnikarje je mjez druhimi tež wosebje wulke pjenježne wopory za naše pismowstwo přinošał. A jelizo tež našemu jubilarerje njebě móžno, z pjerom za serbske pismowstwo wjele skutkować — znajemy pak tež jara rjane wudžěłki z jeho pjera — dha je tola tež mnohi serbski spis hakle přez njeho na swětło wušoł. Haj, njepřaju přewjele, ale skerje hišće mało, hdyž wobkrućam, zo bě někotrežkuli serbske pjero dawno zezerzawio, njeby-li naš jubilar so wo to starał, zo by, štož so dobrego pisa, tež w ćišću wudało. Ze złotej wutrobu a z darniweje ruku je sobudžěłaćerjam serbskich časopisow a serbskim basnikam ruku wodžio a hdyž so tak husto z khwalbu spomina na basnje a wudžěłki serbskeho ducha a pjera, mamy tež wšu winowatosć, jónu zjawnje a sprawnje česćić toho, štož je nam tute džěła hakle přistupne sćinił. A tak je kanonik Herrmann dobry a džakowny šuler našeho Hórnikarje, sćěhuje přikład swojeho wučerja wosebje jako nakładnik.

Skoro samo so rozumi, zo je naš wosławjenec tež dobry znajer pismowstwa, kotryž dobre a mjenje dobre derje rozeznawa. To smy z jeho ertnych rozmołwow wjac hač jedyn raz spóznali. Toho dla płaći tež jeho słowo wjele. Wěm so dopomnić, zo je cyle krótke wuprajenje jeho erta jara dobre sćěhwki měło a k džěłu na roli serbskeje literatury pohnuło. Tajki nastork je tež staršim přeswědčenym džěłaćerjam trěbny, tajka ertna derje měnjaca kritika a tajke zrozumliwe pohnuwanje je mnohim wužitne, přetož to je dosć často jeničke myto serbskeho spisowacela.

Štož so za serbske pismowstwo zahori, zahori so wěsće tež za wšě druge narodne a nabožniske potřebsće swojeho ludu. Tak tež kanonik Herrmann. Wo tom wědža powědać serbscy studowacy, Towarstwo Pomocy, towarstwo swjateju Cyrilla a Methodija, towarstwo „Serbowka“ w Prahy, wosebje pak Maćica Serbska

a naš serbski dom. Njewěm a njemóžu rozsudzić, ale směm drje na poľ wěsće zhódać, zo je wón jako wosadny duchowny wulki wliw měł na to, zo mamy z jeho wosady wjac hač jednoho zdžěłaneho Serba, kotryž je so hižo we mnohim nastupanju jako swěrný narodowc a džěłaćer wupokazał. Młoda mjehka wutroba přijima snadnje dobre začišće a te wostawaju čas žiwjenja: su podobne njewuhašomnemu pismej, kotrehož móc ani zlósc tak bórzy njezniči. Wo mnohich, jara mnohich woporach našeho jubilara za wšě naležnosće našeho narodneho žiwjenja nechcu a njemóžu pisać, wjele z nich je zjawnje mjenowanych było, mnohe pak chce nadobny darować wěsće tež zamjelčane wostajić. Jenó na jednu, a to zawěsće nic najmjenje wažnu stronu jeho powahi dyrbbju hišće pokazać.

Serbjo bydla bjez mała jenó na wsach, a to zadžěwa wuwowanju zdžěłanosće njemało. Runje srjedžišćam wšeho wědomostneho, literarneho a wumjełskeho žiwjenja w residencach abo sydlach svojich mnohich wjeřchow maja so Němcy džakować, zo maja tak nahladnu zdžěłanosć. Cyle podobnje plaći to tež wo biskopskich městnach a klóštrach. Nam Serbam bohužel ani jene tajke srjedžišće wostało njeje. Čim wažniše a zaslužbniše je potajkim to, zo su někotři z našich na wsach přebywacych wótcincow swój dom serbskim narodowcam a přećelam našeje wěcy wotewrili, přistupny a wulcy přijomny sćinili. Starši kaž n. př. kantor Hicka, naš sławny hudźbnik Kočor a družy, njemóžachu ženje dowukhwalić hospodliwosć Handrija Zejlerja, kiž we swojim času lěto wot lěta wulki džěl serbskeje inteligency do swojeho domu witaše. Kajki wjesoły, zahorjacy, nadžiju stajnje z nowa zbudžowacy a k skutkam napominacy a posylnjacy duch tam knježeše, to njech wopowěduja ěi, kotřiž su to sami nazhonili. Cyle podobnje skutkowaše tež naš njezapomnity Imiš. A po tutym přikładze zhromadžeše tež naš Herrmann hdys a hdys džěłaćerjow w serbskim pismowstwje do swojeho domu, a kóždy, štož móžeše, přijimaše z radosću jeho přeprošenje, dokelž bě sej wěsty, zo budže z lubosću witany, zo tam nadeńdže hospodliwosć, radu a — štož móžno — tež pomoc, nadeńdže cyle jenak zmyslenych přećelow a znatych, kotřiž so skhadžu, zo bychy sej swoje nazhonjenja wuměnjeli, słowa lubosće, wěrnosće a tróšta prajili a swoju wutrobu k nowemu džěłu posylnjeli.

Jenó idealne, idealne nadobne zmyslenje džě horstku serbskich narodowcow stajnje nawjedowaše a tež hišće nawjeduje. Materialneho wužitka so nihtó nadžijeć njemóže wot džěła za naše Serb-

stwo. Čim wužitniše, haj, čim nuzniše potajkim je, zo so tajke ideale zaščěpjeja, haja a zesylujuja. A k tomu je jara mnoho čisteje, nje-sebičneje lubosće trjeba: we wjacym wutrobach pak so lubosć k naroděj hori a móćniša wona je: wjele płomješkow dawa płomjo. A to wšo dokonja wjesele, přecelne, lubosćiwe towarstwo, hdžež su swoji mjez swojimi a ze swojimi, hdžež so njetrjeba kóždy słowčko wotwažeć, hdžež njeje nchtó wyšši a nchtó nižši, hdžež su wšitcy jenak zmysleni: kóždy kóždemu, kaž bratr bratřej. A duž tež z tajkeje hospodliwosće wukhadža mnoho wužitka za našu narodnu wěc.

Jurij Libš, Łužica 1899.

140.

Hdyž z njebjes sapa woheń . . .

Hdyž hrimot wrjeskoce a njebo sapa woheń,
Po holi wichor dže a z pěska ryje korjeń
Tej khójnje wopušćenej a hdyž krupy bija
Ze štomow, stwjelcow płody, zo wšě zhniža:

O, styskno w holi je!

Hdy wichory pak holanow nam serbskich zbudža?
Hdy słabi Serbja z womory zas sylni budža?
Hdy wjeća wótcjo so krwawnje zabiwani,
Či Serbjo, kotřiž w holi buchu zahrjebani? —

Nam hola keřchow je!

Korjeń njewuryja nam a njerozbija płody,
Wichor nihdy njezeškodži nam a zymne lody.
Błyski, hrimoty a wětry zbudža nas!
Hlejće, nam so bliži rjeńši hižo čas.
Hdyž sylni słabym rucy sebi podawamy
A woheń do wutrowow sebi dodawamy:

My w holi zbóžni smy! — —

Hdyž z njebjes sapnje woheń . . .

Jan Skala, Łužica 1910.

141.

Nóčne hłosy.

I.

My nětk z čorneho lěsa wustupimy a widžimy na prawu ruku wulku kwětkojtu łuku. Měsačk ju poliwa ze swojim slěborom a jeho jasne pruhi zybola so w rosowych dejmantach. Lěsne štomy,

kiž při kromje stoja, mjetaja w dołhich čornych smuhach swój scěn na wšu tu rjanosć. Tajka cicha hórská łuka dyrbi hižo so wo dnjo každemu lubić, kiž ma čućiwu wutrobu; w nocy pak, w swětle mēsačka, zda so nam wona edenska zahroda być, a my sebi žadamy tu wostać. Ale paradiziski měr tež tudy bohužel njebydli. Žałosćaty hlós, kiž do wutroby rěza, zaklinči nadobo z tamneho kónca łuki. To so posłucha, kaž by tam małe džěćo bjez hlósa zapłaknyło. Ale to su smjertne hrona. Zaječk běše před wječorom z lěsa won na łuku přiskakał, bě wot młódneje trawy khlóšćil, so na wonjatym džećelku wjeselił a ze šěrokih łopjenow wokřewjacu rosú lizał. Hdyž měješe wšeho dosć, wosta w měrje a pokoju na łucy sedžo a myśleše na to, što by sej na blizkich polach najprjedy wobhladać šoł. Ale zady štomow a keřčkow so wukhowawši bě so liška z lěsa won přisnowała, zaječka wuhladawši za nim skoči, jeho hrabny a z wótrymi zubami daješe. Přeco slabše je zajacowe škrěčenje, a bórzy cyle woněmi tutón žałosćaty nócný hlós.

Na našim puću domoj přińdzemy nětk do brězowego hajka. Wórla, drózn a kosak, kiž mējachu jow z wječora swoje činjenje, su so k měru podałe, žadyn miły dych njekoleba hałužki, žadne lisćičko so njehibnje. Womjelknył je ptačkow wjesoły spěw, zastało je zynčenje pilnych pčołkow.

Na zastanišću w Kubšicach parowy wóz zahwizda a z horow dołhi wothłós hwizdarjej wotmolwja.

Přede wsu je spěwanje słyšeć, wjesna młodźina tam při mēsačku po rosy khodži. Ale bohužel njemóža spěwy, kiž wot tam klinča, našu nutrnosć pozběhnyć a naše wjesele powjetšić. Młody lud, na kotrymž naša nadźija wotpočuje, spěwa jenož jara porědko rjane pěsnje, kiž je w šuli nawuknył, a wučerja wutroba boli, hdyž dyrbi připosłuchować, kak so te rjane jasne hlósy, kotrež je wón w šuli ze wšej swěrnosću wuwučował, nětko na tajke njewušne spěwy přeč mjetaja. Hdyž ludžo spachu, přińdže nje- přećel a nasy njerjada mjez pšěncu. Jako přińhodne wotmolwjenje na tajke njedušne spěwy je nazdala rejenje a wołanje, swarjenje a zakliwanje słyšeć. Njeje ćežko zhódać, zo so tam někotři pjeni domoj kabłaju.

W bližším dworje pos wuje, kaž so zda, dha so tež jemu tajke nóčne hlósy njelubja. Ale tak swjeća a wužiwaja ěi njewurjekniwu rjanosć lětnje nocy, kotrychž je Bóh za knježich swojeje stwórby postajił. O to je hubjenstwo, zo mohłe psy wuć!

Mjez tym je jědnaće wotbilo, a wo wsy hižo nócný stražnik trubi. Je to poslední nócný hlós?

Nětk pak je wulki čas domoj a do loža, přetož jutře chcu do Klukša na žabjacy koncert jěć. Bórzy w mjehkim ložu ležu, wusnýc njemóžu. Hdyž poľny měsačk na njeju stoji, dha so mi ženje spać njecha. Naš kocor, ta swěrna mica, kiž tónle mój njepokoj najskerje znaje, chce mje w swojej přikihlnosći na wosebite wašnje zwjeselić. Wón je po młyńkec kocora šoľ a wobaj hromadže započnjetaj nětk spodziwnu štučku spěwać, štučku, wo kotrejž so praji, zo móže kamjenje łamać a ludži njemdrych činić. Mje pak tajki spěw na žádné wašnje njemyli, a ja budźich rady hišće dlěje připosluchowaľ, ale klamaty pos přiběža a wotehna pilneju spěwarjow.

We jstwjje dwanaće bije, hodžina šerjenjow započnje, powěda so, zo je w tutym času tež wšelke słyšeć a widžeć, ale kaž kedźbliwje tež posłucham, nič so njepiknje. O tola, z jednoho susodneho dwora je hlós słyšeć, to pak njeje šerjenje, hdyž runjež pola susoda husto dosć šeri. Kury tam w kólni na žerdkach sydaju, a jedyn młody kapon tam w nocy spěwać wuknje. Wjele spěwanskich hodžinow hišće po zdaću měľ njeje; to drje tež sam spóznowa, hewak by tola, kaž so to prawemu kaponej přistoji, wodnjo na hnojowu hromadu zalězľ a tam spěwaľ. Ale štož hišće njeje, to hišće budže; talent so w potajnym wudokonja. Burjo měnja, hdyž kapona abo kokoš w njeprawym času spěwać słyša, zo hrozne wjedro přindže. A wot starych časow sem je znata wěc, zo kapon wjedro do přědka wě, a wón je tón jenički wěšćeř, ke kotremuž maja ludžo přeco hišće dowěru. Potajkim so zda, zo ma wón ze svojim wěšćenjom wjedra wjacy wuspěcha hać někotryžkuli druhi profeta.

Na kotrehož běch dawno hižo čakaľ, tón so nětk z woknom nutř suny: spar mje z mjehkimaj křidłomaj zaja a jandžel měra mje přikry z plachćom do kotrehož běchu lubozne sony zatkane.

Na druge ranje, bě to sobotu, dopomnich so na to, zo sym džensa z mojim šulskim džěľom hižom w dwěmaj hotowy, a to mi lóžo z loža won pomhaše. A hdyž tak daloko bě, sydnych so na koleso a jědžeć do delneho kraja; ja chcych do Klukša na žabjacy koncert, a ducy po puću mějach mysle wšelake waki ľojić. Ruče so čas miny, a před wječorom hakle přindžeć do Malešec. Slónčko z doľhimi sahami k wječoru khwataše a chcyše so bórzy zemje dótkać.

Na raňším kóncu Malešec leži keřchow, a při poľnócněj keřchowowej muri je mały dóľčk, wěsće tak stary kaž kerchow sam a w nim je w normalnych lětach ľuža mutneje wody. Haj, je dha to woprawdže woda? Njejsu snadź to sylzy, na keřchowje horkach płakane, kiž su jow hromadže zběžałe? Ale sylzy su tola jasne kaž rosa. Haj, ale jenož te sylzy kiž wutroba płáče, te wopačne pak tón sylzowy hatk zmača. Nětk so z teho sylzowego jězorka spodźiwne woľanje zběhny: unk, unk klinčeše bjez přestaća kaž zwónčk, wótre drje, ale přez měru zrudnje. Su snadź to te skórzby a žałosćenja, kiž běchu na keřchowje při wotewrjenych rowach słyšeć a su ze sylzami na zemju padnyłe a so do njeje zhubiłe? Ale dha by jich tola wjele wjacý zdychnjenčkow ze sylzowego hatka klinčec dyrbjalo! Haj, to su tež jenož te skórzby, kiž z wutroby wukhadžeja, te njeprawe wozmjě wětrik přječ, přjedy hač na zemju padnu. — Lěto wot lěta bywa sylzowy jězork mjeńši, a jenož porědko hišće zaklinča z njeho žalosćate hłosy.

Znaty z Malešec nětk po puću přińdže. Ty drje chceš kunkawy ľójić? wón na mnje wolaše, přeco je wuľój wšě, zo te hrozne woľanje skoro zastanje!

Poegija čěka, hdyž próza přińdže. Ja dyrbjú potajkim nětko wo kunkawach řečec. Jich jasne woľanje by rjenišo klinčalo, hdy njeby tak jara melancholiske było; teho dla tež je najwjacy ľudži rady njesłyši. Njezdžěľanym ľudžom so to dale za zľo wzac njesmě, přetož ei sebi při tym přeco hišće na někajke šerjenje mysla, ale zdžěľani ľudžo dyrbjeli poprawym hižo dawno hinašeho měnjenja być, woni so tola hewak přiwerkam směja. Tuž je spodźiwne, zo n. př. němski pěsnjer Bürger wuće zatamanych duchow, kiž w poľnocy skiwľo wokoľo šibjeńcy lětaja, z ničim druhim přiřunać njewě, hač z kunkawacym woľanjom. Jich spěwy klinča žalostnje kaž kunkawow woľanje — to su jeho słowa. Najskerje Bürger ženje w čichej nocy na melodiske woľanje kunkawow posľuchaľ njeje, hewak drje by hinak řečaľ.

Wosrjedź Plusnikec a Malešec staj při drózy hataj, a tón na raňším boku je, kaž so zda, jenož z kunkawami wobydľeny. Hdyž ja tam z wječora nimo jědu, dha ja stajnje z koľa skoču a khwilu na kunkawy posľucham. Hdyž jich tajka čřjóda, snadź wjacý hač tysac, na dobo woľa, dha je to mócný hľós, kiž je daleko słyšeć. Zo su při tym ei spěwarjo wšelcy a zo je někotry hľós kusk nižši abo wyšši hač tamne, to jim njesměš tak jara za zľo wzac, koncert tola přeco rjany wostanje.

Wot Malešec jědžech přez Zaľhow do stareje domizny do Klukša. Poča so ćmić, a ja dyrbjach khwatać, je-li cheych žabjacy koncert w zaľhowskich hatach w poľnej rjanosći słyšeć. Nichtó njechaše sobu hić. Ničo wo to, štož chce krasnosć přirody woprawdže wu-žiwać, dyrbi być sam ze swojemi myslemi.

Přińdžech na stare haćenja; te běchu cyle hišće tajke, kaž běchu před 40 lětami byle; jenož te rjane rynki wulkich dubow tam wjacy njestojachu. Hnadny knjez bě pienjezy trjebał.

Z ćernjoweho kerka witaše mje zelena žabka; widzeć ju wězo njemóžach, ale jejne wótre kri kri kri bě mi derje znate. Naša njeboha wowka praješe, hdyž zelenu žabku wołać słyšeše: wona wo dešćik prosy. Žabka pak jenož woła, hdyž je ćopło a ćicho, a tajki džensniši wječor bě; wón njemóžeše rjeńši być. Póďla haćenja z měrom, kaž w přjedawšim času, řečka běžeše; wona dyrbi cyłu črjódu hatow z wodu pjelnić. W tutej řečcy, kotruž my wučłany přerow mjenowachmy, so w mojich džěćacych lětach wšo z rakami mjerwješe, a ja sym tam z druhimi njedušnymi hólcami druhdy za jedyn wječor wjacy kop nałójił, a řečka tola naša njebě a łójenje bě tam twjerdže zakazane. Tehdy my hižo tež na nócne hłasy kedźbowachmy; posłuchachmy mjenujcy z woběmaj wušomaj, hač njebudžemy słyšeć knježeho rybaka přińć, a njezwěrjachmy sebi wótre řećeć. To běchu rjane časy, ale rybak je wumrěł, a raki su wšě zahinyłe, džensa tam podarmo łójiš.

Wyše mje so někajke dybawe wołanje zběhny; z malešanskich hatow přićahny čapla, lećeše do hole dele niže Wujězda. Tam ma na wysokej khójnje swoje hnězdo.

Wulke a małe črjódky dźiwich kačkow lećachu nimo; wone přićahnychu z komorowskich hatow a cheychu swoje ćety w hućinjanskich hatach wopytać. Kački w zaľhowskich hatach je wohladawši wołachu ank ank, kaž bychu je cheyle k sebi dele wabić. Do cunjeho a melodiskeho ank ank měšeše so wohidne rjehotanje łysakow; njetamaj je tohodla, wone swoju lubosć na rjeniše wašnje wozjewiće njemóža.

II.

Puće mjez hatami so na prawu ruku winy; to je šćežka do Hućiny. Po njej sym z někotrema towaršemi na hućinjanski hermank khodžił. Mój Božo, tých tež dawno wjacy hłowa njeboli, kaž tehdy druhdy po hermanku; woni w rowje leža. Po tutej šćežcy dale kročo sym nětk wosrjedź žabjaceho koncerta, kotryž hižom

wusłyšach, hdyž běch z Klukša šoľ. Jenož pomaľu móžach dale kročić, a cyle ľahodnje dyrbjach stupać, zo njebych muzikantow zešeriľ; přetož žaby su bojazny ludźik, a potom je rjechtanja kónc. Kaž so zda, dha te žaby, kiž na haćenjach sedža, sobu njerjechtaja, ale jenož stražuja, a hdyž wone zešerjene do wody skoča, dha naměsće wšě žaby dokoľwokoľ womjelknu. Dóndžech nětk k rózkej hata, hdžež bě na haćenjach stary dub stať; tón běchu wukopali a nětk bě tam haćenje prózdne, ani keřčka tam njerosćeše. Tež hat sam tu njebě tak zarosćeny, kaž wšudžom druhdže; jasny wodowy špihel bě tam wupřěstrjeny, na kotrymž jenož tu a tam wulke łopjeno pľuwaše. Ja so na dubowy zdónk sydnych, kiž tam při wodže ležeše. Žaby mje wuhladawši, naměsće zastachu rjechtać a sunychu so pod wodu. Doľho njetraješe, dha tu pak tam jena zaso hľowu z wody won tykny, a někotre wosebje khrobľe zalězecha na łopjena horje. Druhe ležachu posľuchajo wšě štyri nohi wot so tykajo, na wodže a zběhachu jenož hľowu z wody won. Za khwilku poča jedna zas rjechtać, druhe jej přiľosowachu, a bórzy hat zaso klinčeše kaž prjedy. Hdyž běch khwilku připosľuchowaľ, zběhnych khwatajcy rucy horje, a štož běch sebi myslil, to so tež naměsće sta: žaby so do smjerće wustróžachu, powšitkowny pluskot, maľe žoľmički na wodže, a koncerta bě kónc.

Zady Wowćeje hory pola Barta. měsačk čerwjene wobľičo zběhaše, a jeho hišće słabe pruhi wobdawachu keřki a hat z magiskim swětľom. Přeco dale ja po haćenjach kročach; tu a tam ćeňke mróčaľki mhľy pomaľu po wodže čehnjechu; ze wšěch hatow pak žabjacy koncert w poľnej rjanosći šumješe. Tale spodźiwna hudźba wobstoješe z jara wšelakich, zynkow, słabych a syľnych, nizkich a wysokich, doľhich a kušich, žadyn proš k takta, žádnajenajka melodiya. A tola so tute wšelčizny zjednočichu k rjanemu spodobnemu cyľkej a to drje tehodla, dokelž běchu wšitčy čí mali spěwarjo jenajkeje mysle, a jenajke začuće jich čěrješe, ale to w tutym padže njeběše ľubosć, ale čista žiwjeňska radosć, Brekekekek, brekekekek někotre z cyľej šiju rjechtachu, a to běchu najskerje te najmłodše; młodźina drje so njemóže hinak wjeselić hač z juskanjom a woľanjom. Druhe žaby, kiž drje běchu hižo starše, rjechtachu koaks abo koark a chychu snadź z tym praji č my smy spokojne žaby a njechamy so ľěpje měć hač tu khwilu. Te najstarše žaby pak spěwachu bas a přewodžachu wjesoľe juskanje z čichim korčatym kworr kworr, a to dyrbyeše być wuraz najwjetšeje spokojnosće a derjeměća, kiž wuprajić njeje. Spodźiwn

pak bě, a wujasnić sebi to njemóžu, zo koncert druhdy njejabcy zasta, kaž by byl wotřeznjeny; a nic jena žaba wjacý słyšeć njebě; to bě, kaž by jim njewidžomny koncertski mištr ze swojim kiješkóm kiwnyl. Tola powšitkowne mjelčenje jenož někotre wokomiki traješe; jedyn žabjacy młodženc so zaso započá khlamać brekekek, brekekek, a bóržy zaso cyły hat z wjeselom klinčeše. Chceš-li ty, luby čitarjo, žabjacy koncert z poľnej radosću wužiwać, dha přinjes wjeselu mysličku sobu, a potom je wěste, zo budže či wutroba z tajkej radosću pukotać, kaž ty ženje hišće začuť njejsy.

Žaby pak njejsu te jeničke stworjenja, kotrychž hłosy tu miľu nóc porjeńšuju. Dawno hižo běch spěw klinčeć słyšaľ, kiž na raznosći žabjacy koncert hišće přetrjechi, tak charakteriski spěw, zo jón ženje njezabudže, kiž je jón hdy słyšaľ. Dore dorre dorre karre karre karre karr karr kei kei kei kei kerre kerre kerre kit — tajke hrónčko bě bjez přestaća z bližšeho hata słyšeć. Tam sedži na stwjelcu scíny maľy šěry ptačk, tróšku wjetši hač wróbl. Wón scínar rěka, přetož jeho domizna je jenož we wysokej scínje, a mjez někotre stwjelca scíny wón tež swoje hněžko powjesnje, a zo njeby do wody padnyľe, dha je wón k stwjelcam přiwjaza. Jeho razny spěw drje jenož ze zynkow wobstoi, kiž so njehodža cunje a melodiske mjenować, ale jeho zajimawe hrónčko tola nócne žiwjenje w hatach porjeńšuje, a jeho wutrajnosć, z kotrejž wón so prócuje žabjacy koncert přetrjechić, je wšeje česće hódna a žada sebi naše připóznaće.

Hdyž dale džěch, přińdžech k wuzkemu haćenju mjez dwěmaj hatomaj, kiž bě z nizkimi kerčkami cyle počehnjeny, a do kerčkow so scína a wysoka trawa měšeše. Z tuteje huscíny klinčeše cuni hlós, kiž so wopisać njehodži; bě na skóčkowe ščerčenje abo šwórčenje podobny a tola tež cyle hinajši; po prawym běštaj jenož dwaj zynkaj słyšeć, z a r. Tutón džiwnuški nócny hlós běch před něšto lětami na mokrych łukach pola Sowrjec słyšaľ a wjedzich, zo jón žadyn skóčk njespěwa, ale mólčki šěry ptačik, přiweznic scínarjow. Što nětk tón maľy mužik ze swojim ščerkotanjom chce? Lubosć jeho čišći, a lubosć chce z nim wubudzić. Što mi zemja chce, sym-li bjez tebe! Holčo brune, brune wóčko, sydń so ke mni, radosć moja sy a duša we mni! — to je najskerje tekst jeho spěwa.

Měsačk bě mjez tym wyše na njebju postupiľ; z přecelnym wobličom hladaše hižom přez wjerški najwyššich dubow na tamnym kóncu hata. Někotre z jeho jasnych pruhow dobywachu so so přez

hustu rokočiznu hač na wodu dele a do njeje nutř hač na dno hata a wobswětlachu tam w smuhach a smužkach židke blóto. Kajke žiwjenje bě tam tola w zahrodže wódneho muža widzić. Wšelke waki, wulke a małe tam lažachu; šěre šlínki ze swojej khěžku na khribjeće so pomału dale suwachu; a kaž je wšudžom, tak tež je we wodže: Sylny nad słabym knježi; wulki małego žerje. Čehodla tež to su tele tysacy hibićiwych stworjenjow k wěčnemu mjelčenju zasudžene? Ze žanym zynkom njemóža wozjewić, hač tež spody wody žiwjenja wjesele knježi.

Dale kročo přindžech zasy na městno, hdžež žany kerki na haćenju njerosáchu, a přede mnu ležeše dołha a šěroka wodowa runina bjeze wšěch rostlinow, hladka kaž špihel a w měsáčkowym swětle so zybolaca kaž by slěborna byla. To bě krasny napohlad, kiž so, ze žanymi słowami wopisać njehodži. Na kóncu wobdawaše husta scína kaž zeleny wěnc tu błyskotatu wodu, a tež w dołhich bantatych łopjenach scíny so jasne pruhi zybolachu, kaž by číchi měsáčk do tuteho zeleného wěnce blěde róže zapletował. A na wšěm tym wotpočowaše nóčna číšina; přetož koncert žabow bě wuklinčał, a tež ptački běchu so k měrej podałe. Při kromje hata ležachu wulke šěroke łopjena na wodže, a mjez nimi steješe tu a tam wulka běla róža, jasne wóčko k drěmanju zańdželene. Hat zdaše so bjez dna być; w jeho hłubiny zybolachu so měsáčk a wjele hwězdow, a kerčki a kerki a tež te najwyšše duby dosahachu ze swojimi wjeřškami tak hłuboko do wody nutř, kaž wone wyše njeje so k njebiesam horje zběhachu. Porědko jenož dźiwja kačka, cunje swoje ank wołajo, přez jasny wodowy špihel plůwaše a zady njeje so swětla brózda slěbornych žołmičkow zyboleše. To wšitko so zjednoći do wobrazu njewurjekliweje krasnosće. Žadneho słowa mócny ja dołhi čas stojo hladach, zabywši na wšo druhe; haj, samo mysle so zastachu hibać, a z wočow mi ronjachu so sylzy. Na kohož tajka rjanosć žadneho začišća nječini, štóž so njezačuwa hłuboko hnuty z tajkej krasnosću, tón žadneje wutroby nima.

Z mojeje nutrnosće mje wutorlmy žalostny, hrózbny nócný hlós. Zwotkel je so tón wzał. Horkach z powětra abo delkach z wody abo z hłubiny zemje? Njeklinčeše to kaž poslednje ćežke zdychnjenje mrějaceho? Abo bě to wódny muž, kiž z husteje scíny hrožate słowa wołaje? Ně, to wšo nic. W susodnym haće stoji humpak, bruny ptak, kiž je na bačona podobny ale mjeňši, tyka swój dołhi pysk do wody a woła do njeje nutř. A na te

wašnje nastanje tamny žadlawy zynk, kiž tež njebojazneho zatorhuje, bojazneho pak z najwjětšim strachom napjelnja: Ale što dha ma te skočo tam tak hroznje rejić? mohł so mje něchtó prašeć. Ach, mój přecelo, humpak wšak tola njereji; wboheho pachola lubosć čišći, tuž tam stojo zdychuje; ty drje tola slyšiš, zo jeho zdychowanje z najhlubšeje wutroby wukhadža. Zdychowanja lubosće su wšelake, rjenje žane njeklinči. Ale někotryžkuli, kiž je humpaka hdy wołać słyšał, budže na to přisahać, zo so lubosć nihdy na nihdy w tajkich hrózbnych zynkach wozjewić njezamóže. Nó, štož te zynki nastupa, přeciwo tym so tola ničo prajić njehodzi, hdyž runje so wone našimaj wušomaj njelubja. Zo pak zalubowany humpak bosa w haće stnji a pysk do wody tyka, tomu so tež njechamy smjeć, to snadž pola humpakow k dobremu zadžerženju a k přistojnemu wašnju słyša, duž njej ničo směšne. Abo měniš ty, zo zalubowany člowjek žadnych hluposćow nječini? O, tón je druhdy wjele wjetši humpak.

Nowy hlós čehnje nětk přez nócnu čišinu kaž z wulkeje daliny ke mni, šumjaty, zynčaty hlós, kaž sym jón často z wjerškow našich hórskich lěsow słyšał. Wón wukhadža z lichańskeho wara a nastanje přez to, zo tam woda do hlubiny pada. Ale tón přez dalokosć wostabnjeny hlós klinči, kaž bychu za hwězdami wěčnosće rěki šumiłe.

W Klukšu jednaće bije, a ja so pomału na puć domoj staju; někotre zdychnjenje humpaka mje přewodžeja. Něhdze mjez hatami je hwizdanje słyšeć, wone je mi džensa hižo wjacj króć nadpadnyłe. Zo to člowjek tam njeje, to je wěste, wot kotreho zwěrjeća pak wono poprawym wukhadža, to ja z wěstosću njewěm. Najskeje pak je to wudra, přetož tych je tam k mjerzanju rybakow hišće dosć.

Po dalokich a šěrokih łukach małe mróčałki běteje mhlý čahnu kwětkowe duchi, kiž su při měsačku hromadže hrajkale a rejwale, te drje nětko k měru du.

Z haćenja zaso na drohu stupju. Daloko w połodnju wuhladam moje módre hory, te čmowe lěsy na nich z měsačkowym swěttom posłěbornjene. Tuž so mi zastyska po mojim rjeniším statoku tam pod horami. Štó chceł, tež tu dlěje přebywać! W starej domiznje sym nětk kaž ciznik; skoro nihtó mě po dołhich lětach wjacj njeznaje. Tuž khwatach do wsy po swoje koleso. a dołho njetraješe, dha pomału z Klukša jědžech. Na prawu ruku při puću bě kerchow, a na kerchowje stojachu stare lipy, a w jich khłódku

ležeše hórka při hórce, cíche rowy. — Ach zo by mje dawno kryła khlódna zemja cíchomna, dha by duša změrom byla, wupřehnjena, wjesoła! — Na lěwym boku při puću z napřeća kerchowa stoješe młyn; w nim bě tež wšo změrom, a žadyn klepot njebě slyšeć; ale z wara dele šumješe woda do kužoła kaž prjedy, a šumjenje čehnješe přez cíchi kerchow klinčo, zynčo, spěwajo: w rowje je měr.

Pomału jenož dach kolesu běžeć; najprjedy jědzech po runej drózy hač k Hućinje a potom so winych k Malešecam. Wšelke nócne hłosy hišće po puću slyšach, kiž pak mi njeběchu wšě znate. Na starej słomjanej třěše w Dobrošecach bě baćonjace hnězdó. Młode baćony w nim runje hlówy zběhachu a w swojej řeči něšto powědachu; najskeře so jim něšto [džiješe. Staraj baćonaj pak stoještaj změrom na třěše, so rozumi na jednej nozy. To pola baćonow řeka: My mamy nětkle swjatok, přińdžće wodnjo, je-li něšto chceće. My drje tam njepóńdzemy.

Hdyž nimo krakečanskich hórkow jědzech, wołaše tam kokula To njebě přeni króc, zo ja kokulu wosrjedz nocy slyšach, a dokelž z nazhoz honjenja, wěm zo tež škowrončki druhdy při měsačku spěwaju, dha sebi njemóžu hynak myslíc hač zo so jim runje tak dže kaž mi, zo při połnym měsačku spać njemóža.

Pomału jenož dale přińdzech, přetož wot Krakec do Bošec pócnje na horu hié. Druhdy tež zalězech z kolesa a běžach pódlá; mój kónik bě sprócny; tak móžach wšelke nócne hłosy lěpje slyšeć hač při jědženju. Dwě bě wotbiło a éma poča čěkać; rańše směrki so rozšěrjachu. Spěwarjo na polu a w haju wotuěachu, a jich wjesole spěwy klinčachu młodemu ranju napřećo. Hdyž běch skónčnje hač k swojemu domej dojeł, dha sapate zerja běte murje čěrwjenjachu. Na třěše łastojčki widlowachu, a na płóće sedžeše čěrwjena wopuška, kiž mje potulejo z přecelnym šćebotanjom witaše. A to běchu posłědnje nócne hłosy.

K. B. Šěca-Rachlowski, Łužica 1915.

142.

Woka móc.

Kaž jězor twoje woko je;	Tym žołmam kosy spěwaju
W nim z błyskotom so njebo	A tujawki so w hnězdze směja,
hlada,	A sołobiki džěłaju,
Wón kwětkow brjohi wopoja,	Hdyž złote w nocy hwězdy
Kaž flety zynk přez rohódz pada.	kěja.

Te ptački moje žady su,
Kiž k twojemu so tľóča woku
A z jeho kuzľom potajnym
So přeměnja do pěsni w skoku.

J. Či š i n s k i, Příroda a wutroba.

143.

Hdy podaš ty so, wutroba?

Ty džiwijsza krej, o zastań w spěchu Hlej! Słóncso hasnje, róža zhinje,
A zabyc wukni, wutroba!
Wěr! Nam'kać budžeš zboža A ptačkow spěwy doklinča;
třeču Kćeŭ rozpadnje a woń so minje,
Hdyž wótre wětry zawuja.

We znjesenju a zabyću.

Hdyž zbožě všě je prječ kaž woda,
Tu zemja plašć so wodźěje
A něma do bole so poda — —
Hdy podaš ty so, wutroba?

J. Čišinski, Příroda a wutroba.

144.

Bóh wěrnosć widži, ale njezjewja ju zahe.

W měsíce Wladimirje bě mlody překupc Aksjonow živy. Wón měješe dwoje klamy a khěžu. Aksjonow bě rjaneje postawy, bě wjesoly a rad sebi zaspěwa. Jako mlodženc bě wjele pił, a hdyž bě so wopił, lózy bywał; wot toho časa pak, hač bě so woženíł, wostaji so pía a jenož z ředka podleža tutomu njepočinkej.

Jónu w lěće jědzeše Aksjonow do Nižneho Nowohroda na hermark. Hdyž so wot swójbzy džěleše, džeše žona k njemu:

„Iwano Dmitrijewičo, njejdž nihdže, ja mějach wo tebi hroznv són.“

Aksjonow wusmja so a praješe:

„Ty drje so bojiš, zo bych so na hermanku wopił?“

Žona rjekny: „Njewěm sama, čeho so boju, a tak hrozne sym widžala; — widžala, zo ty přindže z města, sčahny sebi čapku, a što widžach? Twoja hlowa bě wša šedžiwa.“

Aksjonow so wusmja.

„Nó, to je dobre znamjo. Hlej, pobudu-li derje, drohich darow
či prívjezu.“

A wón rozžohnowa so z rodžinu a wotjědže. Na poľ puća zetka so wón ze znatym překupcom a wosta z nim hromadže přez nóc. Wonaj napištaj so čaja a podaštaj so potom wobaj k měru do dweju susodneju jstwow. Aksjonow njelubowaše dołhi spar; wón wocući srjedz nocy, a zo by so jemu w rańšim khłódku lěpje jěło, zawoła pohonča a poruči jemu, zo by přahał. Potom džěše do jědzěfnje, zaplaći hosćencarjej a wotjědže.

Hdyž bě štyrceći wjerstow jěł, wupřahny wón, zo by konjej zastarał, wotpočny w khłódnym hosćencu a k wobjedu wuńdže do khłódnicy; da sebi sámowar přinjesć, wza kitaru a poča hrać. Tu na dobo přijědže k dworej wóz ze zwónčkom, a z njeho wustupi zastojnik z dvěmaj wojakomaj; wón bliži so k Aksjonowej a praša so: „Štó sće? a z wotkel?“ Aksjonow powěda wšitko, kaž je, a prosy: „Njeje snadź lubo, ze mnu so napić čaja?“ Ale zastojnik praša so jenož: „Hdže sće přenocował zańdženu nóc? Sam abo z překupcom? Sće snadź rano překupca widzał? Čehodlo tak zahe sće wotjěł z dwora?“ Aksjonow so džiwaše, zo so jeho za wšěm prašeja, powědaše wšo, kaž bě wěrnó, a praješe: „Što so mje tak wuprašujeće? Njejsym paduch, njejsym někajki rubježnik. Jědu swoje wěcy wobstarać, a njeje winy so mje prašeć.“

Tu zawoła zastojnik wojakaj a praješe: „Sym isprawnik (pólicajski zastojnik) a prašam so tohodla, dokelž bu překupc, z kotrymž sy zańdženu nóc přenocował, morjeny. Pokazaj swoje wěcy a wój jeho přepytajtaj!“

Džěchu do jstwý, wzachu jeho kufr a wačok a počachu rozwjazować a pytać. Nadobo wučahny isprawnik z wačoka nóż a zawoła: „Čeji je to nóż?“

Aksjonow pohladnje a widzi — krwawy nóż běchu z jeho wačoka wučahnyli — a zastróži so.

„A wot čeho krew na nožu?“

Aksjonow chcyše wotmołwić, ale njemóžeše słowa wuprajíc. „Ja ... ja njewěm ... ja ... nóż, ja ... njeje mój“

Tu rjekny isprawnik: „Rano namakachu překupca zabiteho we łožu, a nikomu hač tebi njebě možno tuto skućić. Jstwa bě wot nuřka zawrjena, a we jstwje njebě nchtó był hač ty. Tež krwawy nóż maš we wačoku, a samo wobličo će přeradža. Řěč, kak sy jeho zabił a wo kelko pjenjěz sy jeho wurubił?“

Aksjonow přisahaše pola Boha, zo wón to njeje činił, zo wot toho časa překupca njeje widzał, hač bě z nim čaj pił, zo ma při sebi jenož svojich 8 tysac pjenjěz, zo nóż njeje jeho. Ale wón sa

zarjekowaše, mjez woči bě blědy a třepotaše wšón ze strachom kaž winowaty.

Isprawnik přiwoła wojakomaj a kazaše jeho zwjazać a k wózej dowjesć. Hdyž jeho ze zwjazanymaj nohomaj na wóz kładžechu, pokřižowa so Aksjonow a zapłaka. Wotewzachu jemu jeho wěcy a pjenjezy a posłachu jeho do blizkeho města do kłódy. Posłachu do Wladimira, zo bychu pólnali, kajki čłowjek bě Aksjonow był, a wšitcy překupcy a wobydlerjo wladimirsey wobswědčowachu, zo bě Aksjonow w mladosći pił a hejsał, ale zo bě hewak pěkný čłowjek był. Potom dowjedžechu jeho před sud. Winowachu jeho, zo bě rjazańskeho překupca zabił a 20.000 pjeniez pokradnył.

Žona strachowaše so wo muža a njewědžeše, što ma sebi myslić. Jeje džěci běchu wšě hišće małe a jedne hišće w pjeluškach. Wona wza wšitke sobu a dojedže do města, hdžež jeje muž so w kłódze zdžeržowaše. Z woprědka nochychu ju připuścić, ale potom wuprosy sebi pola předstajenych a tu k mužej dowjedžena. Hdyž jeho wuhlada w kostarniskej drasće a w putach hromadže z rubježnikami, padny k zemi a dołho njepřindže k sebi. Potom da so džěcom wokoło sebjě zestupać, sydney so při nim a poča jemu powědać wo domjacych naležnosćach a jeho na wšo so prašec, štož bě so z nim stało. Wón jej wšitko powědaše. Wona rjekny: „Kak nětk stoji?“

„Budžemy dyrbyeć cara prosyć,“ wotmołwi wón. „Njeje móžno, zo bych zahinył njewinowaty.“

Žona powědaše, zo bě hižo próstwu carej posłała, ale zo tuta njeje došla. Aksjonow njepraji nič a skłoni jenož hłowu. Tu džeše žona:

„Podarmo tehdom, dopomń so, són njemějach, zo bě ty zešedziwił. Hlej, ty sy woprawdže z horjom zešedziwił. Njedyrbješe tehdom jěć!“

A wona poča jeho wlosy přehladować a praješe: „Wanja, wutrobnje luhowany, žonje praj wěrnosć: njejsy ty to činiť?“

Aksjonow rjekny: „Tež ty sy na mnje tukała!“ — zapřimny sebi woči z rukomaj a zapłaka. Potom přindže wojak a praješe, zo dyrbi žona z džěćimi woteńć. A Aksjonow džeše so posłědni raz wot swojeje rodžiny.

Hdyž bě žona wotešla, poča Aksjonow rozpominać, što běštaj powědałoj. Hdyž sebi pomysli, zo bě tež žona na njeho tukała a jeho so prašała, hač překupca zabił njeje, praješe při sebi: „Widžu, zo nimo Boha nihtó wěrnosć wědžeć njemóže, a zo jenož

wón dyrbi so prosyc, jenož wot njeho wočakować so miłosć.“ A wot toho časa přesta Aksjonow próstwy pisać, přesta so nadzijeć a modleše so jenož k Bohu.

Wusudzi so, zó dyrbi Aksjonow z knutom so khostać a k jastwownemu džětu so pósłać. Tak so tež sta.

Nabichu jeho z knutom a potom, hdyž běchu rany zažile, wotwjedzěchu jeho z druhimi khostancami do Sibirije.

W Sibiriji w khostařni b Aksjonow 26 lět. Jeho włosy na hłowje buchu běle až sněh a broda narosće jemu dołha, husta a šedziwa. Wša jeho wjesolosć bě so zhubila. Wón so zekřiwi, poča čicho khodzić, powědaše mało, ženje so njesměješe a často modleše so k Bohu.

W jastwje bě Aksjonow nawuknył škórnje šic, a za nalutowane pjenjezy bě sebi swjate pismo kupil a čitaše nětk we nim, hdyžkuli bě w jastwje swětlo; a swjate dny khodžeše do jastwowneje cyrkwy, čitaše japoštołow a spěwaše na khórje, — jeho hlós bě přeco hišće dobry. Předstajeni mějachu Aksjonowa radzi jeho pokornosće dla, a towaršjo khostancy čescachu jeho a mjenowachu jeho „džěduška“ a „muža božeho“. Hdyžkuli chychu jeći wo něčo prosyc, sćelexu Aksjonowa k předstajenym z próstwu a hdyžkuli bě mjez khostancami njepřezjenosć, přikhadzachu woni k Aksjonowej, zo by nad nimi rozsudził.

Wot doma njepisaše nchtó Aksjonowej listy, a wón njewědzeše, hač su jeho žena a džěci hišće žiwe.

Přiwjedzěchu jónu do běrcownje nowych khostancow. Wječor zestupachu so wšitecy stari khostancy wokoło nowych a počachu so jich wuwoprašować, z kajkeho města abo z kajkeje wsy što je a što bě što zawinował. Tež Aksjonow sydney so na ložo pódla nowych a připosłuchaše skhiliwši hłowu, što što powědaše. Jedyn z nowych khostancow bě wysoki, strowy starc 60-lětny, ze šedziwej, přitřihanej brodu. Wón powědaše, čehodla běchu jeho zajeli a dzeše:

„Tak, bratřa, za nič a wo nič sym sem přišoł. Běch wózcý konja wot sani wotwjazał. Popadnychu mje a prajachu: sy kradnył. A ja praju: ja jenož chych khětrišo dojeć, — ja sym konja pušćil. Je džě tež wózka mój přecel. To je tola w rjedže! praju. — Ně, rjeknychu, sy kradnył. Ale to njewědzachu, što a hdze sym kradnył. A stałe su so wěcy, zo bych dawno hižo dyrbjał sem być pósłany, ale njemóžachu mi dopokazać. a nětk su mje njesprawnje sem pósłali.“

„Haj, lžiš, byl sy w Sibiriji, ale doľho njejsy wutraľ . . .“

„A z wotkel sy?“ woprašä so jedyn z khostancow.

„Smy z města Wladimira, tamniši měšćenjo. Mjenuju so Makar a rěkaju mi Symanowič.“

Aksjonow pozběhny hłowu a woprašä so: „A što, Symanec, njejsy w měsće Wladimirje słyšaľ wo překupcach Aksjonowach? Su hišće žiwi?“

„Kak bych njesłyšaľ! Bohaći to překupecy; škoda jenož, zo je jich nan w Sibiriji. Je zawěsće tajki hrěšnik, kaž my. A ty sam, džěduško, što sy zawinowaľ?“

Aksjonow njerad wo swojim njezbožu powědaše; wón zdychny a praješe: „Za swoje hrěchi 26 lět pokuću tu w jastwownym džěle.“

Makar Symanow rjekny: „A za kajke to hrěchi?“

Aksjonow praješe: „Štož je so stało, je so stało“, a nochcyše wjacu powědać; ale druzy jeći towařsojo powědachu nowemu, kak bě Aksjonow do Sibirije přišoľ. Woni powědachu, kak bě něchtó po puću překupca zabiľ a Aksjonowej nóż podtyknyľ, a kak běchu jeho za to njewinowaće wotsudžili.

Hdyž Makar Symanow to słyšeše, pohladny wón na Aksjonowa, dyri z rukomaj na kolenje a praješe: „Haj, džiw! woprawdže džiw je to! Zestariľ sy, džěduško!“

Počachu so jeho prašeć, čemu so tak džiwa a hdže je Aksjonowa widžaľ, ale Makar Symanow njewotmoľwi na to a rjekny jenož: „Džiw, ludžičkojo! Hdže dyrbyu jeho zaso wohladać?“

Po tutych słowach pomysli sebi Aksjonow: hač tež to tutón čłowjek wo tom njewě, što jě překupca zabiľ. Wón rjekny: „Sy snadź prjedy hdy wo tom słyšaľ, Symanec, abo sy mje prjedy widžaľ?“

„Kak bych njesłyšaľ! cyľy swět je tutoho powědanja poľny. Ale dawno hižo je, zo je so to stało: štož sym słyšaľ, to sym zabyľ,“ praješe Makar Symanow.

„Snadź sy słyšaľ, što jě překupca zabiľ?“ woprašä so Aksjonow.

Makar Symanow wusmjä so a džeše: „Nó, to je wěste; tón je jeho zabiľ, při kimž su nóż we wačoku namakali. Je-li ći tež što nóż podtyknyľ, — njeje popadnjeny — njeje paduch. A kak tež to by ći nóż do wačoka tyknyľ? Wšak ći wón we hłowach stoješe! By to słyšaľ.“

Hnydom hdyž Aksjonow tute słowa wusłyša, pomysli sebi, zo jě runje tutón čłowjek překupca zabiľ. Wón štany a woteńdže. Cyľu nóc njemóžeše Aksjonow wusnyć. Přińdže na njeho stysk, a wšelake wobrazy so jemu zjewjachu: — zjewi so jemu jeho

žona — tajka kajkaž bě, hdyž poslední raz na hermanek jeho přewodžeše. Widžeše ju kaž žiwu a widžeše jeje wobličo a woči a słyšeše, kak wona z nim rěčeše a so směješe. Potom zjewichu so jemu jeho džěci — tajke, kajkež tehdom běchu — małuške, jene w kožušku, druhe w pjeluškach. Tež na sebje spomni, kajki tehdom bě był — wjesoły, młody; spomni, kak sedžeše w khlódnicy hosćencowej, z kotrejež jeho wotwjedžechnu, kak hraješe na kitaru a kak bě tehdom w duchu wjesoły. A spominaše na městno, hdžež jeho šwikachu, a na kata a na lud wokoło njeho a na puta a na khostancow a na cyłe 26lětnje žiwjenje w jastwje, tež na swoju starobu pomysli sebi. A tajki stysk přińdže na njeho, zo bjez mała móhl sebi žiwjenje wzać.

„A wšitko přez toho njekhmanika . . .“ mysleše sebi Aksjonow.

A zmócnili so jeho tajka złość na Makara Symanowa, zo nje-džiwajo samsneho zahubjenja chcył by so na nim wjećić. Wón modleše so cyłu nóc, ale njemóžeše so změrować. Wodnjo zdalo waše so Makara Symanowa a njehladaše na njeho.

Tak minještej so dvě njedželi. W nocy Aksjonow njemóžeše spać a na njeho přikhadžeše tajki stysk, zo njewědžeše, što započec.

Jónu w nocy džěše wón po jastwje a wuhlada, zo pod jednym łožom so hlina sypa. Wón zasta a kedźbowaje. Tu nadobo wuskoči Makar Symanow spody łoža a ze zastróžanym wobličom pohlada na Aksjonowa. Tutón chcyše nimo hić, zo njeby jeho widzał, ale Makar přimny jeho za ruku a powědaše, kak bě pod scěnu překhód překopał a pjeršć wšednje w škórnomaj wunošował a na wulicu wusypował, hdyž jich na džěto honjachu. Wón praješe: „Jenož mjeleč, starco, wuwjedu tež tebe. A je-li to přeradžiš, přebija mje, a ja tebe njepušču — zabiju će.“

Hdyž Aksjonow swójeho škodzerja widžeše, wuwiny jemu ruku a rjekny: „Zo bych čeknył, nimam winy, a zabić mje njetrjebaš, ty sy mje dawno hižo zabił. Wupowědam to na tebe abo nie — za tym hač Bóh mni to poručí.“

Nazajtra, hdyž khostancow na džěto wjedžechnu, wuhladachu wojacy, zo Makar Symanow pjeršć wusypny, a počachu w jastwje přepytować a namakachu džěru. Dohladowař přińdže do jastwa, a poča so wšitkich wuwoprašować, što je džěru wukopał? Wšitecy zapřewachu. Ci, kotřiž wo tom wědzachu, njepřeradžichu Makara, dokelž wědzachu, zo bychu jeho za to bili hač na poľmotweho. Tu so dohladowař k Aksjonowej wobroći. Wón wědžeše, zo je

Aksjonow sprawný čłowjek, a praješe: „Starco, ty sy wěrnosćiwy, praj mi před Bohom, što je to činiť?“

Makar Symanow stoješe tu, kaž by ničo njebyło, hladaše na dohladowarja a njekedźbowaše na Aksjonowa. Aksjonowej pak třepotaštej rucy a hubje, a wón dotho njemóžeše słowčka wuprajić. Wón mysleše sebi: „Mam zamjelčec? Čehodla dyrbjal ja jemu wodać, hdyž wón je mje zahubił? Njeh pokući za moje martry. A praju-li na njeho — je wěste, zo jeho přebija. A što, kak zo njesprawnje na njeho tukam. Haj, što tež to, budže snadź mi lóžo?“

Dohladowař hišće jónu rjekny: „Nó, starco, řeč wěrnosć, što je tam podkopať?“

Aksjonow pohladny na Makara Symanowa a džeše: „Njemóžu to prajić, knježe, Bóh mi to njekaza prajić. A tež njepraju. Činće ze mnu, štož chceće — wy maće móc.“

Hačrunjež so dohladowař prócowaše: Aksjonow njerěčeše ničo wjacy. A tak tež njezhonichu, što bě podkopať.

Přichodnu nóc, hdyž bě so Aksjonow lehnył a lědma zadrěmnył, wusłyša wón, zo so něchtó přibliži a k jeho nohomaj sydney. Wón hladaše do čmy a pózna Makara. Aksjonow rjekny:

„Što hišće wote mnje žadaš? Što tu činiš?“

Makar Symanow mjelčeše. Aksjonow pozběhny so a rjekny: „Što žadaš? Woteńdź! Abo zawołam wojaka.“

Makar Symanow skhili so blisko k Aksjonowej a šepťaje: „Iwano Dmitrějewičo, wodaj mi!“

Aksjonow rjekny: „Što mam tebi wodać?“

„Ja sym překupca zabił, ja tež sym nóz tebi podtyknył. Tež tebe chcych zabić, ale na dworje so něšto zaropota; ja tyknych nóz tebi do wačoka a wulězech z woknješkom.“

Aksjonow mjelčeše a njewědžeše, što by prajił. Makar Symanow stany wot łoža, skhili so k zemi a džeše:

„Iwano Dmitrijewičo, wodaj mi, wodaj pola Boha. Ja so wobskoržu, zo sym překupca zabił, tebe pušća. Ty so wróćiš domoj.“

Aksjonow praješe: „Tebi so derje řeči, ale što dyrbjú ja ćepjec? Hdže póńdu nětk? . . . Žona je zemřela, džěci su mje zabyłe: njewěm, hdže hić . . .“

Makar Symanow njestany z podłohi, skhili hłowu hač k zemi a rjekny: „Iwano Dmitrijewičo, wodaj! Hdyž mje z knutom bijachu, bě mi lóžo hač nětko, hdyž na tebe pohladnu . . . A ty měješe hišće sobuželnosć ze mnu . . . njesy prajił. Wodaj mi, njekhmanemu zlóstnikej!“ — A wón wótre zastona.

Hdyž Aksjonow wusłyša, zo Makar Symanow plače, zaplaka wón sam a rjekny: „Bóh ěi woda; móžno, zo sym sto króc hórši dyžli ty!“ A wón přesta žadać za domiznu a nochcyše nihdže z jastwa a mysleše jenož na swój posledni čas.

Makar Symanow njeposluchaše Aksjonowa a wuzna so za wínowateho. Hdyž dóndže rozkaz, zo Aksjonow smě so wróćić, bě wón hižo wumrěl.

L. N. Tolstoj. — Zeserbscíl Michał Šewčik. Łužica 1891.

145.

Přeće zapřeća.

Ach njesměm tebi prajić,
Kak tebje lubuju!
We wutrobje chcu tajić
To płomjo sapace.

Hdyž z duše pak so linje
Do woka z přeradu,
Njeh do twojeho winje
So z řeču wóhniwej!

Hdyž sylza potom prasnje
Mi z woka na lico —
O njeh to płomjo hasnje
A duša zapomni!

J. Čišinski, Přiroda a wutroba.

146.

Cyrkew we wsy.

Třo běchu bratřa, z Boranec rodzeni. Sotry jim njeběše, dokelž sotře, kotrejž so staršimaj po druhim synu narodžištej, sotřičcy hižo zemrěštej a čakaštej pod samsnej hórku na radwořskim „wotpočinku“ džen, kotrehož w proty cy njeje.

Tak zwostachu staršej bratraj, kotrajž běštaj po nanu, a najmłodši, kiž bě po maćeri.

Ale žadyn z nich w Boranecach njebydleše. Z tym pak so stawizna hišće njepočina.

Radwoř ze starej cyrkwy běše jej z jewišćom. Stara cyrkew měješe za susodow „knježi dwór“, šulu a přez puć faru. Wote wsy džechu na cyrkwinišćo dwoje wrota. Raz twara běše, kaž kóždy ze šule wědžeše, „radwořski“: dołha lódž z wysokimi z bokow woknami a wysokej třechu, na prawicy wot wołtarlišća přitwarjena kapala, na kotrejž drjewjana zwónca z třomi zwonami, wša do wsy skhowana.

Křesćanska duša by kóždy rad bliže ke mši měła. Tak by tež častohdy „Borančanskim“ w duši zdychło, hdyž bychu pola rad-

wořského „wuja“ kublerja po raňších abo hewak hdy na kofeju byli. Ale byrnje kulojtych měli, tehdy njebě tak lohko so do Radworja zakupić. Rěkaše tuž sčerpnje čakać.

A Borančenjo dočakachu. Hdyž radwořski wuj lětko po swojej žonje swětej dobru nóc da: njezawostajiwši ani synka ani džowčički, namřě jeho bratr — třoch synow nan, kiž bě so do Boranec dawał — kubleško bjez dołha. Zasłyšawši wo smjerći lubeho bratřika, rozrudži so Borančan stary nan, duška pak so jemu po pohrjebje rozradowa — wón bě wšak skupčik — nad naměrkom po bratru a nad tym, „zo, wón rjekny, změja nětko cyrkew we wsy“. Wón znaješe, što to rěka, hdyž běše hólčec a młódzeńc Radwořčan był.

A pobožna mać so jeno tohodla tak lóžičko wot ródneho swójeho statoka džěleše.

Ale wjeselši nichtó hač Hawoł a Pawoł, staršej bratraj, kotrymajž so wšudže bóle lubješe hač w Boranecach. Radosć tež najmłódšeho „maćérneho“ hrabny, zo njetrjeba posłědnje połdra lěta „daloki“ puć do šule khelpać.

Borančanscy so do Radworja zhitarachu. W Boranecach předachu maćérnemu přecelstwu.

Štóž je mać znał, tež jeje přecelstwo znaje a wě, čěja swójbja w ródnym domje třoch synow a jich maćerje za džensniše sydli.

Štóž pak nanowe přiwuznistwo znaje, tež třoch synow z mjenom wě a hdže w Radworju jich po wótcu dom stoji.

Ale synowje žadyn w Radworju njebydlachu. Z tym smy juž w stawiznje samej.

„Borančanscy“ běchu hižo cyłe lěto „Radwořscy“. Přenje žně z namřětych honow mějachu pod suche. W hródžach, khlěwach jim wšo k zbožu džěše.

Z kubłom namřěchu tež starych wujowych hosći z Kamjeneje a Khasowa, a přiby jim po maćeri nowych hosći z Boranec a Bronja. Kaž prjedy k wujej, khodzachu nětko k nim na kofej po zwučenym w Radworju wašnju. Serbja su přeco doslědnje konservativni, w dobrych a złych wěcach; pře čo njebychu tuž přecelstwo hajili?

Djas wšak rady rozkoru mjez ludźi syje. A wusy ju tež do teje swójbje.

A zwuži k tomu nana a „nanoweju“ synow. Nan hižo břěmješko skuposće wot mała nošeše. A djas spyta tež po nanu synomaj po wačošku skuposće naložić. Spyta — a poradži so jemu: wón je z najwjetších pedagogow mištr,

Raz — sobotu z wječorka běše — rjekny nan maćeri wosrjědž rozmołwy: „To bychmy radši cuzym předali hač twojim, kiž nam nětko spochj na šiji sedža, a ċi Bronjanscy tež woprawdže domoj daleko nimaju.“

Hawoł to z poł wuchom zasłyša, a Pawoł wot njeho zhoni.

Škrička so we nimaj rozežehli na płomješko — płomjo, hač wobeju přepali. Měještaj we sebi, što přiřadować; haj woheń běše tajkeho raza, zo so sam wot paleše a njehasowaše...

Běštaj bratraj a daštaj so zhromadnje do džěta. Hdyž štó z „maćernych“ hosći přińdže, počestaj paliwo zběrać: ličeštaj, kelko štó z „witanych“ hosći šalkow bruneje juški wupi, kelko khlěba a mazu styka, abo kelko skibkow. Wobaj ličeštaj. Přirunowaštaj, a přeco by toho ličenje plaćilo, kotryž by wacy naličil.

Ličeštaj cyličke lěto — k wojakam žadyn njeńdžeše — a ličby běchu hoberske. „Telko nan maćerным přiřuznym bjezdžak rozdawa!“

Woheń dale žerješe. Počestaj kóždzičkeho hosća wobkedžbować, wo kelko jich skhuduje. Njejednaše so nic jeničcy wo nana, ně, tež wo njeju, wo jeju naměrk něhdy.

A kedžbowaše skónčnje bratr na bratra, što zjě a wupije, što sebi nahromadži, što rozbroji: što bratr bratrej škodži.

Najlubšej bratraj, kotrejuž samsny woheń wot spočatka wjažaše, rozpóznawaštaj so džen a bóle: woheń jeju rozpali.

Z tym wšak njebě hišće dosć.

Hórje bu: starši bratr bu bórzyčko sam we wótenym domje stajny hósć a přiřjedže hosća hišće sobu.

A to takle. Po třoch kralach wutoru klečeštaj před wołtarjom stareje cyrkwy nawožen a njewjesta. Nawožen bě Hawoł. Njewjesta jemu žiwnosć, rjanu žiwnosć w Lutowću za pomoc přiřnese.

Pawoł pak ličeše hišće, što „Lutowčanskej“ wotjěštaj.

A nchtó wo tym njewědžeše nimo Hawoła. Zapusćeny kraj mjez bratromaj bu šěrši a šěrši. „Djas je mištr.“

W lěcu hišće pak so tež Pawoł woženi do Bronja na kubleško. A tež wón bu ze stajnym hosćom w staršiskim domje.

Bratraj, kiž so husto w Radworju na kofěju zetkowaštaj, pak so njezbližištaj.

A nchtó wo tym njewědžeše. Nawopak, staršej měještaj ze synow a přiřhodneju džowkow najrjeńše wjeselo. Powitawši so wote mše mějechu zabawu kóždu njedželku. Rozmołwjachu so wo swojich džělach, wo wjedrje, kak ze skotom a butru stoji, kelko

žito dawa atd. Staršej běštaj nimo měry zbožownaj, zo běštaj Hawoł a Pawoł tak derje trjehiłoj. Pjenjezy mějachu, k woběmaj wuteptanu šćežku. Wačoškaj skuposće...

Što pak budže z najmlódšim, z „mačérnym“? Ach, wón je hakle šesnaće. —

Tři dny khoriwši nan dwajašesćdesatnik wumrě.

Z jeho smjerću rozpadže khupra swójba. Woheń we bratromaj z blobami wudyri — wosjredź suroweje zymy, kiž by najradši z jeničkim měšacom — wjelčim — džesać zymow wucychnowała. To bě zwichorjeny pohrjeb na Domaša.

Mać płakaše horce sylzy, ale hižo po licu jej zamjerzowachu.

Hdy by wona nětkole wědžała, što wot staršeju synow na nju čaka, by so tu nad rowom swojeho mandžela mortwa spłakała. Bóh chcyše hinak.

Wróciwši so ze z wějemi zanjeseneho keřchowa, hdžež nětko skoro poľ swójby drěmaše, měješe wudowa ze synami krutu rozmołwu. Jednaše so wo rozdžělenje po nanu zdžědženych pjenjeh, wo zdžerženje kubła a wo jeje wuměńk.

Mać rjekny: „Hawole a Pawole, mataj k tomu, zo by jedyn z waju swój přjedawši wóteny statok přewzał. Jan, kiž je hakle w sydornatym, njeby měľ, z čim wamaj wuplaćić.“

„A wo žěntwje pola njeho hišće pomyslenja njeje,“ doda Hawoł.

„Wěštaj,“ pokračowaše mać, „zo so tu njejedna jeničcy wo statok po wótcach, ale z dohom wo blizkosć božeho domu. Čezko sym so wot Boranec džěliła, ale mysl, zo změju w Radworju cyrkew we wsy, mi rozžohnowanje woloži. Njeje tež z wamaj tak?“

„Ja wšak sym hižo na puć wot Lutowča zwučeny“, znapřećiwi Hawoł.

„A zo bychmy my Bronjansey daloko ke mši měli, što chcyť w prajić?“ přirazy Pawoł.

Ale tak njewinowate kaž jeju słowa njeběchu jeju mysle. Byštaj kóždy rad w Radworju bydliloj, ale tón kofej, tón khlěb atd., štož mohľ tajkim hosćom pře ničo za ničo rozdawać, kiž jeno přikhadžeju, hdyž je „njedžela“. Djas jeju na so ščuwaše.

Pawoł namjetowaše: „Maći, hdy by ty swój wuměńk pola nas w Bronju přežiwiła, što?“

Jan pak za mać rěčeše: „Bratraj, njebyštaj so spokojiłoj, hdy bych ja kubło přewzawši wamaj za pjeć lět wuplaćić a dotal daniť?“

Hawoł wotmołwi: „Što pak rukuje, zo so z njewjestu-złotym čelećom woženiš?“

„Cyrkwi pak ja wostanu swěrna, zo bych w kóždej naležnosći k njej najkrótsi pućik měła,“ rjekny mać.

Njedojednachu...

Mać bydli w khěžcy, ze słomu krytej, w susodstwje swojeho njedawno hišće kubła. Khěžka je jeje, kupjena z pjenjz, kotrež bě jej sudnistwo wot mandželoweho džědźistwa zakonšcy přidžěliło.

Zastupiš-li, zda so ěi, jako by do najspokojnišeje jstwički přišlo.

Ale wboha, krjudžena wutroba, kotruž su mjeće synowskeje hrubosće přešle! Mać boleše, hdyžkuli swojej słabej wóčcy na pódla statne twarjenja zloží, do dna wutroby.

Hdžež běše wona před krótkim časom sama hišće knjeni byla. hdžež běše jeje njeboh muž měł rozkaz wšudže-wšudže, hdžež běše sebi myslíla, zo při swojim synu Janu wuměnik přežiwi, tam hižo cuzy knjez — z wječornych stron — rozkazowaše, tam bě nětko młódša žona z knjenju, tam z cyła druhí duch knježeše. Jej bě, kaž by to kublej křiwdá so stawała...

To běchu hišće stare konje, to hišće Plesa ruješe, to hišće stary honač na ranjo wołaše... Stysk so maćeri do wutroby rozlehny.

A kak žel běše jej zas a zas, hdyžkuli so jeje Jan — z wjetša na njedželach — na prozy zjewi, kiž nětko w Kamjenej služeše. Ludžo praja, zo je na kuble služil, hdžež su džensa Čemjericy. Z nim by so dołho rozmołwjała, wón bě jenički, kotryž by jej rozumil.

Hawoł a Pawoł pak kaž byštaj so k maćeri njewědžaloj a njeznaloj.

Jan maćeri powědaše, zo je mjez staršimaj bratromaj srjedź Bronja a Lutowča wulki wichor. Pječa bratr bratrej přispěwa, zo je nanowe kubło přetunjo předata. Skuposć bě po zdaću wobeju truhnyła.

Hdyž bě Hawoł raz pola maćerje na khěžcy, Hawoł wšu winu na rozkorje přješe.

A hdyž bě Pawoł raz pola maćerje na khěžcy, Pawoł tež wšu winu na rozkorje přješe.

Bratr so bratra hladaše. A tola so jónu na khěžcy zetkaštaj. A mać bu ze swědkom bratrowskeje hidy: zwadžištaj so strašnje a wostajištaj mać hišće w hóršim horju.

Samo cyrkwy so počestaj bojeć. Hawoł nochcyše Pawoła, a Pawoł nochcyše Hawoła nihdže zetkać, ani zawohladać. —

Njepřećelstwo traješe — Jan njebě křćenik, zo by bratrow překřćić mohl — traješe hižo połtřeća lěta.

Mać so njeprěstawajo wo podušenje mjez bratromaj njepräcelstwa k Bohu wołaše, ale Bóh kaž jeje wustyšec nochcyl...

Mać so wo zbóžnu smjerc modleše, zo by so tola wšomu njezhinite mu skoro horju skhowala.

Njewumrě. Ale khorosć ju zaja.

Tři lěta po smjerci muža „swjećeše“ šesćdziesiąte narodniny ze sylzami. Z nowa prošeše wo zbóžnu smjerc... a tola sebi zaso přeješe, wuhladać, prjedyžli zandželi wóčcy, zjednaneju bratrow.

Bratraj pak běštaj so Bohu bóle a bóle wotcuzbiłoj. Powědachu hižo po wsach wo nimaj jako pohanomaj, kotraž jeničcy za pjenjezom honitaj.

Njesčiništaj sebi pak ničo z toho.

Wot Jana wo maćernym skhorjenju zhoniwši bu Pawoł hnuty, mać wopytać. Tola dopominajcy so zwady z Hawołom pola maćerje mysleše khoru mać njewopytać.

A Hawoł wot Jana zhoniwši, zo je mać so lehnyła, wotmysli sebi k njej dóńc. Tola ducy dopomni so dawneje zwady z Pawołom pola maćerje — a zawróci so.

Dobry trošt bě maćeri w khorosći, zo jej susodźic domjaca poslužowaše. Kotruž běše njedawno hišće do tych „cuzych“ ličiča, běše jej z dobom bliže hač jeje samsne džěci. Holčka wšak bě sama dobra duša.

Hanka wutepi khorej žonje w tym zymskim času jstwu a zna-
noša jej wot domu k jědži dosć.

Mać Janej „swoju“ Hanku dokhwalić njemóžeše...

Tola rany, kotrež běštaj jej staršej synaj hrubje nabiłoj, při wšej lubosći a přiwisnosći Jana a Hanki njezažiwachu; nawopak: džen a hórje palachu.

Nadžěja, zo Bóh pokoj na rozdwojenu swójbu rozlinje, drje w maćerskej wutrobje skryta so zybolkowaše, ale zdaše so, kaž by hakle za dołhi dołhi čas so dopjelnić chcyla. Mać toho dočakać njemysleše, byrnje toho dočakać žadała.

Mysle pak — přisłowo praji — jebaju, mysle ludźi jebaju. —

Na Domaša — třeće lětnje wopomnjeće nanoweho pohrjeba — zwottorhachu so wichorec duchi we wšěch kóncah a dachu so mjez sobu do wójny. Bijachu so wokoło Radworja. Mjetachu so ze sněhom, zo njebě njebjaja widjeć, ani přenjejo susoda.

Tych tale wějeńca zjeba, kiž běchu před třomi lěty mysli, zo so tehdy na džesać lět sněha nańdže.

Hawoł, kotrehož statok tež na bitwišću ležeše, dopomni so runje při tymle surowjenju rozwuždženeje přirody na nanowy pohrjeb

a pó nim sčehowacu swoju rozwuzdženosc, swoju wójnu z maćerju a bratrom, kiž drje zwonkowneho raza njebě, tola wutroby žerješe. Dopomni so swojeje wójny z Bohom, kotremuž, kaž mysleše, njebě za nimale tři dołhe lěta juž „na woči“, t. r. do cyrkwy, přišoł.

„Kak, hdy bych so djasowych putow swlekl, so złemu duchej wutorhnył kaž wonka wichory?“ Něšto so we nim přihowaše.

A Pawoł stoješe kaž we snje zaštych lět, hdyž spózna, kak bě jeho skuposć wuwjazala. Cyrkew, mać a bratrow bě jej njenasytnej woprował. Jemu so we wutrobje bitwa poča...

„Je čas, zo so zhrabam, wuwinu pazoram skuposće, kiž je mje wosamoćila a kiž by mje, ja wěm, tež zadajila.“ Křiž na křiž so jemu po mozhach myslički honjachu.

To bě na Domaša.

Nazajtra mać Hancy zjewi, zo traš patoržicu hišće wudycha swoju krjudženu dušu. A w rozmołwje wotkry swojej hladařcy wšu bolosć, počinajcy wot Hawołego a Pawołego kwasow kročo k předaću kubła a kónčicy ze słowami:

„Sy mi zrozumila, Hanka? Na kuble myslach, zo dožiwju swoje dny — ale bratraj Janej kubła njepopřeštaj. Nadžijach so, zo budže lětsa mjez Hawołom a Pawołom rozkory, njepřećelstwa kónc. Sym za njeju spěwała k Bohu, ale —“

Tu so jej po skhudłymaj licomaj sylzyčcy kulištej: džěl jeje bolosće.

Přindže Boži wječor, ale Bože džěćo jej njewobradži, čehož sebi tak nutrnje žadaše.

Hdyž so tehdy ze svojim Janom do pońocy rozmołwješe, rěčeše najprjedy ze sylzowacymaj wočomaj wo tym, štož ju tak njesměrnje ćežeše, na kónc pak so jej woči jasnić počestej, kaž z njebieskim wotsćinom.

Wot jědnaćich hodžin tež susodžic Hanka z napjatym wuchom na słowa ćerpjeŕki słučaše.

Hdy byštaj Hawoł a Pawoł w tutej hodžince mać widžaloj a słyšaloj, zawěsće, jimaj by so kamjeńtna wutroba zmjeħčila. By so měř a pokoj zlinyl zaso na njeju, a mać by mohła spokojena — zawohladaŕši zjednaneju synow — zańdželić na wěčne woči.

Chcyła, maći, dočakać, Hawoł — wón sam njewě, kak so to stawa — dže na nócne kemše, a Pawoł — tajnje hnuty — khwata džensa po dołhej zastawcy znatu šćěžku z Lutowča ke mši. Chcetaj tebe po kemšach wopytać — a so zjednać.

Ale ěi tŕo w nizkej jstwiěcy wo tym dŕiwje njewĕdŕachu. Jeniěcy tajne wot horjeka date ěuěe, wo kotrymŕ sama zapŕijea njemĕjeŕe, maěeri wobliěo rozesmĕwaŕe, kaŕ Jan a Hanka widŕeŕtaj ... Ćas pokračowaŕe.

„Dŕesaě minutow do dwanaěich, sŕyŕŕej, mojej dŕŕŕŕi,“ wuliny so nahle maěeri ze rta, „zwony ke mŕi woŕaju! Kak husto su mje woŕaŕe, kak husto sym je sĕĕhowaŕa, kak rada bych z wamaj — hdyŕ z tamnymaj njemŕŕu — dŕensa ŕŕa!“

„Hdyŕ budŕeěe strowa, maěerka!“ rjekny z luboŕnym hŕosom Hanka.

„Ty sebi lohko wustrowjenje myslis, dŕŕěo“, khora ŕelnje znapŕeěiwi.

„Wote mŕe pŕiědu zaso, maěi,“ prajeŕe Jan so zwjerŕnik woblekajo, „rozpowĕdam ěi wŕo, kak rjenje je w cyrkwi byŕo.“

„Ja pak chcu mjez tym byě kaŕ w Boŕim domje a so modliě k tomu, kiŕ je svojim jandŕelam pokoj ěŕowjekam dobreje wole spĕwaě daŕ, hdyŕ je tŕnle swĕt nastupiŕ.“

„A ja teŕ k wam ducy wote mŕe pohladnu.“ proŕeŕe Hanka wotkhaŕŕejo.

Wona pak k ŕoŕu zaso pŕistupi, hdyŕ so maě z Janom rozŕohnowaŕe prajicy:

„Modli so za mnje —“

A k Hancy zhladnywŕi:

„— Hanka, wuspĕwaj teŕ za mnje wŕŕĕnaŕ, Bŕh ěi zamytuje —“

A k Janej dale:

„A modli so za braŕow, a hladaj, haě tola dŕensa w kemŕach nejŕtaj, a pŕiwjeŕŕ jeju ke mnje. Mi je, kaŕ byŕtaj so skoro zjednaě dyrbjaŕoj.“ —

Zymna je Boŕa nŕc. Snĕh pod pŕduŕu piska.

Radworŕcy sebi cyrkew we wsy khwala...

Po kemŕach kleěa tŕo synowje pŕed ěĕŕom swojeje maěerje: zjednani, a z nimi kleěi holěo.

Zrudne, ale zbŕŕne hody...

Za lĕto.

Jan z Hanu na wŕŕnym kuble hospodari, a maě z njebyes a nan zhladujetaj na mŕode zboŕo.

Wo „cuzych“ niětŕ njewĕ.

Hawŕ a Pawŕ zaso na kofej khodŕitaj a ŕtaj hiŕo zabyŕoj kuski ludŕom do huby wotliěowaě.

Jan pak je wšón zbožowny, zo ma cyrkew we wsy, a njehlada šalki kofeja, kotruž Bronjansey abo Lutowčenko abo Borančansej a družy za jeho blidom pija.

M. Nawka, Łužica 1907.

147.

Wosud wutroby.

Sam doma sedžu, sedžo sam sej płakam,
Mi šeri něšto wutrobu a spina,
Mje wabi zbože a mje traši wina;
Před winu čekam a na zbože čakam.

Kaž worjoł wysoko ja w myslach łakam
A nizko jimatej mje próch a hlina.
Kaž škowrončk zběhnyć a do zemje klina
Kaž błysk mohł wrjesnyć so! — Tuž sam sej płakam —

Cheył lećeć z wichorom, ze słóncom horić
A khodzić z hwězdami a rěčeć z róžu
A wobraz duše namkać we krystalu!

O hrozna hra! Hač zymny sym hač palu
So, ničo njejsym, ničo njezamóžu,
Haj ani sebje zujesć a wjesć a tworić!

J. Čišinski, Příroda a wutroba.

148.

Po bitwje.

... Kaž bě Napoleon wěšćil — popołdnu w 3 hodź. bě bitwa dobyta.

Hač pak bě Napoleon spokojom? Rozmjaseć bě njepřečela cheył a tu khwilu bě so jemu njepřečel kaž wuhór z rukow winył, ani jatych, ani bróni njezawostajiwiši. „Tajkele mordowanje,“ zdychny Napoleon, „a žadne wuspěchi! Ani hozdžika mi njewostaja!“

Droho běchu Francózojo dobyće zapłaćili. 20.000 bě jich na bitwišću wostało — njepřečel bě jenož 15.000 přisadził.

Bitwa je nimo. Prusko-ruske wójsko je so k Lubijej a k Wósporkej horje wotsaliło. Wot tam přihadžeja posłědnje dozwuiki wójskeho hołka. Drobne črjódki jězdnych šerja hišće po wsach, šćekajo so z njepřečelom. Ale tež wone wustawaju. Po něčim so wšo změruje: kanóny a mječe, ludžo a skót. Čłowječa natura je

sylniša hač ludźaca złósć — a kładže wšo do spanja. Wojacy padaju z mučnosću. Spicy khodža, spicy kolebaju so na konjach. Słónčko je so z časom skhowało. Bě so nahladało, naposluchało na to hubjeństwo. A tajke krwawe čerwjene bě so khowało, kajkiž bě tón cyły dzeń był. „Wjacy krwě hišće poběhnje,“ wěšćachu ludžo. We wječornych směrkach posleđnje pruhi hašeja.

Ale nihdže njezwonja swjateho wječora. Zwony žaruja. Zwónicy su rozčěkali.

Ale druhe hłosy po bitwišću skiwla — cychnuja. Wot lužiskich hór hač dele do Sprjewinych nižinow klinči jedyn struchły kěrluš — plač a žalosć ranjenych a mrějacych. Dži, hdžež chceš, wšudže zakopnješ so wo čěła, wšudže dyrbiš slyšeć samsne hrózbne dožwuki. W keřkach to stona a na łukach, w dolinach a na horach. Tomu je kula ruku wutorhła, nohu rozmjatla; tamnomu je mječ přez wutrobu přešoł, hlebija mjez rjebła zajěta. Toho su konje poteptałe, kanóny přejěle, wonoho bajonety rozpróle, třělbowe toporo mjezwočo rozbiło.

Kelko bolosće, hubjeństwa na poměrnje małej přestrěni!

A kaž woda po hrjebičkach, tak čehnje so bolosć po dróhach hłubje nutř do kraja. Na karach — konje, wozy su jim wojacy zebrali — dyrbja burja, roboćenjo ranjenych do lazaretow wozyć. Mój Božo, kajka to pokuta — za toho, kiž wjeze, a za toho, kiž so wjeze. Ach, te puće tajke škropawe, džěrawe, a te kary nic na pjerach! Kak to koša, kak to krjuduje! Kelko jich ducy po puću wudycha. A zaso bě woběmaj lóže, tomu na karje — wón bě přetrał — a tomu z karu — zwróci karu z čěłom do hrjebje.

Kak je so našimaj wowecynmaj bratromaj zešlo? Hač staj so na tajkej karje ze swěta wjezłoj, abo hač su jeju kanóny roztorhałe, mječe rozrubale, hlebije dokałale? Hač snadź tam ležitaj w měsće na Tuchorju — w tom hobrskim zhromadnym rowje, na kotrymž stoja słowa: „Jenož žiwjenje hidži — smjerć wujednawa?“ Abo hač staj na bitwišću do błóta steptanaj ležo wostałoj? Nó naposledku wšo jene, zo jenož njebuštaj žiwaj pohrjebanaj. Hač tež to so njestanje? —

Cyła budyšska krajina wot horow hač do Delan, hewak tak płódna a ludna, je so za dwaj dnjej do pusćiny přewobroćiła. Nihdže žiweje duše. Pola rozteptane, rozjězdžene, štomy roztorhane, rozlamane, twarjenja roztrělane, wupalene. Pozběhn woči a rozhladuj so! Kajke zapusćenje do koła. Kajka čerwjen na njeju, kelko božich wohnjow na zemi. Cyłe wsy so pala a nikoho njeje, kiž

by płomjenjam wobarať. A k Lúbijej horje same biwaki. Tam wot-počuja wojacy wot swojeje krwaweje roboty. W Nowych Poršicach biwakowy woheń najwyše sapa. Tam sedži Napoleon ze swojimi generalemi za wječerju. Je wjesoleje mysle a žortuje.

Hač tež to jemu do mysli přindže, zo tež jeho dla te stony, te płomjenja k njejbju stupaju, hač tež to zdychnje za tych, kiž su džensa za njeho na prawdu Božu wotešli? . . .

J. Wingef, Krajan 1913.

149.

Serbskim wótčincam.

Budź wěrnym Serbam slawa,
Kiž swjatu horliwość
We wutrobach nam haja
Za Serbow narodnosť.

A kwětki njech njezwjadnu,
Wot Serbow sadžane,
Te zwjazki njech njespadnu,
Wot bratrow wjazane.

Džak wutrobny všem njesće
Kiž płodža Serbowstwo,
We spěwach krasnych česće
Wšě serbske towaństwo.

Budź khwalba serbskim mužom,
Kiž prawa žadaja!
Jich sławne mjena všudžom
Njech hódnje česćuja.

Njech w serbskim kraju znaja
Tych mócných ryćerjow,
Njech Łužičenjo praja,
Zo maja wótčincow.

Mikławš Jacslawk, Hórnikowa Čitanka.

150.

Hendrich Jaroměr Imiš.

(16. dec. 1819—1919.)

Smoleř, Hórnik, Imiš su tři hwězdy přenjeje wulkosće na njejbju serbskeho narodneho žiwjenja. Jan Ernst Smoleř so narodži 1816, bě přeni budžeř našeho ludu, a wumřě 1884. Po nim bě najwjetši zastupnik serbskeho naroda Michał Hórnik. Po jeho smjerći 1894 zdaše so, jako by časnik našich stawiznow cyle zastať. Tola hišće bě tu Imiš. Z ertnym a pisany m słowom bě wón mócný zastupnik našich naležnosćow. Z Imišowej smjerću spadny poslednja z tutych třoch wulkich hwězdow, tola, Bohu džak, nic cyle: tak wulkotni duchojo su dale žiwi we swóich skutkach. Štož su woni wusywali, to nětkole skhadža, a štož su woni sadželi, to nětko so přima, rosće a zakčěwa w nalěcu demokratiskeho časa. Štož je Imiš z přeswědčacy m, napominacy m a zahorjacym słowom zaščěpjať Serbam do

wutroby, to hišće džensa rjane płody njese a rjeńše lubi, hdyž. słonco swobody přenje prubi tež do serbskeho kraja sće. Jeho mištrowska zrěčniwosć njeje hišće wotmjelkła, a wohniwy zwuk jeho płomjeniteho słowa ma hišće džensa swój wothłos we wutrobje džakownych posłucharjow, swěrných wučomnikow a pilnych sčěhowarjow.

„Lubosć njewumrěje!“ Lubosć k bližšemu, lubosć k serbskemu ludej bě kóždy jeho słowo. Ani třeskaca zyma njewustudži horcých začuócow, kotrež je jeho ert we wutrobach rozhrěł, ani najhłubši sněh ženje njezawěje w pomjátku serbskeho ludu mjeno Imiš. — Šěsnateho hodownika budže sto lět, zo je so Imiš narodził. Z njewurjeknitej zahorjenosću přizamkny so wón hnydom zahe jako młodźenc Smolerjej a druhim budźerjam ludu a skutkowaše ze zapalom we wažnych lětach 1848—49 na polu serbskeje politiky a pismownstwa. Jeho wulka wobdarjenosć, jeho njepowalna wola a wutrajnosć doby jemu bórzy sławne mjeno šěroko a daleko po Serbach, haj, tež dale serbskich mjezow. Imiš bě hižo tehdom njebojazny zakitowar prawow serbskeho naroda, před wulkimi, tež najwyššimi knježimi zastupowaše raznje a wustojnje swój lubowany lud.

„Wutroba so mi horješe!“ Tak by Imiš často swoju řeč započal. A to njebě hołe słowo. Štož Imiša znaješe, tón wjedžeše, zo za tutymi słowami stojachu tež skutki. Jeho wutroba bě poľna křesćanskeje lubosće, a wón swoju lubosć wšěm najnadobnišo wopokazowaše ze skutkami. Žadyn wopor njebě přewulki, štož móžeše, Imiš činješe, jeho darniwa ruka woprowaše dosć husto posłědny zbytk khudemu, hubjenemu. Wón přědowaše lubosć, wón činješe lubosć. Čehož bě poľna jeho wutroba, to řečeše jeho jazyk, to činješe jeho prawica. Tohodla skutkowachu jeho słowa na njewuprajnje žohnowane wašnje. Jasnje, krasnje, raznje Imiš řečeše kaž lědma što druhi.

„Kóždy tydžeń dyrby ja něšto do „Serbskich Nowin“ napisać.“ Tak wón jónu nastawk pisajo rjekny. To bě sebi wón wotmyslił, to bě wón slubił a to wón swěru dopjelnješe, doniž móžeše jeho ruka pjero wodzić. Imiš bě krůty kharakter, spušćeć mózachmy so na njeho. Wón stoješe kaž we wichorach dub. Tutón rjany slub, kotryž je Imiš swěrnje dźeržał, njech pohnuje do džěla, komuž je wot Boha daty dar myslenja, řečenja, pisanja. Nichtó njesmě zaryć talenta, hewak budže zamołwjenje čežke.

Jara podobne našemu časej běchu lěta 1848—49. Kaž džensa naš lud wocuća, tak tež tehdom wocući. Z džakownosću spominamy na mužow, kiž tehdom do zjawnosće wustupichu, kaž Smoler, Do-

maška, Mikławš Cyž, Jórdan, Zejleř, Kocor, wosebje pak tež Imiš. Džensa, wězo, su cyle hinaše wobstojenja: móc jednoho, móc někotrych a tež někotrych worštow je wosłabnyła. Lud, cyły lud, płaći džensa wjele, bjez mała wšo. Tola — a to njesměmy ženje w politici zabyć — lud sam bjez wjednika a bjez wjednikow ničeho njedocpěje. Wězo tež runje tak mało wjednik bjez ludu. Tohodla budź Bohu džak, zo je tež nětko nam pósłał prawych, njebojaznych, woporniwych wjednikow, kajkiž bě naš Imiš.

„Imiš tu je!“ Imiš tu hišće je, jeho njehinite skutki nowe skutki płódža, jeho słowa njech dale powuča, zbudžuja, přeswědča, zahorja k pilnemu džělu naš lud z ertom a pjerom. „Wopomnjeće sprawneho wostanje w žohnowanju!“

J. Libš, Serb. Now. 1919. č. 50.

151.

Na Helgoland.

Tuž w božim mjenje! „Dajće łódzi poľnu paru!“ Rječazy wrjeskotaju. Kótwica wuplunje z wody na łódź. Mašiny na dnje hoberskeje łódže zadudnja. Kolesa khodža — z wuhnjow porska para — nadobo so dudławje zawuje, kaž by lawow črjóda zaruła. To je znamjo! Z dohom so łódź zahibota, pjerje kaž husyca z křidłomaj, hdyž so kupa, z pobočnymaj kolesomaj do wody, zo so wšo ješći a wari — a kaž wódny ptak wuplunje łódź do šěrehc morja. Haj šěre je wšo njebo nad nami — woda pod nami — šěra je kurjawa, kotraž kaž pawčina z njebyes hač do zemje dele wisa — šěry leži kraj za nami, wot kotrehož so zdaluje so zdalujemy. Je $\frac{1}{2}$ 4 rano a w tu khwilu hišće kupa Norderney, wot kotrejež wuplunychmy, twjerdže spi.

Tež na łódzi widžiš zasparne mjezwoča... Njejsu mi cuze. Znaju je z Borkuma a wot wčerawšeje jězby na kupu Norderncy. Najskerje su ěi zaspancy wčera hač do nocy hdže sedźeli — a nětk je hlowa woľojana a woči stej kaž žaklijenej. Zo jenož so jim to njepowjeći!

Maje wožiwja čerstwy wodych mórskych žołmow, přez kotrež sebi łódź puć ryje. Ach, kak to wočerstwuje čuwy. Sedžu na zadnim kóncu łódže a hladam na tu nazeleň bětu šćežku, kotraž so za lodžu čehnje. W powětre našu łódź přewodža šwita bělych rybačkow. Mam w brěmješku něšto kulkow caľty. Te mórskie ptačata su kaž džěci. Widža-li čłowjeka jěsć, zechce so jim

tež a kjawkaju, doniž so njesmiliš. A tajke maja wótre woči! Čisnješli jim srjódkca całty do pěnjacych žołmow, kaž z błyskom zleća za njej a wułoja ju z warjaceho morja. Zbožowne to skoćatka — w powětrje na kraju — na wodže — wšudže su doma. A kak wutrajne su jich křidła. Sta mil přewodźuja łódź přes šere morjo. — Całta je rozdrjebjena.

Kurjawa je wopadła. Njebjo — módre čiste wumjećene bjez mrócałki a tež mórska woda je so rozmódriła. Tak daleko hač wočko saha, wupřescěra so hoberska modra płachta a přes nju čehnje naša łódź bělu nitku. Hdys a hdys wupłunje nam napřeco łódź pak parnik — pak płachtowa a čehnje kaž mórske zjewjenje wot nazdala nimo. Wšo to nas puta — wšo štož mórsku pusćinu wožiwja.

Překhodźuju so po łódži. Sym kolebanju zwuknył. Mórski njeduch njeje so mje dótknył. Horda to myslčka! Kaž farisej na cłonika spohľaduju na wbohich rawsow, kotřiž po kutach pokućeja za wčerawšu předołho wužitú nóc. Wčera pawki — džensa dawki.

Bóle po křescánsku hakle začuwach, wuhladawaši předku na ławcy žónsku, bělu kaž twaroh w mjezwoču, z džěćatkom, do rubiškow zawaleny, na klinje. Tu njewinowaći ćěrpjachu. —

A dale čehnje łódź swoju brózdnu přes módry mórski zahon. Kapitan po swojim mosćiku khodži. Hdys a hdys bjerje škleńcu a hlada w stronu, w kotruž naša łódź płowa. Nadobo so jeho wobličo rozswěći, kaž by pruha přelećała přes mhlowne njebjo — z jeho erta wuskoči słowčko a kaž elektriska škřička přelětuje ze rta ke rtej. A za wokomik je jene słowo na kóždym jazyku — Helgoland — Helgoland. Wšitko so čěri do předka — wšitko wótri woči a štož ma, hraba za škleńcu.

Na wobzorje skhadža spodźiwny wobraz. Z wopředka zda so ći, kaž by z njebies dele wisała čěrwjena płachta a so do morja tunkała. Trochu bliže so přeswědčiš, zo to njeje płachta — ale skerje hoberski čěrwjeny hród, kiž je z dobom z morja wurostł. Hišće bliže rozpóznaješ, zo je to na 50 metrow wysoka čěrwjena skała, kotraž ma na hłowje zelenu čapku, postajanu z domčkami a cyrkwičku, kaž z džěćacymi hrajkami.

Woprawdže lubozny to napohlad — tale čěrwjena kupa wosrjedź módreho morja.

Njewěrjach sebi słowčka piknyć. Bojach so, zo mohł so tónle pyšny wobraz rozplunýć, hdy bych słowčko prajił. A tež džensa hišće nejzwažu so jeho dótknyć — Sym prosaik — a tón njech so njezwěri na předmjety, kotrymž je jenož basnik zrosćeny.

Tuž kladu pjero. — Njeh naš basnik řeči! Slyšće:

Aj, ty krasna helgolandska kupa!
K njebjes wysokosćam hłowa saha,
Z mocu na dno mórske noha stupa,
W zymje, w lěće w morju stojiš naha!

Błyski z mróćelow do tebjje pjeru,
Rany ryja tebi do khribjeta,
Z hłubin wotmach na tebjje swój bjeru
Žołmy, do wočow ješć morjo mjeta.

Wichor do hłowy ěi krónu pleće
Martařsku; krej z kóždoh' ěeše stawa.
Jako mróćełe pak slóncó zmjeće
Z njebjes — tak je jasna twoja sława.

Stój, mój Helgolando, stój mi kruće,
Přimaj twjerdže do bróni, do škita,
Kedźbu błyskow žału, žołmow ruće
Njeměj, doniž slóncó zemju wita!

Lódž bě doplunyła. Wućisnychu kótwicu wonka na morju. Helgoland nima přistawa. Kaž mórske łastojčki přilećachu Helgolendźenjo z wuzkimi dołhimi čołmami po nas a zobrachu nas sobu na kraj. Na pobrjohach wočakowaše nas syła ludźi, zasadźiteje nizkeje ale sylneje postawy. Kajki to rozdźěl mjez ludom w južnych krajach a tu i a sewjeru. Wustupiš-li tam na kraj — so wookoło tebjje wšo hiboce, škrěči — žebri a za wačokom hraba, zo móžeš so lědom ludźi wobróć. Tu stoja ludžo němi kaž z kamjenja ěesane postawy — ěmowje zhladuju na přikhadnikow. Wotedawši swoje břemješko puščich so na kupu. Njeje wulka. Do dołhosće měri 1600 metrow, do šěrokosće 600 metrow. Wobstoi z dweju dželow, z delnjeho a hornjeho kraja. Runje wot mosta, na kotryž z čołma wulězechmy, wjedže najrjeńša a najwosebniša dróha, Kejžorowa dróha, do městačka, kotrež je so tu na stopje kupy pod skałami rozložilo.

Je to lubozne městačko — ěiche, z wozami so tu njeježdzi — jenož z nazdala słyšiš wothłóš morja. Dróhi wuzke — čiste — domčki małe, po zastarsku ze swislemi do dróhi hladace. Ale w tychle domčkach knježi hižo nowočasný duch. Wšo tu maš, štož ěłowjek w našim času žada, piwo z Plznje a Mnichowa, šunku

z Prahi — koľbaski z Frankfurta — twarožk ze Šwicařskeje, wino z nadrynskich pobřijohow, tež tokajske a šampanske, pomeranče, winowe kiće z Italskeje — pohladnicy z Drježdžanskich twornjow — jenož pinčnički běchu, z najmjeńša w tym hosćencu, w kotrymž so ja wokřewich, wše rodžene Helgolandski.

Čas bě mi wotměřeny — jenož tři hodžiny. W popołdnu jednej pojědu dale do Hamburga. Tuž do skoku! Doleću horje na wjerch Helgolandskeje kupy. Dwaj pućej so mi tu poskićujetaj — rjane šěroke skhody a elektriska připrawa, kotraž ma ěi wobćežne postupowanie po skhodach zalutować a ěe z błyskom wot deleka na wjerch kupy sčahnyć. Rozsudžich so za ěežši, ale za mnje zaji-mawši puć po skhodach. Wulkotny bě wuhlad ze skhodow na nje-směrne módre morjo, posyte při kromach z běłymi płachtami ry-bařskich čotnikow.

Dóndžech na wjeršk. Šćežka wjedžeše mje po samej kromje čěrwjenych skałow, kotrež na 28 hač 30 metrow z morja won rostu. Džiwy to napohlad! Kak su te skały roztrihane. Hłuboke škaľoby je móřski nawal do nich wurył a móćne stoľpy wot skałow wottorhnył. Někotre hišće zwisůja kaž z wuzkim mosćikom z kupu — druge cyle wopuščene w morju stoja a kajki změja kónc, zhódaš snadno, hdyž dele na móřske dno zhladuješ. Te je krvawe čěrwjene wot rozpadankow a drjebjenkow jich přjedownikow. Džiwna to wěc. Woda tak mjehka, elastiska — a tola skaľu přemóže; powala — požěra — zjednoćena njewustawaca móć milionow slabych kapkow. Wukůmy přjednosť a wutrajnosť — a skaľy powalimy!

Zo bychu móřske zmohi kupu cyle njerozdrěle, twarja na wo-sebje exponowanych městanach hoberske murje. Čłowjeski duch — čłowjeske džěło — na jednej — džiwja njerozumna, ale za to ěim hrózbniša móć přirody na drugej stronje.

Što tež to dobudže? Hač tež to so Helgolandej njezeńdže kaž něhdy serbskemu městej Wineće, kotrež so do morja zapadže? Što wě, hač njeje Jendželčanow runje to pohnuło, zo so za drohe pjenjezy z kupy z časom wucofachu? A dale mi mysle du. Na Łu-žicu spominam — na naš luby serbski ludžik — tež tajka kupa w rozwuźženym móřju.

„Łužica, ty Helgolandej w morju
Runja sy. Kak ěěsni mje a krudži,
Zo sy w boju hoberskim a w horju
Jako syrotka w srjedź cuzych ludži.“

To běchu Ćišinskeho mysle, hdyž snadž samsnu šćežku džěše,
a jeho słowa čehnjachu tež mi tehdom přez wutrobu. Wospjetowach:

„Čežko wutroba ěi twoja stona,
Nihdy zažić nochcedža te rany.
Wo dnjo płačeš, w nocy čežkoh' sona
Wobraz šeri z krewju molowany.“

Tež mje tu poča wšitko šerić, wopominajo wosudy swojeho
serbskeho ludu. Khwatach dale.

Něšto kročeli wot kromy pasechu so čorne wowcy a wokoło
nich honjachu so hólčiska. Zbožowne stworjeńčka. Bjez starosće
wjesela so žiwjenja. Njewidža, kak morjo lika wo słopu jich syd-
lišća, kak so žołmy jemu dale hłubje do bokow ryja — kak tam
pod luboznym módrym zwjerchom njepräčelske mocy postawki jich
žiwjenja rozwaluja. Zhladuja k njebju — a njebo je jasne — a na
jasnym njebju miły je Bóh — a tón ma tež jich do swojeje wšoho-
móčneje ruki zapisanych a bjez jeho wole tež jim njespadnje
włoska z hlówy. A to zbudžuje dowěru — a ta jich krućí. A tu
je mi, kaž bych basnika słyšał.

„Tola njeboj, syrotka so wboha,
Wjele z tobu płače swěrných woći,
Wjele swěrných duši prosy Boha,
Wjele za tebjě so rukow poćí!

Jako k połdnju twoje hory stoja
A k połnocy twojej' hole štomy,
Tak dzerž kruće, Łužica mi moja,
Serbske wutroby a serbske domy!“

A wokřewjeny spěcham dale. Strach wo naš narod je po-
pušćíł. Nakhadžam horstku namórníkow. Třěleja z kupy do tarče
w morju wustajenej mórskej přestrěni. Nětko su to hrajki. Ale
běda, hdyž budža třělby łuskać do žiwých tarčow, do ćopłych
čłowskich wutrobow! Běda, hdyž raz wocuća te čorne njeduchi,
kotřež na hromadkach, po kupje rozložonych, spja, abo kotřež
hišće pod zemju čakaju na wothłóš wójńskich trubow, zo bych
ze zemje stawali, běda, hdyž budže cyła kupa we wohnju, hdyž
budža kanóny kaž hadžiska woheń pluwać morju do módreju
wočow! Kajke snopy běheho ješća budža tehdy z morja k njebju
stawać při kóždym wutřělu! Kak budže morjo dudnić a so warić.
Hdže so potom wućeknjeće, lube waweki, drobne džěćí, hdyž

budže so zemja z morjom bédžić? Hdžež su je zahon zrały do syćenja.

Tak filosofowach, doniž so njeminych do wuzkeje dróhi, doniž njeběch wosrjedź khuduškich rybařskich domčkow. K zemi su přilěpjene — jedyn dđerži so druheho — do kulki su stłóčene kaž stadło naspłóšanych kurwotow. A mjez nimi, kaž pala wosrjedź kurjatow, stoji šěroko založeny boži dom. Zastarski to twar — nizki — zasadžity, kaž helgolandski lud. Horje so njewěri. — Tam wot morja duje a wichor drěje. Wjele pomnja tele murje. Stojachu hižo, hdyž běchu Danojo nad kupu z knjezom. Přetrachu časy jendželskeho nadknježstwa — a stoja hišće njezlemjene džensa, hdyž němska korhoŵ nad Helgolandom wěje. Zastupich. Ćmowy je dom boži — kaž ćmowe pohladnjenje helgolandskich wočow. Wjethki zwónk, z bětej kaž sněh brodu a z horstkami bětych włosow na hłowje, mi rozpokazowaše. Wot wjercha wisaše łódź, kotruž bě pječa wěsty sławny Helgolandžan natwarił, a kotruž bě swět přejězdziwši, do cyrkwje jako wopomnjeńku poŵsnył. Po khórach su swjećata namolowane, kotrež stawizny stareho a noweho zakonja we wobrazach předstajeja, biblijske stawizny za woči! Wušedši z cyrkwje doskočich hišće do Helgolandskeho museja a do wulkotneho akwarija, wobhladach sebi swět Helgolandskich ptačkow a rybow, něhdy wjele bohatši hač džensniši džeń, hdyž je čłowječa rubježna ruka jón zapusćila a wjele ludžik rjad njeđónđe?

Njemóžu mysličku dopřasć. Časnik pokazuje na jednu — łódź hižo raz zakuta — dyrby dale — bliže k domiznje.

Božemje, ty krasna helgolandska kupa,
Njepodaj so. Stój ty w morju kruta!

J. Winger, Lužica 1917.

152.

Jan Ernst Smoleř.

(* 3. měřca 1816).

Přeco a we wšěch wobstojenjach jenak nadžějepoľny, wobstajny, pilny a džěľawy; z kóždym přecelnje, dobroćiwje, lubosćiwje wobkhađžeše; stajnje bě hotowy, zaradzić, pomhać, sobu skutkować a podpjerać, štožkuli móžeše bližšemu, wosebje serbskemu ludej wužitne być. Tajki naš njezapomnity, wulki wóťčine a wjednik Jan Ernst Smoleř běše.

Kak derje bě, zo wón hišće z časom kupi ležomnosć serbskeho domu, pozdžišo budžiše to njemóžna wěc była. W něhdyšim twarjenju na rózku zwonkowneje lawskeje drohi a lawskich hrjebjow załoži swoju čišćeńnju a swoje klamy za knihikupstwo a nowiny. Tu w niskich małych klamach widžu jeho hišće tak derje a jasnje. jako bych jeho wčera posłědni króc postrowił: hłuboki, trajacy bě začišć, kotryž jeho wosobne zastaće, wuraz jeho rjaneho wobliča činješe, kotrež swědčeše wo njewšědnej wobdarjenosći ducha. Kóžde pohibnjenje, kóžde słowo a kóžde pohladnjenje pokazowaše, kak wjelestronscy zdžěłany muž před nami stoji; dlěje jeho znajachmy a bóle sebi jeho wažachmy.

„Četa, wujo, što pak je pola was noweho?“ Tak by so prašal tych, kiž bychu z dalšich kóncow přikhadželi; štož bě zajimawe, podawaše w svojich „Nowinach“. Jenak wustojnje wědžeše wobkhadžeć ze wšědnym čłowjekom kaž ze zdžěłanym a wysoko postajenym. Tohodla jeho wšitcy česćachu, wšitcy tež lubowachu a rady na jeho radu dźiwachu a posłuchachu. Na wobkhadženje bě wón mištr. A runje toho dla bě wón tak wubjorny wjednik cyłego luda.

Mnozy z našich rowjeńkow su jeho hišće po wosobje znali, mnozy znaju jeho ze wšelakich spisow, druzi z ertneho zdžělenja a wopowědanja, wšitcy pak budža džensa na njeho spominać z lubosću, česćownosću a džakownosću. Tohodla je zawěsće wšěm krótki wobraz jeho žiwjenja a skutkowanja witany na tymle dnju, na kotrymž je so před sto lěty narodził.

Jan Ernst Smoleř narodži so 3 měrca 1816 we Łuću pola Łaza w pruskej Łužicy; jeho nan bě tam z wučerjom, přesydlil so pozdžišo do Łaza. Zahe přindže na gymnazium do Budyšina, hižo jako 14lětny młodźenc bě za maćernu rěč zahorjeny, zahorješe tež druhich serbskich sobušulerjow za nju, pućowaše na prózdninach po serbskim kraju, zběraše ludowe pěsnje, přisłowa, hrónčka, zapisowaše wšitko, štož bě za stawizny a wašnja našeho luda zajimawe. Tak wón cyły kraj, w kotrymž hišće Serbjo bydlachu, dokładnje spózna, wopisa a na wosebitej karće woznamjeni a wobrysowa.

Lěta 1836 přindže Smoleř do Wrótsławja na univerzitu, zo by bohosłowstwo studował. Tu spózna tež druhe słowjanske rěče, wosebje pólsku a čěsku, zezna so tež z druhimi synami łužiskeje domizny, załoži z nimi „Towarstwo za łužiske stawizny a rěč“; do njeho słušachu Serbjo a Němcy; Smoleř měješe w towarstwje

prěni přednůšk a to wo serbskich ludowych pěsnjach. Lěta 1842 wuda wón wulkotne džěło w dwěmaj zwjazkomaj: Pěsnički Hornich a Delnich Łužiskich Serbow“. Z tutym džěłom je wón našemu ludej a sebi trajny pomnik stajił.

Hdyž bě Smoleř l. 1839 bohosłowstwo dostudował, wobroći so nětko hišće bóle na to, zo by serbsku a ji blizke słowjanske řeče studował. Wón k tomu dosta na poručenje hrabje Stillfrieda, wyššeho ceremoniskeho mištra pruskeho krala Bjedricha Wylema IV., stipendium a to z dokhodow krala sameho. Smoleř pokaza swoju džakownosć zwonkownje tež z tym zo je swoje přenje wulke džěło „Pěsnički“ Jeho Majestosći kralej Bjedrichej Wylemej poswjećił. Wón wosta we Wrótsławju hač do l. 1846 a džěłaše tam jara pilnje a spisa knihi: „Mały Serb“, „Serbskoněmski słownik“. Khorowaty bě so 1846 do Łaza wrócił a skhori bórzy hišće bóle a to na płuca, wosłabny a dyrbješe so lehnyć. Mało bě nadźije, zo wotkhorí, a zdaše so, zo bórzy z nim wšě nadźije, kotrež młode Serbstwo na njeho twarješe, do rowa póndža. Ale Boh bě hinak wobzamknył. Smoleř so spodźiwnje wulěkowa, móžeše po něčim zaso k swojim zatorhnyenym studijam a k spisowanju so wrócić a skrutny zaso tak derje, zo móžeše so l. 1848 do Lipska přesydlíć, hdžež wudawaše „słowjanske lětopisy“ w němskej řeči. Swjatki samsneho lěta pak přesydlí so cyle do Budyšina a wosta tu hač do swojeho zbóžneho skónčjenja.

Wón přija redakciju „Serbskich Nowin“, kotrež bě farař Handrij Zejleř, sławny serbski pěsneř, załožił. Při tym so wobdzěli na wšěch zjawnych prócowanjach serbskich wótčincow, bě załožeř „Maćicy Serbskeje“, přěni redaktor „Časopisa Maćicy Serbskeje“, wosebje pak so wo to staraše, zo so Serbjo z njeměrníkami a zběžkarjemi tamneho časa njezjednočichu, ale stajnje kraloswěrní wostachu, a so prócowachu, zo bychu po zákonskim puću swoje prawo docpili a wobkhowali. Lěta 1853 prync Albert, pozdžiši sakski kral swój mandželski zwjazk z pryncesu Karolu wobzamkny. Při tej składnosći wupraji jemu w mjenje wšěch Serbow wosebita deputacija, kotruž Smoleř nawjedowaše, zbožopřeća serbskeho ludu w serbskej řeči. A kralowski prync so tež w serbskej řeči podžakowa, kotruž bě, dlěši čas w Budyšinje přebywajo, wot Smolerja nawuknył.

Kaž bu hižo prajene, njebě Smolerjowa strowota kruta, a tola je wón džiwo na wobšěrne a jara napínace džěło khětro wysoku starobu docpěl. Wón zemrje 13. junija 1884, hdyž bě 68 lět pře-

kročił. Jeho čěło pokhowa so 16. junija na Hrodzišku pola Budyšina, najwažniši zastupnicy serbskeho luda jeho k rowu přewodžachu.

Na wulku syłu jeho wědomostnych, nowinaŕskich a basniskich džěłow njemóžemy nadrobnišo spominać. Ale kelko džěła, starosće, wobhladnosće žada sebi jeno jeničke čisło „Serbskich Nowin“. A kelko je jich za 36 lět wudał! Runje nowinarjo su z wulkeho džěla swoju strowotu w młódsich lětach přetrjebali, dobrej wěcy woprowali, kotruž njepřestawajcy zastupowachu. A tola so runje tuto džěło tak mało waži. Stajnje svojim zasadam swěrný jako dobry Serb, křesćan a poddan je Smoleŕ ze swojimi nowinami naš lud po prawym puću nawjedował, swoje mocy a dary ducha na to nałožał a hač do poslednjeho zdychnjenja pilnje džěłał a so prócował. Z nutrnej džakownosću dyrbiný dženso wšitcy wopominać tón zbožowný dzeń, na kotrymž je boža předwidźiwosć před 100 lěta nam dariła tuteho muža, kotrehož zaslužbow ženje nihtó dosć wažić njemóže.

Wulke běchu jeho dary ducha, z dołhim studowanjom bohosłowstwa, řečow a stawiznow je wón je wudokonał a tak nabył tamneho šěrokeho rozhlada, kotryž dyrbi měć wjednik, kiž ma cyły lud, wučenyh a njewučenyh, wysokich a nizkich, zbožownje nawjedować. Rozhladny, mudry, znjesliwy, sćerpny, lubosćiwý a wutrajny dyrbi wón być, kaž to sw. pismo wuči a přikazuje (1. Kor. 13). W tym nastupanju bě Smoleŕ cyle podobny swómu młódsěmu přecelej Michałej Hórnikkej. Hdyž je móhl wo Hórniku dobry serbski wótcinc prajić, zo je kóždy rad k njemu khodźił, a nihtó rad wot njeho njekhodźił, směmy to wo Smolerju runje tak wobkrućić. Nihtó njeje lubosćiwšo wšo přijímał, kiž radu a pomoc pytachu hač Smoleŕ, nihtó njewjedžeše přecelnjšo z nami wšěmi wobkhadžeć dyžli Smoleŕ. Kelko młodych Serbow je wón zahorjał, rozwučał, podpjerował při pisanju nastawkow, wudawanju knihow a časopisow. „Pisajće jeno, štož so wam lubi, a pósćelće mi, ja to přehladam a porjedžu.“ Tak je tež pisarjej tutych rjadkow prajił. A wón wšitko z wulkej mjelčitosću a swěru wobstarać a na prawy puć dowjesć wjedžeše. Něhdy hrožeše wulka překora mjez jara nahladnymi serbskimi spisowacelemi, jeni běchu starši, druzy młódsi. Smoleŕ pak steješe wosředž nich, wón dobre zmyslenje na woběmaj stronaj připóznawaše a ze swojej nahladnosće a rozumnosću docpě, zo so zmohi zaso zhładkowachu a wšitcy měrnje a swěrnje dale džělaču. Runje tajka cyle njesebična lubosć,

kiž na sebje sameho zabywa, svojeho wosobinskeho wužitka njepyta, rady wopruje mocy, dary ducha, dokhody česće a nahladnosć swěta, debješe našeho Smolerja, wukhmanješe jeho k tomu, zo nad stronami steješe a zo jara wustojnje a wuspěšnje jednać a wujednawać wědžeše.

Ani dobytk, ani sławy njehladaše, tehodla wotrijekny so wulcy česćaceho powołanja do cuzby, hdžež so jemu wunošne a wysoke městno poskićeše. Tehdom wopokaza Smoleŕ hač na nanajjasnišo, kak jeno ze sameje čisteje lubosće k swojemu małemu, ale dobremu narodej, cyłe swoje žiwjenje wopruje. Naš sławny pěsnjer Handrij Zejler na to z horcym džakom spomina we wosebitym spěwje, kotryž „Maćica Serbska“ jutry 1863 Smolerjej poswjeći.

„Twoje zasłužby wo serbski narod znaju,
Sławny mužo, serbskoh' kraja synojo;
Tebje Serbja jako swojoh' lubo maju,
Rjeknu: „Džak a sława ěi, naš Smolerjo!“
Twoje sławne mjeno, džěło wótcinske
W Serbach stajnje w žohnowanju wostanje!“

Słabeje strowoty dla njeje Smoleŕ mohł jako předaŕ fárskeho zastojnstwa přijěć, ale runje z tym je předwidźiwosć boža jeho pokazala na druhe, wjele šěrše polo džěla. Wón njeje słowo bože do serbskich wutrobow wusywał z ertom, za to pak ěim pilnišo a spomožnišo ze swojim mištrowskim pjerom. Njeh su tež jeho spisy, wosebje „Nowiny“, mnoho swětnych powjesćow přinošale, zawěsće tež te běchu našemu ludej wužitne, ženje pak na žane wašnje zo je škódne. Hižo to rěka wužitny być, hdyž škody nječiniš. Kelko špatnych nowinow so njewudawa, kelko njewěry a njeukhmanstwa so ze spisami njerozsěrja! Cyłe ludy su najbóle z njehańbitym njewěriwym pohanstwom hinyłe; haj, zahinyłe. Hižo z tym potajkim, škódne spisy wot našeho luda po móžnosći wotdžeržował, je sebi Smoleŕ wo wěru, póććiwosć a wobstaće našeho luda jara wulke zasłužby dobył. Tola hišće wjele wjac. „Serbske Nowiny“ su lěto wot lěta jara wjele rjanych, pobožnych, nabožinskih, natwarjacych pěsnjow, spěwow a kěrlušow přinošale, jara wjele dobrych, powučacych a k dobremu křesćijanskemu žiwjenju pohonjacych powědančkow mjez ludom rozsěrjale. Tež to je wulki kruch předaŕskeho skutkowanja. A hišće wjac. Spisowaceł njerěči k wutrobje jenož w jeničkej wosadze, ale we wšěch wosadach wšem wučbu poskića, kiž to čitaju. Rěčnikowe słowo wuklinči, so po

něčim zabywa, ale pisane, čišćane słowo wostanje. Hižo stari Romjenjo prajachu: słowa so zaleća pisany pismik wostanje.

Sławny předar w Americy bě wjele tysac króc — jónu za jeničke lěto 900 króc, — słowo wěčneje wěrnosće připowědał, pódla pak tež jara mnoho dobrych spisow za lud zestajał. Hdyž nětko we wysokej starobje čuješe, zo so jeho džeň nakhila, rjekny při sebi něhdže takle: „Swojich předowanjow chcu co zdać, jeno skhowaj mi moje spisy, o Božo.“

Wězo, předar skutkuje wulcy spomožnje ze žiwym słowom, spomožnišo tón, štož rěči a pisa, tola jara spomožnje skutkuje tež tón, štož jeno pisa, **ale derje!** Hišće po smjerći rěči wón dale.

Tak stoji w pomjatk wšěch swěrných Serbow wěcnje jenak jasna, nadobna a njepowalna postawa wulkeho zbudźerja, wožiwjerja a wjednika Jana Ernsta Smolerja. Wichory jeje njepowala, wody jeje njepodmlěja, zub časow jeje njewobškodźi, zezawina so jeje nedótknje. A džensa je runje stoty króc so wrócił tón džeň, na kotrymž je nam jeho dariła lubosć a všehomóc boža; tuž džakujemy so Bohu za tutón njewurjeknity dar, z kotrymž je naš lud přez narodźenje našeho njepřetrjeheneho wótcinca wobohačil, wosebje z tym, zo tež my všitcy lubujemy a sebi wažimy, štož je Smoleř wosebje lubował a wažil, serbsku rěč, narodnosć, pobožnosć a swěru. Kóždy rěč rady a derje serbski, wuč druhich serbski, a štož móže, skutkuj tež z pjerom, zo by Serbstwo dale kćěło, rostło a wobstało.

Kóždy njech so z džěłom zaraduje
Na naroda roli namrětej,
Puć a wašnje njech stej wšelakej!
Jedna wola njech wšěch nawjeduje!

Jurij Libš, Lužica 1916.

158.

Ernst Smoleř.

Štó sy ty rjeko khrobły, pjera a słowa sławny?
Jasny duch so twój zjewja w ryzach wobliča žiwych,
Woči so wótrej blyščitej khrobłoswěrnej,
Čoło wysoke wysokich taji mysli zlět.
Hobrscoh' ducha móc
Khowa za nopom kosćatym bědna nóc.
Taji skutki, kiž zjewjeja móc genija,

Taji mysle, 'nož mysleňe wótrje, hluche pak,
Zničene přez dónt a zlósc a smjerć a row — —

* *

Hdyž so ludy zběhnychu,
Bědźicy wo swobodu čłowsku a narodnu
Z wotročstwom, tyranstwom tyranskim
Stejach sam na ladach pustych,
Krwawočerwjonych,
Zrudneje zańdženoscě —

Ranje so běle z čmoweje nocy zběhny.
Widžach slónčko skhadžeć w nalěcu,
Košić stwórbu w slódkim wobjeću
Wopłodžejo zemje suche kosće.
Ze šěreho zdonka zrosće
Pupkow mnohosć k znamjenju mnohosće.
Spinaše so lipa słowjanska
W zeleni a kčěwj krasna,
Tola w płodach — potajnska.
Hažka jenička 'nož sucha.

Z měrcem zańdže nalěčo a z meju,
Slónco čopće wodu srěbaše
Mějo z tužnotu a z lěcom reju.

Ja pak stojach — —

Přepytowach dny a nocy,
Wažach mysle, słowa, mocy —
Stojach stražujo nad ludom spjacym,
Zesputanym z kowom spara.
'žno bě w času, hdyž so žitow kłosy
Kłonja smjertnej kosy —
Njewjedro na firmamenće zeskhadza;
Stojach stražujo.

Spěšnje so mrócele čorne bližowachu,
Wšitko spaše;
Bliže hrímanja błuke ržachu,
Wšitko spaše;
Najbliže błyski so žehliwe seklowachu,
Wšitko spaše.

Z hłosom tu k stawanju zatrubich,
Zo so truba mjedžana pači.

Prošach a hrožach a ljubjach,
 Doniž so njewróci rozom mudry do čělow spjacych;
 Wohnja a płomjenja pyřjace sapachu
 Nadžije złoteje, sylneje dowěry.

Tehdy posłědnja womłodny

W horecym lěcu,

W sapacym njewjedru,

Słowjanskej' lipy najmłódša hažka.

Serbstwa sym budžeř — w čěmnej nocy,

Khrobły wodžeř — po nahlej drozy.

Stražowach swěru

Nad ludom lubym

Zdzeržujo přeradu jěru

Wot prawa, ludu a sebje.

Stojach — —

Syčo w ćopłym lěcu

Pozběhny hadowa smjertna so hłowa,

Zaryć zuby jědojte do čěła běleho,

Žiwjenje přeradnje ze smjerću syćić,

Wěrnosć podusyć, wusywać nješwěru,

Serbstwo khować w zymnym rowje.

Tola ja stražuju stojach,

Do hłubin čornych storčich tu waku helsku,

Rozpjeřsich rujacu syłu wjelsku,

Duchow přećiwnych w boju strašnym morjach.

Dobyćeř stražuju stojach —

J. Nowak, Z duchom swobody.

154.

Z autobiografije J. E. Smolerja.

We Wrótsławju tehdy tójšto Łužiskich — Serbow a Němcow — studowaše. Na swojich serbskich krajanow dźiwajo Smoleř sebi wotmysli, tam serbske towařstwo załožiť, kotrehož sobustawy bychu so we serbskim rěčenju a pisanju rozwućowali. To běchu tamniši łužiscy Němcy zhonili. Woni k Smolerjej přińdžechu z namjetom, zo by wón łužiske towařstwo ze serbskim a němskim wotdžělnjom załožił. Smoleř sebi pomysli, zo mohło wobstaće towařstwa čím twjerdše być, hdyž změje čím wjacj sobustawow. Tuž je pod

mjenom „Towarstwo za lužiske řeče a stawizny“ z přizwolenjom akademiskeho senata založi. Za protektora towarstwa bu uniwersitny profesor němski stawiznař Stenzel wuzwoleny a to toho-dla, dokelž so za lužisku historiju trochu interesowaše. Wona so wotewić universitetnej auditoriji w přitomnosći rektora a někotrych profesorow wot Smolerja z přednoškom wo lužisko-serbskim Słowjanstwu.

Bórzy potom běše universitny profesor Purkyně, najslawniši fyziolog tamnišeho časa, wo lužiskim towarstwje zasłyšať a Smolerja teho dla k sebi přeprasy. Tón sebi njemóžeše wukłasć, što chce fyziolog z theologom, — tola jako k njemu přiindže, knjez profesor ani na fyziologiju ani na theologiju njespomni, ale jeho za lužisko-serbskim Słowjanstvom wuprašowaše, wo kotrymž njeběše hač dotal ničo wědžať. Smoleř jemu na jeho prašenja wobšěrnje wotmołwješe, štož so knjezej professorej tak spodobaše, zo jemu skónčnje wozjewi, zo móže kóždy njedželu připołdnu wot 11—12 hodžin k njemu přikhadžeć a pola njeho z někotrymi młodymi Polakami česku řeč wuknyć. Purkyně běše mjenujcy jara horliwy Čech a teho dla młodych Słowjanow rad česku řeč wučese. Jemu so Smolerjowe prócowanje za lužiske Serbstwo po času tak lubješe, zo jeho do swojeho doma wza, za čož tón njetrjebaše dale ničeho činić, khiba za šulskimi džěłami jeho dweju synow hladać a jeho wobšěrnú bibliotheku w porjádku dzeržeć, kotraž wosebje z knihow wšitkich słowjanskich narodow wobstoješe. Smolerjowi pólscy towaršojo běchu jeho z pólskej kulturu, Purkyně pak z českej zeznajomili, a Purkynjowa bibliotheka jemu drohu do literatury wšitkich Słowjanow wotewri. A dokelž słowjanscy wučeni, wosebje Polacy a Čechowje, professora Purkynu často wopytowachu, měješe Smoleř tež často składosć, hódnych reprezentantow pólskeje a českeje narodnosće widžeć.

We Wrótsławju bě Smoleř při wšědnym wobkhodže z profesoro-maj Purkynju a Čelakovskim podrobnje zeznať, na kajke wašnje čěscy patriotojo za pozběhnjenje swojeje narodnosće džěłaju a jemu so wosebje jich towarstwo „Matice Česká“ spodobaše. Tuto běchu k temu založili, zo bychu so z lětnych pjenježnych přinoškow knižki za čěski lud wudawať. Smoleř toho-dla po wustawkach „Matice České“ statut napisa a z nim srjedu po jutrach 1843 do Budyšina přijědže, zo by tam w zhromadžiznje serbskich patriotow „Towar-

stwo Maćicy Serbskeje“ založil. Wšitcy jeho projekt radostnje wítachu; ale kak wobtwjerdjenje statuta wot saskeho ministerstwa dostać, to njewědzachu sebi wuradzić. A Smoleř sam njemóžeše w tajkim nastupanju ničo dokonjeć, dokelž běše pruski poddan. Skónčnje pak wjedžeše wón měšćanskeho radžićela dra Klina za tu wěc tak zainteresować, zo tón ministerstwo wo wobtwjerdjenje statuta prošeše a je tež w l. 1846 dosta. Tola móžeše towarstwo hakle w l. 1847 faktiscy do žiwjenja stupić, jako běše mjez tym tež wot pruskeho knježerstwa dowolnosć dostata. Za jeho předsydu bu Dr. Klin wuzwoleny a Smoleř za redaktora „Časopisa towarstwa Maćicy Serbskeje“, hač runje w Budyšinje njebydleše. Wón přeni zešiwk „Časopisa“ w Meji 1848 wuda, w srjedz politiskeho ropota, kotryž bě so tehdy z Francózskeje nimale po wšitkich krajach Europy rozšěrila.

We Wrótsławju so Smoleřjowe słowjansko-linguistiske studije w l. 1844 skónčichu, wón pak tam hišće někotry čas wosta a z časami tež w Łužicy přebywaše, doniž so w l. 1846 do Lipska přesydlila, zo by tam Jordanowe „Jahrbücher für slavische Literatur, Kunst u. Wissenschaft“ redigował. Tam měješe Smoleř čezku płucowu khorosć wutrač, kotraž tež jeho tak zainficirowa, zo wón dlějši čas njemóžeše rěčeć. Ale při wšej swojej khorowatosći wón tam słowjanske towarstwo založi, w kotrymž so z dowolenjom universitneho rektora lipscy studentojo lužisko-serbskeje, pólskeje a česko-słowakskeje narodnosće skhadžowachu.

Jako běše měrc 1848 francózske kralestwo powalił, so tež w Lipsku na někajku revoluciju hotowachu, ale žadna njenasta, dokelž saski kral do kóždeho žadanja saskeho luda zwoli. Mjez tym pak powěsć přińdže, zo je w Barlinje revolucija wudyřila. Tuž běše wjele Lipsčanow tak lohkomyslnych, zo wobzamknychu do Barlina dojeć a sebi revoluciju z daloka wobhladać. Smoleř tež do tych lohkozmyslnych słušeše. Na puću drje so dopomni, zo je hłuposć započal, a budžiše so najradšo wrócił, hdy budžiše so njehanibował. Tola zbože jeho hłuposć wuruna, přetož jako železničnyčach Barlinej so bližeše, dale a wjac pruskeho wójska nimo njeho čehnješe. A jako so wojakow prašachu, što ma to na sebi, či wotmolwichu, zo je revolucija skónčena, dokelž je kral wojakow z Barlina won wupósłał.

*

Smoleř sebi přemyslowaše, zo budža so při tym nowym čerstwym politiskim žiwjenju (t. r. w l. 1848) drje tež lužiscy Serbja

trochu swobodnišo hibać móc, z dobom wobzamkny, so z Lipska do Budyšina přesydlić. Wón to tež we swjatkach 1848 sčini čujo, zo je nětko, hdyž je „swobodna prasa“ proklamowana, čas přišoť zo ma wón redakciju serbskeho organa „Tydženska Nowina“ do ruki wzac a přez njón za lěpše serbskeje narodnosće skutkować. Wón tež redakciju dosta. „Tydženska Nowina“ tehdy jeno na poľistnje wukhadžeše, wón ju na cyłe listno powjetši. Tole, kaž tež to, zo smědžeše so w njej tež politika pisać a zo po njej horliwy serbski duch wěješe, ličbu abonentow za měsac wot 375 do 872 přispori.

Swoje hesło „njech so Němcy wo Němcowstwo, Serbja pak wo Serbowstwo staraju“ Smoleř wosebje tež přez to wožiwi, zo po serbskich wosadach serbske towařstwa založować pytaše, ale wšitke z dowolnosću wyšnosće. Jich centrum běše „budyske serbske towařstwo“ a Smoleř jich generalny sekretar. W tutych towařstwach so jenož wo to jednaše, štož možeše serbskej narodnosći k lěpšemu slůžić, a při tym so Serbam poradzi, zo mōžachu přeni kroc někotrych horliwych Serbow jako zaposťancow do saskeho sejma pōstać. A kak to serbski lud z česćownosću serbskeje řeče napjelnješe, hdyž slyšeše, zo mōže so tež ze serbskimi słowami wo najwažnišich naležnosćach čłowjestwa zjawnje řečeć.

Wšudže so tehdy ludy na swoje knježerstwo ze wšelakimi žadanjemi wobročachu, tuž žadyn džiw njebě, zo tež Serbja na saske ministerstwo peticiju pōstachu, w kotrejž wo to prošachu, zo by serbska řeč w cyrkwi, šuli a před sudom rune prawo z němskej dostała a zo by na gymnaziju, kaž tež na wučerskim seminaru w Budyšinje serbska řeč za serbskich gymnazijastow a seminaristow wučbny předmjet była. Deputacija, z 15 Serbow wobstojaca, tajku peticiju ministerstwu přepoda a potom tež kralej, pola kotrehož běše sebi audijencu wuprosyła, swoje počesćowanje wopokaza. To so jemu jara spodobaše, přetož w tamnym, z kōždym dnjom bóle k republikanismu so přikhilacym času so maľo ludži za kralom prašeše. Za někotre měsacy saske ministerstwo serbskim petentam wotmolwjenje pōsła, w kotrymž bě prajene, zo chce jich prōstwy dopjelnić, hdyž tež we wužšich rozměrach. Serbja běchu ž tym spokojeni, wšak běše tola zaso něšto za jich narodnosć dobyte. Reakcija, kotraž potom pod nowym ministrom Beustom zastupi, je drje wjele teho, štož bě přjedawše ministerstwo Serbam přizwoliť, zaso skazyła, ale wjele je tola tež wostaťo.

J. E. Smoleř — J. Purkynjej.

W Zhorjlecu, 10. smažnika 1841.

Sławny knježe;

Wjelečescěny knjez profesoro!

Hdyž wěm, kak wy lubosć kóždemužkuli Słowjanej wobswěd-
čujete, a hdyž spominam na wšitku dobrotu, kotruž sće mi we
Wrótsławju a tež pozdžišo wopokazował, so kruće dowěrjam, zo
móžu tež tón króć na Wašu miłosć džiwać a tak tónle lisćik a
knižki, kotrež připožich, bjeze stracha podać do Wašej rukow.
Dajće sebi tohodla tutón njenahladny mój plód literariski a khu-
duški dar mojeho počesćowanja spodobać a popřejće Małemu Serbej
tež małe městačko we swojej knihowni! Po čišćenju napisma běše
mje runje boža ručka zajała, běh na smjerć khory, zo ničo nje-
mózach porjedžeć, a tež nikoho njemějach, kiž běše to mohł mi
wobstarać, a tak wšelake zmylki w knizy wostachu. Štož ortografiju
nastupa, kotruž nałožich, pola nakładnika ničo wuskutkować nje-
mózach, hač jeno to, zo smědžach z łaćanskimi pismikami dać čisćeć
a „cz, cz“ za: č, é stajić; myslu pak sebi, zo sym tola zaso mału
kročelku sćinił k dospołnišej ortografiji a zo móža tute knižki jako
překhod ze stareho do noweho prawopisa plaćić, kajkiž w serbskich
ludowych pěsnjach nadeńdžeće; hač dotal hišće serbskich knihow
nimamy, kotrež bychu byle čisćane z łaćanskimi pismikami.

Njebyšće snadź Wy, nadobny knježe, tak dobry był a mału
recensiju tutych knihow do Tygodnika Poznańskeho abo tež do
druhich słowjanskich nowin stajił abo stajić dał? My Serbja hač
dotal hišće žadnych nowin nimamy, kotrež bychu našim słowjanskim
bratram mohle přizjewić, što je pola nas wušło, a tola je trěbna
wěc, zo tež wukrajni Słowjenjo wědža, što so pola nas piše, zo
bychu serbske knihi kupowali a tak našej literaturje k pozběhnenju
a k rozšěrjenju připomhali, hdyž ma w Serbach samych, w 130.000
hornich a 115.000 delnich, přez měru małe knihařske wiki. Starajće
so tež tohodla za to, zo by so na tute knižki nic jich wažnosće,
ale skerje jich žadnosće dla w nowinach spominało.

Pjeć listnow mojich serbskich ludowych pěsni je čisćanych a
za štyri njedžele drje budže so přěni zwjazk wupósłać móc. Za
šěsć abo sydom njedželi sam do Wrótsławja přińdu a chcu tam
lěto abo dlěje wostać. Hač do toho časa, najskerje pak wokoło Mi-
chała, budže drje stoł słowjanskich řeči wobsadženy? My tu čisće

rjenje nič njewěmy, što budže tam słowjanščinu wučić. — Naše budyšske serbske towařstwo dale bóle rosće, a hdy bych wědzał, zo bych powěsće jeho załoženja, rosćenja atd. w někajkich nowinach namakało městačka, bych so dał do jich spisanja. My smy so wšitcy wulcy zwjeselili, hdyž čitachmy, zo sće našich wrótšlawskich Serbow tak dobroćiwje a přećelniwje rozwučował; mějće naš najwutrobnši džak!

Knjez Sreznewski je mi w spočatku wulkeho różka z Prahi pisał, sym jemu potom list přez knjeza Šafařika posłał, kotremuž kartu našeho serbskeho kraja poslał, dokelž njewědžach, hdže přebywa, štož pak tola wěsće Praženjo budža wědžeć.

Připołożenych 6 serbskich pěsničkow wuwzach z „Lausitzer Magazin“, kotrehož čišćeńnja hišće serbskich pismikow njeměješe, bórzy pak dóstanje; tohodla su w němskim přełožku čišćane.

Maće-li Wy žadne pólske narodne pěsnje w swojej knihowni, byšće so snadź dał naprosyć a mi je posłał, zo bych je z našimi serbskimi mohł přirunać; z džakom Wam je wróću, hdyž do Wrótšlawja přińdu. Serbske, słowakske, česke, morawske, tež něšto ruskich, a němske sym přirunował, ale pólskich nihdže dostać nje-móžach.

Budźće Božemje a, je-li móžno, dziwajće na próstwy

Wašeho najswěrnějšeho Smolerja.

Jos. Páta, Z českeho listowanja J. E. Smolerja.

156.

Lužiskim Serbam.

(Poswjećena Michałej Hórnikkej a Janej Ernstej Smolerjej.)

O, měć cheył móc, kaž sonet Kollárowy,
kiž jako wórlica džě wyše zlětny
a na Słowjanow zabyte žno rowy
přez wótry křik swój promjeń swěta mjetny!
'Nož rowy! — Ně, wšak žiwjenja kćěw nowy
so pokaza, hdžež spar bě dołholětny;
lud mały wojujo na slónčku zhrěwa
so nadžije a jeje pěseń spěwa.

Móc słowjanske wot Boha štomy maju
na brjohach Łobja, Wisły abo Sprjewje,
zo jenak hažy swoje přescěraju

při ruću wichorow a w błyskow hněwje,
 njech bitwy hołk tež hrimota w jich kraju;
 w nich drěma błsk — škra w popjele, wón w kćěwje. —,
 lud zahori we swobody hodžinje,
 kćěw nowych skutkow zwabi we pusćinje.

Čas naš sej žada bitwu wo žiwjenje,
 to Serbja najwjac' znaja — wšo jim wzachu:
 mječ bitwy, pěsnje, pychu, wšitko rjenje,
 tež wjesło płuća, wšo, štož lubowachu.
 Wšo podarmo! Zas' kćěje w božim mjenje,
 štož njesmjertne! Tak dołho wojowachu —
 tuž pycha Sławije su nětk, lud mały,
 hdyž stotki stojachu kaž twjerde skały.

Zo lud tón žiwy je, so zda być baja,
 a zo ta kupa stoji wosrjedź wody!
 Dwaj rjekaj ducha, synaj toho kraja,
 štom dźeržitaj tu, wšitke jeho płody
 nam khowataj — a wšitcy lubosć znaja,
 z kotrejuž znajetaj rozhrěwać lody;
 dwaj rjekaj plahujetaj z dźěłom, słowom
 štom Serbow rjany nad Sławije rowom.

Rěč wótcow, kiž so złotom' herbstwu runa,
 a pěsnje, baje z minylosće doła,
 wšě zorna, steptane do zemje huna,
 taj stražujetaj jako měd swój pčola,
 a z womory pak jeju słowow truna
 lud budźi smjertnej, k žiwjenju jón woła —
 hač, kaž kćěw sněhowki raz w zymske ranje,
 lud šerbski ze sławneje zemje stanje!

To hordosć naša, radosć nam wšěm droha:
 hdyž swět nas hidźi — my so lubujemy,
 hdyž njepřećelstwa do nas pierje zmoha —
 zo wumožnik je w našich nadrach, wěmy!
 Hdyž rólnika tež próca čaka mnoha,
 my tola nadźije so dźeržeć chcemy:
 do putow spjaty, bity, klaty wšudže,
 hdžež jónu bě, stać Słowjan přeco budže! —

157.

Na Belvederu.

Horda Čechow hlawa, zlota Praha! —
 K poľdnju Vyšehrad kaž skaľa stoi,
 k ranju Žižki hora zakit stroji
 a k poľnocy Hradčín k njebru saha.

Srjedža Woľtawa so wala z waha,
 kupy, zahrody a wińcy poji;
 rybak na čolmiku ryby ľoji,
 horje, dele ľódzow črjoda čaha.

Wěžow sto so zběha z domow morja,
 wjele swědkow sławnej zańdženosće.
 Kajki wobraz radosće a horja! —

A lud słowjanski tu kće a rosće,
 cuzom' železu so njepokorja. —
 O stój kruće, skaľa słowjanskosće!

J. Čišinski, Kniha sonettow.

158.

Čechowje a jich narodne dźiwadlo.

Hdyž w třicytych lětach tuhoto lěstotka jako młodźenc, čěsku Prahu wopytach, — što tam tehdy slyšach a widžach? a hdyž tam nětko jako šedziwc přińdu, što zaslyšu a wuhladam?! W tamnym času běše Praha, tak rjec, nimale wša němska a wšitcy, kiž běchu po francózskej módze zwoblekani, mjez sobu němski rěčachu, přetož to běše tola — wosobnišo, dyžli čěski rěčeć, štož jenož wjesni ratarjo činjachu. Po tajkim bě za toho, kiž hižo njeznaješe, hdže a wot koho so čěski rěčeše, woprawdžita řědkosć, hdyž w zjawnosći čěske słowo do jeho wucha zaklinča. Ja so toho dla njemało spodźiwach, jako so mi to jónu radži. Běch so při čmičcy z Hradčan do stareho města wrócił a so někak zabľudžil, tak zo njewědžach, na kajku stronu mam so wrócić, zo bych swój hosćeńc nadešoľ. Ja so toho dla ludźi naprašowach a mjez nimi tež šewskeho pachotka, kiž nowe škórnje k někomu njeseše. Moje naprašowanje sta so, kaž běch tehdy w Prazy zwučeny, w němskej rěči, ale wotmolwjenje řěkaše: „Nix dajč!“ Ja běch njemało přesľapnjeny a z dobom tež zwjeseleny, zó běch ryzeho Čecha nadešoľ. Tuž so dale čěski pra-

šach a potom pjeć krajcarjow wučahnych a je pacholkej za to dach, zo bě mi puć čěscy wukazał. Na wulicach běchu wšudže jenož němske napisma, před kralowskimi a měšćanskimi zastojnistwami so němski rěčeše a jednaše, česke nowiny njesmědžachu pak so žadne wudawać. Wukhadžachu drje „Pražské Noviny“, ale wyšnosć je wudawaše, a w nich dale ničo njeběše, khiba wukazy zastojnistwow a někotre nawěštiki. Wo žadnym čěskim džiwadle ničo njepytnuch.

Jako bě mje w léce 1842 knjez Lad. Čelakovský, tehdy profesor słowjanskich rěčow na wrótsławskěj universiće, za čas prózdninow do Čech sobu wzał, běchu so wobstejenja hižo wo wjele k lěpšemu přeměniše. Běchu drje tam mjez duchownymi a druhimi wučenymi hišće mnozy „odrodilci (wotrodžeńcy)“, za to pak čím wjac „vlastenců (wótcincow)“, kotřiž posłědni so po cyłym kraju znajachu a česáchu. Haj w šulach počachu hižo tu a tam česke čitanje a pisanje wučić — a běchu to z wjetša młodži duchowni a hišće bóle młódši wučerjo — kiž tajke džělo činjachu, hác runje žadneho drugeho myta za to njedostwachu, khiba zo so wot němco-wateje duchownskeje a wučerskeje wyšnosće hanjachu a přesčěhachu. Česke politiske nowiny so wšak tež hišće žadne wudawać njesmědžachu, tola běchu Němcy skónčnje wudawanje tydženika „Květy“ dowolili, kotrehož wobsah běše něhdže tajki, kaž jón naša „Lužica“ poskića. Dale bě so towarstwo „Českého Muzeum“ z pod-rjadem „Česká Matice (Mačica)“ založilo a muzejowy „Časopis“ podawaše wučene nastawki, kaž je w wěstej měrje tež naš „Časopis Mačicy Serbskeje“ podawa; Mačica pak wudawaše knižki za lud, kaž to tež naša serbska Mačica čini. A w němskim džiwadle mě-jachu so njedželu popołdnu tež česke předstajenja, haj na róžowej wulicy bě so samostatne česke diletanske džiwadło založilo. A w prózdninach w mjeńšich městach, haj na wsach studenći jako džiwadlownicy wustupowachu a po času jim tež knjenje a knježnički w předstajenjach pomhachu. Mi pak so njemało spodobaše, jako móžach w l. 1842 přeni króc widžež, kak w Turnovje čěscy studenći a česke měšćanske knježny w čěskim džiwadlowym předstawjenju wustupowachu. Ja běch tam toho dla z k. Čelakovskim, kaž tež z libuńskim fararjom k. Markom a z k. kovańskim dekanom Vinarickim přijěl. Tež bě hewak, dobreho příkłada dla, wjele wotěinskozmyslneneho duchownstwa do džiwadla přišlo a tamniši k. dekan po skónčenym předstawjenju wšitkich, kiž běchu w tutym skutkowali, k sebi na wječěr přeprosey, prajo, zo so duchownstwo

wot ludowych zabawow wotwlakować njesmě, dokelž přez duchownsku přitomnosć tajke zabawy hakle prawu swjećiznu dóstanu. — A wulcy wažne bě tež to, zo Čechowje wsudže towarstwa za zabawu a powučenje založowachu, kiž so najbóle „besedy“ (bjesady) mjenowachu a w kotrychž so přednoški džeržachu, spěwne koncerty a džiwadłowne předstajenja dawachu. Čěskich knihow pak so hižo telko wudawaše, zo bě to woprawdže spodźiwne. To wšo k wubudženju, přisporjenju a wudokonjenju Čechowstwa jara pomhaše, lud sam pak so přez to wot pića a druhich njekhmanych, nizkich zawjeselenjow cyle wotwući.

Wšitko to dale a bóle k tomu pomhaše, zo Čechowje, hač runje pod krutym němskim knježstwom stojachu, pomału čěske ludowe a tež wyšše šule, jako gymnazije, realki atd., haj w l. 1883 tež čěsku universitu dóstachu. Woni mějachu tež hižo dlějši čas swoje porjadne čěske nakhwilne džiwadlo w Prazy, w kotrymž so kóždy džen hraješe. W započatku 60tych lět pak na tu mysličku přinđzechu, sebi wobšěrne, wulkotne narodne džiwadlo w Prazy natwarić. K tomu wuzwoli so twarski wubjerk, kotryž drje so stróži, jako bě so wuličiło, zo budže k tajkej twarbje přez milión šěsnakow trjeba. Ale wón so bórzy zaso zebra, jako jemu ze wšěch stron k wědženju dawachu, zo chcedža k dokonjenju tajkeho skutka wučeni a njewučeni, měšćenjo a wjesnjenjo, rjemjeslnicy a ratarjo swoju šerjepatku skladować. A do lěta 1868 bě so telko pjenjeh nahromadžiło, zo móžeše so zakładny kamjeń narodneho džiwadla položić. To sta so na jara swjedžeńske wašnje, a mjez druhimi lužiskimi Serbami běh tež ja k tomu přeprošeny. W twarbje so dale a bóle pokračowaše, čěski lud pak tež k njej dale a bóle pjenjezy skladowaše. W lěće 1881 běše twarba, na kotruž bě přez dwaj miliónaj šěsnakow trjeba było a wot luda so tež nawdało, skónčnje hotowa, a bě hižo džen postajeny, na kotrymž by so swjedžeńske wotewrjenje čěskeho narodneho džiwadla stać měło. Ale krótki čas prjedy w nim woheń wudyri a wone so tak strašnje w znutřkownym wupali a wopali, zo dyrbyeše so bórzy nowotwarba započec, jelizo nochychu twarjenju cyle rozpadać dać. Ale k tomu bě z nowa wjele pjenjeh — a to 800.000 šěsnakov — trjeba, twarski wubjerk pak so strachowaše, tajku sumu wot čěskeho luda žadać, kiž bě wšak hižo přez dwaj miliónaj dariť. Ale što činić? Wón so tola zwaži z nowa wo smilne dary prosyc a hlaj, što so sta? Čěski lud z nowa dawaše, haj wón hišće wjacj nawda, hač so wot njeho žadaše, mjenujcy přez jedyn milión šěsnakow. A kak dołho je k tomu

trjeba bylo? Jenož tři měsacy. — Je žadyn druhi lud na swěće za swoju narodnosć tajku woporniwość wopokazať? My so na to dopomnić njewěmy. Čechowje nam pak wukładuja, zo prawe wótčinstwo w tym wobstawa, zo tón, kiž wě za swoju narodnosć rěčeć, tež njech při kóždej składnosći za nju rěči; štóž pak wě pisać, tón njech za nju piše a z tajkeho rěčenja a pisanja potom lud spózna, zo ma kóždy po swojim zamóženju k lěpšemu swojeje narodnosće pjenjezy dawać. A tak su Čechowje k twarbje swajejo Narodneho džiwadła dawali — zamožići wjac, njezamožići mjenje, haj najkhuďši so njejsu hanibowali, kóždy tydzeń swój krajcařk přinjesć; a hlajće, za lěto bě to přeco přez hriwnu. A na tajke wašnje su Čechowje — kaž posleđnje rozličenje pokazuje — k naspomnjenej twarbje wšo do hromady tři milióny 200.000 šesnakow, po tajkim něhdze dwaj miliónaj toleř abo šesć milinów hriwnow nawdali. Tež někotři Němcy su swój přinošk dali; tola wopřija wšón jich dar jenož 3500 šesnakow.

K swjedžeńskemu wotewrěńju narodneho džiwadła běše twarski wubjerk tež přeprašenje na łužiskich Serbow pósłať.

Česke narodne džiwadło je so njeđzelu 18. oktobra t. l. na pyšne wašnje wotewřiło. Nadžijamy so, zo so při tajkim swěrnym a při tym zakonškim prócowanju, kaž je mjez Čechami widžimy, tež wšěm druhim potřebam českeho luda bórzy dosć sćini.

J. E. Smoleť, Łužica 1883.

159.

Złota Praha.

Ty sy kaž pruha złoćana českeho slōńca,
Lubozna wón we Słowjanow wulkotnym kraju,
Błyšćaty demant mjez městami do swěta kōńca,
Ty sy kaž hordozna kralowna we krasu raju.

Ty džě sy Serbow narod škitaca pata
We strašnych njewjedrach ludy ničacej' złoby,
Přećiwo tyranstwu krewje lačneho kata
Škitařka namrětych prawow swjateje doby.

Ty sy kaž syćaca lawina čěšiła Serbow
Z młokom narodnej' česće a słowjanskej' sławy,
Škitała mužnje před pazorom škodźacych sčerbow;
Z bojaznych kowała rjekow kaž khroblive lawy.

Kamjeŋtna skała bě kruta serbskemu ludej;
 Hdyž so naš khabłacy čolmik nórješe w nuzy,
 -Smilna sy znova nas wutorhła zatrašnom' bludej.
 Přez čmy sy wjedła nas k slónčno blyščatej pruzu.

Město ty sławy a słowjanskoh' ducha a čuća!
 Wuč pelikanow nas lubosć a wopornosć swjatu!
 Pomhaj nam kamjenje powaleć z černjojtoh' puća!
 Wubudźej, spinaj Łužicow nadźiju spjatu!

Čěski lawje, o zaruj, zbudź spjacych ze sonow,
 Zo so zatřasu wěže budyšske z mocu,
 Wotući drěmacy byk zas khoćeb'skich honow!
 K swobodze zběhnje so Łužica z čekacej nocu.

* * *

Swobody znamjenja na murjach budyšskich wěja,
 Khorhowje serbske w Khoćeb'zu zmahuja z juskom,
 Swobody pěsnje wokoło Lubina spěja; — — —
 Zlamane kwakle Šprjewja wotnoša z kluskom.

J. Nowak, Z duchom swobody.

160.

Naš sławny wótčinc Jan Arnošt Smoleř w Hućinje w korčmje.

To běše blisko štyrcetym lětam zašleho stotka, a běchu žně.

My sedźachmy w Hućinje w korčmje, a bě džě nas wjeselych
 młódzencow njewulki wěnk. Tu běchmy jeničcy hosćo, dokelž bě
 hišće za běły dzeń. A što džě ěi młódzency běchmy? Seminarisći,
 wučowni budyšinskeho seminara. To z Hućiny Ptak, Kisličan Bjara,
 drobianski Bartko a židowski Libša a ja.

Wšitcy ěi přěceljo spja hižo w rowje po svojich zeńskich
 prócach. Tón luby Ptak we Wósporku w smjertnej komorecy leži;
 Bartko a Libša na budyškim Tuchorju spita, a Bjara su w Ru-
 sowskej — Bóh wě hdze — posleđnje lěhwješko dali. Jich ěělam
 budž wotpočink w zemi, jich dušam zbóžnosć w njebieskim raju! —

Přečo nam tehdy w towaršnym wěнку duše tak z wjeselom
 džěchu? Hlej, to běše wšak na spočatku prózdnin našeho seminara.
 A što to slovo „prózdny“ za nas na sebi měješe, zrozumi kóždy,
 kiž slyši, zo mějachmy wšědnje wot ranja pjeći hač do nocy dze-
 saći wuknyć, zo mozhy so zamućić mohće. — —

My běchmy z pěknym towařšom Ptakom šli sobu do jeho ródneje wsy. Bjar chcyše potom přez Klukš a Minakał do Łaza dale, dokelž běše, njemějo staršeju, na farje w prózdninach, z domom. Njeboh' knjez duchowny Zejleř, tón dobroćeř serbskeje młodžiny, bě jemu tam wukhow a hospodu dał. Nimo toho tež runy puć přispominam, kak je jemu pjenježnych podpjerow skićał, zo by mohł seminar wubyc. — Bartko chcyše z nim na Minakał sobu a potom k staršimaj do Drobow dale. Libša pak běše so ze mnu do Delan změřił. Mój chcychmoj do hole dele na wobhlady hić, tam kraj a ludowe žiwjenje zeznać. —

Haj, wjeseli běchmy, njech tež bě móšnička lóžka, a pijachmy maľko. Ale je pak tež spěšnym pachołam wulkeho napoja z khmjelenej brěčku džě trjeba?

My spěwachmy z wysokim hłosom:

Wo kroški se njestaramy;
To nam hłowu njeľamje;
Hdyž korčmarjej praw zaspěwamy,
Smužkow lubje zabudže.

— korčmarjej lětachu při tym po wobliču směwki, ale na to podobne njebě, jako by rjekł: Waša pěseň mi za worćiznu płaći. — Smužkow wšak tola tež při našich srěbaňkách žadnych njeběše trjeba. —

A słyšće! Što to?

Nade wsu wobližka korčmy so zanjese pisk z jasneje trompety. My zmjelknywši pinachmy wuši. To bě tón pólski, tehdy tak často słyšany hłos toho spěwa: Hišće Pólska njezhinyła —, po kotrymž so nětko po serbsku hroni:

Hišće Serbstwo njezhubjene:
Swój škit we nas ma;
Nowy duch wšo woľabjene
Synje pozběha.

Tu póstowski wóz před hosćencom zasta. Z njeho so njeznaty poknježski młodženc na zemju pušći. Tón běše na stawach swižny a do wočow blědojteje barby. Z wóčkow pak hladaše swěćaty duch a lubozna duša.

„Njeje to snadno“ — prajichmi sebi — „po zdaću někajki cuzy student?“

Stupiwši do jstwy, nas za Němcow mějo, wón postrow po němsku zhroni. Ponižnje blisko při durjach so sydnywši, sebi wot

korčmarja škleńcu mloka z čichimi słowami skaza. — Nam bě to nimale směšno, z najmjeńša dziwno, zo tajkemu hosćej huba na piwo njeńdže, hdyž běše tola na horecym dnju.

Dokelž pak z přistojom njeje, na čłowjeka wukać, kiž je njeznaty do korčmy stupiŭ, řečachmy mjez sobu dale.

Sobubratr Bjar bě wšak pachol khětro spěšneje huby. Jemu tak njewólnje wujě: „Tón suchušŭ je woprawdŭ někajki Němčik.“ Wón měješe za to, tón wony knjezyk to ani njesŭši abo tola zrozumić njemóhl. Tomu pak za Němca mětemu přeběhnŭ po wobliču posměwk. A potom wón poča z hladkim hłosom: „Haj, wěrnó, suchušŭ drje sym, ale nic Němčik. Ja wjeselu so, tu serbskich mlódzencow nadenć. Dowoliće lubje, zo so wam znateho sćinju. Moje mjeno je Smoleŭ. Sym wróclawsku uniwersitu wubyŭ a wróćam so hotowy k lubymaj staršinaj domoj do łazowskeje šule.“ —

My žadyn hać dotal njeběchmy wo nim ničeho wědžaŭ. Bjar jenož běše tón jenički z nas, kiž bě jeho we Łazu na farje mjenować sŭšaŭ.

Mje chcyše boleć, zo bě tón njemiłki wuraz wo suchim Němčiku z našeho towarštwja wujěŭ.

Tuž stupiŭši k njemu, jeho prošach, zo by so za naše blido sobu do bjesady daŭ.

Radlubje to sćini, a ja jemu rozprawu zdawach, što smy a kak žadyn rěka. A bórzy so wo Serbstwje a jeho pismowstwje žiwa rozmoŭta zebra.

Tu dyrbjŭ po prawdže wuznać; wšo naše Serbstwo hišće bě tehdy smjerć khudne, haćrunje běchmy wšak rodźeni Serbja a serbskeje džěćiny dla na seminarje. Ale što by na nas dla toho pohrimać chcyŭ? Tehdy hišće w Serbach narodne žiwjenje z wjetša z womoru spaše. Žadnych serbskich nowinow njebě, a štož ze serbskeho pismowstwa nimo pobožnych knihow znajachmy, bě „Ptači kwas“, „Hungerski njewjesćinski kěrluš“, „Dobry wječor, kmótra baba“, „Wósporski hermanŭ“ a tomu podobne wěcki. Nětkolna mlódzizna kepa što wě, kak hŭchich časow w narodnych wěcach smy dyrbjeli wuměć.

Wo němskich pěsnjerjach wědžachmy njemałŭ řečec: Schillerja a Uhlanda móžachmy z hŭowy; tež móžachmy wo methodicy a psychologiji njehtupu zabawu wjesć; ale wo słowjanskej literaturje nic pik ani mik. Słowjanski swět nam ničo hać hoŭa pusćina njebě. Zrudny narodny čas! Tola žada sebi wěrnosć, zo dyrbi njeboh' knjez Lubjeński, najwyšši budyšski duchowny knjez wonoho časa a horliwy Serb, tudy do wulkeje česće zběhnjeny być.

Tón bě wot krajneho knježeřstwa stajeny na to, nam serbskim wučmcam na seminarje serbšćinu před woči stajeć A wón to wukonja po najswěrnějším wašnju. Jeho mudreje, wustoja poľneje rozwučby zabyli njesmy. To jeho džěło nad nami w džaknym pomnjeću traje.

Ale kelko móžachmy za tu malinku serbskich hodžinkow nabyć? — — —

Smoleř nětk při nami sedžo, nam wotewri nic jenož serbski, ale tež cylički słowjanski swět. Nam zwonjachu do wušow mjena Šafařik, Kollár, Mickiewicz, Puškin a druhe, nam tehdy wšě do cyła cuze, a džensa w ludach ze sławu znate.

A při tajkich rozprawach doby naš nowy, tak wjeleswědomy přecel na wobliču žiweje barby, a zerničcy buštej jemu jako jasne pruhatej hwězcy.

My na njeho hladachmy z nutrnej kedźbu, a našeho dycha njeběše słyšeć. A žadyn z našeje črjódki wot tehdy tajkeho zahorjateho zeznatka z tym pozdžišo sławnym wótčincom ženje zapomnil njeje.

Džak a khwalba budź tómu zbudźeržej na wšitkón přichod! —

Wujimka z Radyserbowych knižkow „Moje poměnki“, Łužica 1900.

161.

Wbohej Łužicy.

Martrařka swjata sy Łužica, kruta a swěrna,
Čwilow sy ćěrpjenja z wutraćom přenjesła mužnym
Přećiwo złobam a tamanjam ćicha a měrna,
Swěrna w jasności slónca a w njewjedrje tužnym,
Pruty hdyž šwikachu, ćěsnješe bolosć će jěrna.

Hanjene Serbstwo, hidžene, putane, wbohe,
Džensa so wójsko za tebje hotuje rjekow,
Za wótcow prawo a prócu a za kubła drohe.
Njekomdž so, Serbo, zakhować dobjerstwo wěkow
Před katom plećacym złósće a přerady mnohe!

Njepadaj k zemi na kolena, wótčina moja,
Před knjezom krutym će z robotu ničacym krwawnej,
Z twojich džě mozli so kormjacym, kotrež jom' hoja
Wjeselow błyskot a frinkot k zabawje sławnej!
Spominaj mocow ěi teptanych do ěmy a hnoja!

Pozběhn dže hlōwu swobodnu, wótčina serbska,
 Pohladaj slōncu runje do swětliny blyšća!
 Čista kaž slōnce je tarča či po wótcach herbska,
 Njech su tež wutrobu mjaťle či bolosće styšća,
 Z krwawjacej tlamu će česniła čerčina sčerbska.

Čežkeho spara mjedžane rječazy zlemi
 Swobody myslička, žedžaca, khrobła a swjata.
 Wocući žiwjenja nadžija po serbskej zemi.
 Wuskhnyta hałužka Słowjanstwa do smjerće data
 Wožiwi z nalěca spěwom a wyskanjemi.

Józ. Nowak, Z duchom swobody.

162.

Wocučenje, bjeznadžiznosć a wobrot k lěpšemu w Delnej Łužicy (1848—84).

Nowe narodne hibanje w Hornjej Łužicy njeskutkowaše na Delnju Łužicu. Štyristalětne braniborske knježenje a prócowanje němskich a němcowatych duchownych a wučerjow bě serbskeho ducha moriło. Młodžina njechwataše na studije do Lipska, hdžež by so zahorić mohła, ale do Berlina a Halle. Němscy ryčerjo-kublerjo nježadachu pozběhnjenje ludoweho rozwučenja, ale jenož přeněmčenje. Boži dom bu arena za swětne požadanki, z pomocu němskich přadowani a modlitwow dyrbjěše so serbski lud do němskeho přestworić. W khoćebuzskim a hródkowskim wokrjesu běchu hišće na spočatku tuteje doby serbscy předarjo, ale w kalawskim a žarowskim běchu městna z Němcami wobsadźene, abo přadowaše so jara z ředka po serbsku. W lěće 1848 bě w Delnich Serbach hišće 36 serbskich předarjow w 33 cyrkwjach; po času su hišće woteběrali. W šulach so z mocu přeněmčowaše. Serbska řeč zahanješe so tam z pukami a pjenježnym khostanjom! Tak nje-móžeše žadne wopřiěće wo samsnej narodnej dostojnosći w ludze nastać abo so wobkhować.

Zadžewk pózdnjeho wocučenja a zcyła slabosće Delnjeho Serbstwa je njedostatk widžomeho centra w měsće Khoćebuzu, njedostatk staršeho pismowstwa abo spisowařskeje tradicije a njewaženje narodnostneje ideje.

Wocučenje wozjewješe přěni a jenički časopis „Bramborski serbski Casnik“ 1848 pod redakciju fararja Nowki; ale wón chcyše bóle přećiwo němskim demokratam skutkować dyžli za Serbstwo.

Tohodla zańdže 1852 dla njedostatka woteběrarjow na poť lěta, potom pak so dale wudawaše wot fararja Pauka z Dešna a wot 1867 wot wučerja Šwjela. W tym času nasta přenje towarstwo serbskich gymnasiastow pod J. F. Tešnarjom w Khoćebugu. W lěće 1859 založi so „serbske towarišstwo niźneje Łužicy“ ale zemjanskeho naměrjenja swojeho patrona v. Werdecka zańdže po wudaću małych brožurkow.

Sami duchowni wodźicerjo ludu njemějachu tehdy nadźěje, zo lud wot poněmčenja wotwobaraju. Widžachu, zo je mało delnjoserbskich knihow a sami njemějachu ani wědomosće ani srědkow, zo bychu dosć trěbnych nowych knihow wudali. Někotři duchowni kaž Štempel a wučer Grys wobstarachu někotre knižki, ale za lud bě to přemało.

Najpilniši spisowarjo běchu slědowacy: J. F. Tešnar, serbski duchowny w Khoćebugu (1857—63) porjedži prawopis, wuda nowy zakon (1862) a někotre druhe nabožne („prjatkarske“) a šulske knihi. Wučer Šwjela doby sej záslužbu z tym, zo 1863 redakciju „Bramborskeho serbskeho casnika“ na so wza a arije za šule wuda. Wučer Grys wozjewi „kjarliže“ a „spiwanja“ za lud, mjez tym zo běchu originalne a z Phaedra a Theokrita přeložowane kruchi fararja Štempela jenož pokazki delnjoserbskeje řeče za wučenyh. Farar Pawoł Broniš wudawaše nabožne knižki a spěwy. Wučer Hendrich Jordan zběraše wot l. 1873 ludowe pěsnje, wuda wjacore knihi a słuša do najpilnišich serbskich spisowarjow. Němc dr. Sauerwein z Hanowerskeje wuzwoli sebi Delnju Łužicu za druhu wótčinu a serbsku řeč nawuknywši pěsnješe w njej a wozjewi „serbske stucky“ (1877). Mato Kósyk z Wjerbna poča pilnje serbski pisać a pěsnić, wozjewi idylu „Serbska swazba w Błótach“, syłu pěsni w časopisu a w nowinach. Někotři druzi wozjewjachu mjeńše literarne wuděłki.

Tola wšitke prócowanja jednotliwych přecelow serbskeho ludu njedosahachu. Lud sam hišće přemało wažnosće na swoju řeč kładžeše, wjesni hospodarjo sćezechu mało synow na gymnasium w Khoćebugu, hačrunje bě tam dr. Tschirner serbsčinu jako dobrowólny předmjet postajił. Zdžěla maja tam Serbja mało srědkow, zo bychu synam studować dali a zdžěla so přewulkich wudawkow boja.

We wšitkim tym nasta wobróť k lěpšemu w lěće 1880. Tehdy wuda nazymu Alfons Parczewski ze swojim nakładom přenju serbsku pratyju. Na jeho namjet založi so „delnołužiski wotrjad“ při Mačicy Serbskej w Budyšinje a poča 27. meje 1880 z přenjeje zhromadźizny swoju džěławosć za serbski lud. Do předsydstwa słušeja Tešnar, Rocha, Jordan, Šwjela a Latk. Tak nasta literarne zjedno-

ćenje mjez přečelemi Serbow, kiž chcychu serbskemu ludej duchownu žiwnosć poskićeć, a pódla tež „Towarstwo Pomocy“, kotrež studowacych podpěrać poča podobnje jako w Hornjej Łužicy. Spomnjeny wotřad wuda wottal někotre wužitne knihi, pódla wozjewi Parczewski hišće druhu a třecu pratyju, potom wotřadej přepodatu. W decembru 1880 přeměni Casnik swoje mjeno na „Bramborske Nowiny“, kotrež wottam Šwjela, Jordan a Kósyk redigowachu. Poslědni z nich bórzy z redakcije wustupi, hdyž so do Ameriki na studije přesydli. Přez pratyju, Nowiny a druge spisy, kiž so nětko pilnišo roznošowachu, nawukny lud lěpje serbscy čitać. W tym zaměrje spisa H. Jordan na pohnuwanje A. Parczewskeho wosebitu „Cyřanku“ (1883). Hdyž so lud bóle do serbskeho čitanja zalubuje, budže tež w Delnjej Łužicy móc serbskeje narodnosće přiběrać.

Mjez tym pak dyrbi za Serbstwo w cyrkwi a šuli so hišće wjele stać. W politiskim nastupanju su Serbjo kraloswěrní, plahuja wosebje wojeřske a někotre spěwařske towarstwa. Na swoje prawa při wobsadźowanju duchownskich městnow hišće přemalo kedźbuja, při wólbach na sejmy su hišće jara indiferentni a njemějachu dotal ženje žadnoho serbskeho zapóstanca.

Historija serbskeho ludu w tymaj provincijomaj, hžež wón dotal traje, ma we woběmaj při wšej rozdželnosću wjele podobneho. Tohodla je nětko trjeba, zo sebi Horni a Delni Serbjo z radu a skutkom blizcy wostanu po přikładže lubosćiweju sotrow.

W. Boguslawski—M. Hórník, Historija serbskeho naroda.

163.

Sprewja w Blótach.

Zołmy přez nižiny zwaha nosy	Słyši spěwow njebjomiłe hłosy,
Sprewja, koši róže při brjozy,	kiž sej čołmař zynči młodostny,
majka łopjenate hałozy.	słyši, kak spěw klinči radostny
Ach, bych wostać mohła! želnje	koło wokoł do serpa, do kosy.
prosy.	

Wottorhnyć so njezamóže; zmbhi
do sta małych rěkow rozlinje.

„Ach bych wostać mohła, serbske brjohi!

Ach bych wěcnje nosyć serbske čołmy
mohła k cyrkwi, k džělu, k hosćinje!“—

A přeč płačo njese swoje žołmy.

J. Čišinski, Kniha sonettow.

Serbja w Texasu.

Texascy Serbja su swoje stare wašnja swěru hač do nětka wobkhowali, štož so najlěpje spóznowa při kwasach, křciznach atd. Tohorunja swjeća woni wysoke swjate dny tři dny, Amerikanojo jenož jedyn dzeń. Při wšěch jich swjedenjach a džělach so samsna stara serbska pobožnosć pokazuje, kaž na druhej stronje samsna přinarodžena wutrobna žortniwosć. Woni džě njezabudu na třeći swjaty dzeń k susodej na „wulku kołbasu“ hić abo do wjesoleho bjesadowanja. Njedźelu wječor skhadža so młodžina ze starymi a potom so powěda młodym wo lubej dalokej domiznje, jeje zbožu a jeje njezbožu. Štóž wě, tón powěda stare bajki wo připołdnicach, ludkach, zmijach, džikim Bjarnatu, wódnym mužu a wo zakuzłanych serbskich kralach. Młodži, kiž Łužicy widźeli njejsu, zahorjeni so doprašuja, džiwaju a naposlědku zanjesu wšitcy hromadže serbske kěrluški ze „Spěwaškeho wjesela“, wot Kiliana 1858 w Budyšinje wudateho. A hdyž su tute spěwy wuklinčate, potom přindže hišće wosebity, mjenujcy „Hdyž budžemy so widžeć“, a hlej, starym kapaju sylzy z wóčkow, młodži pak stykują rucy — boži měr — słódky měr — — to je wony kěrluš, z kotrymž woni něhdy lubym bratram a sotram doma „božemje“ dachu — na přeco. Starym stoji tamne božemje hišće žiwje před woćomaj, a młodži čuja sobu, što starym wutroby hnuje.

Jich rěč je tohorunja hišće ta luba stara maćerna serbska a to doma tak derje kaž w domje božim. Ale nic jenož swoju narodnu maćernu serbsku rěč sebi texaski Serb jako drohe kubło waži, khowa a wužiwa, ně, wón rozumi tež němscy, jendźelscy a mnohi tež mexikanscy. Tak wustojnje a husto kaž delnjolužiski bratr w Błótach z čołmom jězdźi, tak wustojnje a husto jěcha texaski na konju. Hižo jako mały pachol čěri na brunačku, zo tak mróčełe procha zady njeho lětachu a młodženc čiska z konja swój „lasso“ runje tak derje kaž najwušikniši mexikan. Tež „na fryjach“ jěcha texaski serbski młodženc ze swojej lubej a slubjenej wokoło Serbina a hordozna Serbowka leći z nim sobu w najspěšnišim skoku.

Serbska wosada w Serbinje ma štyri sta dušow. Hewak bydla Serbja hišće zhromadnje we Wardže, pjeć mil wot Serbina, we West Yeva, dwanaće mil wot Serbina, w Giddingswendenje, šěsć mil wot Serbina a k tomu mjez Němcami we wšelakich dalšich wsach a městach.

Epistola.

Přečelo, što so tak džiwnje prašeš:
 Kak so mi wjedže na čuzej zemi?
 Cuze wobliča a cuze zynki,
 Cuze počinki a cuze wašnja,
 Cuze wšitko, ach! Ach, wšitko cuze!
 A ja cuzy sam! A kak tu je mi?
 Praj, što škowroněk k njebjesam so wjerći?
 Praj, što ze zorna pod čmowym hruzlom
 Stwjelěčko z mocu dobywa so k swětlu?
 Što so mjetel koleba na kwětcy?
 Što so pčółka koši z kćenjom słódkim?
 Praj, što wječor šwórći do khowanki
 Bruk a ptak što w swojim spěwa hněžku? —
 Kóžde stworjenje ma swoje džěło,
 A je dokonječ sej kóžde žada,
 A swój doměk a statok kóžde znaje,
 Pyta, haji, lubuje a škita —
 Hdže pak statok mój a moje džěło? —
 Přečelo, ty Bohu džakuj so, zo
 Doma jěsć a džělać směš a bydlić
 A so wjeselić. Wěr! Doma jeno
 Słódka kće a wonja kwětka zboža.
 Doma jeno wutroba či změrní
 So, ta njeměrna a žadosćiwa.
 Štož tež kće a wonja, spěwa zwoni
 W cuzbje tebi, zymne tola čuće
 Wostanje, a zrudoba a sylza
 Z sobu towaršitej so. Hdžež stała
 Kolebka, tam doma je a doma
 Wostanje z tym zbóžnym kuzłom swojim. —
 Moje mysle, moje sony domoj
 Noša mje: We čerstwožiwej barbje
 Stupaju mi před woči te hona,
 Hórki, haje, łuki, puće, sćežki,
 A te čiche wsy a čiste dwory,
 A te lube domy, hdžež sym sydał,
 Khodził, džělał, směwał so a spěwał,

Hdžež sym róže šćipał, róže sadžał . . .
 Často w zamyslenju serbske słowa,
 Serbske spěwy słyšu, widžu lube
 Serbske wobliča, kak njewinosće
 Róže na nich ktu, kak lubosć, swěra
 Z wokow swěći — — Potom we wutrobje
 Něžnje hiba so a dźiwje šumi:
 Stysk a lubosć hrajetaj we trunach,
 Wjesołosć a zrudoba tak dźiwne
 Hłosy w duši budžitej a tajna
 Móc do trunow moje porsty kładže;
 Spěwać dyrbju swoje bole, spěwać
 Swoje wjesela, do słowow kować
 Dyrbju, štož a kaž so we wutrobje
 Hiba zynčo, wichorjo a šumjo —
 A hdyž takle spěwam sej a pěsnju,
 Potom serbski duch mje woblétuje,
 Potom z mojich pěsnjow kraj mi serbski
 Rosće a lud serbski z nich mi kiwa
 A mje postrowja a mi je, jako
 Był bych doma. Potom wutroba so
 změruje a w pokojnym so blyšću
 Woko zaswěća. — Hlej, přecelo, tak
 Poesija bolosće a rany
 Moje hoji z balzomom a z wočow
 Sylzy ze rtom želniwym mi koši — —
 Tuž so njerudź pře mnje nimo měry!
 Njesmědžach być žiwy, jako chcych, tuž
 Nětk sym žiwy, jako dyrbju; wjele
 Wola kruta přewinje a znjese. —
 Hdyž pak čitać budžeš moje pěsnje,
 Dopomni so, što tehdom mačalo a
 Wodźilo je pjero Čišinskemu!

J. Čišinski, Formy.

166.

Wójna.

Pisachu pak tehdy lěta 1870. Na znate wašnje so swětnje po-
 dawki wotwiwachu. Nalěčo začahny po dolhej krutej zymje do
 serbskeho kraja. Synowe žně běchu so hižo započale. Tu přindže

strašna powěsć tež do našeje serbskeje wjeski, zo je wójna wudy-
řiła, wójna z Francózskej. Strach a bojósć začahny do Jelenic
domu. Mać a Mařka płakašej hóřke sylzy. Jenó nan so zwon-
kownje z najmjeńša wobknježeše. A bórzy přindźe druha powěsć,
kiž tež potrjechi Jelenic dom: Zahrodnikec Jan dyrbyeše hnydom
do wójska. Ale wjele bóle hišće zešeri tuta powěsć Zahrodnikec
swójbu. Jich nan njewědžeše, što započéć. „Hdy by tam Jan wo-
stał w bitwje surowej? Potomnika nimam!“ Janej drje njebě runje
won přelohko, so džělić wot nana, maćerje, lubeje, ale tola so
jemu tež zaso lubješe, zo smědžeše jako wojak sobu won do pola.
Najzrudniša bě Jelenic Mařka. Potajnje klečeše w swojej čichej
komorecy a k Bohu, wodžerjej bitwow, so nutrnje modleše: „Hlej,
Wótče, njebjó a zemju sy stworił a pod twojej hnadnej ruku je
žiwé wšo stworjene! Ach, Božo, to jeničke wotwobroč a njedaj
padnyć jemu w strašnej wójnje!“ A horce sylzy mačachu bělej
jeje ručcy.

Na druhi dzeń jědžeše ze Zahrodnikec dwóra wóz.

Nan swojeho jeničkeho syna do cuzby wježeše. Hač hdy so
wróci? To je njewěšte! Najradšo bychu jemu sylzy do wočow
stupiłe, ale wón jako muž njechaše być słaby. Jan měrny do
přichoda zhladowaše. Jako wozyk nimo Jelenic jědžeše, wobroci
so Jan k zahrodze. A hlej, tam wohlada Mařku, snadź posłědni
króć. Srjedz nalětnich kwětkow stoješe wona, kwětkow najrjeńša.
Pozběhny hłowičku a z čéńkim hłosom šeptny: „Jano, přindź zaso!“
A Jan ji z ruku kiwny: „Přindu, Mařka, přindu!“ Zahrodnikec
nan prasny z křudom a rychle khwataštaj brunačkaj dale. „Jano
— Jano, lubši Jano — — —“

Wot Jelenic Arnošta dóndže bórzy powěsć, zo je hižo na
puću do njepřećelskeho kraja. Mařka měješe nětko wězo wjele
wjacy džěła, ale wšo wona swěru wobstara. Tola stysk a bojósć
wo lubeho škodžešej jeje strowosći, počinaše někak khoric. —
Dalše powěsće wot Arnošta a Jana njeběchu dóšle, tak zo nihtó
njewědžeše, hdže staj a kak so mataj. Wjesni nowinkarjo drje
hižo powědachu, zo staj wobaj padnyłoj, tola jim to nihtó nje-
wěješe.

Jako bu tehdy Zahrodnikec Jan do wójska powołany, dyrbyeše
hač do Lipska pućować. Z cyłej syłu młodźencow so tam wježeše,
přeni raz po železnicy. Kajka bě to horliwosć a zahorjenosć pola
wšěch. Ze wšěch wozow klinčachu wójske spěwy. Wšitcy běchu
jeneje mysle. A wšudže, hdžež přejědžechu, jich syła ludu witaše

a strowješe. Janej bě to wšitko nowe. Někotrych přećelow a znatych bě drje trjehiř, nic pak Arnošta. Wósom njedžel traješe čezka služba w Lipsku. Janej bywaše často hórko a jemu so styskaše. Tola jene mjeno pokhilenu hłowu stajnje zaso zběže: Mařka. „Za dvě njedželi počehnjemy tež my do wójny“, pisaše z krótka domoj strowiwiši wšech lubych. Horco wočakowany wokomik skónčnje přińdže. Wulka wjesołosć a zahorjenosć wšitkich młodych wajakow wobknježeše. A nětko nastupichu tu daloku jězbu k francózkim mjezam. Přeco a přeco zaso zaklinčachu nowe spěwy a z nich najmóćnišo stajnje tón spěw wo straži nad Rynom. Daloke a wobćežne běchu te přenje pokhody. Jan hižo přenje dny troš dawace słowa domoj pisaše: „Da-li Bóh, luby nano, stojimy za tydžen před njepřećelom. Bóh je z nami, wjedže nas!...“ To bě hojacy balzam do bolostneje nanoweje wutroby. Sylzu we woćomaj roztlóči. „Hólče, ty sy lěpši dyžli ja“, džeše a začini list. A runje zasta časnik tikotać, nan so stróžiwiši na njón pohlada, jako by so jeho woprašeć chcył: „Jano, Jano, što je so ěi stało?“ Tež Jelenic Arnošt domoj pisaše, zo je strowy a zo přebywa w Trieru. Jana pak widzał njebě. Wbohu Mařku martrowaše a čwilowaše njewěstosć a starosć wo lubeho. Ow, wulka čezka je stysk, hdyž duša bludži w njewěstosći, hdyž džiwe wětry šumja a wuja. Ale derje, zo jedyn tróšć, jena nadžěja njezańdže: A njech tež žołmy so wyše a wyše waleja, čas dyrbi přińć, zo so zaso změruja, zo bože slónčko zaso krasnje a jasnje zaswěći. A komuž tuta nadžija w duši so blyšći, tón předobudže wšitku zrudobu a tyšnosć.

Tam, hdžež módry kostrijanc a čerwjena makowina kćěještej, tam holičo často khodžeše a hladaše, hač na puću so nihdže znaty wozyčk njezjewi. Tak bě tam tež džensa zaso dóšla. Bože slónčko w domčk džěše a rozliwaše džensa tajke krwawne pruhi na wšu krajinu. Samo stara brěza, pod kotrejž Mařka stoješe, wša krwawješe. Wšo bě tak spodziwnje čicho. Mařka čuješe so do wysokosće pozběhnjena. Křidła njesechu ju kaž jandželka do dalokosće, bliže a bliže krwawnemu slóncu. Z dobom dótkny so něchtó jeje ramjenja. Mařka so wobroći. Zady njeje steješe na dobo młodženc we swětlej drasće, a jeho hłowu wobdawaše wulka jasnosć. Tón wotewri swój ert a džeše: „Što pytaš tu? Je traš ěi naš kral křidła mysłow spožiči, swět přełecić?“ „Twojeho krala njeznaju!“ wotmołwi Mařka wustróžena. „Naš kral je wšudže a wšo; a ty sama sy služownica jeho stoła. Wón je kral mysłow, kral čućow, a kóždy čłowjek je jemu poddany.“ A džiwny młodženc so zhubi,

a na jeho městnje wohlada Mařka njeskónčnje wulki jězor. Na nim wjezeše so kolebajo łódź, a nutřka sedžeše čłowjek. Na dobo pozběhny so strašny wichor. Njebjo so čornješe, a błysk zapaše za błyskom. Žołmiska so walachu a přemjetowachu. Mařka wša třepotaše. „Štó drje je tón, kiž tam na łódži přećiwo wětrej a žołmam wojuje?“ Wona stykny rucy. Łódź so dale a bóle k njej bližeše. A hlej a hlej, njebě to Jan, jeje horcolubowany Jan, tón wbohi łódźnik tam na jězorje? Ale kak mohł Jan tule sem přińć? „Jano“, zawoła Mařka wótre do hobrskeho šumjenja. Ale rozhorjene jězorisko póžrě te zynki. Ze wšej mocu zawoła Mařka zaso to lube mjeno. Ale Jan jeje njesłyšeše. A njewjedro přeco džiwišo howrješe. Horiska žołmow rosćechu a so hnydom zaso w njeskónčnych hłubinach zhubjachu. A hlej, što Jan tam čini? Wón na sćežor lěžeše, tam hdžež wětry najdziwišo zakhadžachu. Kóždy wokomik móžeše spadnyć. Mařka chcyše wo pomoc wołać, ale hižo njemóžeše. Někto Jan rucy k njebju zběhaše, a hlej, žehliwy błysk do njeho dyri. A Mařcy so před wočomaj začmi. — Muž pak, kiž wječor nimo brězy domoj khwataše, namaka Jelenic Mařku bjez wědomja w mjehkej trawje ležo. Zběhny ju a donjese ju khětre domoj. W ćopłym łóžku drje wona zaso k sebi přińdže, ale jeje wóčcy sapaštej woheń. Mařka nikoho njeznaješe a jeje dziwnym řečam nihtó njerozumješe. Jelenic nan bě so jara wustróžał, da pak hnydom krutu poručnosť, zo nihtó njesmě maćeri što wo tym njezbožu powědać. Bórzy přijědže lěkař, kiž Jelinec nana změrowa. A Mařka hižo měrnišo drěmaše.

Bě na druhi dzeń, njeđzelu rano, boža stwórba blyšćeše so w cyłej swojej krasności. Miłe rańše zerja njeběchu wjacjy krwawne, ale nasyćene z njewurjekliwej lubosću a nadžěju, wěšćejo nowe zbože. Hišće jónkróc so lisćo štomow zelenješe, powitać dzeń hnady. Hišće jónu spytachu kwětki, hłowičku zběhnyć k njebju. Mařka wóčcy wotewri a hladaše strachotnje wokoło so. Njeje tu jězor, łódź, błysk? Ně, hlej bože slónčko měrnje a mile z woknom nutř kukaše. „Je so mi to jeno tak hrózbnje džało? prašeše so wona. „A njeje wón zašoł?“ Hlej, tam ptačik na štomje sedžeše a zahwizda: „Trilomfi!“ „Ach, kak krasny dzeń!“ Mařka zdychny. „Trilomfi“, ptačik z hłowičku kiwny. Mařka spyta stanyć, tola čuješe so hišće jara słaba. Lědom móžeše khodzić. Što bě so to z njej stało, njewědžeše so wona dopomnić. Jelenic nan ju z radosću postrowi, bě wjesely, zo bě Mařka zaso strowiša. A řečeše ji: „Mařka, ke mši džensa njepóndžeš, sy hišće přesłaba;

wšako budu so ja za tebjě sobu modlić.“ A Mařka bě z tym spokojom. Wšako so wona tež doma z cyłej wutrobu nutrnje modleše a prošeše wo měř a hnadny škit boži za swojeho Jana.

Cyła wosada bě so w božim domje zhromadžiła. Džakne serbske kěrlušy šumjachu přez boži dom. Duchowny knjez tak hnujace słowa z klětki dele sćeše, zo wutroby wšitkich poslušarjow hluboko zapřimny. A čím nutrnišo stupachu po přědowanju modlitwy pobožnych kemšerjow horje k božemu trónej. Kóždy však měješe tam wonka w hrózbny m wojowanju někoho ze swych lubych. We wójnskich časach so ludžo wjele bóle k Bohu dźerža hač w časach měra. To bě tež tu widjeć; dokelž někotryžkuli a někotražkuli, kiž do božeho domu hewak zrědka hdy přikhadžachu, so tu džensa pobožnje modleše. Jurij Wjela-Kubšan, Wójna, Łužica 1914.

167.

Hymnus Serbam na puć do noweho stotka.

Přez kraje, přez morja wětry wěja,
 Pod njebjom so honja mróče,le,
 Žołmy pót sej z dźiwich čołow trěja,
 Hdyž jim brjohi haća kroče,le . . .
 Z nohu jako na skok časy ćěrja,
 Khwatnje lěta za lětami du,
 Jako žołmy, wětry spěšne su.
 Do skoka kaž napřemo so měrja
 W kwakli džěla přez swět čłowjekowje,
 Hač měř wšitcy doběhnu sej w rowje. —

Hwězdy na njebiesach bože stoja,
 Pokoj proša do wutrowow wšěch,
 K Bohu wabja z bědy delka, z boja,
 Měrnja wutrowow a rukow spěch.
 Čas a puć a tyće wšo ma z Boha,
 W nim pak přemjenjenja nihdy nje!.
 K Bohu dowěru a k sebi měj,
 Mojich wótcow zemja pře' wšo droha!
 Słyš džě! Bóh je z nami, Bóh nas wjedže,
 Wosud nam tež z ruku wěčneje předže.

Bóh pak wote wšěch sej žada džělo.
 Džělać, Serbja, džělać dyrbimy,
 Zo by rostło Serbstwo nam a kćěto;

A nam skhadžeć budža slónčne dny.
 Cheył bych Samsonowu móc měć w słowu,
 Wětrow spěch a hrivotanjow hlós,
 Cheył bych jězdzić jako błyskow wóz,
 Slónčnej' pruhi móc měć płomjenjowu,
 A bych do džěła wam z wohnjom kazał
 A wam woheń do wutrowow wjazał!

Do džěła cheył młodych, starych honić,
 Zo by było zemi serbowskej,
 Kaž hdyž rano widžu rosu ronić
 So a brózdu dešćik srěbać sej,
 Zo by narod kćěl a dawał płody,
 Kaž hdyž kćenja z pupkow słóča so
 A so wišnje w hał'zach na přemo
 Rozsyduja horjekach a spody.
 Do džěła hahoj, wy serbske syły!
 W džěle kaž muž jedyn lud budź cyły!

Woheń, njebjesa mi lije do rta,
 Zo bych woheń do was, Serbja, lał,
 Hdžež je křćiznow radosć Bóh wam dał,
 Hdžež so staja na kwas bant a borta.
 A tež nowy stotk nam budže strowić
 Serbske wutroby a serbsku řeč,
 Budže z božim slóncom krajik hrěć
 Nam a z młodej mocu narod nowić —
 Haj, stój w žołmach časow, ludo mały,
 Jako twoje hory, twoje skały!

J. Čišinski, Z wołmachom.

168.

Zwjazk Serbskich Towarštwow.

Zarjadowanje gmejnskich, šulskich, ani cyrkwinskih naležnosćí w Serbach njeje serbske. Wina naša njeje. Naša wina pak je, zo ani towarštwowanje w Serbach njeje serbske. A tutón njepoměr — kotryž k tomu jenož z tróšku dobreje wole zamóžemy porjedzić, nas woprawdže pohańbuje před přecelom a před cuzbnikom. Hakle w poslednich lětach so hibanje w serbskich rjadach počína. Tu a tam so zjednoćenstwa pozběhuja, wuzběhujo swój narodny wuznam.

Z jich prócowanjow pak nuznosť zjednoćenja podobnych towařstwow ryzy serbskeho ducha a naprawjenja wukhadža, nuznosť, zo so zjednoća k jednomu cyłkej a k zhromadnemu skutkej. Jenož w tajkim postupowanju tež nadžěja je, zo so wěcy w Serbach k lěpšemu wobroća. — Wo tajkeho Zwjazka nadawku a skutkowanju pak su měnjenja hišće jara džělene w kruhu serbskich zjednoćenstwow. K spokojacemu rozjasnjenju w naležności Zwjazka Serbskich Towarštwow přinošować — je zaměr slědowacych rjadkow.

My Serbja organisacije potrebuujemy, přisprawneje nam a našim poměrám, Při tym na naprawy druhich narodow přez měru džiwać njesměmy. Druhe narody su w druhich poměrach. My to wolimy, štož mamy w tutym času za sebje nuzne a wužitne. A to je po našim měnjenju Zwjazk Serbskich Towarštwow.

Zwjazk Serbskich Towarštwow — što ma do tutoho Zwjazka słušeć? Wšitke serbske — chce-li — ryzy serbske towařstwa, njeh hewak słuža zaměrej kajkemužkuli. Z wurazom dodawamy; serbske, ryzy serbske. Měšeć njebudžemy. Zo je tajkich towařstwow dotal mało — to „Zwjazka“ njezastroži: jeho prócowanje wosebje budže, ličbu tajkich ryzy-serbskich towařstwow powjetšować. Zo je to móžno, stawizny posłědnich lět wobswědčuja. Přeco bóle so strowa a jeničcy prawa zasada předobywa: Serbam serbski spěw a serbske słowo. Z hanjenjom a směšenjom witana, je tuta zasada směšerjow a hanjerjow zahanbiła. To je skutk lět najposłědnišich — ale dotal daleko njedokonjany. Moc, drěbjene, njeh so zraža do hromady a w Zwjazku džěło dokonjeju.

Zwjazk chce być jednotliwym towařstwam rukowanje, zo kćěja a wobstoja, Zwjazk knjezić nechce, słužić chce, zjednorěć a wopłodźować chce skutkowanje w jednotliwym towařstwje, Zwjazk, w žiwym, stajnym wobkhadže z towařstwami přebywajo, chce jim być srjedzišćo a cyłemu krajej wóhnišćo narodneho wědomja.

A to je jeho druhy zaměr. W stronach, parowacych — a ze škodu parowacych serbske towařstwa, chce Zwjazk tajke srjedzišće serbskeho žiwjenja tworić. Kopicy towařstwow a towařstwičkow pak k tomu njetrěbamy. Za jednu wosadu, abo nuzno-li: za jednu wjetšu wjes z wokolnymi wsami jedne jeničke narodnoserbske towařstwo dosaha jako zdonk, kotremuž so po potřebności přidružuja wotrjady, wšelakoreho nadawka, na př. hospodařski (burski), spěwny, džiwadłowy, knihowy, kołoježdny a druge. Tajki wotrjad je sam za so samostatny, ma po žadanju swoje zamóženje a zarjadnistwo. Džěło w tajkim wotrjedže je jednore, aparat snadny. Wu-

stawki su samsne kaž w lokalnym towařstwje; jenož skutkowanski porjad ma wotrjad swój. Předsydstwo je zhromadne z předsydstwom zdonka; wotnoha jenož nawjedowarja trjeba.

Zdonk, t. j. městne towařstwo wotnozy — wotrjadej rukuje za byće a tyće. Zastupichu-li njepřihódnošće, wotrjad traš wusnje, z čěžka pak zhinje. Lěpše poměry jón hnydom zaso na nozy staja. Wšak zdonk žiwy zwostawa, a zdonk skónčnje hinak hač z wotnohami žiwy njeje. Hako přikład budź tu „Serbske towařstwo za Khwaćicy a wokolnošć.“ Tute towařstwo měješe wotrjadaj dwaj: dźiwadłowy a spěwny. Druhi je njedawno wotpočnył — ale jenož wotpočnył. Na lěpše časy čakamy. Hdyž tu budža, wotrjad wocući — wšak zdonk stoji a jedna jeho hałuz so rjenje zeleni: tež druha so zaso zazeleni.

Kelko serbskich towařstwow jenož w poslednich dźesaći lětach pomnimy . . . Byłe, kćěle, hinyłe, zahinyłe su — abo so zněmčile. Kelko prócy a woporow dobrych Serbow je z nimi pokhowane — haj, hdyž so towařstwo zcuźbi — runje přeciwo nam wuwužite . . . Idealna mysl bě serbske hrono wutworila, hdžež njebě ničo było — nětko so tam cuzbařstwo rozčahuje: štož je hórje, dyžli to přjedawše: ničo. Njemylmy so: wuhubjenje narodneho ducha džensa kóždemu serbskemu zjednoćenju hrozy hdžežkuli, njech je w srjedziznje, njech na mjezach — kelko dobreje wole a wulkeho džěla, wo dnjo a po nocach, so tak bróji, hdyž njeje centra, kotrež žiwi a poji. A tajku prócu na lěpši wužitk stajić, tajke srjedzišća twarić a z nimi wotrjadam žiwjenje zawěšćować — je zamysł Zwjazka.

Přinoški maju być snadne, a to tak zřadowane, zo móže sobustaw zastupić do wotrjada kóždehožkuli, byrnjež do wšěch wotrjadow było — a přinošk so njepowyšuje. Wšak wotrjady, kaž spěwařski, dźiwadłowy, předstajenja, koncerty zarjaduja, z kotrychž jim dokhody wukhadžuja. Su-li wudawki w přěnich časach wotrjada — na př. spěwařskeho na hudźbniny atd. wulke, zhromadna pokładnica, zdonkowa móšeň towařstwa wupomha. Tež z wobdželeńskimi lisćikami so trěbne pjenjezy zwjesć hodža. Tajke wobdželeńske lisćiki z nowinku njejsu, ale naprawa, dawno pruhowana a za dobru připóznata. Zo bych z přikładom poslužil: khwaćičanskeho towařstwa spěwny wotrjad tak swoje hrajadło kupi, dźiwadłowy jewišće a druhu potrebu. Wobdželenki pak su dawno wupłaćene — a hišće su pjenjezy po stach na dani, runjež so za narodna a druge zaměry bohaće składowało było.

Wužitk a spomóženje tajkeho zdonkowehe městneho towařstwa za wotrjady — do wočow bije, tak jasnje so póznawa. Ćim wjetši je wužitk zwjazka za wšě serbske towařšnistwo. Zwjazk budže mohł rjec, z centralu, budže wutroba towařstwow wšěch družinow po wšěch Serbach. Zwjazk samostatnosć zjednoćenstwa w ničim podrywać nochce — ně, wón chce swoje džěći a dowěrjene towařstwa sylnić, z nutřka a zwonka, chce być sprócnje padacym ze stołpom a z podpjeru. Haj, združenjam jednoho zamysła so wěsta autonomija zawěšćić derje hodži. Tak móža na př. spěwarske towařstwa, w Zwjazku zjednoćene, swoju pokładnicu wobkhować, do kotrejež lětnje swój pienjez płáca za nakładowanje nowych spěwow a pod. Zwjazk chce wjazać, jednoćić, nic knjezić, tyranisować. Přinošk jednotliwych towařstwow do pokładnicy Zwjazka budže snadny. — —

Zwjazk Serbskich Towařstwow wulkeho wuznama nabudže. Hlejće jeho narodnu wahu! Prjedy bu napisane, kelko 'žno móže jednotliwe towařstwo za swoje wotrjady dokonjeć a žiwjenju wosady w kóždym nastupanju — džiwadło, spěw atd. — dać a dźeržeć serbski raz; Ćim spomóžniši budže Zwjazk, kotryž wobejmje wšě serbske wosady, wšě Serbstwo.

Ćłowjek, njech ratař, njech rjemjeslnik dyrbi so džensa brjoha přimać, zo by hospodařscy wobstał — serbski Ćłowjek tež. Zwjazk budže tež w tym zmysle nałožować swój wliw a swoju móc: k dobremu towařstwow, kaž jich stawow. Za ratařske, kołoježdne a dr. towařstwa dospěja so při zawěšćenju, při kupjach a předawkach přiškodne wuměńjenja — Ćim přiškodniše, Ćim sylniši budže Zwjazk. — Nuzne ani njeje, zo so stajnje zhromadnje kupuje, jedna. Štóž jenož so hako staw towařstwa, w Zwjazku zastupjeneho wopokaže, z tym tež prawow Zwjazka wužiwa.

Njewijće z hłowu! Štož so druhim Zwjazkam hodži, budže serbskemu móžno. Štóž je w džensnišim wobkhodže jenož trochu honjeny, wuznaje, zo wjele dospějemy. — A runje w tutych hospodařskich dobytkach za Zwjazk nimo měry wulka wabjaca a rozšěrjaca móc leži. Ta je jemu předewšěm nuzna. Našim Serbam dyrbimy zamóc předpołožiť tež widzomny wužitk, kotryž móžeš, kaž so praji, z rukomaj přimać. Tu pak jón změja. Za snadnuški pienjez budža sobustawy telko zjednoćenstwow a wužitk z nich wšitkich změja!

Na kónc hišće něšto, štož by było njesprawno njenaspomnić. Najebać swoju wobšěrnosć a powšitkownosć so Zwjazk njerozšćěpi na słabe hałužki, ale mócný korjeń do wšěch róžkow strowe wot-

nohi počeri. Te budža krute haćenje škódnym, swójbne žiwjenje podrywacym wurostkam towařstwowanja našich lubych wěčnych susodow. Hladajće kołwokoło so! Kóždy sprawny ze styskom wuznawa, zo je w nětčišim towařšnym žiwjenju khoroba, zła, kaž rak zasakły. Kelko towařstwow a towařstwičkow! Wječor kaž wječor někajke posedženje, kóždu božu njedželu někajki wulět, swjedženěk abo zawjeselenje! Swójba, Boží dom stej pozabywanej . . .

Hdyž wšak njezakročimy, tajke časy a poměry tež serbskemu ludej nastanu. Cuzolubstwa je dosć w nim. Potom wšak tež: Božemje serbska pobožnosć a pócćiwosć, tak khwalena — božemje, dobre serbske wašnja a počinki! Hladajće kołwokoło so! Spočatki hižo maće. Wšelacy cuzbnicy, k nam přiběžawši, ludžička často dosć mało čisteje zaštosće, za krótku dobu wjedženje towařstwow mjez nami na so storhnyć zamóžeju, dawajcy jim raz, našim narodnym załožkam a tradicijam cyle cuzy. A my so jim klonimy, hura a hajlo wołajcy za nimi běhamy a hišće jich podpjerujemy . . . Drohe wjesela, nizke duchowne a mało dobre čělne wokřewjenja skićace, so hotuja — jenož korčmarjej k wužitku, kotryž je nam často cuza wosoba.

Štó by prajił, zo je hinak? Bratřa, čas je wulki, zo wobaramy strachej, dobremu mjenu našeho naroda hrožacemu. Towařstwo-
wanje w Serbach ma serbske być — a to Zwjazk chce. Njech kóždy po mocach pomha wutworić Zwjazk Serbskich Towařstwow!

E. Bart, Lužica 1898.

169.

Protyka a protyki.

Běchu protyki přecy tajke, kajkež mamy je džensa?
Njeběchu.

Hišće hač do položey poslednjeho stotka wužiwachu w Pomořskej na přikład tu a tam na kraju protyku najstaršeho styła. Kus drjewja to bě, do kotrehož so dny zarězowachu: džěławne dny z mjeńšim — njedžele a swjate dny z wjetšim zarězkom. Měsačkowe přeměnenja: młody měsačk atd. wuznamjenjachu zarězki z boka tu-toho hłowneho rjadu zarězkow. Džělačerjo njeswědomi čitanja pomjatkowachu sebi z tajkimi zarězkami dny, kotrež běchu na knježich dworach za wěsty čas džělali. Hejtman měješe tu w knižcy pisane a jeho pisanje by potom při plăćenju mzdy z wopomnjenym řezanjem přirunane było. Podobny narězowany kij bě potajkim protyka prastarska, wisajo w kóždym burskim domje.

Po času, hdyž bu knihičišće wuslědženy, zhubjowachu so naspomnjena protyki pomatu a džensa ma hižo kóždy staw, kóžde powołanje swoju protyku. Před wuslědženjom knihičišća pisachu knihi. Tak tež tehdom protyki pisachu. Mniša w klóštrach tak w modlerskej knizy na poslednju stronu pisachu protyku. Ličby dnjow stojachu ličba pod ličbu. Džěławe a swjate dny mějachu swoje pismiki. Tohorunja běchu dny, jenotliwym swjatym w běhu lěta poswjećene, woznamjenjene. Zbywace prózdne městno na stronje wupjelnachu přispomjenja wo wjedrje a hwězdach. Wzdžěłani mniša tež hižo smjeré toho abo tamnoho krala, kejžora, biskopa zapisowachu: jara wažne to w mnohim připadže za stawizny. Tež zarjadnistwa městow khowaju podobne zapiski. K tomu wužiwachu, kaž mniša poslednju stronu nabožnych knihow: tući — poslednju wšelakich zakonikow a pod. To wšak pak běchu drje protyki, ale nic za šěrši lud, ale jenož za tón, tamny kraj, za te, tamne městno. W šuli mějachu tohodla džěci nimo drugeho tež cyle mechanisku protyku z hlówy wuknýt. Slabšim džěcom wučerjo mjenje swjatych dnjow wuknýt dawachu a hišće jim je w hrónčkach poskićachu.

Hinak bu, hdyž w 15. stotku knihi čišćeć počachu; nětko wukhadžachu tež čišćane protyki. Tute woprijachu pak tež wšelake lékařske srědky, wosebje wěšćenja do přichoda. Tehdy běchu tež najslawniši lékařjo přeswědčeni, zo maju hwězdy a jich khód wulki wliw na zeńske wěcy: hač budže wójna, drohota, mór. Wšelake operacije zložowachu lékařjo po khodže hwězdow. Hišće džensa nakhadžamy druhdy w protycy powučenjo, hdy ma so to a to nałożować, što ma so stać, hdyž je młody abo pońny mēsačk. To su powostanki z tamnych časow. Dale stojachu tam wěšćenja a činjachu protyku jara wažnu. Kralowje a kejžorowje, wučeni a njewučeni, bohaći a khudzi wěšćenjam wěřjachu. Wšitcy so bojachu — hdyž pak potom připowědžene njewjědro, mór, wulka woda abo boži woheń njepřińdže — wjeselachu so. Njedziwajo na wšo to, wěšćenjam kruće dale wěřjachu.

W protykach bě rada, wotrada, kak mohła so někotražkuli khorosć zahojić a čwela wotstronić. Kaž meješe tehdom kóždy bohaty hrabja, zemjan, swojoho hwězdarja, kotryž přichod we hwězdach widžeše: tak słužeše prostym ludžom protyka. Ta we wšem wědžeše radzić a pomhać. Z tym so sta, zo buchu protyki najznačiše knihi. Z nich čitaše ratař, hdy ma žito syć, polo hnojić, skót kupować a předawać. Tam kóždy zhoni, hdy ma něšto twarić, nowu drastu so woblekać, krew komu pušćeć. Haj, w barlinskej protycy

z léta 1766 su dny, k třiňanju nohcůw a wlosow najpřihódniše z čerwjemyj čišćom wuznamjenjene. Znata je tež stara medicinalna protyka hwězdarja Hoeflera, w kotrejž na lěto 1524 připowědźi lijeńcu a końc swěta. Tež mnozy lěkarjo podobne protyki wudawachu. Tak bě w Sakskej wosebje Dr. Wolmarowa, w Pólskej a Pruskej Misocariowa rada měta.

Čas postupowaše a z nim tež protyki. Recepty a wěšćenja wšak wostachu hač do 17. stotka. Džensa wězo je protyka nuzna a trěbna na wsy tak kaž w měsće. Protyka žnjeje tež lubosć a druhdy nakhadžeš „knihownju“ na wsy ze samych protykw zestojanu. Protyka dóstawa čestne mjeno a městno w domje.

Tohodla pak njech tež naše serbske protyki přinošuja nastawki, kotrež zaslužuja, zo kóždy dzeń na nje pohladaš. Njech su originalne, wosebje pak spisane w narodnym duchu. Njech wuča wo narodnych potřebnosćach a přislušnosćach, dawajo nic jenož dobre napominanja, ale tež přikłady! Njech přinošuja w tym duchu to najlěpše a hdyž nimamy na serbskej zemi snadź bohužel tajkich powědančkow a rozprawow, to sahnmy do susodnych bratrowskich literaturow. Z tym potom protyki budža tež nam přeco a přeco powědać ze scěny: Budźmy prawi, cyli Serbjo!

Jan Andricki, Lužica 1903.

170.

Julius Caesar.

Struhłohra w 5 jedn.

IV. jednanje, 2 wustupi.

Torhojšćo. Brutus, Cassius a lud wustupi.

Měšćan:

My wusprawńjenje wot was žadamy.

Brutus:

Tuž pójće, přećeljo, a posł'chajće.

A zastupy tam džělće ludowe.

Štóz na mnje posł'chać chce, njech wostanje,

Štóz hić pak z Kassijom chce, njech

Tam za nim dže — —

A zjawne winy słyšeć budžeće

Za Caesarjowu smjeré.

Prěni měšćan:

Ja słyšeć pak

Chcu Bruta tudy.

Druhi měšćan:

Tak přirunaći potom móžemoj,

Što tón a tamny ludej prajił je.

(Kassius z džělom ludu wotstupi. Brutus stupi na rěčnjefaju.)

Třeći měšćan:

Hlej, Brutus hižo stoji tam! Budź měř!

Brutus:

Haj, měrni budźće do kónca!

Romjenjo, krajenjo, přećeljo! Posłuchajće na moje słowa, a mjelčće, zo mje słyšiće; wěřće mi mojeho mjena dla a dźiwajće na moju česć, zo wěřiće. Sudźće mje po swojej mudrosći a zbudźće rozom swój, zo mje čím lěpje sudźiće. Jeli so w tutej zhromadźiznje što namaka, kiž by tak prawje wěrný přećel Caesarjowy był, tomu ja praju: nic mjeńša, hač jeho, je Brutowa lubosć k Caesarjej. Hdyž so tutón přećel potom praša, čehodla je so Brutus přećiwo Caesarjej zběhnył, ja wotmolwju: nic tohodla, zo sym Caesarja mjenje, ale zo sym Romu bóle lubował. Byšće radšo cheyli, zo by Caesar žiwy był, a wy jako wotročcy wumrěli, hač zo je Caesar mortwy a wy sće jako swobodni mužojo žiwi? Dokelž mje Caesar lubowaše, jeho wopłakuju; zo bě zbožowny, mje zraduje; dokelž bě mužny, česću jeho; ale dokelž bě knježenja lakomny, sym jeho morił. Tu su sylzy za jeho lubosć, radosć za jeho zbože, česć za jeho mužnosć, ale smjerc za jeho knježenja lakomosć! Štó je tudy tak nizki, zo by cheył wotročk być? Je tu jedyn, njech rěči, přetož jeho sym ranił. Štó je tudy tak hruby, zo njeby Romjan cheył być? Je tu jedyn, njech rěči, přetož jeho sym ranił. Štó by tudy tak njekničomny był, zo njeby swoju wótčinu lubował? Je tu jedyn, njech rěči, přetož jeho sym ranił. Zastawam khwilku a wotmolwjenja wočakuju.

Wšitcy:

Tu njeje nichtó, Bruto, nichtó, nichtó!

Brutus:

Tak nikoho ranił njejsym. Ja Caesarjej wjacý činil njejsym, hač štož maće wy Brutej činić. Kak je so z Caesarjowej smjercu měło, je na Kapitolu zapisane, jeho sława njeje zmjeńšena w tym, hdžež bě wulki, ani jeho wina powjetšena, za kotruž je smjerc ćerpił.

(Antonius a druzy wustupjeju z Caesarjowym ćělom.)

Tu ćělo njesu, wobžarowane wot Marka Antonija, kiž hač runje na Caesarjowej smjerci džěla nima, budže tola jeje dobrotu

wužiwać, přez to, zo w nowym zarjadowanju hódnosć dostanje. A što wot nas njeby tež hódnosć dostał? A z tym zaroćenjom wotstupju, zo kaž sym swojeho najlěpšeho přecela za zbože Romy morił, tak tež tutón kałač na sebje samoho nałożu, hdyž budže so wótcínje spodobać, moju smjerc žadać.

Měšćenjo:

Budź žiwy, Bruto, sława, sława tebi!

Prěni měšćan:

Joh' domoj wjedźće w čahu sławnostnje.

Druhi měšćan:

Jom' sochu stajće w rjedže džědowskim.

Třeći měšćan:

Njeh wón je nětko z Caesarjom!

Štwórty měšćan:

Štož dobroh' było je na Caesarju,

Njeh w Brutu krónu dostanje.

Prěni měšćan:

Haj; jeho

Dom wjedźmy z wjes'łym wyskom sławnostnje.

Brutus:

Krajenjo — —

Druhi měšćan:

Měr! Čicho!

Brutus:

Mi, přeceljo, hić dajće samomu,

Nětk domoj, wy pak tudy wostańće

Mi k woli pola Mark-Antonija!

Česć wopokažće čětej Caesarjowom',

Tež česće řeč, kiž Mark-Antonius

Po našim samsnym přizwolenju nětko

Tu dzeržeć budže k sławje Caesarjowej

A niktó z města njezdal só hač ja,

Dónž z řeču njeskónči Antonius. (Wotstupi.)

Prěni měšćan:

Tuž wostańmy a wusłyšmy, što nětk

Nam prajić budže Mark Antonius.

Třeći měšćan:

Njeh postupi džě tam na rěčnjeńnju.
Měr! Kedžbu! — wustup wšak, Antonijo!

Antonius (na rěčnjeńnju stupiwši):
Ja Bruta dla mam přislušnosće k wam.

Štwórty měšćan:

Što wón wo Brutu rěči?

Třeći měšćan:

Wón praji, zo ma přislušnosće k nam
Dla Bruta.

Štwórty měšćan:

Přec' njeh pěknje hlada so,
Zo ničo zleho njerěči wo Brutu.

Prěni měšćan:

Tyran je Caesar był.

Třeći měšćan:

Haj to maš prawje!
A zbožo je, zo jeho wotbychmy.

Druhi měšćan:

Měr! Čicho! Tuž nětk tola posł'chajće,
Što prajić móže nam Antonius.

Antonius:

O lubi Romjenjo — —

Měšćenjo:

Měr budź a čicho!

Antonius:

Wy přeceljo a lubi Romjenjo,
Nětk khilće wuši ke mni, posł'chajće,
Pohrjeb' chcu zhotowaći Caesarjej,
Nic khwalić jeho. — Štož zloh' činimy,
Nas přežiwi, to dobre husto pak
So z mortwym ćěłom našim pohrjebje — — —
Tež z Caesarjom budź tak. Wšak jeho wam
Je sprawny Brutus husto wobskorzał,
Zo knježenja bě lakomny. Hdyž tak
Je přešoł so, był je to ćežki hrěch,
A ćežku zapłatu je Caesar dał.
Po dowolenju Brutowym a tych,

Kiž z jeho towaršemi su (hlaj, wón
 Je sprawny muž a towaršoj tež)
 Směm Caesarjej ja dđeržec čělnu řeč.
 Wón bě mój přecel wěrný, prawdžiwy,
 Hlej, ale Brutus jeho wobskorža,
 Zo sebi knježstwo cheyš připrawić,
 A Brutus sprawny, čestny čłowjek je.
 Do Romy Caesar jatych přiwjedže,
 Jich wjele, a z jich wulkim wukupom
 Tak statne pokladnicy napjelni.
 Bě tole snano škódna lakomnosć?
 Při nuzy khudych Caesar plakaše:
 Ja měnju z twjerdšich wutkow džěłany
 By dyrbjal čłowjek być, kiž knježić chce.
 Hlej, ale Brutus jeho wobskorža,
 A Brutus sprawny, čestny čłowjek je.
 Sće wšitcy widželi, kak třikróć jom'
 Na Luperkalach krónu poskićach,
 Kiž bu wot njeho třikróć zacpěna.
 Je znamjo to snadź knježstwolakomstwa?
 Přec' Brutus joh' pak toho wobskorža,
 A bjez dwěla muž sprawny Brutus je,
 Tež nohecu słowam řečec napřećo,
 Kiž Brutus řečal je; mi słuša so,
 Zo tudy jeno wupraju, štož wěm:
 Sće wšitcy lubowali Caesarja,
 A z połnym prawom to; što wadži wam
 Nětk hórko žarować wo jeho smjerc
 Je rozom čeknył k dziwim zwěrjatam
 A čłówske bydla snano wopušćil? —
 O lubi, mějće ze mnu sčerpliwość!
 We kašću leži moja wutroba
 Tam z Caesarjom, a tuž ja zamjelknu,
 Dónž wona wot tam zasy wróći so.

Prěni měšćan:

Po mojim zdaću wjele rozoma
 We jeho słowach je.

Druhi měšćan:

Haj, Caesarjej,

Hdyž prawje sebi wšitko wobmysliš,
So tola wulka křiwda stała je.

Třeći měšćan:

Boh' skorženo! Haj, kmótre, mi so tež
Tak byé zda. Snano wjele hórši nětk
Na jeho město přindže! Božedla!

Štwórty měšćan:

Sće slyšeli? Wón krónu zacpił je.
Tuž tola njebě knježstwa lakomny.

Prěni měšćan:

By było tak, to by drje hubjenje
So zešlo tomu a tež tamnemu.

Druhi měšćan:

O hlejće! Wbohi muž, kak jemu woči
Wot hórkich sylzow čerwjénitej so.

Třeći měšćan:

Zawěrnje lěpšoh' muža nimaće
We cyłym Romje, hač Antonija.

Štwórty měšćan:

Měr! Kedžbu! Wón zas řečec počina.

Antonius:

By wčera hišće swětej napřečo
So Caesar stajić mohł, a džensa wón
Tu leži mortwy, ani prošeř so
Wjac' k počesćenju před nim njełtonja.
O knježa, hdy bych vaše wutroby
A vaše mysle nětko zmućić chcył,
Bych křiwdu činił Brutej, Kassijej,
'Kiž staj, kaž wěsće, sprawnej čłowjekaj.
Ně, njehecu teju knjezow zrudzić,
Chcu radšo křiwdzić morwom', sebi, wam,
Hač zo bych jimaj znapřećiwił so. —
Hlaj, tudy w rucy dđeržu pergament,
Ma pječat Caesarjowy, nam'kał sym
Jón zamknjeny we jeho kamorje.
Je Caesarjowy wotkaz. — Krajenjo!
Hdy byšće wjedželi, što steji w nim —
Ja pak to čitać nohecu, wodajće —

To byšće šli a rany košili
 Nětk smjertne Caesarjowe, rubiška
 W krwi swjatej jeho sebi mačeli,
 Wo włośku z jeho hlowy prosyli,
 Ju zwostajiwši swojim potomkam
 Kaž drohi naměrk k wěčnom' pomnejću.

Štwórty měščan:

Jón slyšeć chcemy: wotkaz čitajće!

Wšitcy:

Haj, wotkaz, hnydom čitajće!

Jón slyšeć chcemy: wotkaz Caesarjowy!

Antonius:

Wam čitać njesměm, lubi přeceljo,
 Wy wjedžeć njesměće, kak Caesar was
 Je lubował, wy njejsće z kamjenja,
 Tež z drjewa nic, ně, jeno ludžo sće.
 A tuž by strašnje zahoriło was
 A zbłazniło, hdy byšće wědzeli,
 Što Caesarjowy wotkaz wobsaha.
 Wy zhonić njesměće, što stoi w nim,
 Wy wědžeć njesměće, zo herbja sće
 Wy Caesarjowi; što by nastało,
 Hdyž wam by tole přišlo k wědženju!

Měščenjo:

O čitajće nam wotkaz, Mark Antono!
 My chcemy wědžeć, što je wotkazał
 Po swojej smjerći sławny Caesar nam.

Antonius:

So sčérpnýc njechaće a počakać?
 So překhwatał sym, zo sym rečał tak.
 So boju, wobskoržil sym sprawnych mužow,
 Kiž morili su Caesarja. Mam strach!

Štwórty měščan:

Su přeradnicy! Sprawni mužojo?!

Wšitcy:

My chcemy wotkaz slyšeć! Wotkaz! Wotkaz!

Druhi měšćan:

Su wšitcy njekhmanicy! Mordarjo!
Nam zjewće wotkaz! Wotkaz zjewće!

Antonius:

Mje nuzujeće wotkaz čitaći?
Nó, tak so stuńće wšitcy do koła
Tu wokoło džě mortwoh' Caesarja,
A dajće pokazać mi toho wam,
Kiž wotkaz sćinił je. Mam dele přińć
Ja k tomu k wam? Je waša wola to?

Wšitcy:

Haj, stuńće dele!

Druhi měšćan:

Dele stuńće k nam!

(Antonius z rěčnjefnje stup.)

Třeći měšćan:

Wam dowolimy rad.

Štwórty měšćan:

Do koła stuńće so! Do koła!

Prěni měšćan:

Wot marow, ćěła trochu wotstuńće!

Druhi měšćan:

Anton'jej z puća! Mužej hódnemu!

Antonius:

So njećišće tak ke mnje! Stuńće přeč!

Wšitcy:

Jom' činće městno! Nazad! Z puća!

Antonius:

Hdyž maće sylzy, nětko płakajće!
Wam znaty je tón plašć. Ja spominam,
Hdyž přeni króc jón Caesar nošeše,
Na lětnim wječoru we stanu bě,
Bě runje Nervijow wón porazył. —
Tu je jón překłół kałač Kassija —
A tajku džěru Kaska sćinił je!
Tu Brutus překłó, lubowany syn;
Hdyž wrócił bě wón kałač zaklaty,
To poča puzolić so ćopła krew

A z wotewrěnych durjow běžeše,
 Kaž chcyła hladać, hač je Brutus byl,
 Kiž wonka klepaše tak njecunje,
 Haj, Brutus — Caesarjowy lubostnik!
 A kak bě lubowany, Bóh je swědk!
 Bě rana Brutowa najhórša wšěch;
 Hdyž toho kaťač Caesar wuhladny,
 To jeho přemó njedžak bóle hač
 Brón přerady, so zlemi wutroba!
 A plašć před woči sebi sčahnywši —
 Při znamjenju Pompeja polatym
 Z krwju jeho — padny wulki Caesar naš.
 O kajki pad to běše, krajenjo!
 Tam ja, tam wy, tam wšitcy padnychmy!
 A krwawna přerada bu z knjezom nětk.
 Wy plakaće, móc želniwosće je
 Was přewinyła, sylzy krasne su,
 Kiž mojej woči plakać widžitej.
 Wy dobri! Sylzy hižo do wočow
 Wam stupaju, hdyž plašć 'nož widziće,
 Plašć Caesarjowy krwawny; hlejće tu
 Wón sam pak leži, hroznje překlóty
 Wot přeradniskich kaťačow.

Prěni měšćan:

O zrudny postup!

Druhi měšćan:

Sławny Caesarjo!

Třeći měšćan:

Dnjo poľny njezboža!

Štwórty měšćan:

Wy njekhmanicy, mordarjo!

Prěni měšćan:

O krwawny pohlad!

Měšćenjo:

So wječmy! So wječmy! Preč — pytaće — palće — zapaleće —
 pjerće — morće — ani jednoho přeradnika žiweho njewostajće!

Antonius:

Nic čěkać, wostańće tu, krajenjo!

Prěni měščan:

Měr! Čicho! Posl'chajće na jeho řeč!

Měščenjo:

Jeho slyšmy — jeho sčěhujmy — z nim wumrějmy!

Antonius:

Wy lubi přeceljo, so njedajće
 Přez moje słowa k strašnom' zběžkej hnuć!
 Wšak sprawni ludžo skutk su wuwjedli.
 Drje njewěm, kajka tajna zloba je
 Jich k tomu wabiła, su sprawni pak,
 A wěće, wam wšo bórzy rozkładža.
 Mi njeje móžno zhrěc wam wutroby,
 Ja njejsym řečnik, kajkiž Brutus je,
 Sym — kaž mje wšitcy znaja — prosty muž
 A sprawny přecel, to tež wědža či,
 Kiž dowolili su mi řečeć k wam.
 Ja nimam wěcipa, słowow, hódnosće,
 Tež nimam wuraz, přednošk, řeče šik,
 Zo bych do zahorjenja přiwjedł krew.
 Štož hižo wěsće, prosće powědam,
 Wam pokazuju rany Caesarjowe
 A rany něme za mnje řečeć dam.
 Bych ja był Brutus, wón Antonius pak,
 To by Antonius tudy stał, kiž by
 Was mócnje zahorił, a jazyk, řeč,
 Dał kóždej ranje Caesarjowej, tak,
 Zo bych z tym so same kamjenje
 We měsće Romje k zběžkej zbudžiłe.

Wšitcy:

So zběhnúmy!

Prěni měščan:

Brutowy dom zapalmy!

Třeći měščan:

Preč! Pójće! Přeradnikow pytajće!

Antonius:

«Na słowčko hišće, lubi krajenjo!

Měščenjo:

Měr! Čicho! Řěće, sławny Mark Antono!

Antonius:

Wy k džětu džeće, njewěšće pak što,
Z čim Caesar wašu lubosć zasłuža?
Ně, wy to njewěšće, tuž praju wam:
Na jeho wotkaz pomńće, přeceljo!

Měšćenjo

Zawěrnje wotkaz! Słyšće! Wostańće!

Antonius:

Hlaj, Caesarjowy wotkaz tudy wam
Ja předpołożam z jeho pječatom.
W nim wustaja so kóždom' Romjanej
Po hłowje drachmow sydomdžesać pječ.

Druhi měšćan:

O hódny Caesarjo! — Haj, pójmy nětk
A wječmy so za jeho smjerć!

Třeći měšćan:

O kralo Caesarjo!

Antonius:

Mje dosłyšće!

Měšćenjo:

Měr! Čicho!

Antonius:

A wjac' šće: Wón je swoje hrodžišća
A khłódnicy, kiž hodža zamknyć so,
A derje plahowane zahrody
Na hewej stronje Tibra darił wam
A wašim potomnikam na wěčnje,
Zo byšće tam po swojej spodobje
So móhli rozkhodźeć a zabawjeć.
Haj, to bě Caesar: hdy so wróci zas?

Prěni měšćan:

Ach, ženje, ženje! — Prečku! přeč!
Na wonym swjatym městnje z płomjenjom
Nětk spalmy čěło, potom zapalmy
Z nim domy přeradnikow, mordarjow,
Tuž zběhńće čěło!

Druhi měšćan:

Woheń přinjesće!

Třeći měšćan:
Wšě ławki roztorhaje!

Štwórty měšćan:
Sydła tež,
A klamy, hětki, wšitko ztorhaje!
(Měšćenjo z čělom wotstupja.)

Antonius:
Njeh takle nětko dale pleće so! —
Haj, njezbožo, we běhu sy; so wal
Pak tam pak sem, na kotruž stronu chceš!

W. Shakespeare. Přel. J. B. Pjeh.

171.

Naše dźiwadło.

Lěta 1862 so w Budyšinje na „Třělečni“ přenje serbske dźiwadło hraješe „Rohowin Štyrirohač“. Dr. Handrik-Čěsla, kiž džensa w Neveklovje w Čechach jako lékař skutkuje, bě hru do serbsčiny z V. K. Klicpery přeložil. To bě nadobny skutk serbskeho studenta.

A naši studenća wostachu tež dale pěstowarjo serbskeho dźiwadła. Tři mjena so w pozdžišich lětach wosebjě často na polu serbskeje dźiwadłoweje literatury zjewuja: Arnošt Muka, Jakub Bart a Mikławš Žur. Muka přeložowaše swoje hry „za dźiwadło serbskich studentow“. A studenća hrajachu tute hry a poskićachu z tym serbskemu ludej docyła nowu zabawu. Lud krasnosć serbskeho dźiwadła bórzy zapřimny, a dołho nejtraješe, zo tež serbske towarstwa započachu serbske dźiwadło hrać. Jaseňčanska Kat. Bjesada hižo přez 30 lět serbske dźiwadło pěstuje a haji. Tajcy stari hrajerjo su tež Radworčenjo, Khwaćičenjo, Bukečenjo. Wjele so džensa hišće powěda w Njeswadćidlanskich wokolinach wo sławnym serbskim dźiwadle něhdušeho serbskeho towarstwa z Zarěčv. Tež zašla Budyšinska „Bjesada“ słuša do tych towarstwow, kiž přenje stupachu na serbske jewišćo. Bórzy nastawachu nowe narodne towarstwa — a z nimi rosćeše tež serbske dźiwadło. Pomału přiběraše tež serbska dźiwadłowa literatura. Džensa dobywa so serbske dźiwadło dobyćeŕscy do wšěch serbskich wjeskow. Bohu džak! Jenow Delnjej Łužicy błudži serbske dźiwadło hišće jako khuda, wopušćena syrota wonka w howrjacej noci. Zřědka hdy

smě wbohe džěčo ně dže do rozswětleneje sale zastupić. Ale da-li Bóh so tež tam bórzy jeho wumožnik zjewi!

Dokelž je naše džiwadło woprawdže jara wažny faktor w našim narodnym hibanju, zalěži wšěm swěrnym wótcincam wjele na tym, so so wone pěstuje a haji.

*

Wo znowanarodženje serbskeho naroda ma serbske džiwadło nejprmojěne a wulke zaslužby. We wšelakich stronach je so serbska myslička: zas a zas raznje a jasnje docyła jenož z jewišća ludej předowała, a lud je tomu rozumіл. Někotryžkuli serbski pachot, někotra serbska knježnička nejstaj w šuli bohužel ani serbskeho pismika wuhladałoj, při hraću serbskeho džiwadła pak staj pěknje serbski čitač nawuknyłoj. Naše jewišćo je tuž mohł rjec naša narodna šula. Nic jeno čitač so naš młody lud tam nawuči, wón tež nawuknje dobrou a najlěpšu serbsčinu rěčeć a wužiwać. Tohodla budź to stajnje přěnja zasada našich spisowacelow: Na naše jewišćo słuša najlěpša a najčisćiša serbska rěč, dokelž ju lud wuknje. Při wuknjenju serbskeho džiwadła zeznaje so naša młodžina ze serbskim pismowstwom a při wuknje je lubować a podpjerać.

Zdžěla samsne dobytki ze serbskeho džiwadła ma tež připosłuchařstwo. Tež wono wuknje w džiwadłe dobrou serbsčinu česćić a lubować. Naše džiwadło pokazuje našemu ludej často hladadło, zo by w nim spóznał, kajki njesmě być. Pomysleće sebi na př. na burske hry „Na wuměnk“ a „Burska kreŭ“ a druhe. Džiwadło wuči lud we swojich historiskich hrach spóznać swoju zańdženosć.

Serbske džiwadło je našemu ludej kužoł njezkaženeho wjesela a přistojneje zabawy, dokelž so našemu ludej jeno dobre hry předstajeja. A w tom hižo leži wjetša hódnoto serbskeho džiwadła na našich wsach, dokelž wo němskim džiwadłe — tež pola nas! — so to stajnje bohužel rjec njehodźi. Čłowjek njeby skoro wěřił, zo móža Serbja něšto tajkeho hrać a sebi wobkladować, kaž je so to hižo na cuzorěčnych bjesadach w serbskich wsach stawało. Serbske džiwadło haji tuž pódla narodneho zmyslenja tež dobre, přistojne wašnja našich wótcow. O, zo by to wostało wěčnje tak! Serbske džiwadło podpjera widžomnje serbske pismowstwo. Žadyn džěl našeje literatury njeje tak płódne so wuwil kaž džiwadłowy. Mamy džensa juž přez pjećdzěsat čisćanych serbskich hrow! A kelko jich leži hotowych a jeno čaka na šćedriwych nakładnikow!

Naš wutrobny džak słuša tohodla wšěm tym česćehódnym mužam, kotřiž su w přjedawšich časach započeli serbske džiwadło

hrać. Woni su nam drohotne herbstwo zawostajili, kotrež chcemy my, dale a bóle wutwarjene a wudospołnjene, jónu přepodać svojim potomnikam, zo by nam Serbstwo njezhi yło.

Fr. Kral, Naše dźiwadlo.

172.

Na Hrodźišću.

Činohra w 5 jednanjach.

I. jednanje, 3. wustup.

Miliduch (zamysleny steji; potom póčnje samemu sebi):

Što?! So dlěje tajić njehodži
 tyšny strach a bojosć w wutrobje!? —
 Hrozna mysl, kiž we mni hobrscy
 stawa, ducha česnje putajo,
 duše horjatej' proh překroči,
 do skutka so přewobroći, lud
 bědny puta putać nječasne!? —
 Hižo njehodži so rozćepić
 wacy njenasytnej hłowisko,
 zničić dych jej' klamy zahubny!? —
 Abo dyrbi, — dyrbi zahinýć
 kwětka na honach na počobskich,
 zbožopłodna złotej' swobody,
 wotročkowstwa nosyć hanibnu
 kwaklu serbske ramjo swobodne!? — —
 Tola słyš-pak Franko tyranski,
 za swědka budź ty mi Pjeruno!:
 Doniž jedno ramjo mocy změje
 přimać brónje so, dóńž poslednja
 krewje krjep' ze storhowatej' kipić
 budže wutroby, Serb wótene budže
 maćeć hona z krewju kurjatej,
 zo by kćěla kwětka swobody. —
 A ty, mječo mój, kiž wjesoly
 kupať sy so w krewi njepřečelskej,
 smjertne rany rył do wutrobow,
 namrěty po rodže swobodnym,
 pycha dawna mjenow Serbam swjatyh,

nihdy po bjedru njeswobodnym
 nješčerč, skiwlo žalosć wotročstwa;
 radšo do mojej' so wutroby
 zaryj a so we mni na kruchi
 złamaj ze złamanym Serbowstwom! —

4. wustup.

(Miliduch je so za blido sydnył a wobličo do dłónje zaprěł;
 Brónmil z durjemi na ľewicy do jstwy stupa.)

Brónmil: Na dworje žno žada ryčerstwu
 wójniwosć do zjězdźowanja, jenož
 twojeho mi čaka rozkaza. —
 Što! — Ty zrudny!? — Džensa!? — Při kwasu!? — —
 Radosć woko błyska kóždzičke
 na Hrodzišću, sydłu kralowskim;
 kajki česni stysk to wutrobu
 jeno twoju!? —

Miliduch: Radosć z domom je
 na Hrodzišću wysk a wjesele;
 ach pak budže dzeń, dzeń zahuby,
 a na hrodže Miliduchowym
 zrudoba b'dže šepać z wječora
 wokoło tych stołpow rozbitych
 mjena Milec rodu kralowskeho,
 a b'dže z hrodu toho kralować
 z horda ludam serbskim němski Frank.

Brónmil: (tež so sydajo):
 Z ćežkej myslu wulka wutroba
 bėdzi so čí džensa; tola nihdy
 njezaswitnje bėdonošny dzeń
 sydłu Milec rodu sławnemu.
 Hišće rodži state serbska zemja
 ryčerstwo, krew serbska po žiłach
 hišće šumi rjekam swobodnym,
 a mysl žadosćiwa swobody
 po stawach so mócnje rozliwa:
 a kčew rjeńši khrobłoh' ryčerstwa,
 Wjelesław, kaž z njebjes Porywit,
 kitać budže korjeń swobody,
 tónle hród, ze swojej wutrobu,
 mužnych Milec mjena dostojny.

Miliduch : Znaju, znaju pychu ryčerstwa,
 widžał wójniwość sym rjekowsku,
 spytał sylnosć krutych ramjenjow. —
 Tola podarmo so wobara
 law, hdyž na sto wjelkow na njeho.

Brónmił : Haj, law jedyn, ale cyły ród !

Miliduch : Tež so wjelkow njedowobara.

Brónmił : Tež nic cyły ród ? !

Miliduch : Hdyž jedna mysl
 na wjelki móc lawsku njewjedže. —
 My smy na stajnosći w překorach :
 na wójnu šće ženje jedna mysl
 wjedła njeje splahi přezjedne,
 a drje nihdy ludy połobske
 přećiwo tym Frankam njestaja
 přezjednosć, škit njepřeražliwy,
 kaž by čezilo nad našej zemju
 Čornoboha hrozne pokleće.

Brónmil : Swobodnosć sej splahi swoju haja,
 kaž to było hižo za stársku.

Miliduch : Zmylk zmylk wostanje tež prastary.

Brónmil : Zmylk ? — To dziwny zmylk ! Traš přez črjódy
 wójnskich ludow njewurubaše
 puć sej splahi naše daloki
 wot Wólgi hač k Łobju našemu ! ?

Miliduch : Črjódy rozdrjebjene přewinyć,
 skutk to njewulki.

Wjelesław (kotryž je njepytņeny zastupił a jimaj hižo khwilu
 připosłuchał):

Skutk njewulki,
 ale Frankow wotmach wotrazyć ! —

Brónmił (postavajo a so na Wjelesława wobroćejo) :
 Frankow tež so Serbja njestroža.
 Štó naš z ruku k bróni hotowy
 njebył do boja za lud a kraj,
 do boja za statok namrěty ? !

Wjelesław : Ale štó tych rjekow powjedže ?

Brónmił : Kóždy swoju črjódu wójwoda.

Miliduch : Rozkora jim budže wjednica,
dobyće pak kwakla wotročstwa.

Brónmil : Serbsku brón a khrobłósć přewinyć
Frankojo ! ? — Ha ! kajke hanjenje !

Miliduch : Rozkora ju naše přemóže,
Frankam puć na knježstwo wuruba — — —

Brónmil : Ha twój zamysł ! Ród chce kralować
Milec splaham wšitkim sam !

Miliduch : Štó to
prajiš ?

Brónmil : Wzac chceš Serbam swobodu,
ródny lud swój měć za wotročka !

Miliduch : Prawa ludam rosće swoboda
ze zakonja. — Jedne kralestwo
rune płodži prawo-kóždemu.

Brónmil : Kajka lesna řeč !

Wjelesław : Wo susoda
susod wuknyć dyrbi rozumny,
ze samsnej so brónju wobarać
jeho bróni. — Přichod njewěsty
naš, dóńž jedyn kral a jedyn Bóh
njubudže wšěm splaham počobskim

Miliduch : Swobody row zažny serbskeje
samostatnosć budže splahowa

Brónmil : Běda ! Cuze wašnje, Bóh . . . !

(Wrótnik z wěže zatrubi a móst so přez přerow pušća.)

Wjelesław : Štó to ! ? —

Wrótnik zatrubi a mostowy
ščerči rječaz !

Miliduch : Hosćo dojěli
k nam juž ze wšěch hrodow, hrodžišćow.

J. Čišinski 1880.

Rozhlad a wuhlad.

Tak smy póznali, zo běchu Serbja něhdy wulki lud, skónčnje
pak mały, ale zo tola jako wosebity narod čas swojeho narodneho
znawarodženja dočakachu. Na tej zemi, hdžež su Serbja wot sta-

rodawna autochtonojo, wobsydluja hišće rjany kruch kraja. Tu dźerža so jako druhe mjeńše ludy w svojich stronach na přikład Rhaetoromaňojo abo Ladinojo, Islandženjo a Friaulojo, abo podobnje jako kolonistojo z wjetšich ludow, wot wótciny zдалeni, na př. Němcy w Sedmihródskej a druhdže, Armenojo, Grekojo a druzy.

Prawo swojeho byća maju jako druzy po božej woli, dostojnosć žiwjereja přihotuja sebi sami z darami wot Boha datymi, a ze swojej prócu a wutrajnosću. Cyrkew a stat z jich byća žadnejše škody nimatej; Serbja su swěrní wuznawarjo swojeje wěry a loyální poddani, štož je woboja wyšnosć wjele króć připóznała.

Wjele stow lět hižo wěšća Serbam poněmčenje a w nowišim času su tajcy falšni profeci časici. Jedni praja: Serbja zhubja swoju narodnosć, dokelž Němcow po procentach bóle přibywa dyžli Serbow; ale woni njeprirunuja němske wsy ze serbskimi wsami, ale městske wobydlerstwo z wjesnym a wuča njekřesćansku wučbu, zo dyrbi wšudže wjetši lud mjeńšemu ze zaničenjom hrozyć. Druzy rjeknu: nuzowana šula poněmči Serbow; ale tajke šule mamy hiža wot l. 1835. Zaso druzy powědaju: Železnicy dopomhaju poněmčenju; ale tajke přerězju naš kraj tež hižo wot l. 1846. Hišće druhim je powšitkowna wojeńska winowatosć jako wěste znamjo poněmčenja; ale w Pruskej dokonjeju ju Serbja hižo wot l. 1813 a w Sakskej tež wot 1849. Někotremu zda so zakon wo swobodnym přesydlenju přihódny srědk za poněmčenje, a něhdžežkuli poserbšća so dźeći přičahnywšeho Němca. Najwjetši triumf měnja swječić, štož praji: Serbsčina zańdže, dokelž njeje khmana, zo by nowišu zdžěłanosć rozšěrjała. Rozom a pedagogika pak wučitej, zo so ludej intelektualna a moralna zdžěłanosć po najbl žšim puću wudžěluje z jeho wótcowskej řeču. A tež wyšša zdžěłanosć hodža so, jako z kóždej druhej, ze serbskej řeču rozšěrjeć. Hdyž so wučeni poprócuja, móža serbsku řeč znajmjeńša ze wšěmi wurazami wuhotować, kotrež su na srjedźnych šulach trěbne. Tak hodži so wjele za zdžěłanosć skutkować, byrnje najwyšša zdžěłanosć so potom z pomocu němskeje abo druheje słowjanskeje dokonjała. Němsku řeč nawuknu Serbja w šulach a serbska řeč je jim kluč k druhim słowjanskim, wosebje k pólskej a českej. Za přirunanje z druhimi je tež serbska khmana!

Často so wo zdžěłanosći jednotliwych Serbow wopak rozsudzuje, hdyž so na př. němscy měšćenjo z wjesnymi Serbami přirunaju! Serbja su w swoim powołanju runje tak zdžěłani jako druhe ludy w samsnym. Tohodla praji z prawom cuzy wučenc — profesor

A. N. Pypin — wo serbskich spisowarjach, zo ze serbskej rěču wědomosć a moralnosć do luda přinjesu, a zo z małymi srědkami džěło wukonjeju, kotrež wšitku česć zasłuža.

Něhdžežkuli so z mocu džěła na poněmčenje, kotrež pak njeprawda wostanje před sprawnym Bohom a rozomnymi ludźimi. W šulach nałożowane namócne němčenje je wobškodjenje duchowneho žiwjenja, system wohłupjenja a wodźiwjenja, jako je wjelekróć dopokazane. W žiwjenju wotrostłych je němčenje často na njerozumnej hordosći založene a zadžěwa prawej kulturje. Sprawný Němc a přećel serbskeho ludu, dr. Sauerwein, tohodla z pohladom na němcowarjow přezcylnje praji: „Nětčiji splah, kotrehož čłowjeski rozum a strowe čuće so skazytej, njemóže swojim džěcom zawostajić, štož je sam zhubił!“ Wo dalšim žiwjenju Serbow pak rěči takhle: „Jeno telko prajmy, zo tajki lud, tak strowy na čěle a duchu, — lud z tajkimi młodymi hišće přeco nowymi narodnymi pěsnjemi — lud z tajkej žiwej a w cyłym swojim žiwjenju so wopokazacej poeziju, — lud, kiž tajke originalne pěsnistwo jako na př. Zejlerjowe a Kósykowe wupłodźuje, — lud, kiž ma hišće tak strowe narodne a nabožne žiwjenje, kajkež je serbske — zo tajki lud njewuhlada, jako by bórzy wumřěć chcył abo dyrbjal. Při tym pokazuje na křesćansku zásadu: Štož chceće, zo bychy wam činili atd., jako tež na historisku Nemesis.

Dalše rozwiće našeje narodnosće stanje so, da-li Bóh, jako dotal na zakońskim puću. Hdyž so Serbja jako tajcy čuja a na swoju dostojnosć dźerža, směmy ze zhromadnej prócu mjez Hornimi a Delnimi Serbami lěpše časy wočakować. Njeh je kóždy w swojim powołanju džěławy a swěrný Serb a štož móže, njeh so stara, zo bychy Serbja duchownych, wučerjow a druhich wučenyh měli! Hdyž Serbja swoju narodnu česć sebi waža, nawuknje tež přichodnje jako dotal tón abo wony Němc abo Słowjan z druhich krajow z lubosće k nim serbsku rěč, zo by Serbam wužitniši był w swojim powołanju. Kotřiž móža, njeh pilnje dale pisaju do časopisow abo knihow, kotrychž wjele hišće trjebamy a zaso druzy njeh so staraju za rozšěrjenje serbskich knihow! Dotalne serbske towařstwa dyrbjaja z pomocu swěrných a woporniwyh sobustawow swoju winowatosć činić a někotre trěbne nowe dyrbjaja so hišće založić. Najmóćnišo pak dyrbitej skutkować literarne towařstwo „Maćica Serbska“ w Budyšinje z maćičnym domom jako widźomnym centrom Serbowstwa a „Towařstwo Pomocy“ za studowacych. Wobě towařstwje stej wot wyšnosće připóznatej a zo je so jimaj z časami podpjera z cuzby

dostała, njeje ničo njezakónske; runje jako se přeceljo našeju towarstwow za Serbow sobu staraju, tak staraju so Němcy ze „Schulvereinom“ za Němcow we wukraju.

To je naš rozhlad a wuhlad! Sprawni a rozswětleni ludžo w Europje džiwaju so, kak je małemu serbskemu ludej móžno było, w datych wobstojenjach dotal swoju narodnosć wobkhować; njech tež widža, zo z wótčinskej myslu a narodnej dostojnosću dale wobstojimy jako dobri a zdžělani Serbja, hódni spominanja w historiiji!

W. Bogusławski — M. Hórnik, Historija serbskeho naroda.

174.

Łobjo.

Wichor howri, tołstych črjóda	Kaž na Połobjanow krwawnej
ćinowa	smjerći
mróčelow so honi hrózbniwje;	by so zastrožiło, zastanje,
žoľma žoľmu khowa strašniwje	do dna swoje žoľmy ješćo
a zas nowu zběha z mokroh' rowa.	wjerći. —

Łobjo, kaž by sylzow, kotrež	Wichor woćichnje, a Łobjo džiwje
khowa,	žoľmy měrni, zněmi stonanje,
hófkosć čuło Serbow ćěrpjacych,	k oceanej khwata — bjezču-
stona, syći, kaž by mrějacych	ćiwje.
horca krew z nim měšała so z nowa.	

J. Čišinski, Kniha sonettow.

175.

Z Waršawy do Moskwy.

Běłoruska wjes! Z čim pak so po prawym rozeznowa wot kajkeježkuli z našich serbskich wsow! Nizke domy, z ćesanych, nad so składenych hrjadow natwarjene, ze słomu kryte abo ze šindzelom, měwaš džě tež pola nas hišće do našich dnjow, a přjedy hinašich ani we Łužicy njebě.

Ale něšto dziwného tu tola maš. Nihdže njeje zahrody, ani zahrodki před statokom abo při statoku, haj ani štoma, ani keřčka njewohladaš, kaž we wsy nic, tak nic přede wsu. Kaž na płonu łuku zdadža so čí khěžki zestajane być.

Njejsu to njerjane twarjenja, ale cyle přihódne, a po swojim wašnju tež přijomneho napohlada. Poskhodow njebywa, w šěrokim

přizemju bydla ludžo a skót. A z nahla nad domom wustupuje wysoka třecha, z wjetša ze wšěch štyri stron. Swisle su proste, z ředka debjene, kaž w našich Blótach z konjacymi hlłowami. Za krydło słuži słoma — dale k ranju wšak přikhadžeće: drjewo. Barba knježi šěra, barba drjewa. Tajke nizke twarjenje, z drobnymi woknješkami, skića wobraz pokojnosće a měra. Jewiščo dopjelnjeju wurazne wysoke studnje, kaž by je štó sem přenjesl był wot Trjebina, wot Slepoho.

Pódla bróznje mějachu tu z wjetša wysoku, šěroku rjebliznu. Na nju běše, kaž scěna wulki rjad žitnych snopow nawěšany na sušenje. Najbóle wšak tu burjo hakle syno syčechu, hrjadki rozčepować pak so jim treba być njezdaše, ani tu syno njezdžělachu, kaž pola nas. Smalace ruske slóncu syno tež na hrjatkach wusušuje.

Lud je w tych stronach khětro njezdžěłany hišće. Ale čezko tu komu što porokować; to wšak zwisuje ze zemjepisnym połoženjom. Bjez měry khuda krajina je běloruski kraj. 13 ludži bydli tam na kósnym kilometru, a to je krajina hižo přewobydlena; wjacy zežiwić njemóže. Zo bychy so wobydlerjo z najmjeńša cyrkwinscy zastarali, nakhadžeš dosć často cyrkew-syrotku wosrjedz wulkeho lěsa. Jenož tak je móžno, zo móža pobožni z dalokich wsow a ze wšěch stron na swjaty dzeń do cyrkwe hić. A šulu? Teje wšak tu z čezka na wsach nadeńdžeš. Kak daleko měle tu džěci jenož do šule khodzić... Toho dla maš tu tež jenož porědko čłowjeka, kotryž by mohł čitać a pisać.

Kachlow w tych kónčinach hišće njeznaju. Po starsku widžiš tu wóhnišću w srjedz jstwy, při kotrymž so po našich prawótcow wašnju hišće džensniši dzeń w zymje wohrěwaju. Kuř pak pyta sebi puć do božeho powětra, hdžež so runje hodži: z woknom, z durjemi, z pod třěchi. Tam a sem drje běše we wsy tež hižo wuhenčk wohladać, kotryž z třěchi kukaše jako swědk, zo kultura čehnje... Wopomń wšak při tym, zo je wjes, kotruž wopisach, pódla železnicy, a zo je železnica žiwjoł kultury. Štó znaje, kak je dale...

Přenje ruske město, kotrež wo dnjo wohladach, beše gubernialne město Minsk, khuduške hnězdo, kaž wšě města běloruskeje krajiny, z drjewjanymi domami. Jenož někotre twary so wuzběhowachu: wulka katolska cyrkew, dom gubernatora, kasarmy a „ostrog“, t. j. jastwo. Při dwórnišću mjerwješe so z mazanymi, wobtorhanymi židami; židža wšak tworja třěci džěl wobydlerstwa Minska. Židža to najkhudšeje a najhóršeje družiny.

Za Minskem bě luty hobrski lěs bjez kónca. Jara mokro tu bě a wjele zwěriny, kotraž lubuje wodu. Njewěm so dopomnić, zo bych hdže telko bačonow wohladał, kaž tu, a skludny widžach skót. W Borisowje běše na dwórnišću bačonowe hnězdo. Delka parowóz hroznje pachaše, hnydom pódlu klepotaše na štomje bačon z młodymi wjesoły w hnězdze.

Za někotre lěta snadź so tale krajina wotwódní. Rusko knježerstwo připrawuje wulki kanal, wot Baltiskeho do Čorneho morja, tak hłuboki a šěroki, zo budže najwjetším wójnskím łódžam móžno, jón wužiwać. Kanal ma bliže Minska se položiť, a budže wón bjez dwěla džěło znamjeniteje kulturneje wažnoty.

Bórzy dale Borisowa překročuje železnica rěku sławného a struchłého wopomnjeća: lesnú Bjerjezinu. Mějach ju za rěku podobnu Sprjewi pola Małsec a Něwsec; móžno pak, zo sym so mylił a zo je šěrša. Pomalu běžeše po rěčnišću woda — njemóžno mi bě wěrić, zo je w tutej rěcy, něhdže 12 wjerst na sewjer wot železnicy, w zastrašnych dnjach, wot 26.—28. novembra 1812, ze 70.000 mužow zahinyło drja položca.

Wozpjet přejědžechmy šěroku drohu, k Moskwje wjedźacu. Stare štomy, wosebje brězy, při drozy stojachu. Haj, mohle-li wone rěčeć, te bychy nam powědałe z młodych lět, kak je tu čahnył Napoleon z hordym wójskom, dobyć Moskwu bělu a hobrske carstwo — a tak je tu zaso čahnył, čekało a khudši wo 300.000 mužow.

Zajimawa běše stacija Slawjany. Kopica ludži tu stoješe, kotřiž wšelako wokřewjenja pućowarjam skičachu: pšenčne pječwa, warjene jeja, młoko w pěkných bleškach, kórki, kotrež běchu čas w selenej wodze ležale, a druhe; džěci pak běchu za kiješk trubičku z březoweje skory tyknyłe a předawachu tajke trubički, napjelnjene z malenami abo holanskimi jahodami, za někajku kopejku.

Tu mějach tež składnosć, běloruske drasty studować. Běloruski mužik — bur — drasći so na běło. Do wysokich škórnjow su běle kholowy stykane; hornje čěło kryje běla košla, kotruž so na kholowy woblekaš a z pasom přez pas přepasaš. Běla košla z čěrwjenymi nitkami rjenje wušiwana bywa.

Zónske drasty su pisaniše. Běla košla je nad ramjenjomaj z rjanymi čěrwjenymi wušiwanjemi debjena. Nad košlu maš wutřihany štačik, suknja je najbóle z čěrwjeno-róžičkatego katuna, tohorunja su šórcuchi na čěrwjeň. Hłowu přikrywaše rubiščo, druhe rubiščo lěhaše so na křiž přez wutrobno, a běše na khribjeće zwjazane.

A. Sommer, Łužica 1899.

176.

Glosa.

Stupać w taktu, kaž so piska,
 z wjelkami wuč z jednej truby,
 Wěc mi stajnje běše nizka —
 A tak mnohim njeběch luby.
 (Formy 1888).

Tole wobsah drobnoh' spiska: Rozkaz hrozny knjez jim ćiska;
 Lachmanow a knježkow hidžu, Jednych košić, druhich kusać,
 hdyž jich w směšnych rejach widžu Z jednym žrać a z druhim tusać...
 stupać w taktu, kaž so piska. Wěc mi stajnje běše nizka.

Połne khwalbow wšě su huby — Na mnje zrěča so, zo hruby
 Widžu mudrocha a błaznja Sym, hdyž prajach — lžě nej' trjeba,
 Přezjedneju; přenja kaznja: Mužow hańba to, nic deba —
 Z wjelkami wuč z jednej' truby. A tak mnohim njeběch luby.

J. Čišinski, Ze žiwjenja.

177.

Jakub Bart-Čišinski.

Tež Čišinski! Wón mjez nami wjac njeje,
 Joh' wóčko hasło, hort je womjelknył
 A styski, juski harfy basniskeje.

Hdžež žórli a klukota Klóštrska Woda a majka přez lětsotki
 brjohi kukowskeho hrodzišća, tam njedaloko w Kukowje je stała
 kolebka našeho basnika. 20. awgusta 1856 so tam Bartecom abo
 kaž jim tam do domu rěkach Šewcecom narodži hólcec,
 kotrehož na Jakuba wukřěichu. Sydom lět khodžeže Bartec Jakub
 do kukowskeje wučerńje. Dokelž njewšědne dary wotkrywaše,
 wotamkny so jemu puć, kotryž wjedžeše k dostojnosći „knjeza“.
 Wukhodžiwši lěto tachantsku šulu a wot jutrow 1870 hač do Michała
 1871 preparandu katólskeho wučerškeho seminara zástupi jako
 khowane do serbskeho seminara w Prazy. Na tutej historiskej
 pódže, hdžež z elementarnej mocu a z přikładnej energiju biješe
 wutroba českeho naroda, začu so syn sławneje džowki Sławije,
 a tež jemu horješe so wutroba a sapaše w dotal njeznatym wohenju
 na drohi swój mały serbowski lud. A w „Serbowcy“ běše žiwy
 duch Hórnikowy, kiž zasłapi tež Bartec studenta, zo slědowaše
 tutón čěr. A hižo 1877 bě jako starši „Serbowki“ sam wurazny
 wjednik Serbowčanow. Dostudowawši a wustudowawši wróci so

do kraja wótného a po jednolětnym dobrowólnistwje bu 27. měrca 1883 wuswječeny na měšnika. Njebě jemu popřate skutkować dołho mjez serbskim ludom. 1883 bě kapłan w Ralbicach, 1884 bu administrator w Radworju a hižo lěto 1887 jeho wotwjedže ze Serbow, a w samej cuzbje rozwijeja so młode a mužniše lěta basnikowe. W njewjesołym drohowanju dowjedže jeho kapłanska služba do Šerachowa; 1889 k dwórskej cyrkwi w Drježdžanach, 1896 do kowarniskeje začornjeneje Kamjenicy. A zaso wróćo — kaž žołma — drohuje basnik 1901 jako farski administrator do Radeberga a rozderdany na čuwach (hižo lěta 1903) na wotpočink do raja swoich džěćacych sonow do Kukowa-Pančić, zo by tu njezastał dołho, ale dokročil 16. oktobra 1909 tu posłědnju kročel do čicheho Wotrowa, hdžež jeho rozbolane čěło nětk spi spar měra a pokoja.

Serbski narod je zhubił swojeho wulkeho, najwjětšeho poetu. Hdyž smy w Zejlerju měli ludoweho basnika — nam Čišinski wupłodźi klasisku periódu našeho basnistwa. Zejleř čěrpaše z narodneje pěsnje a přikłoni so tež jeje formje. Čišinski wuknješe na rozkćewacej českej poeziji a na swětowych basnikach; wón je nam přinjesł do literatury nowy rym a rythmus, nowu dikiiju, nowe formy. Je basnik razu reflektivneho. W tym je podstatny rozdžěl mjez Čišinskim a Zejlerjom. Zejleř, cyle kuzłu narodneje pěsnje so podawši a w jeje klinje kubłany, sam jeje ducha přija a njeje za njeho zbožownišich khwilow, hač hdyž móže tworić a spěwać, kaž sami tworjerjo tych narodnych pěsnjow, hdyž z razom pěsnjachu a spěwachu tak radostnje a tak krasnje, džěscowscy naivnje a jasnje. Čišinski je moderniši: kontemplativny, individualny, swójski. Wobrazy přirody a jeje žiwjenja wotražuja so w jeho duši a tak wón z nutrin wuwazujo — wobraz pěśni. Z tym su jeho basnje subjektivne; basnik — hladajo drje k universu a k swojemu ludu, tola ze sebje čěrpa a sebje rysuje, swoje piše žiwjenje.

Jeho impulsivna powaha wupłodźi howrjace žiwjenje, kiž měrnje bě so započalo a w měrných kolijach dowukonči. A tutoho žiwjenja wotraz su jeho basnje.

Mi žiwjenje bě bój a běda,
A brón a škit a puć bě pjero.

Z cuzymi zynkami bě z „Knihu sonettow“ w lěće 1884 wotewrił nowu dobu serbskeje poezije. Krasne myslički zakuzlać do zdobneje řeče a formy to bě tendenca tuteje knihi, kaž tež knihi „Formow“, w lěće 1888 wušteje. Tola hižo na kóncu „Formow“ je řeč wo

„roztorhanych trunach“. „Mi so spěwać njecha“ a „mje čěrja do satiry“, tak stona wutrašena wutroba a kreŭ so mući. Hišće płuwa pak číše jeho žiwjenje w knizy „Přiroda a wutroba“, 1889 wušlej, kaž mejski jězork a jeho žołmički w tym nalětnim duchu, w slónca měrnym swětlenju a spěwje ptačkow. Tola sěchowaca perioda so njewjedrata wutwori a zła. Njedorozumjenje krajanow, lodowa zymnosć svojich doma a hišće wjacj ranjaca liwkosć tych, kotrymž z krowu swojeje wutroby pisaše, basnikowu dušu rozjědmi. Daloko wótčneje zemje, w nječujacej cuzbje, zhórknychu dny samoty, wupłodźichu 1899 knihu „Ze žiwjenja“, hdžež w zymicy a w émo- wych khwilach klinča struchłe, płačite, dotal njeslyšane hłósy, kotrež dobudža wyšinow w knizy „Z křidłom worjołskim“ (1904). Wša romanca wutrobinych plačow ha k ironiji, k zajědliwosći sarkasma stopnjowana wubuchnje tu jěrje. Tu rozličuje swoje žiwjenje a ze swětom a z ludźimi so rozličujo. Tola hižo je wukhodził drohu bolosćiwu dospěwši měrneho přistawa doma při svojich. Prječ je wšědny hołk, su swětné starosće:

„Bart mortwy je, nět Čišinski budź žiwy.“

Měr duše a wutroby klinči a pozlaćuje knihu „Za čichim“. Je měr namakał, dokelž je z kóždeju žilku swojeje bytosće zakorjenjeny w Bohu. Bohu dawa česć kaž je zdobne Serbej. Haj njesměmy zatajić, ale ze sprawnej hordosću dyrbymy wuznać, zo je kaž cyłe naše wašnje, tak tež naše pismowstwo bohaboje a sprawne, štož w poľnej měrje plaći tež w basnjach Čišinskeho. A harmóniscy kónči swoje žiwjenje. „W pruzy njebieskej“ je hižo tu žiwy a žedzi za tamnym rjeńšim swětom.

Za wšě basnje Čišinskeho je wuznamny jeho razny, wótčinski hłós: wot přenjeje „Zrudny wowčer“ we „Łužičanu“ wozjewjeneje hač do posłědnjeje.

Wosebje „Serbske zynki“ su poľne wohniweje lubosće k Serbam a styska po nich, po drohich Serbach. Su tež „wótre“ zynki, liwkim krajanam a wosobam płaćace. Wuražuja starosće, su bojosć wo wobhroženu ródnu zemju a drohe jeje kubło. Nochcedža ranić, přimać: ale přimnyć wězo chcedža, zo bychu jenych wubudžate z narodneho spanja, druhich pozběhowate k wótčinskej horliwosći a zaso druhich posylnjate w njesnadnej, njesebičnej džěławosći za naš serbski lud. A samsne zynki, samsna lubosć klinči z knihi „Z juskom wótčinskim“ (1904) a „Wysk a stysk“ (1903). Njewučěrpajomna je basnikowa wutroba, hdyž chce serbsku zemju, kiž je „radosć

moja, žalost moja“, woslawić a khwalić tule zemju serbsku, serbske cyrkwy, serbsku korhoj, serbske prawo, serbskeho fararja, wučerja, serbsku řeč, serbsku młodzinu a towarstwa...

Zo njeje basnik jenož lyrik, ale zo je universalny w tworjenju a wumjełskim idealu, dopokazuje Čičinski w baladach a romanech „Formow“, wosebje pak knihi „Krew a kraj“ (1900), dopokazuje dramatiski dar w přenjeji samostatnej činohře „Na hrodzišću“ (1880), episki talent w eposu „Nawoženja“ džewjeć spěwow woprijacym (1875—1879). Tež w prózy znaješe pisać, kaž dopokazuje jeho roman „Narodowe a wotrodženc“. Wobknježeše řeč, kaž žadyn druh, wo tym swědči tež „Lipa Serbska“, wubjorny to časopis najrjeńšeho wopomnjeća, kotryž redigowaše wot 1877—1881 a belletristiski naš časopis „Łužica“, kotrejež redaktor je był wot lěta 1904. Haj Čišinski měješe řeč w mocy, a hakle w jeho pěsnjach prawje spóznaješ, kak wona jeho posłuchaše. Naše najwyšše narodne kubło, najryzyši wuliw ludoweje duše, serbsku řeč je wón čistu a krasnu přenjesł na polu poetiskich skutkow a z genijom Musy ju wuzłócił a překrasnił. Wón běše knježeř nad serbskej řeču a literaturu, kaž bě jemu wěšćerscy prajił njezapomnity Smoleř. A zawěsće krasna, wujadrjena a wuhładkowana je jeho řeč a forma. Wón je pokazał hibitosć, rjanozynk a bohatosć serbskeje řeče, sam pak so zjewił jako jeje mištr. Wón je naš Swjatopełk Čech z idejoweje, naš Jarosław Vrchlický z formalneje strony. Wón je serbsku řeč a poeziju na městna dowjedł, docyła jej nowe, na městna, kotrež su ju stajile do stawiznow rjaneje literatury, za kotruž ani čas ani přestrěń nimatej zasadneho wuznama: do literatury njehinjaceje, trajaceje hódnoty:

Tuž Čišinski: Twój lud Će njezabudže!
 Měj džak, kiž hordosć Serbowstwa sy był.
 Daj Bóh Ći měř a pokoj nětk tam druhdze!
 Lud serbski Bóh pak wjesć a škitać chcył!

Jan Cyž, Łužica 1910.

178.

W zymicy.

Hwězda zběha so a hwězda pada,
 W khójnach émowych wjelk na sornu łaka,
 W korjeniskach syćeć słyšu hada,
 Čorny rapak wokoł domu kraka.

Sprawni ach kak jara su mi ředcy!
 Wulkim małym z dwojej měru měřja;
 Swědka trjebaju 'šće mali swědcy,
 Wulkim lžě najwjětše radži wěrja.

Kaž so hołbje wjerća we wětřiku
 Wušerjene z domjaceho hnězda,
 Tak mi wjerća w kóždym wokomiku
 Mysle so we stysku dźiwjoh' zjězda.

Lohke wětřiki su bjeze ćěrje,
 Wuhnaty sym ja bjez zaradženja —
 Wočakuju, je-li wěrić wěrje,
 Domojwrót wot wočow zandželenja.

* * *

Tomu dobre dawać dyrbju słowa,
 Kotryž mje a mjeno moje kowa
 do putow, kiž smjertny jěd bjez winy
 Z wječú rozpyrjeny na mnje liny?

Nihdy! Twjerdy Serb nop nosy z česću;
 — Ani sudnik z mocu, ani z lesću
 Pop jón njerozmjehči — runu šiju
 Nosy, njech ju majkaja, njech biju.

Z njezhibjenym khribjetom so khwali
 Serb, njech zbože kće, njech běda pali.
 Twjerdy nop a khribjet, kruta šija
 Móc kaž z kuzłom do naroda wija.

Prawo chce, kiž dołho był bjez prawa;
 Ze sprawnosće mužej rosće sława,
 Bohu koleno a khribjet kłoni
 Serb, česć z kěrlušemi jemu zwoni.

Tola ruku toho pos 'nož khudy
 Liza, kiž na khribjet měri křudy.
 Zacpiwam a hidžu slěpca, rapsa,
 Hdyž je z njemužnosću přišoł na psa.

* * *

Džiwaš so, zo hižo běla włosy
 Mi so, młody hdyž sym hišće tola!
 Kaž mróz do łopjenow blědosć nosy,
 Tak mje z čłowčim mrózom włosy bola.

Chceš mi čerwjeń nadychać do lica?
 Škoda prócy! Młódnosć licow hasła
 Je mi. Młódnosći je zbože pica,
 Mi pak bólné borto běda nasła.

Daj sej być a njehládkuj mi čoło!
 Myto něhdy nam'kam w fałdow slědže.
 Mje je z nožom přez wutrobu kłoło —
 Boju so, hdyž mysl mi tak zjědže:

„Hdyž je rozłamane moje zbože,
 Njech tež zymnje zlemja moje ćěło;
 Tola rjemjenjow by z mojej kože
 Ke khostanju narězać so měło!“

J. Čišinski, „Ze žiwjenja“.

179.

Serbski dom w Budyšinje.

Što nahle ješći so a wyska w Sprjewi?
 Što w Budyšinje horka jej so zjewi?
 Nad Budyšinom wjerća we kolesu
 So bačony a Błótam powěsć njesu.
 Štož w nim je wudypał ze sněžnej' skory
 Sej kós, to hwizda nět přez serbske hory.
 A z jeho łastowička widlowata
 Do Serbow powěsć bjerje poľna khwata.
 A škowrončk hdyž ju wyska do mróčeli,
 Ju Wětrec hólcý hrabnu přewjeseli. —
 Što ptačata do Serbow khwatnje honi,
 A kajka powěsć Serbam z wětrow zwoni?
 Dom w Budyšinje twarjá majestotny,
 Zo bywał lud by serbski njepowrotny.
 W nim serbske zbožo kryć so w Budyšinje
 Ma jako židam něhdy w swjatej křinje.
 W nim studžeń serbskemu być dyrbi duchej,
 A włoħa kipić z njeje zemi suchej,
 W nim sydać budže Serbow mać kaž pata
 A křidle rozšěrjować nad kurjata — —
 Do murjow wjazuje so wjele potu
 A město wapna bjeru ľubosć złotu.

Haj, wutrowow so bjeru cyle kruchi,
 Zo němy kamjeń žadyn njej a hluchi.
 Škit změje wot slónca a wot mróčele,
 Hdyž w dušach za njón modli so tak wjele.
 A dno je hódne jako nihdže žane;
 Je dołho ze krvju serbskej wulěpjane. —
 Dom Serbam k zbožu stać a kruty budže,
 Hdyž w njebiesach ma škit a zakład w ludže.

J. Čišinski, Z juskom wótčinskim.

180.

Karl Arnošt Muka.

Triceći lět je so minyło wot smjerće Jana Ernsta Smolerja, dwaceći lět wot smjerće Michała Hórnikarja. Dołhi čas běštaj Smoleř a Hórnik najznaćišej, najpopularnišej mjenje po wšěch Serbach we woběmaj Łužicomaj: bjez Smolerja a Hórnikarja njemóžachmy sej wědomostneho, literariskeho a politiskeho žiwjenja ani myslić. Nětko wobaj wotpočujetaj na brjohomaj wótčinskeje Sprjewje tam, hdžež něhdy posledni kral swobodnych Serbow knježeše a jeho twjerdy hród do serbskeho kraja zhladowaše. — Runje džensa, hdyž tole pisam, je dwaceći lět wuklinčalo, zo so zrudni a starosćiwi rozžohnowachmy wot čerstweho rowa našeho Hórnikarja, lubuška wšeho serbskeho ludu. „Doniž bě žiwy, nošeše cyły narod we swojej wutrobje, nětko po smjerći nosy jeho cyły narod we swojej wutrobje.“ Tuto krasne słowo českeho basnika směmy z dobrym prawom prajić wo woběmaj, wo Smolerju a Hórnikarju.

Ale nic cyle staj nas wopušćiloj tutaj wulkaj wótčinceaj a wjednikaj: jeju duch bě hišće dale žiwy, a tež zbychu nam hišće mužojo, kaž Imiš, Kocor, Bart-Čišinski. Ale džensa tež tych wjacj njeje, jeno jedyn z jeju najlěpšich šulerjow a sobudžětačerjow, kiž je w mnohim nastupanju jimaj podobny, steji hišće njezlemjeny, z poľnej mocu ducha a čěła, mjez nami, Karl Arnošt Muka — naš Muka.

Muka je přede wšěm bohate herbstwo Hórnikarjeho wědomostneho a literariskeho skutkowanja na so wzał a hač nanajdobnišo přisporjał. Po Smolerju, Buku, Hórnikarju nětko dwaceći lět wudawa Časopis Maćicy Serbskeje, naš jenički wědomostny časopis, kiž pak ma wobšěrny a njesnadny nadawk, serbsku rěč, serbske stawizny, serbsku ludowědu, wšo, štož Serbstwo nastupa, hajić,

wobdžělować a tež druhe wědomosće w našej maćeršćinje pěstować. Hižo redigowanje tuteho časopisa sameho je wulke džěło, žada sej mnoho a to wjelestronskeje wědomosće, pilnosće a nazhonjenja; kelko nastawkow je redaktor sam do njeho podawał, kelko sobudžělaćerjow namołwjał a wukublował!

Ale hižo wjele přjedy je naš jubilar jako zahorjeny serbski studowacy, jako zběrař narodnych pěsni a přisłowow, jako spisowacel a swěrný sobudžělaćer a wudawař knihi a časopisow zjawnje wustupił, tola runje redigowanje Časopisa Maćicy Serbskeje je jeho tak cyle do srjedzizny wšěch našich wědomostnych a pismowskich prócowanjow stajiło a jeho mjeno šěroko a daloko po słowjanskim a tež hewak dalšim zdžěłanym swěće znate sćiniło.

Karl Arnošt Muka so narodži na zemjanskim kuble we Wulkim Wosyku pola Hornjeho Wujezda 10. měrca 1854. Štóz tutu serbsku wjesku znaje, tomu je so zawěsće jeje rjana počoha a wokolina bórzy do pomjatka zaćišćała. Blizko módrych serbskich horow, pod čornym lěsom Tuchorjom, wo kotrymž nam někotražkuli powěsć hižo z dawnych časow powědać wě, leži Wosyk na wyšinje, zhladuje z wjerchow dele do pola, do hole, do nižinow, do wsow a městow našeje wótcneje Łužicy. Tu sonješe naš přećel přenje sony złotych džěsćowskich a młodżeńskich lět, tu čerpaše z erta a zwutroby serbskeje maćerje a serbskeho nana přenju znajomosć „slěbrokliněnych serbskich słowow“ a srěbaše přenju lubosć k serbskemu ludej, hdyž wotući jeho duch k wědomju a hdyž poča jeho wóčko jasnišo, šěršo a wěsćišo hladać do kraja, kiž bě jeho domizna, do stawiznow a rěče toho luda, z kotrehož bě so narodził. „Rjana Łužica, sprawna, přećelna, mojich serbskich wótcow kraj, mojich zbóžnych sonow raj, swjate su mi twoje hona!“ A tute ideale rosćechu z młodžencom, tworachu podložk jeho přeswědčenja, zo je Serb a zo ma winowatosće jako Serb, a z tuteho přeswědčenja wuwijaše so dale a wěsćišo tamna powaha wobstajnosće a woporniwošće.

Muka wopokaza so hižo zahe jako zbudžer a zarjadowař abo organisator, wón z Holanom a z druhimi załoži „skhadžowanki serbskeje studowaceje młodosće“, załoži časopis „Lipa Serbska“, redigowaše jón sam něšto časa, załoži a wudawaše jara dołho „Łužicu“, kiž stupi na město „Lipy Serbskeje“ a něhdyšeho „Łužičana“. — Wosebje zahorjowaše Muka studentow, wukaza jim za hlowny nadawk, zo bychu z koncertami a z džiwadłom a na druhe wašnje zběrali pjenjezy na wudaće

Zejlerjowych spisow. Muka sam redigowaše tutón zhromadny wudawk spisow našeho wulkeho ludowego basnika, po něčim wuda štyri nahladne zwjazki a napisa jara dokładny, kritiski a tež narodnje powučacy a zahorjacy žiwjenjopis Handrija Zejlerja. Z tym je basnikej, ludej a tež sebi samemu rjany a trajacy pomnik stajił. To je deba serbskeho pismowstwa, źórło, z kotrehož móža a' budža sta a tysacy čerpać stajne čerstwe wokřewjenje ducha a wutroby a zahorjenje za Serbstwo.

Muka pak je tež „muž z ludu a za lud“. Pućować a zaso pućować po Serbach je jemu přinaroždene, a po Janu Ernstu Smolerju je drje lědma štó telko króć a tak wutrajnje serbskej Łužicy překi a pódlu, po horach a dołach, překročił a pěši přeměřił, kaž Muka. Kaž sławny Zejleř, by tež naš wostawjenc tašu z knihemi a zapisnikom, pjero a čornidło při sebi a k rucy měł, kóždu serbsku pěseň, kiž so pak cyle, pak trochu njeznata zezda, kóžde napadne serbske słowo a přisłowo; kóždu napadnu twórbu řeče, tež njeznate hłosy atd. atd. swěru zapisal. Wšitke tute nahromadžene maćizny je wón z džěla hižo zřadował, wědomostnje wobdžěłał a tež w časopisach abo we wosebitych spisach wudał. K tomu słuša tež wudaće Wjeloweje wulkeje zběrki serbskich přisłowow a prajidmow, kotrež je Muka zřadował a do čišća dał na swoje wudawki. Přede wšěm pak je na z kładže svojich studijow, zapiskow a přinoškow sobudžělaćerjow spisał: Statistiku łužiskich Serbow“. Wobličenje a wopisanje z ludopisnej kartu. Je to wulke, dokładne a spušćomne džěło. Wosebje je jara wažny dospołny němsko-serbski a serbsko-němski zapis wšěch serbskich mjenow wsow a městow. Karta je tež sama za so wušla.

Tež jako basnik so Muka z dobrym wuspěchom pospyta: najzajimawiši je jeho sonet „Při Sprjewi“ (1875, Łužičan) a balada „Mrějace džěćo“ (1876, Łužičan). Wěso słuša sem tež jeho prócowanje wo serbske džiwadło. Won wudawa hižo dołhe lěta zběrku „Serbske džiwadło“, za kotruž je sam přeložił „Nankowe škórnje“, „Pražski wuj“, „Winy wosud“ a druhe.

Tola basnistwo njemóžeše jeho hłowny nadawk wostać, wobdarjenosć a potrěbnosć našeho pismowstwa jeho na druhe wobšěrne pola pokazachu. Tu su přede wšěm literarne stawizny serbskeho ludu a hišće bóle serbski a słowjanski řečespyt. — Mnoho rukopisow, najstarše nječišćane a čišćane pomniki serbskeho pismowstwa, kaž Jakubicowy delnjołužiski přeložk Noweho Zakonja z lěta 1548, rukopisne zapiski M. Brancela we knihowni žitawskeho

gymnasija, je Muka jara pilnje studował a wěcywustojnje zwupisował z nich to, štož je za našu rěč a pismowstwo wažne a wužitne, a tute wudžělki je wosebje w Časopisu M. S. wozjewjał. Wšitke tute zběranje słowow, pěsni a prajidnow a studije starych spisow připrawjachu mjenje bóle podložk k spisanju jeho najwjetšeho džěła, kiž w němskej rěči lěta 1891 w Lipsku wuńdže z napismom: „Historische und vergleichende Laut- und Formenlehre der niedersorbischen Sprache mit besonderer Berücksichtigung der Grenzdialekte und des Obersorbischen.“ Za šěrše woršty wěso tuta spisana njeje, ale jeno za zdžělanišich, tola budže pilnemu a kedžbnemu čitarjej móc jara wužitna być. Rěč njeje ničo jeno zwonkowne, materielne, mechaniske, rěč je z wulkeho džěła duch a žjwjenje, kotrejuž sej nichtó dać njemóže, ale kotrež je stworićel nam z dušu z dobom zadychnył. Tohodla praji sławny Šafařík: „Powědaj, štož chceš, rěč je tola wujaw ducha božeho.“ Tohodla tež z dobrym prawom hižo prastara łaćonska sada rěka: rěč nima njepřecela, khiba tajkeho, kiž jeje njeznaje. A tuto wěrne słowo je sej naš jubilar jako hesło za swoju rěčnicu wubrał. Tuž směmy z dobrym prawom radzić všěm, kiž chcedža jako rěčnicy a spisowaceljo z ertom a z pismom naš lubowany lud wjesć a k dobremu a k lěpšemu nawjedować, ze bychy sej čim dokładnišo, čim lěpje twórby, formy a rjanosće našeje rěče přiswojeli. A kluč do bohateje pokładnicy serbskich zynkow a formow poskića jim kniha našeho jubilara. Wona najprjedy Delnjołužičanam, ale skoro runje tak derje tež Hornjołužičanskim Serbam słuži, wopřija tež wšě zakony a twórby hornjoserbskeje rěče w jara snadnych přehladach. Druhosłowjanske słowa su we łaćonskim pismje podate. Duž so snadnje čita. Tohodla: Wzmi a čitaj!

Jara zwjeselace je, zo je naš wučenc tež dobrych šulerjow a sobudželaćerjow namakał a sej wukubłał, kajcyž su knježa fararjo Handrik, Šwjela a druzy. Wosebje je tež jara wužitne, zo je Šwjela, ródny Delnjołužičan, jara dobru krótsu rěčnicu k přenjemu studowanju wobeju serbskeju rěčow spisał. Z dobrym prawom pak naspomni k tomu, zo by čitař so prócował, w Mukowej wulkej knizy dale so rozwučować a wudospoňjeć.

Nam njeje móžno, wšěch spisow a nastawkow pomjenować, zabywši hakle wopisać, kotrež su z jeho pjera wušte. Dodawamy hišće, zo je so wón tež wosebje wo twarjenje Serbskeho Domu prócował, tu wěc z radu, ze skutkom a z wulkimi woporami pod-

pjerował, zo je tež sam za swoje pjenezy swoje a spisy druhich wudawał, so zkrátka na všěm, štožkuli mohło serbskemu ludej spomožne być, nanajhorliwšo wot młodósće wobdžěłał.

Jurij Libš, Lužica 1914.

181.

Worjolej.

Mój worjoło, to bědne běchu časy,
 Hdyž z lesću jachu će a do čmy spnychu —
 Sčas z křidłow nóc! Kiž skóncować će cheychu,
 Su do čmy bjezdna zwjazani kaž djasy.
 Drje wuzespinać móžachu na pasy
 Či křidłow móc a kamjeń walić k dychu
 A rozcechnować hordych pjerjow pychu,
 Nic khrobłosć pak a krew a krutosć rasy — —
 Leć do hór nět' a z duchom móc a jasnosć
 Pij, kotraž ćeče z njebieskeho stoła,
 A z hwězdow sebi do pjerjow pleć krasnosć!
 Staj na wjerca horow swojej' sławy krónu
 A z horda zanjes do palčikow doła:
 Štó móc ma w pjasci, sćinić ze mnje — wrónu?!

J. Čišinski, Z křidlom worjotskim.

182.

Revisor.

Wjeselohra w pječich jednanjach.

V. jednanje, 8. wustup.

Jstwa w domje měšćanosty.

Dotalni a póstmistr (w skoku z wotewrjenym listom w ruce).

Póstmistr: Spodźiwna wěc, knježa! Zastojnik, kotrehož smy přijeli za revisora, njeje revisor był.

Wšitcy: Što, njebył revisor?

Póstm.: Žadyn revisor, — ja sym to s lista zhonił.

Měšćanosta: Što, što? z kajkeho lista?

Póstm.: Nó, z jeho samsneho lista. Přinjesechu ke mnje na póst list. Pohladnych na adresu — widžu: „w Pětrohrodže, na póstowskej drózy“. Stojach kaž zaraženy. Hnydom sej myslach:

„Na, zawěšće je wón na pósće njeporjadki našo! a pisa to knježerstwu.“ Wzach list a wotewrich.

Měšć.: Kak sće tola mohł?

Póst m.: Sam njewěm kak; přeznaturaška móc mje zmuži. Hižo běch kurěra zawołał, zo bych list najspěšnišo wotesłał; ale wćipnosć, tajka wćipnosć mje zaja, kajkejež hišće ženje začu! njejsym. Njemóžu, njewěm, je mi, kaž bych njesmě! ale čehnje mje, jeno tak čehnje! W jednym wuchu kaž bych słyšał: „Ně, njewotewri! wotewriš sej row!“ ale w druhim wuchu mi što wě kajki čert šepce: „Wotewri, wotewri, wotewri list!“ A hdyž so zygloweho pječata dótknych — džěše mi kaž woheń po žiłach, a hdyž běch wotewrił — kaž by mi krew samjerzła, woprawdže lód w žiłach. Rucy mi třepotašej a na wočomaj so mi wšo pisanješe.

Měšć.: Ale kak pak sće so zwažić mohł list wotewrić, list tajkeje poľnomóčneje wysokeje wosoby?

Póst m.: Haj, tu špak tći, zo wón ani poľnomócný njeje, ani wysoka wosoba!

Měšć.: Štoha myslíće, što je?

Póst m.: Ani Jan, ani Jakub; čert wě, što je!

Měšć. (rozhorjeny): Kak ani Jan, ani Jakub? Kak směće wy rjec, zo njeje ani Jan, ani Jakub, a hišće tež čert wě, što je? Ja was do khlódka...

Póst m.: Što? wy?

Měšć.: Haj, ja!

Póst m.: Maće krótkej rucy!

Měšć.: Wěsće wy, zo sej moju džowku bjerje, zo budu ja sam wulki muž, zo móžu was runy puć do Sibirskeje pósłać?

Póst m.: Ach, Antono Antonowičo! Do Sibirskeje to je doľha noha! Ja wam radši přečitam. Knježa! směm list přečitać?

Wšitcy.: Čitajće, čitajće!

Póst m. (čita): „Khwatam Ći zdžělíc, luby Třepičkino, kajke so ze mnu džiwy stawaju. Ducy po puću je mje wěsty wyšk pěškow do čista wukutlił, tak zó chcyše mje hosćencař hižo do klódy tyknyć dać; hač nadobo cyłe město džiwapo na moje pětrohródske wobličo a moju drastu mje za revisora přiia. A ja nětko pola měšćanosty bydlu, wyžiwam dobry čas, wjerću so kaž mutlička před jeho žonu a džowku, jeno zo njewěm, z kotr ejbych

započat — myslu přjedy s mačerku, dokelž ta je, kaž so zda, ke wšemu hotowa. Dopominaš so, kak smój so bėdziŕoj, kak smój z prózdnego wobjedowaŕoj, a kak mje raz tón konditor za kornar hrabny, hdyž běch něšto popřjancow na doŕh jendželskeho krala zjėdŕ? Nětko wězo je wšo nawopak! Wšitcy mi požčuja, kelkož chcu. Hotowi Hansowje: puknýc so ze směchami mohŕ. Ja wěm, ty do nowin pisaš: piš raz wo nich, zo so pismowstwu njezhubja. Z přenja: měšćanosta — hŕupe, kaž wóslik...”

Měšć.: To njeje móžno! To tam njestoji.

Póstm. (pokazuje list): Čitajće sam!

Měšć. (čia): „Kaž wóslik“. Njeje móžno! to sće wy sam pisaŕ.

Póstm.: Kak bych ja to pisać móhŕ?

Artemij Filipovič: Čitajće!

Luka Lukič: Čitajće!

Póstm. (dale čita): „Měšćanosta — hŕupe, kaž wóslik...”

Měšć.: Helski dračo! dyrbiće to hišće wospjetować! Wšako tam tež bjez toho stojŕ.

Póstm. (čita dale): Hm... hm... hm... „kaž wóslik. Póstmištr je tež dobra duša. (Zastawa čitać.) Nó, tu wón wo mni tež njepřistojnje pisa.

Měšć.: Ně, čitajće!

Póstm.: Ale k čomu to?

Měšć.: Ně, čertowske činjenje, hdyž chceće čitać, tuž čitajće! Čitajće wšo!

Art. Fil.: Dowolće, ja předčitam. (Staja sej nawoči a čita): „Póstmištr je cyle na služownika Michejowa spodobny, potajkim zawěšće tež šibak a wopiŕe —“

Póstm.: (k posluŕařstwu): Nó, te proso, pukow je hódny, dale ničo!

Art. Fil. (dale čita): „Dohŕadowaŕ bohumiŕyŕh wusta... a... a...” (zajika so).

Korobkin: Ale što sće přestaŕ?

Art. Fil.: Nječitomne pismo... nimo toho widžec, zo je wón njekničomnik:

Kor.: Dajće mi! Ja mam, myslu, lěpšej woči. (Bjerje pismo.)

Art. Fil. (njedawa pisma): Ně, tuto město móže so wuwostajić, ale tam dale so čitać hodži.

Kor.: Ale dowolće, ja to wučitam.

Art. Fil.: Ja wšak móžu tež čitać; dale je wšo jasnišo pisane.

Póstm.: Ně, wšo čitajće! wšak je předy tež wšo čitane było.

Wšitey: Dajće jemu, Artemijo Filipowičo, tón list! (Korobkinej.) Čitajće!

Art. Fil.: Hnydom. (Dawa pismo.) Tu dowolće... (zakrywa z porstom.) Wottal čitajće. (Wšitey přistupuja k njemu.)

Póstm.: Čitajće, čitajće! hłuposć, wšo čitajće!

Kor. (čita): Dohladowař bohumiłych wustawow Zemjanica je hotowe swinjo w cankatej khapje.

Art. Fil. (k přihladowarjam): Slaby rozuměk! Swinjo w cankatej khapje! hdže je swinjo w cankatej khapje?

Kor. (čita dale): „Šulski dohladowař wšón za kobołkom wonja.“

Luk. L. (k přihladowarjam): Bóh moj swědk, kobołka ani do huby brať njejsym.

Amos Fedorovič (w stronu): Bohu džak, z najmjeńša wo mni njepisa.

Kor. (čita): „Sudnik...“

Am. Fed. (w stronu): A tola pisa!... (Wótre.) Knježa, ja myslu, list je dołhi. A što budžemy tajkile čertowy njerjad čitać!

Luk. L.: Ně.

Póstm.: Ně, čitajće!

Art. Fil.: Ně, hižo čitajće!

Kor. (pokračuje): „Sudnik Lapkin-Čapkin je najhórši move-ton...“ To je zawěťće francózske słowo.

Am. Fed.: A čert wě, što rěka! Bych sebi hišće lubić dať, hdy by rěkało jeno jebak, ale móže być, tež něšto hórše.

Kor. (pokračuje čitać): „Ale hewak je to hospodliwy a dobrodušny lud. Božemje, luby Třepičkin. Ja sam chcu so po twojim přikładze z pismowstwom zaběrać. Wostudle je, bratře, tajkele žiwjenje, skónčnje, tež duša za swojim prawom žada. Widžu, zo so dyrbju z něčim wysokim zaběrać. Pisaj mi do saratowskeje gubernije, a wottud do wsy Podkaćilowski. (Wobroća list a čita adresu.) Zbožoródnemu, wjelečescenemu panu Janej Wasiljewičej Třepički-

nej, w Pětrohrodže na póstowskej drozy, čislo sydom a džewjeć-džezate, na dworje, třeći poskhod na prawo.“

Jedna žónska: Kajki njewočakowany poswar!

Měšč.: Tón je mje kóncował a skóncował! Morjeny sym, morjeny, domorjeny! Ničo njewidžu! swinjace rydła widžu město wobličow, a dale ničo... Wróće mi jeho, naspjet s nim! (Macha z ruku.)

Póstm: Wróće, ale kak! Ja sym w dobrej mysli konjacemu přikazał, zo by jemu najlěpšu trójkę dał; a čert je mje napjerał, zo sym tež dalšim póstowym stacijam tak poručil.

Korobkinowa žona: To pak sy woprawdže bjezpříkladne šmaty!

Am. Fed.: Ha, djas a Judaš, knježa! wote mnje je sebi tři sta rublow požčil.

Art. Fil.: Wote mnje tež tři sta rublow.

Póstm. (zdychuje): Och, tež wote mnje tři sta rublow.

Bobčinski: Wot naju s Pětrem Iwanowičom šesćdžesat, lubi ludžo!

Am. Fed. (jako by njemohl zapřimnyć, rozmachuje z rukomaj): Kak pak běše móžno, knježa? Prajće mi, kak smy so móhli tak wukutlić dać?

Měšč. (bije so do čola): Kak sym ja, kak sym ja so rězać dał, ja stary hlupak? Rozum sym, hlupy boran, zhubil'... Třiceći lět w zastojnstwje; ani jedyn překupc, ani jedyn dodawačel njeje zamohl mje wobšudzić; šibakow přemo šibakow sym jebał, tajkich liščakow a posleńcarjow, kotřiž běchu hotowi wšón swět wobkradnyć, sym na lěp wodził. Třoch gubernatorow sym wojebał! Što gubernatorow! (machnywši z ruku) njeje hódno wo nich rěčeć...

Hana Andrejewna: Ale to njemóže być, Antonko: wón džě je so z Marku slubił...

Měšč. (rozzłobjeny): Slubił! Slěpc — tón je so či slubił! Přileže mi na woči ze slubom!... (w samych zlobach). Tu hladajće, hladajće, wšón swět, wšo křescijanstwo, wšitcy hladajće, kak je měščanosta wobšudženy. Nadawajće jemu hlupakow, hlupakow tomu staremu šamałcej! (Hrozy sebi samomu z pjasću.) Ech, ty, wole! Tajkeho hwižka, tajkeho lapaka sy za tawažneho čłowjeka měł! A wón sebi nětko po cyłym puću rjenje klinkotać da! Roznjese po wšem swěće tu stawiznu. Njeje dosć, zo budžeš wšem k směcham, — nadeńdže so někajki pisak, šmórak a staji će do keklije! Kak to boli! Česće a mjena njelutuje, a wšitcy budža so z rjehotom

smjeć a z rukomaj placác. Čomu so smějeće, smějeće so sebi samym! Ech, wy!... (Ze zlobami zaskakuje.) Ja bych wšěch tych šmórákow! Hu, šmóraci, liberalni pokleci! čertowesymjo! Do suka bych was wšěch zwjazal, na muku bych was roztołkl wšěch, a čertej do zakow zwusypal, do čapki!... (Zahanja so z pjasću a bije z pjeňkom wo podłohu.) — (Po krótkim mjelčenju): Dotal njemóžu k sebi přiněć. Haj zawěsće, chce-li Bóh khostać, wozmjě čłowjekej přjedy rozum. Nó, što běše w tym wokomiku na revizora podobne? Ničo! Ani na małušk spodobny njebě — ale z dohom wšitcy: revisor, revisor! Štóha je přěni rjekł, zo je wón revisor? Wotmołwće!

Art. Fil. (zběha ruce): Haj kak je so to stało, njemóžu rozjasnić, a byrnjež mje zabili. Čma je nam žiwjenje wzała, tu čmu je djas ž hele přinjesł,

Am. Fed.: Ale štó je započal, — štó: tutaj hólcaj! (Pokazuje na Dobč. a Bobč.)

Bobč.: Ně, ně, ja nic! ja njemyslach...

Dobčinski: Ja hewak ničo...

Art. Fil.: Wězo, wy.

Luk. L.: So rozumi. Wój přiběžeštaj kaž bjez rozuma z hosćenca: „Přijěł je, přijěł a pjeplaci!...“ Rjaneho ptačka staj našłoj!

Měšć.: Rozumi so, wój kleskarjej měšćanskej, zeľženčej poklataj!

Art. Fil.: Zo by waju čert wzał z waju revisorom a kleskami.

Měšć.: Jenó po měsće so čahataj, nikoho na pokoj njewostajitaj, šćebotakaj poklataj! Blady předawataj, krótkowopušnej srócy!

Am. Fed.: Poklataj mazuchaj!

Luk. L.: Kožanej čapcy!

Art. Fil.: Krokawskej žabje! (Wšitcy jeju wodstupja.)

Bobč.: Bóh swědk, to ja njejsym był, ale Pětr Iwanowič.

Dobč.: Ně pak, Pětrje Iwanowičo, wy sće tola přěni to...

Bobč.: Ale ně, wy sće přěni był.

Poslědni wustup.

Dotalni a stražnik.

Stražnik: Zastojnik, kiž je po wosebitej přikazni z Pětrohroda přijěł, žada was hnydom k sebi. Wón je w hosćencu zastał.

(Wuražene słowa poražuja kaž z błyskom wšěch. Zwuk přeslapjenja zleci na raz žonam ze rta; cyła hronada z dohom položenje přeměniwši wostawa w skamjenjenju.)

Němy wobraz.

Měšćanosta stoji wosrjedža kaž stołp z rozprěstrjenymaj rukomaj a z hłowu znak. Na prawej stronje jeho žona a džowka k njemu zhnutej; za nimaj póstmistr kaž same prašenčko, wobročeny k ludžom: za nim Lukaš Lukič kaž wbohe žatko; za nim na samej zadnej scěnje tři knjenje, jena k druhej přiklonjena, hosćo, ze samym wusměšenjom na měšćanostecow hladajey. Na lěwej stronje měšćanosty: Zemjanica, nakłoniwši hłowu něšto na bok, kaž by na něšto słuchał; za nim sudnik z rozdrjenymaj rukomaj, jako by so cheył do zemje zwjesć a rozdajiwši hubu, kaž by zahwizdać cheył abo rjec: „Tu maš, wowka, to je swjateho Jurija!“ Za nim Korobkin wobroćiwši so do ludu ze zandžele-
nym wočkom a na měšćanostu jěrje mikajo; za nim cyle zady Dobčinski a Bobčinski, wupřestrěwši jedyn k druhemu rucy, rozdajiwši hubu a rozdrěwši na so woči. Druzy hosćo stoja kaž stołpy. Skoro połdra minuty skamjenjena hromada takle stoji. Zawěšk so puści.

N. Gogol; z rušćiny přef. M. Nawka.

183.

Kak je so stało, zo sym serbski nawuknył.

Běše wječor. Čišina wšudžom wokoło mje, wonka na wulicach a w mojej jstwičcy, hdžež sedžo w knižkach a nowinach čitach. Na posłědku hišće knihi do rukow wzach, w kotrychž so wo tym a tamnym a tež wo starych Serbach, jich řeči, wašnjach, skutkach a t. d. powědaše. Na kóncu swojeje rozprawy spisaćel praji: Haj wšak, tutón serbski lud, mały zbytk wulkeho serbskeho naroda. Je něšto prawje zajimawe, — kak romantiscy klinča na přikład serbske narodne spěwy na kčějatych brjohach slěborneje Sprewje, ale to je było; nimo! nimo! — poł sta lět so wjacý minyć njemóže, zo je posłědnje serbske přědowanje z klětki wjesneje cyrkwički, posłědni nutrny serbski kěrluš, posłědnja wot stareje wowki powědana bajka, posłědnje serbske słowo doklinčało! Nimo! Nimo! —

Čitach tute słowa, a čitach zaso, — a ja začuch něšto w swojej wutrobje kaž wichor, kaž swjaty hněw! Zawěрно, sylzy ronjachu so mi po licomaj, horce sylzy. — W tamnym wokomiku Knjezowu blizkosć začuch. W mojej wutrobje hlós boži wołaše: Knjez je telko za mnje činił, njechaš tež ty raz něšto za njeho činić?

Swjatkı bčhu blızko: na přních swjatkach běše Knjez sam wšıtke řeče tuteje zemje poswjećıł, tak zo přez přėdowanje božeho słowa wšıtke narody w swojej maćernej řeči jeho wulke skutki słyšachu. Kóždy narodnosć, kóždy maćerňa řeč je wot Boha postajena, wot Boha data, ta dyrbi so zdžeržec a wostać, dóniž so kralej wšıtkich narodow lubi. — A spodžiwnje, nazajtra dostach brožurku, w kotrejž farař Imiš z wutrobu hnujacymi słowami wo duchownej nuzy mjez Serbami pisaše, w kotrejž nutrnje prošese, zo bychu pomocnikoj, džělačerjo do Knjezoweje winicy přišli k nasycenju hlódnych a lačnych po wěrnosći, po božim słowje, kotrychž je wjele w serbskim kraju. — Zaso tamny hlós w sebi słyšach, zaso so prašach: Njemóžeš ty sam pomhać, njeplaći Knjezowe powołanje k misionstwu a přede wšem w samsnym wótnym kraju tež mi? Ale ach, kak móžach ja pomhać, ja rodzeny Němc, kiž sym cyłe žiwjenje mjez Němcami był; kak móžach tak daloko dóńć, zo móhl serbski duchowny być, serbski přėdować!

A tola! boža móc je w słabym móčna, tak sebi prajich; započń w božim mjenje, a wšıtko so derje radži. Wobročich so na fararja Imiša a prošach jeho, zo by mi na moje prašenje wotmołwił, hać je móžno, zo rodzeny Němc, kiž hewak dobre dary wot Boha, dobru wolu a dosć wutrajnosće ma, serbsku řeč tak dospołnje nawuknje, zo móhl pozdžišo jako duchowny w Serbach skutkować. Za někotre dny dóstach luby, přecelniwy lisćik, toho woprijeća: „Haj, započńće w božim mjenje a Bóh Knjez žohnuj Waše skutkowanje; w wulkich prózdninach pak přińdžće ke mni, do serbskeho seminara.“ Tuto wotmołwjenje dostach kónc měsaca julija, do serbskeho seminara buch na 24. džen měsaca awgusta přeprošeny, tuž wosta mi krótki čas jednoho měsaca za nawuknjenje započatkow serbskeje řečnicy. Tutón čas pak sym džělał džen wote dnja, haj hišće dołho w nocy; nawuknych serbske słowa, kaž małe džěćo, skłonjowanja a časowanja, a spytowach w Hórnikowej wubjernej čitancy čitać a přeložec.

24. žnjeńca do serbskeho seminara, do hodžijeskeje fary zastupich; w zahrodže džowka džělaše, mje witaše a na moje němske prašenja němski wotmołwješe, z dohom pak stejo wosta a so mje khětro njesćerpliwje prašeše: „Nó, könn'se denn gar nichts wend'sch?“ Ja wotmołwich: „Nó haj, něšto hižo móžu, ale mało.“ Ale nětko, luby čitarjo, hdyby ty ju słyšeć móhl, tó džěše kaž młynske koło; štó wě, kajke rjane a krasne powědančka je mi powědała, rjane su zawěsće byle, škoda jenož, zo ničo zrozumić njemóžach. Kak nutrnje, z kajkeju wo prawdže wótcowskej lubosću a dobrotu knjez farař a knjeni mje powitašaj — to wopisać njemóžu, ale wot přěnjeho wokomika.

začuch: tu namakam lubosć, kaž hewak jenož hišće w staršiskim domje, a ženje njezapomnju, wšitke swoje žiwe dny nic, na tamne wutrobne serbske powitanje w Jězusowym mjenje, tam w różowej zahrodže hodžijskeje fary. — Kak bohaće sym bože žohnowanie zhonił w tamnych dnjach přenjejo přebywanja w serbskim seminaru, kajki krasny čas, kajke wjesole studium! Hižo za krótki čas móžach sobu powědać a so rozrěčować, třecu njedźelu při swjatym wołtarju liturgisku božu službu a na posłědku serbsku katechesu měć. To bě wjac, wjele wjac, dyžli běch so nadźijał. A Bóh Knjez, kiž je tutón dobry skutk we mni započal, tón je jón tež dale wjedł. W času svojich prózdninow, na universiće a wšudžom, hdžežkuli, hdyžkuli a kažkuli móžach, dale serbski studowach, a hdyž za lěto druhi raz do lubeje módrohorateje Łužicy a do hospodliweje hodžijskeje fary přińdžech, bu mi přez božu hnadu spožčene, lubym Serbam bože słowo w maćeérnej řeči přédować. Što sym tutón krasny džen swojeho přenjejo serbskeho přédowanja začul, so wuprajić njeda, ale sylzy sym zaso ronił, druhe, hač tamny wječor, kiž je za wšón khód mojeho žiwjenja tak wažny był, — horce džakne sylzy. —

Hišće njejstej so dvě lěće minyło, zo sym swoje serbske studije započal; hdyž džensa wróćo hladam, dyrbbu so sam prašec, kak je to wšitko tak dziwnje přišło, kak je to móžno było?! To pak wěm: Bóh luby Knjez je mje sam k tomu powołał. Ja sam nič činił njejsym, khiba mały džěl swojeje swjateje přisłušnosće, a kajke zbože, kajku spokojnosć a radosć sym w tom namakał a kóždy džen namakam, — njech druzi praja, štož so jim lubi, — za cyły swět a jeho krasnosć to njedam.

Sym na kóncu swojeje małeje rozprawki; kaž je so stało, tak sym powědał. Z jednym słowčkom pak chcu hišće na tutym měsće swojemu wysokočescenemu, nutrnje lubowanemu rozwučowarjej w lubej rjanej serbsčinje wutrobny horcy džak wuprajić. Česc a khwalba pak Tomu, kiž w słabym mócný je! Česc Bohu Knjezej dajće! —

Jan Wałtař, Almanach serb. stud. młodósće 1884.

184.

Zaslepjeni.

Powědančko ze serbskeho žiwjenja.

Nic ze słowom 'nož hajić chcemy narod,
Ze skutkom džělaj za lud, řeč a kraj!

„A tola mi njebudžeš dale w tutych serbskich drabach khodzić,“ zawoła Křižan, dyri z pjasću wo blido, wuńdže zakliwajo ze

jstwy a zaprasny durje, zo cyły dom ržeše. Za blidom sedžeše burowka, hórke sylzy ronjo. A w kuće stoješe džowka, přičina mandželskeje rozkory. Z rukomaj zakrywaše sebi swoje wobličo. Twjerda hlówička — nanowa holca!

Křižanec běštaj zbožownaj w dołholětnym mandželstwje. Zhromadnje wobdžěłaštaj domjacu rolu, zhromadnje so wjeseleštaj, so rudžeštaj. Dobraj a zbožownaj serbskej mandželskaj! Serbska zemja bě jimaj k wutrobje zrostła. Serbski kraj — zbóžny raj! —

Nadobo so wšo přeměni. Křižan jězdžeše z wjetša kóždu sobotu do města. Zezna so tam z wjele ludźimi, spřećeli so z nimi. Tući „přećeljo“, kotrymž na „přećelstwje serbskeho bura“ wjele zaležeše, dobuchu bórzy škódného wliwa nad nim. Hewak dobry, stróžby čłowjek wróćeše so džen a pozdžišo z města. Druhdy njebě wjacjacy swojich zmysłow mócný. To starosćiwu žonu hłuboko zrudži. A jeje zrudoba so hišće powjetši, hdyž dopózna, zo běchu mužowe nahlady so w tym a tamnym přeměniły. Wón, kiž přjedy wšo serbske škitaše, za Serbstwo rěčeše a wojowaše, započinaše wótcowske nałožki a wašnja wusměšować. A dale a hłubšo so tutón njepočink do njeho žerješe!

Skónčuju zabu so tak daleko, zo narodnu drastu, kotruž žona a džowka a přjedy tež njeboh mać z česću nošachu, a kotruž tohodla přjedy tak lubowaše, započinaše hidzić.

To běchu njekničomne scěhwki „přećelstwa“ měšćanskich towařow. Či jemu narěčachu, zo „rozomny“ Serb swoje džěci wjacjacy po zastarsku njedrasći. Moderny čas — moderny raz!

Jeho žona, kiž z lubosću na ródnej zemi a starych dobrych wašnjach wisaše, bě cyle njezbožowna. Wbohi, zaslepjeny muž! Wona naložowaše swój cyły wliw, zo džowka njeby do nanowych kročelow stupala. Podarmo! Zaslepjenosć nana přeńdže tež na džowku, kiž chcyše radšo džensa hač jutře wot so čisnýc serbsku drastu a ju z cuzej seklatej zaměnić.

Tohodla dóńdže husćišo k wótrej rozmołwje mjez hewak přezjednymaj mandželskimaj. Runje džensa knježeše rozhorjenosć w cyłym domje, dokelž chcyše Křižan Hańži w měsće němsku drastu kupić. Maćerňa zrěčniwosć a wša nutrna próstwa njemóžeštej zaslepjenu wutrobu džowki zmjehčić.

„Džěco, što z toho budže?“ rěčeše mać płačo. „Štóz swój lud a wótcowske wašnja wopušći, njemóže ženje zbožowny być!“ — — Hańža mjelčeše zasakle. Bě z maćerju njespokojna, dokelž so ta nochcyše podwolić „rozomnym“ idejam nana.

Bóle a bóle pónawaše mać, zo je tu kóždy słowo, wša próca podarmo. Ze styskniwej wutrobu woteńdze ze jstwy, dźěše do čicheje komorki a poručí tam w paćerjach muža a džowku božej miłosći. Bě kruće přeswědčena, zo tute započinanje k dobremu kóncej njedónđe.

Mjez tym přahaše Křižan konja. Njemysleše wjacy na swoju zrudženu žonu, na jeje ból, na jeje warnowace słowa. Tak daleko z nim hižo bě. Jeho mysle běchu w měsće pola wjesołych bratrow, pola tych, kiž jemu rubichu měř a pokoj wutroby.

Do města přijěwši wobstara najprjedy někotre wěcy, a potom chcyše tamnym towaršam dopokazać, zo ma zděłanosć, zo wróćo njestoji, kaž móhli traš hewak wo nim myslić.

Dźěše do znatych klamow, hdžež husto za žonu a džowku kupowaše, wězo hač dotal serbsku drastu. Młodženc, kotrehož nós žida přeradžeše, witaše jeho z hubjenej serbsčinu.

„Ah! Knjez Křižan! Witajće k nam! To je rjenje, zo sće nas zaso raz wopyta! Što je k službam? Mamy krasne serbske wěcy, najnowšeje módy. Rjane židžane šórcuchi, trodlate rubiška— — —“

„Dźiće mi ze serbskimi drabami,“ wotřězny jemu Křižan słowo. „Tak hlupy wjacy njejsym! Chcu za swoju holeu němsku drastu kupić. Njesmě mi wjacy khodźić w zastarskich, njelepnych bantach a suknjach!“

Překwapjeny žid hnydom spózna, kelko je biło a wobroći korhojčku po wětřiku. Rěčeše kóždemu po hubje, hdyž jemu jeno k pjenjezam tyješe.

„Maće prawje, knjez Křižano, cyle prawje! Narodna drasta je so přežiwiła a njetraje, a wšitcy rozomni Serbja tež tak činja. Zawěrnó, sym stajnje prajił: Knjez Křižan je wosobny rozomny muž!“

Tajke khwalenje židowskeho młodženca zajědže zaslepenemu burej do nopa a wažeše wjacy, hač prošnja a napominanja swěr-neje, starosćiweje mandželskeje.

Mjez tym wućeže překupc cyłu kopicu tyzow, staji je na blido a wukhwalowaše swoje twory. Pó jeho słowach bě wšitko moderne, nobl, elegantne, krute, tak krute, zo chcyše so žid najradšo za płat powěšeć, a z tym krutosć a khmanosć dopokazać. Huba jemu dźěše kaž młynske koło, a słowa so jeno tak kulachu.

„Haj, knjez Křižan! Ludžo na wsach pěstuja hišće swoje zastarske nałožki. Ale štož je zdžěłany, so z tajkim čaporom wjacy njenasadźuje. Na zdžěłanosći na wsach hišće jara pobrachuje. Tajcy njejsu kaž wy, knjez Křižan!“

Tajke słowa so Křižanej lubjachu, a překlepany žid napowěsny jemu stary draby, kiž lěta dołho w khamorje na kupca čakachu. Křižan zaplaći wšo dosć droho, a židowski młodźenc so hłuboko před nim klonješe zawdawajo jemu ruku. „Božemje, na zasowidženje!“ Tak strowjo zawrě durje za zaslepjenym burom.

Křižan džěše nětk runy puć do korčmy, hdžež swojich měščanskich towaršow nadeńdže. Či jeho lubje witachu, dokelž džě wědžachu, zo jim kćěje wjesoły wječor, mokra zabawa. Hdyž Křižan do města jědžeše, tykny sebi stajnje někotre „módre lapy“ do kapsy, kiž w běhy dnja so jeno tak rozbroyichu. Wón zaplaći worćiznu. Měješe to za nobl. Njemóžeše tola tajkich wosobnych přecelow zdarma měć. Měšćenjo pak so smějachu „hłupemu serbskemn burej“, kaž jeho často mjez sobu mjenowachu.

Džensa bě khětro ćežke posedženje. Zmužite wotmyslenje knjeza kublerja Křižana, skónčnje ze starymi hłuposcemi złamać — tak jemu so liščachu čí „dobri přeceljo“ — dyrbyeše so přihódnje woswjećić. Doma rudžeše so žona a modleše so za zaslepeného muža. W měsće pak praskaše jena bleša po druhej, a škleńcy so při wjesołym spěwje porjedžachu a klinčachu. Křižan a jeho mudri přeceljo žujachu jedyn přemo druhého — — —

Jurij Šłodeńk, Łužica, 1913.

185.

Hrónčka.

I.

„A čišća so tež wot bokow
Tu wšudže Němcy dó Serbow,
Da tola Serbja wostańmy;
Njeh česć je nam, zo Serbja smy!
Tón Serb pak, kiž so woněmča,
Njej' hódny prizy tobaka!

Pětr Mlónk, „Khěrłuše a spěwy!“

II.

„Sym wobšěrný wohladał kraj,
Jón překujo horje a dele.
Wjes, město, lěs, polo a haj
Ma wšudźinko rjanosći wjele:
Mi nihdže pak krasnišo njej,
Hač w domiznje we Łužiskej.“

J. Bartko, Łužica 1892.

186.

Brunčikowo njezbože.

„Brunčiko, Brunčiko, što-ha je so čí stało?“ prašeše so Janinka. Ale Brunčik njemóžeše ani słowčka ze sebje wurazyć, a plakaše a plakaše, „Što je so čí stało?“ Ale Brunčik plakaše a plakaše.

Tuž so Janinka k njemu sydny, położy jemu ruku na ramjo. „Słyšiš, Brunčiko, słyšiš? Što je so čí stało, što? Słyšiš, ty mój

luby Brunčiko, što?“ A Brunčik plakaše a plakaše, hač so wuplaka, a jenož hišće jikaše. „Što je so ċi stało, Brunčiko, što? Tak to tola praj!“ — „Ach, wona ma kwas!“ — „Štó?“ — „Wjerunka.“ — „Kotra Wjerunka? Ta z różowca? Wšak sym sej ja to mystila.“ — „Haj, a bjerje sej toho Wjerunka. To je mje wón tehdom tak zbił.“ — „Ach wón?“ — „Wón. Ja sym tam pola Wjerunki pobyl, ale jenož na wokomik, a sym so jeje woprašal, by-li wona tež chcyła tajki brunčk być. Wona bě mi jónu powědała, zo by to chcyła. A tu wón přileća, a poča mje bić, a zawoła sej hišće jednoho, a woboj mje biještaj, hač mje potom wo zemju wrjesnyštaj. Wot toho časa tam był njejsym, a hdyž sym tam džensa lećal pohladac, maja tam kwas.“

A hižo Brunčik zas plakaše a plakaše a bjez džiwa, zo běše Janincy joho žel.

„Ach, ach, Brunčiko, wšak sym so ja toho stajnje bojala, a ty ně, ně — zo budžeš posłuchać. Wěš hišće? Widžiš, kak sy juž zas njeposlušny był. Kotry poslušny brunčk wopuści dha swoje městno, a leći, hdžež nima lećeć? A potom, Brunčiko, Brunčiko, štó-ha je to hdy słyšał, zo by brunčk khodzil za Wjerunku, a zo by sej docyła na nju myslil? Ně, to njeje poslušnosť. Tak to Bóh knjez njecha. A štož mje najbóle na tebje mjerza, to jo, Brunčiko, zo sy nanka a maćerku wobšudzil. Sy džěn rjekł, zo sy tehdom padnył. To maš nětko lžu na swědomju.“ — „Ale ja tola lhał njejsym. Sym na zemju padnył.“ — „Haj, ale lhał sy tola. Woni su sej to hinak myslili, a sy to tež chcył! Njewurěčuj so! Z tym to jenož zhóršiš. Nětkle skoku hišće leć, a šikowanje swěć, a potom to wšitko wuznaj.“

A Brunčik sej rěčeć da. Lećeše a šikowanje swěćeše, dóniž nank z kmótom po nejho přilećeštaj. A lećachu a njeprajichu sebi ani słówčka. Ale hdyž mějachu so rozeńć, poča so Brunčik spowědać: „Prošu waju, nanko a kmótfě, — hdyž mějach tehdom tu wuwalenu nohu, njejsym ja na zemju padnył. Dwaj wjerunkaj běštaj so do mnje dałoj a mje zbiłoj.“ — „Wjerunkaj? A čehodla byštaj ċe zbiłoj?“ — „Ja, ja — a sym něšto króć tam při tym różowcu pobyl, — prošu waju, wodajtaj mi to! Je mi toho žel.“ — Nankej stupichu sylzy do woči: „Ach, ach, ale, ja ċi to wodam,“ a Brunčik wokoša jemu ruku.

Z maćerku běše to tež tak. Da so do plača, ale rjekny, zo jemu to woda, jenož hdy by hižo swěrnje posłuchał. A běše zas derje, ale Brunčikej njeběše hišće derje. Swěćeše, swěćeše, swěrnje swěćeše, ale běše wohańbjeny a skoro ani njerěčeše.

Jónu hižo pozdže, hdyž wšitecy ležachu, mysleše maćeřka, zo Brunčik spi, a poča nankej mjelčo powědać: „Tak tu běše Janinka, a powědaše, zo budže hižo čas, zo bychmy Brunčika woženili.“ Brunčik wšak njespaše a słyšeše to. „Ně, ně, maćeřka, ja so ženić njebudu.“ — „I, mjelč! Čehodla by so nježenił?“ — „Ně, ja so njebudu ženić.“ — „I, so tola woženiš.“ — „Ach ně, maćeřka, ja so njewoženju.“ — „Nó, tak nic. Ale nětk 'nož spi!“

A Brunčik spaše. Ale druhi dzeń załoži pola Janinki. „Ja so njebudu ženić.“ — „Ty zo so njebudžeš ženić? A čehodla by so nježenił?“ — „Wšak so njetrjeba kóždy ženić.“ — „Štóz njemóže, njetrjeba, ale štóz móže, dyrbi. Z najmjeńša so kóždy poslušny brunčk ženi, móže-li. Tak to Bóh knjez chce. A nětk sej rozmysli, chceš-li tohodla posłuchać, zo so to tebi abo někomu druhemu ubi, abo tohodla, a jenož tohodla, zo to Bóh knjez tak chce.“ — „Ale wšak so ty tež wudała njejsy.“ — „Njejsym, — dokelž njejsym mohła. Muška njemóže hić, a njemóže sej někoho brašćić. Wona dyrbi čakać, dóńž sej někajki poslušny brunčk po nju přińdže. A hdyž žadyn poslušny brunčk njepřińdže, tak wostanje čas žiwjenja swobodna, a wě, zo njeje tohodla nihtó po nju přišo, ldokelž jo to Bóh knjez tak chcył. Nětkle to hišće njechwata, ale ty so wožen, dokelž to Bóh knjez tak chce. Wšak je maćeřka hižo stara, a póčnje tak někak khorować. Njechaš dha, zo by sej mohła tola tróšku wotpočnyć? Tak juž leć! Wšak to hižo dołho trać njebudže.“

A Brunčik njepraji nič, a lećeše, a swěćeše a swěćeše. Wšak to hižo dołho njetraješe, a poča zyma być. A tuž so brunčki zrěčachu, zo nihdže njepoleća. Jenož zo so hišće pola Janinki zeńdu. A zeńdžechu so, kmót a kmótrička a Muška, a nank a maćeřka a Brunčik, potom hišće tón młody a stary brunčk ze stłanja, a powědachu sej a mějachu so rjenje. Brunčik sedžeše při Janincy, běše dobreje mysle, ale njepraji nič. Maćeřka boješe so jara zymy. Drjewa drje maju dosć, mysleše při sebi, ale zo je tajka hubjena, zo njewě, přetraje-li to. Ale tón stary brunčk ze stłanja wěšćeše, zo njebudže zla zyma, zo je to pytnyl na mrójach. A tak sej powědachu, dóńž so zas njerozzohnowachu, a kóždy lećeše swój puć. Janinka stoješe před khěžku w mochu a hladaše za nimi.

Wšak běše hižo zyma. Maćeřka so hnydom lehny, a nauk z Brunčikom daštaj so do džěla. Wšitko znosyštaj do kuchnje, zamknyštaj znutřka durje, zastorčištaj zasuwu, zatykaštaj wokna a durje z mochom, — a nětk njech to božemje mjerznje. Ale maćeřka strachowaše so tola. Hišće sa pomodlichu:

O, mój najlubši Jězuso,
 Sćiń sebi we mni čiste žłobjatko!
 Wotpoćuj w mojej wutrobje,
 A njedaj mi zabyć na Tebje!

a spachu a spachu a spachu. Rjenje so jim to spinkaše.

Z „Brunčkow“ J. Karafiáta. Přel. C. Wjeńk.

187.

Zdžerž serbski lud!

(Ghazela.)

Słyš, knježe, hdyž swój paćeř praju:
 Zdžerž serbski lud!
 We wótenym mojim lubym kraju
 Zdžerž serbski lud!
 Kiž módre hory nam a hona nam zelene
 A ptačkow spěwy škitaš w haju,
 Zdžerž serbski lud!
 Hdyž wótcow řeč a ród a rolu zańč nimaju,
 Na mać a statok zabywaju,
 Zdžerž serbski lud!
 Daj lubosć do wutrowow z njebjes, móc do stawow,
 Hdyž swěrne woči zapłakaju:
 Zdžerž serbski lud!
 Ty ludy wodziš, kraje škitaš a sudžiš brón;
 Hdyž dźiwje mocy zahrimaju,
 Zdžerž serbski lud!
 Njeh tebi hlós mój šepť přeco tu modlitwu,
 Hdyž do procha tež w rowje stłaju:
 Zdžerž serbski lud!

J. Čišinski, Formy.

188.

Přepjata narodnosć.

Pola mnohich Serbow plaći wašnje, wšitko, štož so za Serbow čini a džěła, přepjatu narodnosć mjenować. Haj samo, hdyž Serb to wužiwa, k čemuž ma wón zaručene prawo, samo tehdom je jeho činjenje „přepjata narodnosć“. Zajimawe tež je, zo mjenje Němcy, ale wjele bóle serbsey wotrodžency tajkichle słowow wužiwaju.

Tak běše jónu w Budyšinje — je to hižo dlěši čas, — w serbskej cyrkwi serbske předowanje; w tachantskej cyrkwi samsny čas ničo njeběše. Dokelž so tomule předowanju pobožnosć z požohnowanjom přizamkny, bě tež něšto Němcow w cyrkwi. Nětko je sebi wěsty Serb žadał, zo by so dźiwajo na tutych Němcow serbscy njeprědowało, ale němscy. A tutón Serb mjenowaše serbske předowanje na tamnym dnju „přepjatu narodnosć“.

Zo wón tudy prawje njeměješe, je tak jasne kaž slónčko. Ale chce-li štó tež prawje rozumić, zo tajkile Serbam sčinjeny porok prawy njeje, dyrbi sebi wón wěc hłubje wobhladać a sebi tež na prašenje wotmołwić, „čehodla?“ Pola nas džě je často tak, zo wutroba před rozomom khwata. Prjedy hač je sebi rozom wěc prawje rozkládł a přemyslił, je wutroba ze svojim rozsudom hižo hotowa. Tak je to tež w tutym prašenju. Zo je porok njesprawny, so čuje — to čuje wutroba —, ale čehodla tomu tak je, na to wotmołwja po dlěšim přemyslenju rozom.

Što je potajkim přepjata narodnosć?

Kóždy čłowjek słuša k někákej narodnosći. Wón sebi tule narodnosć sam wuzwolił njeje, wón je do njeje powołany. Tohodla ma wón před Bohom a před svojim swědomjom winowatosć, w teje narodnosći žiwy być. Haj, wón do swojeje narodnosće tak kruće słuša, zo wón z njeje wustupić, ani so jeje slec njemůže. Čłowjek móže cuzu řeč wužiwać, wón móže po cuzych nałožkach žiwy być, wón móže cuzbarstwo bóle lubować, hač to, štož jemu Bóh a narod do kolebki položištaj — to wšitko je móžno, a so wosebje mjez Serbami bohužel husto dosć stawa, ale swoju narodnosć wotpołożyć, do druheje narodnosće přestupić čłowjek njemůže a byrnjež sebi to bóle přať.

Dokelž je potajkim narodnosć tak kruty naturski, potajkim tež boží zakon, tohodla dyrbi wón tež swoje naturske prawa měć, kotrychž so wón sam zdać a kotrež jemu nihtó wzać njemůže, dokelž kóždy drje ma swoje prawa, nihtó pak nima prawa, druhemu to prikrótčić, štož jemu słuša. To je zasada přirody, a kaznje přirody su runje tak dobre, kaž bože kaznje, dokelž Bóh je přirodu stworił a jej kaznje dał.

Bohužel so na swěće bože kaznje přecy njedžerža, kajki dźiw potom, zo so tež naturske, přirodne kaznje, nic jenož husto, ale w mnohich nastupanjach bjez přestaća přestupuja. Němcy su stajnje mištrjo w tajkim přestupowanju byli a su to hišće džensa. Wšitkim njeněmskim narodam w němskim kejžorstwje so zlě dže, a nic

najposlědy nam Serbam. Tak wjele je wěste, zo so nam nihdže to njeda, k čemuž bychmy my wot přirody, kotrejež zakonje su wot Boha date, prawo měli.

Móc je nad prawom! To je zasada swěta. Prawo my mamy, ale hdyž je njedostanjemy, nimamy mocy, zo bychmy sebi tuto prawo wunuzowali. Tohodla džě je so w swětowej politycy samo sada wutworila, zo je prawo jenož tam, hdžež je móc. Tuta sada je zawěšće njemoraliska, tohodla začisnjenja hódna, ale tola wona w swěće płáči.

Hdyž so tuta sada, zo je prawo tam, hdžež je móc, na narodnosće nałožuje, potom nastanje z toho „přepjata narodnosć“.

Sama na sebi njemóže žadna narodnosć přepjata być. Čłowjek je Serb, abo wón to njeje, čłowjek je Němc abo nic, wón je Francóz abo nic atd. Hdyž pak je wón Serb abo Němc abo Francóz, potom žada sebi jeho přirodne prawo, kotrež jemu wězo tež winowatosće nakładuje — dokelž nihdže njeje prawa bjez winowatosćow — potom žada pak sebi tež jeho samsna česć, zo je wón to, štož wón je, tež cyły! A wjacý hač cyły wón njemóže Serb abo Němc abo Francóz być. Tohodla je słowo „přepjata narodnosć“ same na sebi njezmysl. Samo na sebi narodnosć nemóže ženje přepjata być.

Praju a wospjetuju z wotpohladom: Samo na sebi. Chcu z tym prajić, zo drje so tež narodnosć přepinać hodži, hdyž wosebite poměry k tomu přidu, kaž bě to horjeka hižo naspomnjene.

Dokelž ma kóždy čłowjek cyłe prawo, haj tež cyły winowatosć k swojej narodnosći, tohodla ma wón samsnu winowatosć, narodnosć swojeho sobučłowjeka česćić a jej to dać, štož jej słuša. Zo so Němcy napřečo Serbam tak njezadržža, na to drje so dale spominać njetrjeba. Hdyž někajki čłowjek drugej narodnosći jeje prawa přikróćuje, druhu narodnosć potłóčuje abo jej možnosć jeje wužiwanja bjerje, potom čerpi wón na přepjatej narodnosći.

Hdyž sebi my po tutych zasadach naše poměry wobhladujemy, potom njetrjebamy dołho za wotmołwu pytać, na kotrej stronje je narodnosć přepjata. Haj, z cyłej wěstosću hodži so rjec, zo na swěće Serba njeje, kotryž by na přepjatej narodnosći čerpił, dokelž žadyn Serb w našich wobstojnosćach na to njemysli abo myslí njemóže, narodnosć Němcow potłóčować abo na škodu Němcow za swoju narodnosć so starać. Zo pak wšelacy so prócuja, swoju narodnosć zdžeržeć a strašnemu poňěmcowanju haćić, to so nihdy džěło na škodu němskeje narodnosće mjenować njemóže, dokelž Němcy k přeněmcowanju žadneho prawa nimaju, tuž so jim tež z hajenjom

serbskeje narodnosće a wšeho, štož k tomu słuša, žadnjeje křiwdy nječini.

Tohodla narodne džěto Serbow nihdy přepjata narodnosć njeje, ale dopjelnjenje wažnjeje a zamołwjenja poľneje kaznje. Zadzěwki pak, kotrež so z němskeje strony srbskemu narodnemu džětu činja, su přepjata narodnosć. Tu je potajkim widžeć, zo maja so poroki přepjateje narodnosće dla Němcam činić, nic Serbam.

Wot Němcow njeje rjenje, zo woni serbsku narodnosć potłóčuja, serbski lud poněmčić spytujo, a zo woni srbskemu narodnemu džětu telko zadzěwkwow činja. Wjele hroznišo pak je wot Serbow, hdyž woni Němcam při tym hišće pomhaju. A tajkich Serbow je bohužel mjez nami tójšto. Serbja, kotřiž přikróččenju serbskich narodnych prawow polěkuja a při tym hišće Serbam přepjatu narodnosć wumjetuja, snadź ani na to njemysla, zo woni sami na přepjatej narodnosći ćěrpja, ale nic na serbskej, ale na přepjatej němskej narodnosći.

J. Deleńk, Kat. Posoľ, 1914.

189.

Pruha wutrobineje žiły.

Běše njedžela. Wuhlanskich zahroda měješe napohlad hosćenca abo kofejownje. Z mužemi, žonami a džěćimi so tu wšo mjeřwjše. Wuhlansey běhachu won a nutř, zo bychu wšitkich hosći derje spokojili. A běše to khwalenje a wuzběhowanje! Bjez džiwa; huby džě běchu z mlokom a kofejom namačane a z mjedom słódke, „Tajkile rjany boži dar, kaž sama całta! hdy bychmy my w měsće jenož jónu tajkoho měli! Ach a tale butra, słodži kaž włoski worjeh. Ow tónle słódki měd, to je widžeć, zo wubjerny pčolař za kołčemi stoji! Kuchařku, kiž tajkile kofej warić wě, móžeš druhdze po swěće na běłym dnju z latarnju pytać, a tola jeje njenamakaš. Wěće, to was wobkhowamy w dobrym wopomnjeću! Ně, to ženje njezabudžemy, tajkule lubosć a hospodliwosć! Hdyž jónu do města přindžeće abo hewak rady njewěšće, wšako wěšće, hdze my bydlimy...“

Tu nadobo zaklinča do mjeřwizny wšelakich řeči surowy hlós kaž hrimot:

„Hrom a błyski! što je tu do bědneho poslužjenja w tejle kortskej kofejowni!“

To běše zawěšće cuzy, kotrehož bě napis wonka na wrótkach zamylił a zawjedł, zo tu zastupi a za prózdnym blidom so po-

sydney. Srjedź towaršjenja a zabawy njebě to nihtó pytnyl. Nětko doběža Wuhlanski spěšnje tomu knjezej a zamołwješe so: „Ach wodajće, knježe, mjez tej zabawu so njedohladachmy — što by wam k lubosći było? Z čim móžu posłužić? Njechaće traš so tamle tym knježim přisydnyc, snadź někotrehožkuli znajeće?“

„Džakuju so,“ wotmołwi cuzy, „mi je samota lubša. Přinjesće mi šalku kofeja, ale trochu spěšnje, čakať sym dołho dosć!“

„A traš něšto k přikusowanju? Mjedowu pomazku, abo“ —

„Džakuju sò, njetrjebam ničò dale, jenož kofej.“

Wuhlanski khwataše požadany kofej wobstarać. Mjelčo při sebi so z radosću posměwaše, kak budže so cuzy džiwać, hdyž so jemu powě, zo tu njeje kofejownja, ale jenož hospodliwy dom za přećelow a znatych,

Za khwilu tež to cuzy zasy z kijom wo blido klepajo wołaše:

„Cheu plaćić.“

Wuhlanski přiskoči z dohom a wujasnješe zdwórliwje:

„Wobžaruju, knježe, njemóžu pjenjeb brać. Je mi było wutrobne wjeselo, wam posłužić, ale mój dom wšak njeje, kaž je so wam zdało, kofejownja. Su to moji znaći z města, kiž su mje wopytali.“

Cuzbnik poskoči zastróženy a tež trochu hněwny, tola hnydom so zasy zhraba a rjekny khutnje:

„Luby knježe hospodarjo, džakuju so wam za wašu dobrotu. Dowolće, zo bych wam swoje spodžiwanje nad wašej njewšědnej hospodliwosću wuprajil. K dopokazej swojeje džakownosće pak bych was rady na něšto kedžbneho sćinił, jeli rodziće; hodži so, zo traš móžeće moju radu něhdy wužić. Wěsće, luby knježe, sadžu z wami štó wě štó: Čile přećelj a znaći nětko waše mjedowe pomazki a waš kofej a mloko wukhwaluja na přemoh a was wuzběhuja do wšěch mróčeli; potrjebaće-li pak jónu jich pomocy a poprosyće-li jich, póndža nimo was, kaž nimo prózdneho kołča. Štó so wo prózdny kołč stara? Trjebaće jónu spytać a zhoniće bórzy, zo sym prawje měł! Hišće jónu wulki džak a dobry wječor, luby knježe!“ Z tym poda jemu khartku ze svojim mjenom a so poklonjejo woteńdže.

Wuhlanski hladaše zamysleny za nim a bórbotaše něšto při sebi, kaž: Štó wě, hač nima tón knjez prawje? Tola bórzy běše nuzowany, so zasy k svojim hosćom wrócić, tuž njeměješe khwile, dołho za jeho słowami myslić. Hakle pozdže wječor, hdyž běchu so posledni hosćo wotsalili, nadeńdže přiležnosće, swojej žonje wo žadnym wopyće a jeho słowach powědać. — —

W noci běše so Wuhlanskemu něšto wudźalo. Nazajtra dawaše služownym po dworje rozkazy do džěta, sam pak khwataše zasy nutř a sydaše so z papjeru a pjerom za blido a pisaše jara horliwje. Z časami so posměwaše a bórbotaje při sebi: „Sym wćipny, kak budže to skutkować, haj sym woprawdže wćipny.“ Pisaše pak list, kotryž měješe něhdže tónle wobsah:

„Mój luby přecelo! Sym wšelake njezbožo měł a do wuzkosćow přišoł. Tohodla sym nuzowany, Was wo pomoc a podpjeru prosyć. Njedawno sym na wšelakich městnach pjenjezy přisadził, a jeli so mi njeradzi na druge wašnje džěry zatykać, boju so, zo budu skónčnje swoje kubło předać dyrbjeć. A to by mi tola jara žel činiło. Prošu Was tohodla, zo byšće mi chcył z wašimi bohatymi srědkami k pomocy stać, z najmeńša na khwilu. Wopominajće tule naležnosć jako wěc tajneje dowěry a njewopuščće swójeho přecela! Bórzy přilubjace wotmołwjenje wotčakujo zwostawam Waš Handrij Wuhlanski.“

„Takle,“ mjenješe skónčnje Wuhlanski, „to drje budže dosahać, zo so jasnosć pokaže. Nětko hišće džesać abo dwanaće wotpismow. Potom hižo wohladamy, je-li řečnik dr. Překlepany woprawdže prawje wěšćil.“ —

Přichodnu njeđzelu popođnju — spodźiwnje — wosta pola Wuhlanskich po domje a po zahrodže wšitko éicho. Njebě tu pódladomjacych ani žiweje duše. Wuhlanscy tajkeho pokoja skoro njezwučeni, hladachu wćipnje z časami z tym a zasy z tamnym woknom po puću do města, ale nihdže ani sćina někajkeho přecela. Hakle před wječorom namaka so jedyn jenički — młody lékař dr. Krjepka.

Wuhlanski jeho přecelnje postrowi, ale kak so džiwaše, hdyž so młody muž trochu tajnje woprašaja:

„Njebych mohł z wami khwilku sam porěčeć, knjez Wuhlanski?“

„Rady lubje,“ wotmołwi Wuhlanski, „hačruniž njewěm, što by wam moje słowo abo moja rada pomhała, rady lubje wam poslužuju.“

Lědma běštaj samaj, njemóžeše so Wuhlanski tomu dodžiwać, što jemu lékař powědaše: zo je wo jeho njezbožach słyšał, zo wutrobnje wobžaruje, ale tola so zasy wjeseli. „Sym njedawno po dalokim wuju małe zamoženje namrěł: pjenjezy su kóždy čas k ruce. Knjez Wuhlanski, bjeře sebi je k wužitku, kaž dołho so wam spodoba. Prošu, sćiniće mi to wjeselo!“

„Ale hdže dha sće tu cyłu stawiznu zhonił?“ wurazy Wuhlanski.

„Ach ty słódka dobrotu! Tych řeči džě je cyłe město poľne, zo budžeće dyrbjeć z kubła čeknyć. Runje hdyž z města džěch,“

zetskach překupca Kupinskeho. Hižo z nazdala wołaše na mnje: „Hdže tola tak spěšnje, knjez doktor? Tola nic do Noweje Wsy k Wuhlanskim? To sebi tola dajće być! Tam šeri. Štó wě hač tam hižo cuzych ludźi njezetkaće! Z najmjeńša je wšitko w cuzych rukach. Haj, te wulcyčinjenje! Kóždy karan khodži tak dołho po wodu, doniž so njerozbije. Sće-li sam sebi dobry, njekhodźće tam radšo! Kedźbujće radu dobrego přecěla!

Wuhlanski wurazy z lutymi směchami:

„Tu to mamy. Tak spěšnje a dokładnje sebi ani njemyslach. — Podajće mi ruku, knjez lěkarjo! Chcu ju wutrobnje tłóčić, dokelž je woprawdže přecělna ruka. Chcu wam z prawdu wuznać, běch na was hněwny, dokelž sće so jónu abo dwójcy poskičeného kofeja wobarał. Zdaše so mi, zo so hordźíce; wodajće, sym so mylił! Ale tež nad tamnymi sym so mylił. Khwalachu mój kofej a pijachu jón, z mojim mjedom sebi huby namazowachu do syta, ale jich přecelstwo so nadobo rozsypny. Džakuju so wam tak wutrobnje, kaž bych woprawdže wašeje pomocy trjebał. W skutku pak je to jenož basnička. Wěc je cyle hinaša. Sym jónu do wašeho rjemjesła přimał. Cheych swojim přecelam jónu na žiłu pomasać, kak mi jich wutroba pukota, a tu pokazachu mi, byrnjež sebi to ani nježadał, wšitcy rjenje swój jazyk.“

Mikł. Bjedrich, Pokazka z humoreskow, Serb. knihownja č. 3.

190.

Epigramy.

I.

WOTRODŽENCAM.

Wóteny kraj a narodnosć
zynk žadyn prózdny njeje,
njewidziš tu stwjelca rosć
na honach Łužiskeje?
Zemja, kiž će skubłata,
lubosće je dostojna.

II.

LUBOSĆ.

(Hrónčko.)

Lubosć je štom žiwjenja,
wěčnje zeleny a młódnny,
wichory jom' nješkodža;

je čím bóle tehdy plódný
a će zbóžnje wokřewi,
hdyž će wšitko wopušći.

III.

SERBSKIM WÓTČINCAM.

Haj, we cyłosci přezjednosć,
we wosobnosći swobodnosć
njech pola nas přec' knježi!

H. Zejleř, Zhrom. spisy III.

191.

Serbskej młodzinje.

Rěč serbskeho wótčince na skhadžowancy serbskich studentow.

Česćeni zhromadzeni!

„Ani dobytk a ni sławy.“ To je idealne hesło, to je wysoka mysl, kotraž nawjedowaše českich wótčincow: samy čisty idealismus. — Bjez ideala žadyn lud njewobstoi, njech je hišće móćniši. Bjez idealow ani materielne zežiwjenje čěla njeje móžne. Idealny je kóždy wěriwy, dobry křesćan. Bjez serbskeho swědomiteho a tehodla pilneho rólnika a bjez swědomiteje džělaćerskeje serbskeje holcy a žony by wjele stow, wjele tysac swójbow tradało, zahinyło... Zo tomu tak je, to wučí zrudny wosud ruskeho ludu a tež wobstojenja we kraju, kiž je nam blizki. A swědomity je serbski čłowjek, dokelž hišće wěri. Wón wěri a wě, zo je Bóh Wótc tež jeho stworił, zo by džělał, z ruku, z duchom, zo by z tym spěchował swoje samsne zbožo a zbožo svojich bratrow a sotrow, Bóh Syn je nas wumóžil, so naš bratr sćinił, zo bychmy my byli po zmyslenju jeho bratra a sotry a tak tworili jednu jeničku wulku swójb — serbsku swójb — serbski lud. Kaž je wón nas lubował, tak lubujmy my jedyn druheho, wšitcy wšitkich. To je prawa republika, to je prawe republikanske zmyslenje, to rěka: zjawna zhromadna wěc, naležnosć, kotraž je a ma być wšěm na starosći, čím bóle čím lěpje. Duch Swjaty je nas woblekł prawu nadzemsku kwasnu drastu, drastu lubosće. „Lubujće nic ze słowom jeho, ale ze skutkom.“ Džělaće a prócuje so jedyn za druheho: tak změje kóždy za swoju lubosć zaso lubosć druheho, bližšeho — za swoju pomocnu ruku tež druhu pomocnu ruku. Nichtó njebudže sam, wosamóćeny, wopušćeny, zhubjeny a njezbožowny. „Wěra, nadžěja, lubosć maju być a nawjedować nas a našu politiku, najwjetša pak je lubosć.

A komu nětko, lubi studowacy bratřa a lube studowace sotry, maće najprjedy a najbóle přiwobroćeć swoju lubosć? Samo so rozumi, swojemu ludej, serbskemu ludej, našemu ludej.

Wobrazy wulkich serbskich wótčincow nas strowja we teje lubi, woni běchu wšitcy idealistoj, křesćanscy zmysleni, a runje tohodla njesprócniji džělačerjo za serbski lud. Swědomje jim kazaše, džělať za serbski lud, lubosć jich zahorješe, jim pjero wodžeše, nadžěja jim dušu a wutrobu sylnješe: „njespušćmy nadžěje rjaneje, wšak wróća so złote časy.“

Wulkotni duchojo to běchu, wulkotne powahi, krute njepowalne kharaktery. Hakle smjerć je jim poslednje serbske začuće, poslednje serbske słowo z erta a zastajene pjero z dłónje wzała. Wšo su woprawdže woprowali cyle a dospołnje serbskemu ludej. Jan Smoleř, najwjětši zbudžeř serbskeje ideje, zhromadneho serbskeho čuća a serbskeho wědomja, bě čisty idealist. Cuzy kraj poskićeše jemu wysoke, jara čestne městna z bohatymi dokhodami na wysokej šuli, ale Smoleř zwosta mjez serbskim ludom, mjez svojim horcolubowanym ludom, wšitcy wótčincy so nad jeho ideálním zmyslenjom zradowachu. Khudy serbski spisowaćel a nowinař wón zwosta hač do smjerće, ale króna, kralowska króna je nětko jeho džěl.

Smoleř wojowaše, džělaše, a wón njeje podarmo džělať. Wumřěł Smoleř je, tola nic cyle a cyły, jeho duch je žiwy dale. Jeho skutki su kwětki, kiž kćěja dale tež po smjerći, štomik, kotryž je wón sadžił, njese plody. Serbski ideal, serbska ideja njeje zahinyła, druzy jeho štovej přiliwachu, z ertom a z pjerom: Hórnik, Imiš, Pful, Zejler, Čišinski, Wjela, Fiedler, Kocor, Bartko a jich pomocnicy.

Zbožowny, štóž je tutych mužů hišće znał, zbožowniši, štóž je na jich duchu podžěl měł, najzbožowniši, štóž we jich duchu dale skutkuje. Někotři swěrní wučomnicy hajachu jich serbski ideal dale; tak serbska mysl ženje cyle njewusny a so dowukhowa hač do džensnišeho dnja tež přez najzrudnišu dobu serbskich stawiznow. A nětko ze krewje wójnskich woporow, kotrež je tež naš lud woprowať, je z nowa wocučil nowy čerstwy duch mjez ludom a — mjez młodej inteligencu, mjez serbskimi studowacymi.

Smoleř a Hórnik mataj tež na rowje krasny serbski pomnik, ale Pful nic. A tola bě tež wón čisty idealist, wulki horliwec, swoje widženje je woprowať na serbski słownik, swoju strowotu na džěło za serbski lud, ale ze wšitkich serbskich słowow, kotrež je jako drohi pokład zběrať a wukhowať před zabyćom, ani jedne, ani pismika na jeho narowniku njestoji! Tež Fiedler je pódla njeho po-

khowany, nadžijamy so, zo so dopomnja, zo bě Fiedler jedyn z našich najlěpšich basnikow a zo jemu džěsćowska lubosć staji serbski pomnik, kajkiž je stajiła Smolerjej. Štož je so našemu horliwemu wótčincej Mikławšej Andrickemu zwonka serbskich mjezow w Žitawje dóstało, serbske napismo na rowje pódlá němskeho, to je tola wosrjedź serbskich mjezow čím wěsćiše. Naša serbska narodnosć njesmě so tupić. Tak zaslužbni mužojo su hódni wěčneho wopomnika a to serbskeho wopomnika wosrjedź serbskeje zemje! Smy dha my cuzbnicy we swojej samsnej domiznje!

W narodnej wsy našeho wulkeho basnika Handrija Zejlerja a podobnje tež w domiznje našeho Čišinskeho měła studowaca młodosć a dostojne znamjo zjawneje džakownosće wobstarać. Štož jich česći, česći sebje a lud. Tajke znamjenja runaja so pokazowarjam puća, kiž wjedže do serbskeje wutroby. „Swój k swojemu!“-

Wy, lubi serbscy bratřa a lube serbske sotry, maće młodu, čistu, za najwyšše ideale zahorjenu wutrobu. Wy lubujeće swoju drohu serbsku mać, kiž je was wučila rěč, wěru, pócćiwosć. To su tři drohotniše kubła dyžli złoto a dejmant. Z kajkej njewurjeknitej prócu a z kajkej njesebičnej woporniwosću su wam tute kubła wukhowali čile džělačerjo we winicy Knjezowej a w zahrodze serbskeje narodnosće! Hluboko do wutroby začišćmy sej jich skutkowanje a sčěhujmy jich přikład. Ničo njekubłuje tak snadnje, kaž čitanje dobrych žiwjenjopisow; tohodla pilnje čitajće, štož je so wo našich narodowcach pisało w „Časopisu Maćicy Serbskeje“, w „Serbskich Nowinach“, w „Katolskim Posole“. Khowajće sej tute časopisy a dawajće tež druhim do ruki tajke žiwjenjopisy. „Přikłady čahnu, słowa jeno pohnuwaju.“ Powjedaňčko „Naša wowka“ je po prawym sama biografija, žiwjenjopis, najnadobniši wobraz českeje słowjanskeje žónskeje. Do wšěch pismowstwow su tu knihu přeložili. Mjehka, pobožna, lubosćiwá słowjanska wutroba, dobroćiwá, stajnje k pomocy hotowa žona z ludu, pócćiwá, starosćiwá, sčěrpná mać, to je wobraz, kotryž je mištrowske pjero českeje basnjeŕki w tutej knizy wumolowało. Ničo krasnišeho a lěpšeho so nam, wosebje wam, lube serbske sotry, do rukow dać njemóže.

Syn rad hospodari na kuble, kotrež je namrěł po nanu, kotrež su ze svojim potom swěru wobdžělowali jeho serbscy přjedownicy što, sta lět. Ow, kak syna wutroba boli, hdyž jemu njezbože tutón drohi namrěwk wótcow z rukow drěje, hdyž njesmilny lichownik jeho wustorči ze statoka, kotryž z lubosću haješe kaž zerničku swójeho wóčka! Kak jeno by móžno było, zo by dobry serbski

student, potomnik česćownych serbskich prjedownikow a prjedownikow, dobra serbska studentka, swěrna džowka serbskeje maćerje, zacpiła, začisnyła drohotne kubło maćérneje rěče a serbskeje narodnosće a zdžěłanosće. Waša samsna wutroba wam wšěm, nam wšěm, jasnje wótre praji: daloko prječ wot nas tajkale myslička, tajkale nizekosc: daloko, dale hač slónce wot zemje! Za to čím hlubšo nutř nam wšěm do wutroby lubosc ke wšemu, štož je dobre, serbske!

Ani dobytk ani sławy, ale radosć! Dobytk drje móže nahrabneho wokomik za lud pozahorić, sława abo česć česćelakomneho na khwilu k dobremu pohnuć, ale ničo wulke ani nahrabny ani česćelakomny njedokonja. Radosć, radosć dobrego swědomja, zo sym w mnohim ludej pomhał, njezbože wot njeho wotwobroćal a jeho zbože spěchował, to je myto, kotrehož paduch njepokradnje a zezawina njezniči. Tajku radosć dawa kóždy dobry skutk za lud, tajka radosć pohnuwa k nowym dobrym skutkam, wjedze wot dobrego k dobremu a k lěpšemu, wot lěpšeho k najlěpšemu: wot ideala k idealej! Přeco wyše, wyše horje k hwězdam! Prawy idealist njetrjeba připóznaća swěta, njepyta ani česće ani bohatstwa za to, zo so hori za lud, zo džěła za lud! Myto ma we sebi samym. Tohodla praji česki filosof: „We wutrobje njech kóždy pyta, čohož swět jom' nihdy njeda!“

Naš mały, ale dobry lud je mnoho, jara mnoho čěrpjeł, přetrzał zrudne časy, dokelž jeho studowani synojo husto jón wopušćichu, džěchu do cuzby za dobytkom, za česću. Woni džěchu nimo swogohu ludu bjez čuća, bjez lubosće, zymni, njedžakowni a nochychu ani widzieć kak wón z ranow krwawi, nochychu słyšeć, kak wo pomoc žalosći. A cuzy Samaritan so druhdy nad nim smili! Smě so to hdy zaso stać! Ženje wjacy! Ani jedyn z nas, ani jedyn, ani jedna z was, kiž sće zahorjeni, rozwučeni a najnadobnišo zmysleni synojo a džowki serbskeho ludu, ženje wóčka ani wucha ani wutroby wotwobroćić njesměće wot swogej lubowaneje maćerje, wot serbskeho ludu. Swědomje by porokowało: ty sy nimo šoł a njejsy so smilił. Do najlěpšich ze serbskeje krewje chcemy my, chceće wy słyšeć, tuž dyrbymy so prócować, zo bychmy tež najlěpši Serbja a Serbowki byli ze słowom — ze skutkom.

Sebi samemu bě naš lud so wocuzbnił, zabył na swoju zańdženosc, zhubił pod nohomaj dno, na kotrymž bě něhdy stał jako cyły lud, zamožite, tak mjenowane inteligente stawy běchu zapřeće swogje pokhadženje ze serbskeje narodnosće, jeno nižše woršty

so dđeržachu, ale drěmachu, haj smjertny spar so do nich doby-
 waše. Tola Bohu džak, hišće w prawym času wutorže hrimanje
 a hołk swětoweje wójny wšě, wosebje słowjanske ludy, z drěma-
 nja — tež naš serbski lud. 1849 bě to podobnje, ale jeno po-
 dobnje. Tež tehdom wucučichu ludy, ale nic wšě, a nic tak mócnje,
 a reakcija wot horka zaso pohłuši jich wocučene wucho a z nowa
 ludy zadrěmnychu. Tak sylna reakcija, namocene wróćenje starych
 wobstojenjow džensniši džen njechrozy. Tehdom serbska inteligenca
 derje zapřimny do koła serbskich stawiznow, tež někotři mužojo
 z ludu su mnoho za zdđerženje našeje narodnosće dokonjeli. Naj-
 znaćiši bě Handrij Keřk jako zapósłanc na saksim sejmje, a Pětr
 Młyńk jako ludowy basnik. Keřk bě rodzeny řečnik, wobrotnje,
 wutrobnje, raznje wón řečeše a wjedžeše tež našich studowacych
 sobu storhnyć a zahorić. Kajka radosć, hdyž dobry, derje měnjacy
 předař tak řeči, zo posłucharjo jeho słowa sčěhuja z wuchom,
 wokom a wutrobu. Kajke myto pilnemu serbskemu spisowaćelej,
 hdyž čitarjo njemóža dočakać, zo bychu zaso něšto z jeho pjera
 móhli dóstać — wužiwać. Haj, to je wužiwanje, wokřewjenje a wužitk
 z dobom! Dobri ludowi spisowaceljo a řečnicy su prawi wjednicy,
 woni nawjeduja lud z wěrnosću, z lubosću, zahorjenosću z nižinow
 na wyšiny, z wyšinow hač k hwězdam. Hižo na zemi je jich myto
 wjeselosć, po smjerći wěčna radosć. „Kaž hwězdy budza so blyšćić
 či, kiž su mnohich wukubłali k sprawnosći!“ Nichtó njesmě swójeho
 talenta zaryć, nimo swójeho ludu hić kaž cuzbnik, na bok ležo wo-
 stajić wboheho bratra.

Jara radno by tohodla było, hdy bychu so zhromadnje wudaće
 naše najpopularniše spisy, kajkež su wušće z pjera wulcy wobda-
 rjeneho wulkeho serbskeho humoristy Mikławša Jacsławka, Jurija
 Wingerja a tež někotrych, kiž hišće su — Bohu džak — mjez
 žiwymi. Tajke spisy mamy potom wšudže k rucy, tež hdyž nje-
 můžemy do ludu hić. Dobře žórło ludoweje řeče su tež přisłowa
 a pěsnje. Wulku zběrku staj wudałoj Radyserb-Wjela a Muka,
 přjedy hižo Jakub Buk mału.

A nětko hišće wažne słowo! Nic zahorjenosć sama smě nas
 wodzić, ně, tež přeswědčenje dyrbi naš rozom rozswětlec, našu
 wolu skrućeć a našeje wutrobje mocy dawać. Zahorjenosć sama so
 minje, hdyž je wohnjowe słowo wotmjelkło a zahorjena pěseň
 doklinčała. Ale přeswědčenje, zo my słušamy k ludej, z kotrehož
 pokhadžamy, słušamy jako džakowne džěčo do serbskeje swójby.
 kotraž je nas žiwiła a wukubłala, zo my nihdy njesměmy zapřeć

nana a maćerje, tute přeswědčenje njesmě nas nihdy a nihdže wopušćić. Talent njesmě w zemi ležo wostać, ale z nim dyrbi kóždy džělać, dóniž je džěń.

Inteligenca bjez ludu je słaba, hłowa sama njemóže nas žiwjeć, ruka, kiž płuh a kosu wodźi, dyrbi inteligencu sobu žiwjeć. Ale hłowa, inteligenca, dyrbi za lud mysljeć, wo lud so starać, lud we wšěm prawym a dobrym rozwućeć. Hłowa ma swój nadawk, tež ruka ma swój nadawk, jedne džěło je čestne, druhe runje tak čestne, jedne nuzne, druhe tež. Hłowa, wutroba a rukn słušeja hromadu, kaž korjeń a wukorjeń, kaž ždonk a štom. Wutorhń štomik z korjenjom ze zemje, a štomik wuskhnje, zahinje. Tak tež studowacy Serb a studowaca Serbowka zahinje a so zhubi na wulkej pěskowej runinje, hdžež slónco pali a smali, hdžež rosa wěry, nadžije a lubosće njewokřewja wutrobu. Ale hłuboko zapušćeny korjeń w serbskej pobožnosći a wěryje dowudžerži we wšěch spytowanjach młodych lět a štomik wotrosće na štom, na dobrego wótčince, na dobru wótčinku. Tež nadobnje zmysleny němski basnik Schiller k tomu cyle podobnje napomina: „k wótčinje so přizamkni, k wótčinje drohej: tule su sylne korjenje twojeje mocy!“ Dwě rucy ma čłowjek, podobnje tež cyły lud. Jena ruka płuh a kosu wodźi a živi čěło, druha ruka pjero wodźi, sylni duch a wokřewja wutrobu. Wobej rucy dyrbi lud měć, kaž čěło prawicu a ľěwicu.

Je dha hdže žadyn druhi lud ľěpši, hódniši, zo by měł serbski inteligent jemu swoje dary a mocy woprować, swój samsny serbski lud pak zacpěć! Njejsu dha cuze wulke ludy same dosć bohate na zdžěłanych, čehodla potajkim małemu serbskemu ludej brać studowacych, a studowanych, kotrychž je mało! Njeje to njerozom a křiwda z dobom! Serbjo w cuzbje a cuzy w Serbach! Kak často je kóždeho wótčince wutroba zabolala, hdyž je serbski duchowny, wučer, lékař, prawiznik, wučenc, technik, šoł do cuzby, hdyž tola trjeba njebě. Khudemu bratřej brać a bohatemu cuzbnikej dawać! Čuće, ně, nic jeno čuće, swědomjo z wótrym mócnym hłosom reči a porokuje: to je surowa křiwda! Daloko přeč wot nas, z našeje wutroby tajka křiwda! Wbohe serbske džěčo žada rozwučenje wot někoho, kiž jemu, a kotremuž wone rozumi, wbohi serbski křesćan žada za słowom božim, kajkež wón rozumi a kaž jemu jeho wutrobu wokřewja, serbske słowo bože, wbohi khory serbski čłowjek chce lékařej wopisać swoje bolosće, serbski čłowjek swoju naležnosć wułožiť serbskemu prawiznikej, ale ći su — w cuzbje. Njeh ženje

wjacy wo jednym serbskim inteligentu, kotřiž wuńdu z wašeje a našeje srjedźizny, žalosć serbskeje maćerje njepláči, kotruž slyšimy z erta serbskeho pěsnjerja: „To su sylzy maćerje, kiž wo syna so rudži, kiž ju zacpě, w cuzbje bludži“ — — —

Jasny přikład za swěru su nam dali naši wulcy wučency Smoleř. Hórnik, Muka. Wšěch třoch je cuzba přeprosyla, zo bychu tam při. wzali wysoke, čestne, dokhodneměstno jako swětostawni znajerjo serbskeje a druhich rěčow. Ale wšitcy zwostachu serbskemu ludej a krajej swěrnj. A nic mjenje mócný přikład je nam zawostajił Čišinski sam. Do domizny so wón wróci, rozbolena bě jeho wutroba ze styskanjom, hišće bóle rozbolena ze zrudobu, zo naši zdžěłani swój lud tak mało lubuja, niktó njeje serbski lud a serbsku zemju horcyšo lubował hač Čišinski. Runje tuta lubosć jeho wobraznosć stajnje z nowymi myslemi wobohaćeše, jeho duchej tak sylne mocy dawaše, zo so wón hač k slóncu znošowaše. Jeno tak je wón mohł wulki pokład pěsni a basni zawostajić a pismowstwo našeho małego ludu wobohać, zo smě so we mnohim nastupanju měrić z pismowstwom wulkich ludow. Tež Zejleř wažeše sej sam swoje pěsnje wyše hač bohatstwo zemjanskeho knjeza we wosadže. Tak khuda serbska rěč, serbske pismowstwo, serbske basnistwo njeje, kaž sej či mysla, kiž to njeznaju: nawopak, nas je mało, tola poměrnje, štož ličbu nastupa, su hižo Serbja jara mnoho dokonjeli. Njeje ani myslički, ani čuća, ani wopřiěća, kotrehož njemohł Serb wuprajić ze swojej rěču. Nawopak! Štóz serbsćinu znaje, wě: dosć husto je naša rěč bohaćiša hač cuze, zo móžemy jasnišo a krasnišo wšo wopisać, štož rozom myslí a wutroba začuwa. Tola to nas njećini hordych, ale nas wokřewja, to nas njewjedže k tomu, zo bychmy druhich zacpěwali, ale to nas pohnuwa a sylni k džěłu a ke skutkam za serbski lud. Budźmy ponižni z ponižnym serbskim ludom, kiž je dobry a hódny. Horda inteligenca, kiž je horda na hordy lud, wjedže do stracha, zo lud a inteligenca zhinjetaj. Slawný wjednik českeho naroda Franc Ladźisław Rieger je prajił: po wuprajenju jednoho z jeho najlěpsich přecelow, kiž bě farař, ma kóždy čłowjek tak žiwy być, zo po nim wostanje čestne wopomnjeće. Slawného mjena kóždy měć njemóže, wo dobre mjeno ma so kóždy starać, a kóždemu dobremu wótcincej je w serbskim kraju čestne wopominanje wěste. Wysoka mohila, wysoki nasyp, kajkiž su Riegerej natwarili džakowni narodowcy, njemóže nam debić row, ale nizka hórka serbskeje zemje budže škitać mučne stawy a křiž nad nimi připowědać: „Tu spi dobry Serb a křesćan!“

„Spěwaj a džěłaj!“ Spěwaj swój rańši kěrluš, swoju wjesołu pěseň, a džěłaj z bjezstarostnej hłowu a z nadžěju poľnej wutrobu. „Ze spěwom k wutrobje, z wutrobu k wóćinje!“ Bóh sam tebi pomha, jeho žohnowanje budže z tobu! Přez zrudne časy je nas wjedł, z nami był, do jasneho přichoda nas wjedže. Hižo so mróčełe džěła, nowa hwězda mjez nimi skhadža, džeň a jasnije pruhi k nam sćełe: to je přichod serbskeho ludu. Z miłym błyščom so hwězda zyboli, to je cyle błyšč serbskeje powahi, serbskeje duše: to je błyšč, kiž njepali, njesmaži, njeniči, to je błyšč, kiž lubje swěći, wěsće wjedže horje k zbožu, k roscenju, k zdžěłanosći, k prawemu křescánskemu žiwjenju na zemi, k wěčnemu zbóžnemu žiwjenju w njebu! Ženje njesmě nam hida, zacpěće, našu wutrobu wohidžeć, z wutrobu a z ruku lubujmy, lubujmy a skutkujmy. Potom nas ničo njewottorhnje wot idealow, ničo njewottorhnje wot twjerdeho wjazka, kotryž wjaza wutrobu k wutrobje: my Serbja, budžemy potom mjeze wšěmi ludami drje po ličbje mały lud, po póćiwosći wulki lud, po zdžěłanosći sławny lud, po počinkach dobry křescánski lud. To budže naša wulkosć, naš dobytk, naša česć, naša radosć!

Bóh sam pak, Wótc swetłow a dawar wšěch dobrych darow. žohnuj naše wotmyslenje, naše prócowanje!

„Bóh žohnuj moje Serby!“ Tak piše naš wulki Čišinski.

„Bóh žohnuj naše Serby!“ Tak přihłosujemy wšitecy.

„Bóh žohnuj Serbski kraj a serbski lud.“

J. Libš, Serbske Słowo 1919.

192.

Młodym Serbam.

Hura, bratřa zahrimajće
Spěw ze šijow młoduškich!
Lubinej a Błótam prajće
Žadosć synow Łužiskich!

Ruku, bratřa, sebi dajmy,
Škitać mjeno serbowski!
Jednotu za hesło stajmy
Na korhoj sej wysoko!

Wutroby nam swěrna wjaza
Lubosć k ludej ródnemu.
Serbska krew sej k sebi kaza:
Synojo smy Łužicy.

Za wašnje a za řeč serbsku,
Za lud, za kraj wojujmy!
Wótcow česć a khwalbu herbsku
Ze rtom spěwow česćujmy!

Njech tež wšitecy w čestnym boju
Cofnu z myslu přeradnej,
Stojmy swěru pod korhoju
Módrej — bělej — čěrwjenej!

Bóh nas wjedže, Bóh nas škita,
Bohu dowěrjamy so.
Po nocy džeň młody swita
Po boju džeň swobody. —

Hura, bratřa, zahrímajmy
 Mócnu sławu Łužicy!
 Swěru wěčnu přisahajmy
 Bratřa ludej serbskemu!

J. Čišinski, Formy.

193.

Serbske studentstwo.

Polu wšěch słowjanskich narodow bě studentstwo z wuznamnym činićelom při wubudženju a rozšěrjenju narodneje myslički. To widźimy wosebje jasne pola našich južnych bratrow Čechow, Słowakow a Južnosłowjanow.

Tola čim bóle so tute narody kulturnje a politisce zesamostatnjowachu a strach wo jich narodne byće do pozada stupaše, čim bóle wobročachu tamniše studentstwa swoju kedźbnosć k samym kulturnym a socialnym prašenjam. Docyła hinaše poměry knježa pola nas Serbow, kimž njeje hišće přichod kruće zawěšćeny a kotrychž je tak mało a kiž dyrbymy so bědźić takrjec wo kóžde serbske słowo a kóždy bruzlik našeje zemje. Dyrbymy zjednoćeć wšu našu energiju, zo bychmy so wukhowali hač k časej, hdyž tež nad nami slóncó swobody so wusměje. Nimamy hač dotal ani jeničkeje srjedźneje šule, a w ludowych šulach knježi, wosebje w pruskej Łužicy, poněmčowacy system, kiž njemóže być hórši. Wotrodženscy a němscy wučerjo wuhonjeja za wosebite knježeřstwowe myto serbsku řeč a drastu wo přemoh z našich šulow z pukami, zakaznemi a wusměšowanjom. Hakle nětko po revoluciji počina być pomałku lěpje. Z tajkich zrudnych poměrów přikhadža nětko młodženc na někajku němsku srjedźnu šulu, z wjetša přesyćenu ze wšoněmskim duchom, kotraž prócuje so wězoze wšej mocu, zo by wuhašila w dušach młodych studentow tež hišće poslednje płomješko narodneho wědomja a njebychmy-li měli našich studentskich towarštwow, wušli bychy drje wšitcy serbscy studenća ze srjedźnych a wysokich šulow jako Němcy po zmyslenju a skutkach. W studentskich towarštwach prócuja so studenća ze samsnej pilnosću wo to, štož jim němske srjedźne šule we Łužicy, wuděržowane tež z dawkami serbskeho wobydlerstwa, dać nochcedža myslo, zo jedna njezawjazna hodžina serbsčiny na někotrych šulach budyšinskih dosaha za wukubłanje serbskeje inteligency. Zaměr wšěch tutych zjednoćenjow je samsny: pěstować a hajić narodnu mysličku, wudospołnjeć so w maćérnej řeči z čitanjom, z pisomnym zwučowan-

jom, z přednoškami a deklamacijemi, studować domjace pismowstwo a stawizny. A potom, w prózdninach, khodža studenća mjez lud, zarjaduju skhadźowanki, wuhotuju dźiwadłowe a spěwne wječory a jězdźo zhromadnje na wulěty.

Najstarše towarstwo serbskich studentow je „Serbske předařske towarstwo“ w Lipsku, založene l. 1716 přez serbskich ewangelskich bohosłowcow, kotrež kćěješe wosebje wokoło l. 1825 po přikhadže młodeho basnika Handrija Zejlerja. K tutomu čilemu žiwjenju přinošowaše bjez dwěla tež wliw Čecha Franca Palackeho a Južnosłowjana Milutinovića. Handrij Zejler da towarstwu nowe mjeno „Sorabija“, z čehož je nastalo nětčiše „Sorabicum“. Narodne hibanje 1848 tych lět a založenje lektorata serbskeje rěče při tamnišej universiće wuwolaštej nowu džěławosć w towarstwje. Pozdžišo w 70tych lětach džělaštej w nim z wuspěchom wosebje Arnošt Muka a Arnošt Holan. W swětowej wójnje wusny Sorabicum drje docyła, ale hnydom po přewróće započa nowu džěławosć.

Bórzy doby wjedniske městno mjez studentstwom pražska „Serbowka“, towarstwo khowancow, bydlacych zhromadnje w „Serbskim seminaru“ na Małej stronje a studowacych na bohosłowскеj fakulće a na gymnasiju. Pražscy studenća su zawěsće hižo wot sameho založenja seminara na započatku 18. lětstotka so rozwučeli w maćeřnej rěči, tola hakle l. 1846 dóndže tu k wužšemu zwjazkej. Wot toho časa je Serbowka džělała z najwjetšim spomoženjom a bjez přestaća k lěpšemu našeho naroda. Z njeje wušla je ličba najlěpšich prócowarjow za narodnu wěc, wučencow a basnikow, znatych nic jenož doma, ale tež poja druhich Słowjanow jako Michał Hórnik, Jurij Libš, naš najwjetši basnik Jakub Bart-Ćišinski, Mikławš Andricki a Józef Nowak. Wulcy spomožny wliw na zmyslenje młodych studowacych wukonjowachu wuzke, přecělske počahy z čěskimi wučencami a budźićelemi.

Wulki slavista Józef Dobrovský, Wjacław Hanka, Karl Jaroměr Erben, Jan Purkyně, Franc Doucha a tež wjele ruskich a pólskich wučencow přebywacych w stowěžatej Praze, wopytowaše rad „serbske hodžiny“ w jědźerňi zastarskeje khěže we Łužiskej wulicy. Cyłu swětowu wójnu bě „Serbowka“ takrjec jeničke towarstwo, kotrež džělaše nic jenož nutrkownje, ale kotrež tež do zjawnosće wustupowaše.

Serbja, kiž studuja na čěskich šulach pražskich, su sobustawy „Čěskoserbskeho Towarstwa Adolf Černý“. Tute towarstwo załoži so l. 1907 přez serbskich a čěskich studentow a z jeho nadawkom

je hajić kulturne, hospodařske a towařšnostne počahi wobeju narodow. Wosebje po wuwolańju Čěskosłowakskeje republiki rozwiwa wobšěrnú džěławosć k lěpšemu Serbow ze swojim měsacnikom „Čěskoserbskim Wěstnikom“, swojimi publikacijemi a přednoškami wosebje ze zasłužbu dra Józefa Páty.

Nětko wobroćmy so do Łužicy sameje, do našeho duchowneho srjedzišća Budyšina. Hižo młody H. Zejler zhromadźowaše tu na započatku minyłego lětsótka na gymnasiu swojich towařšow a po nim sławny Jan Arnošt Smoler, zo njebychu zabywali na swój narod. Skhadźowachu so zwoprědka w bydlenju młodeho Hendricha Jaroměra Imiša, ale po wotkhaźe Smolerjowym do Wrótsławja l. 1836 přestachu tute skhadźowanki, a hakle po trochu lětach zjednoći Mósak Kłosopólski wšěch budyšinskich gymnasiastow do „Societas slavica Budissina“, pozdžišo „Budissinensis“. Mócný pohon we wótčinskim skutkowanju bě wopyt Słowaka Ludewita Štúra, kiž złoži kedźbnosć młodych zahorjencow na čěskeho basnika Jana Kollára, na Hurbana a Červenáka, z kotrymiž nasta čile listowanje a kotřiž wobohaćichu knihownju towařstwa ze syłu čěskich a druhich słowjanskich knihow. Horliwe skutkowanje měješe za scěhwk hóršenje a napady němskich nowin we Łužicy, tak zo by było skoro dóšlo k rozpušćenju towařstwa. Po revolučnych lětach zhraba so towařstwo zaso wokoło l. 1853, hdyž bu Jan Arnošt Smoler powołany za wučerja serbsčiny. Bohužel towařstwo njeje dotal rozwiło wšě swoje mocy a khmanosće, njech je so to stało z liwkosću jednotliwcow, abo z njepräčelskim zmyslenjom předstajenych.

Podobny wosud matej a z podobnymi přeciwnosćemi bědźitej drugej towařstwje budyšinskej. Stej to „Włada“ na katólskim wučerskim seminarje, załožená l. 1876 a „Swoboda“ při krajnostawskim seminarje wot l. 1877. Po štyrilětnym džěle přindže kruty rozkaz, zo njesmědža Serbja w Swobodze so wobdželeć na skhadźowankach a direktorjo wustawa — zwjetša wšoněmscy zmysleni — přescáhowachu so mjez sobu we wutupjenju narodneho čuće swojich khowancow a tak so stawa, zo wukhađeja z tutoho wustawa, załoženého w přěnim rjedze za Serbow, často najwjetši njepräčeljo swojeje samsneje narodnosće.

L. 1919 załoži so „Wita“, přenje towařstwo serbskich studentkow a lěto pozdžišo zjednoćichu so studenća w Drježdžanach a w Rychbachu.

Bórzy čujachu studenća njedostatk krućišeho zwizka mjez sobu. Pospyty wo wutworjenje powšitkowneho zwjazka padaju hižo do

lěta 1849. Ale tutón zwjazk, „Lipa Serbska“ mjenowany, njedopjelni nadžěje, kotraž bě so do njeho kładła. Lěta 1871 wustupi „Lubin“, zwoprědka jenož zjednoćenstwo Budyšinjanow, wudawajo tež swój wosebity časopis „Nowinkař Lubinski“ a wotměwajo kóždolětnje skhadžowanki we wulkich prózdninach. L. 1875 dóndže w Khrósćicach k załoženju tak mjenowaneje „Hłowneje skhadžowanki serbskeje studowaceje młodžiny“, kiž so skhadžowaše trójcy wob lěto, hody, jutry a w lětnich prózdninach. Tu podawaju starši jednotliwych towařstwow přehlad towařstwowoje džělawosće, přednošuje so wo časowych studentskich naležnosćach, hraje so dziwadło a ze zhromadnym wulětom do někajkeje narodnje wohroženeje wsy kónči swjedžen. Tute skhadžowanki twóřa kruty zwjaz mjez inteligencu a burstwom, su narodne swjedženje w prawym słowa zmysłu. „Hłowna skhadžowanka“ je sej dobyła njehinitu zaslužbu z wudaćom zhromadženych spisow Handrija Zejlerja, wuda tež jubilejny „Almanach“ a wot 1876 hač 1881 wukhadžeše měsačnik „Lipa Serbska“ a štyrnaće lět pozdžišo wukhadžeše krótki čas „Łužiski Serb“.

Smy widželi, kajke zadžěwki mějachu přewinyć towařstwa w Budyšinje, wšak wjetše zadžěwki stajachu so do puća w Khoćebuzu. Tu nasta w lětach štyrcytych pod wliwom Hornjołužičana Jenča „Łužyca“, a na gymnasiju započa so serbska rěč wučić, ale l. 1889 bu tuta wučba wotstronjena na wyšši rozkaz. Něšto lět potom wožiwi hišće raz studentske žiwjenje w Khoćebuzu a tež w Starej Darbni załožichu sej seminarisća towařstwo. W samym času nasta „Zwěztk“, zwjazk delnjołužiskich studentow, kiž wuda l. 1893 wubjerk basni Mata Kósyka a redigowaše něšto lět ludowu protyku „Pratyju“. Ale Delnjołužičenjo dawaju hač dotal mało znamjenjow čileho žiwjenja.

Tež na druhich městnach, we Wittenbergu, Wrótsławju, Lubiju, Dobrawski Barlinje, Žitawje a Doupovje w Čechach bywachu jónu podobne studentske zjednoćenstwa, štož je z dopokazom, zo bě tam wjetša ličba studowacych, haj samo do Hollandskeje, Luxemburskeje, do Kolonje nad Rynom, do Paderborna, do Mohuča a Erfurta zabłudžowachu so druhdy jednotliwcy.

Čas swětoweje wójny bě wězo tež za studentstwo z dobu pruhowanja a njeplódnosće. Starši buchu powołani do wójska, hdžež dyrbjachu wojować za zajimy njepräćelow a podtlóčerjow Serbstwa, ale po rewoluciji zběhny so tež studentstwo zhromadnje ze serbskim ludom z procha a přimaše so wospjet džěla na narodnej roli, poča wudawać časopis „Serbski Student“, wutwori sej krutu orga-

nisaciju w „Zwjazku lužiskoserbskeho studentstwa“ a je zastupiło do zwjazka a počahow ze studentami druhich słowjanskich narodow a hotuje so, zo by wustupiło tež před šěršej, mjezynarodnej zjawnosći.

J. Wićaz.

194.

Spěw serbskich studentow.

Słónco nad Lubinom skhadža,	Słyšeli smy Serbstwa nuzu,
Z nocy stawa Serbow raj;	Bratrow křik za pomocu.
Młodźency sej radu radža,	Widźeli smy drapu cuzu
Škitać wótcow swjaty kraj.	Waćić so na wóćinu,
Bratřa my — škitajmy	Bratřa my — škitajmy
Wótcow herbstwo — naše	Wótcow herbstwo — naše
Serbstwo!	Serbstwo!

Z brónju swětlej zejhrabajmy,	Do koła tuž, bratřa, swěry,
Njebojmy so železa!	Přisahajmy bratrowstwo!
Rjekow spjacych nječakajmy	Hdyž waš šwika wosud jěry,
W twjerdym klinje Lubina!	Hajmy naše přećelstwo!
Bratřa my — škitajmy	Bratřa my — škitajmy
Wótcow herbstwo — naše	Wótcow herbstwo — naše
Serbstwo!	Serbstwo!

Józef Nowak, Serbski student 1919.

195.

Łužičenjo a Mišnjenjo na krakowskej universiće w 15. a 16. lětstotkomaj.

W zahim gotiskim srjedźowěku wědomostne žiwjenje bě zjednočene w universitych; universitne wustawy běchu z najrjeńšim kćěwom duchowneje dźěławosće tamnišich časow, běchu podobne studni žiwjenja, z kotrejež žórleše wokřewjaca woda mudrosće. Dołhe lěta Bolonja a Pariz ze swětosławnym rjadow swojich wučerjow a z wulkej ličbu wučownikow zyboleštej so z nazdala cyłemu europskemu swětej kaž jasnej hwězdze na zmróčenym wobzoru; do Bolonje khwatachu prawiznicy, do Pariza theologojo ze wšelakich, haj samo z najdalšich stron. Hišće při kóncu srjedźowěka w lěće 1495 w Parizu je so ličiło 15000 studentow, z tutych pak bě znajmjeńša 9000 wukrajnych. W Němcach a powšitkownje w srjedźnej Europje dołhi čas universitnych zarjadowani njeznajachu; jenož

w „němskim Romje“, t. j. w Kölnje kćěješe theologiske „studium generale“ w klóštromaj dominikanow a franciskanow: přenja teju šulow je swoju sławu dobyła přez Alberta Wulkeha a Tomaša z Aquina, druha pak přez nic mjenje wustojneho Dunska Scota; do němskeho Roma přičahowachu čerpać wokřewjenje ze studnje mudrosće nic jenož młodžency ze wšelakich němskich krajinow, ale tež ze Šotiskeje, Šwjedskeje a Danskeje. Dołho běše Köln z je- ničkim žórłom wědomosćow za Němsku a susodne kraje, znaj- mjeńša na theologiskim polu. Hakle w Prazy so srjedź XIV. lět- stotka přenje pruhi swětla rozšěrjachu. Wukubłany pod francóz- skim wliwom Karl Luxemburski, kral čěski a romsko-němski kejžor, je w tutym měsće rozšěrjał duchowne a wumjelske žiwjenje, pře- jasnjene z idealom romanskeje kultury. Za přetwarjenje pražskeje domskeje cyrkwy je wón wubjerneho francózskeho wumjelca Matiasa z Arrasa přiwołał; hród na Hradčanach je natwarił na podobu parižskeho Louvra, hród pak na Karlštejnje na podobu bamžoweho hrada w Avignonje. Basnik Petrarca je jako hósć na Karlowym dworje přebýwał w léće 1356; něšto přjedy prebywaše tam tež znaty Cola di Rienzi. W léće 1348 bu pražska universita založena, přenja a najstarša we wšitkich słowjanskich a němskich krajach powšitkownje. Bórzy potom susod Karlowy, Kazyměř Wulki, kral pólski, w Krakowje w léće 1364 universitny wustaw na po- dobu bolońskeje a padowskeje university do žiwjenja zawola. Na tajke wašnje w pěsćenju wědomostneho žiwjenja bratrowskaj sło- wjanskaj narodaj a krajej přesčěžeštaj němski; w tym času, hdyž hižo pražska universita kćěješe a krakowska do žiwjenja stupi, dospołne universitne wustawy njeběchu hišće znate w Němskej.

W tamnym času wšitke ludy w kulturnych poměrach hladachu na křesćanstwo jako na wulku swójbu, statne a narodne mjezy njerozdžělowachu hišće ludźi z tajkimi tołstymi murjemi suroweho hidženja kaž je to džensa. Wukrajne studium njeběše ze zadžěw- kom, ale dospołnje dosahaše k dospěću wyšších cyrkwinskih a politiskich zastojnistwow we wótcinje. Němscy přikhadžachu radži studować do Krakowa a nimale wšitke němske diecezy sćelevu tam swoich młodžencow wukubłanja dla.

Tola předewšim a wosebiće je so při tutym hibanju wobdžěliła mišnjanska dieceza a powšitkownje lužiski a mišnjanski kraj tam- neho časa. Na to skutkowachu sobu někotre wěste historiske a geografiske poměry. Bjezdwělnje bjez wliwa w tutym nastupanju njeběše politiske sobužiwjenje Lužicy ze Šlezskej z jedneje strony,

z drugeje pak čehnješe jeje cyrkwinske zjednoćenje z Mišnom tež Mišňjanow na tutu stronu. Dale njesměny zabyć, zo hižo na pražskej universiće Łužičenjo a Mišňjenjo běchu k pólskemu narodej přidželeni. K bohatemu wopytej krakowskeje university ze strony Łužičanow a susodnych Mišňjanow je snano tež prinošowała připadna wobstojnosť, zo bě jedyn z přenich jeje wučerjow, haj samo z fakultowym dekanom Mikławš z Budyšina. Jeho stojnišćo, při tom swójbne a znajomnostne poměry su snano druhih krajanow pohnuwale a so stałe z jednym z wjacorych nastorkow k přebýwanju cyłeho rjadu lužisko-mišňjanskich scholarow, kotřiž přez cyły XV. a přenju štwórcinu slědowaceho lětstotka po starym lužiskopólskim puću přez Zhorjele a Wrótsław khwatachu do krakowskeje šule.

Alfons J. Parczewski, Č. M. S. 1901.

196.

Serbskim žonam.

(Kanción.)

Zony w žiwjenju kaž róže stoja;
 Wonjeja a wabja, ktu a haja
 Swoju pychu z černjemi sej swěru.
 Z dychom lubosće a z kčěwom hraja
 Žony, póćiwje pak pře njón boja
 So a zaščěpuja česće wěru
 Z kuzłamócněj měru.
 W domje dychaju najrjeńšu žony
 Wón a měř a žohnowanje syja.
 Lubosće a zboža hněžko twarja,
 Česć a přistoj maju za škitarja.
 Z něžnym wodžěwčkom móc swoju kryja,
 Wodža mužow mysle wšě a sony.
 Pobožnje a kedžbnje mólčkich črjódki
 Stoja, hdyž je maćeńny ert slódky
 Wući a jim lička koši rjane.
 Maju město měšniske we domje,
 Twarja swójbje, jako brěčka w štomje,
 Zeleń, wón a kčěw a płody. — Žane
 Njejsu truny k khwalbje jich dosć khmane!
 Serbske žony, wulka waša, hlejće!
 Wažnosť, dostojnosť a swjate džěło.

Drohe kubla maće kublać, škitać.
 Zo by mjeno serbskej' žony kćěło
 Z wónju słódkej, pilnu starosć mějće,
 Zo móhl kóždy z hordosću was witać
 A česć wasu čitać!
 Hajće žónskoh' splaha něžnu pychu!
 Město jandželowe zastawajće!
 Mužam póćiwosće špihel budźće!
 Boha, prawo, česć a narod wuće
 Džěci lubować a zańć měć! Hajće
 Lubosć k serbskej zemi w kóždym dychu!
 Doniž w swójbnej swjatnicy so swěći
 Lampa lubosće a mać dóńž džěci
 Serbscy čěši, koleba a nosy;
 Ludej serbskemu kreŭ njezaprahnje,
 Smjertny wosud Serbow njedosahnje — —
 Klinčće do wutrowow, trunow hłosy!
 Serbski pěsnjer, Serbowki, was prosy.

J. Čišinski, Formy.

197.

List serbskemu studentstwu.

W Parizu, 28. julija 1919.

Lubi serbscy bratřa studenći!

Sławna skhadžowanka!

Tele rjadki pisajo, nimam hišće powěsćow, hač lětsa skladžowanka budže. Ale wěsće tola budže. Tohodla sebi dowolu Tebi, sławna skhadžowanka, pósłać dopis wot tudy, pósłać najwutrobniši postrow z dobow we mjenje wšěch tych swěrných přecelow Słowjanow bratrow, kotrychž wutroba so hori za swójeho Benjamina, kiž su nam podali pomocnu ruku a kotrychž duch a wliwa poľna zamožnosć džěłataj za dokładne wuswobodženje našeje serbskeje narodnosće.

Bratřa studenći, smy na puću k narodnej swobodze. Nětko je na nas a předewšěm na Was, Wy kćějaca młodžina, Wy nadźija přichodnych lěpsich časow, časow zakćěwanja wulkeho Słowjanstwa, zo sće hódni nastawaceho wulkeho časa, časa serbskeje swobody.

Wy dyrbiće dale twarić na tym, štož nastawa. Wy nětko dyrbiće hromadzić wšu rozpróšenu serbsku inteligencu. Wy dyrbiće

krajinu wot krajiny, wjesku wot wjeski přepytać a slědźić za kóždym studowacym, kiž je syn serbskeje maćerje! Žadna móc, žadne pjero njesmě so nam pominyć. Wy dyrbiće zamóc, zo kóždy studowacy Serb so stupi pod Wašu korhoj. Lubosć hory přesadža. a Waša młodostna zahoritosć za našu drohu maćernu řeč dyrbi njemóžne zmóžnić. Mamy njedostatk na duchownych mocach. Najwobdarjeniši synojo serbskeho ludu, kotřiž maja pokhilenje k studijam, dyrbja so poswjěćić duchownym powołanjam kóždeje družiny. Za tajkimi mocami slědźće a nam je mjenujće. Wulke prašenje přichoda budže rozrisować najžiwiše duchowne mocy. Džak budź Bohu! Serbski narod, strowy na čele a na duši, móže nam tele mocy poskićeć. Z Wašich rjadow ma wukhadžeć naša aristokratija, aristokratija ducha a iniciativy.

Nowy čas nastawa. Hrubej nasylnosći a nawalnosći je so z božej pomocu rjap zlemit. — Wšudžom budźće hódni serbskeho naroda. Kak wjeseli nas, zasłyšawši, kak hódni synojo a džowki naše su te, kiž nětko studuja na słowjanskich šulach. To je za nas pozběhowace. Wukńće cuze řeče, słowjanske, předewšěm na francózsku a jendželsku njezabudźće. Móžu Wam přeradzić, zo su za Was z pomocu bratrow Słowjanow, městna wotewrěne na francózkich a jendželskich akademijach. Nuzne je, zo někotři z Was tutej řeči dokładnje wobknježa. Přetož naše serbske prašenje, naše narodne prócowanja su zastupiłe do mjezynarodneho zwjazka. Tu Wam budže zaležeć po naši zakitować a wutwarjować dobyt看 serbsku swobodu. Ale wukćew serbskeje wobdarjenosće sćelće na tele so nam wotewrjace akademije. Sami mjez sobu maće to rozsudzić, što budže hódny, tute so Wam wotewrjace městna zajmować. A tohodla Was wospjetnje naležnje namoťwjam, rozsylnejće, rozmnožujće Waše rjady. Hděžkuliž na někajkej wyššej šuli serbskeho młodźenca je, tón ma we Wašich rjadach stać. Nic samo na universitach, gymnasijsch a seminarach slědźće za ródnyimi bratrami. Ně, tež na překupskich, ratařskich, industrielných, techniskich a wšěch móžnych druhich, slědźće za serbskimi synami, a zahořće jich za naše, za Waše wysoke ideale. Prječ z njerodu, prječ z přeradu! Žadna móc so nam zhubić njesmě. Ow wulki, krasny za naše poměry, leži Serbow přichod před nami, před Wami. Ow, budźće hódni tehole wulkeho časa. Slubće, ně přisahajće wěčnu swěru Wašemu njezbožownemu, ale drohemu ludej. To budža nětko korjenje Wašeje mocy, Wašeho časneho a duchowneho zboža a přichoda. Wy dyrbiće sebi w tymle nastupanju wutworić cyle

nowe zasady za česć a dobre mjeno! Běda tomu, we wočach Wašich, kotryž z Wašich rjadow nastupi puć wotrodźenca. Jeho mjeno budź na wěčnje wuplunjene z Wašeho erta. Přetož, štož w tychle časach wuswobodźerskeho bědženja móže wopuścić korhoj narodnosće, słuša do wopluska čłowjestwa. Młodžencojo serbscy, nowy swět nastawa džensa před Wašimi a našimi wočemi. Čas přichodny, wo kotrymž naši narodni wěšćerjo, naši pěsnjerjo, předewšěm naš njesmjertny Čišinski, wuhladowši we swoim rozswětlenym duchu skhadźowace zerja Serbowstwa, je nětko ducy k nam. Tohodla přiwołamy Wam z tych historiskich městnow, hdžež tež Serbow wosud so rozsudźuje: Młodžencojo, zestawajće, totriž sće Wy Serbow nadžěja! Lubinej a Blótam prajće, žadosć synow lužiskich. Serbska krew sej k sebi kaza, synojo sće lužiscy. — Hlejće, kak Lubin so hižo swětli we rańšich zerjach a te naše krasne praserbske Blóta, su naše, naše tam nowe žiwjenje pukoce praserbske. Tohodla njebudźće zaspancy, ale rjekoj, hódni synowich serbskich wótcow.

Waš Bart.

Serbske Slovo 1919.

198.

Słowjanam.

Woko woslep! Wucho wohłuchń! Na sewjeru
Z morjom roznjemdrjenym čołm so mały bědzi.
Z mocu přezčłowjeskej džěla, čeknyć slědzi.
Tola wjesło po wjeslu jom' žołmy bjeru.....

Přez čołm rujo wujo dziwje zmohi pjeru.....
Z čołma muž za mužom pada žołmam k jědzi —
K połdnju zhladuja we smjertnym straše blědzi.
K połdnju žalosća tam w čołmje na sewjeru....

Ach a nihdže, nihdže pomocneho čołma!?
Ha! Nan, mać, bratr, sotra — wšitecy w smjertnym klinje.
Na pomoc, zo njepožrě jich dźiwja žołma!

Na pomoc, štož we wutrobje čłowske čuće
Ma a słyši smjerćenosnych žołmow ruće,
Prjedy hač muž posłědni w tym čołmje zhinje!

J. Čišinski: Kniha sonettow.

Lužica a Čechojo.

Čechojo nihdy njemóžachu zabyć na swojeho najmjeńšeho słowjanskeho bratra, wot kotrehož běchu drje přez němski pas wotdžěleni, ale z kotrymž běchu přecy w duchownym zwjazku. Stawizny serbskočěskich počahow słušeja k najbóle hnujacym kapitolam w stawiznach słowjanskeje wzajomnosće. Polacy zajimachu so wo serbski wosud, Rusojo wěnowachu jim kedźbnosće, tež zdaleni Južno-słowjenjo dopomnichu so na nich druhdy, ale Čechojo běchu z nimi přecy a nastajnje.

Běchu džěn Serbja Čecham jónu jich najbližši bratra, přibuzni jim přez nałožki a rěč, bě džěn tež we Łužicy wjele čěskich emigrantow žiwych, znajachu džěn tež we Łužicy česke knihi a česke stawizny, a hač dotal spěwa so w serbskich ludowych pěsnjach wo Čechach a čěskim kraju. „Naše prawa su w Čechach zakopane,“ tak powědaju serbscy wjesnjenjo a spominaju we svojich bajkach na čěskeho ryćerja, kiž sej wotwjedže serbsku Popjelku na hród do Čech a powědaju sej tež wo spjacych ryćerjach w „ploniskej“ horje.

Wrócamy so w duchu do wubudźerskich časow, hdyž jewješe wulki słowjanski patriarch Józef Dobrovský horcy zajim wo Serbow a zaběraše so z jich rěču, hdyž hišće kónce wosomnateho lětsotka khodžeše k Serbam w pražskim seminaru, jich powučěše a namołwješe k wuknjenju maćeřšćiny, sam pak zestaji serbsku rěčnicu, kotruž — bohužel — w khorobnym stawu — zniči. Dobrovský pokazuje so tež z tym jako mócný předstajićer słowjanskeje wědomosće w Čechach, wěnuje-li kedźbnosć rěči najmjeńšich Słowjanow, a dopisuje-li sej tohodla z delnjołužiskim přełožerjom Stareho zakonja Janom B. Frycu. W času, hdyž so hišće nichtón za Serbow njezajimaše, namołwješe pražskich seminaristow k lubosći a džělu za ródnu rěč, sam jónu wob tydžeň jich wučěše a kładžeše z tym kruty zakład k serbskemu znova-narodźenju na samym prjozy džewjatnateho lětsotka.

A zajimanje za Serbow přija wot swojeho mištra tež jeho njedokonjany wučome Wjacław Hanka. Hižo za Dobrovskeho khodžeše z nim do serbskeho seminara a po jeho smjerći staraše so sam wo tamnišich Serbow, wučěše jich čěšćinu a starosłowjanšćinu a da skónčnje tež nastork k załoženju „Serbowki“.

Z Hanku khodžeše do seminara tež spisowaćel Franc Doucha, kotryž před Adolfom Čěrnym najbóle znajomosće wo Serbach pola Čechow rozšěrješe. Doucha pózna so z J. P. Jórdanom w kup-

jelach Liebwerdže l. 1839 a bu wot njeho dospołnje za serbski naređ dobyty. Wot lěta 1840 pisaše rjadu nastawkow do musejneho časopisa „Květow“ a druhdže, rozprawješe wo serbskich wosudach, přeložowaše pokazki serbskich pěsni a basni do čěšćiny, ze Smolerjom sej horliwje dopisowaše a njepřesta w swojej džěławosći hač ke kóncej swójeho žiwjenja, sčěhowaše wšě džěła wo rozwiću serbskeho naroda, a to we wšěch wotrjadach narodneho žiwjenja. Čěscy čitarjo móžachu wjacy hač štyri lětdžesatki čitać Douchowe powěšće a přeložki serbskich pěsni a basni, z kotrychž wočišća najporađeniše Fr. Vymazal w druhim džěle swójeje „Słowanskeje poezije“ l. 1878. A hišće l. 1883 čitamy we „Słowanskim Sborniku“ serbske powěšće Fr. Doucha. Doucha bě woprawdže z přenim pěstowarjom a přizjewjerjom woprawdžiteje serbskočěskeje wzajomnosće, kaž nic jenož Čěša ale tež Serbja wuznawachu. A hdyž l. 1884 Doucha zemřě, potajkim samsneho lěta, hdyž so pominy jeho najlěpši serbski přecel a dopisowar J. A. Smoleř, namaka so mjezy wěncami na jeho marach tež lawrjencowy wěnc wot „zrudženych a džakownych Serbow“.

Ale tež družy Čechojo su trajnje do stawiznow serbskočěskich počahow zapisani. Fr. Lad. Čelakovský zaběraše so horliwje ze studijom serbskich pěsnjow, z kotrychž přenju zběrku — zdobom přenju zběrku serbskich pěsni docyła — hižo l. 1830 wočišća. Zaběraše so tež ze serbskej rěču, dopisowaše sej ze Zejlerjom a ze Smolerja wukubła we Wrótsławje zhromadnje z J. Ev. Purkynju sebjewědomeho Serba a Słowjana. Wulki přizjewjer słowjanskeje wzajomnosće Jan Kollár pomhaše tež při wubudženju serbskeje narodnosće, přetož w třicytych lětach minjeného lětotka dopisowaše młodemu serbskemu studentskemu towarštwu na budyšinskim gymnasiju, sčeleše jemu słowjanske knihi a namołwješe studentow k lubosći k ródnej zemi, runje tak činješe Ludevít Štúr, kiž tohorunja do Łužicy zawita a do mjenowaneho budyšinskeho towarštwu khodžeše. Serbska epizoda žiwjenja Słowaka Štúra njenamaka doma wothłósa w jeho žiwjenjopisu, hačrunjež njeje nic bjezwuznamna. Tež F. Józef Šafařík znaješe Serbow derje, přetož zaběraše so z nimi we wšěch swóich wědomostnych džěłach a hižo lěta 1826 wočišća we swójej „Geschichte der slavischen Sprache und Literatur nach allen Mundarten“ w druhim džěle „Geschichte der Sprache und Literatur der Serben oder Wenden in den Lausitzen“. Podobnje napisa nastawk wo Serbach do swóich „Słowanskich starožitnosćí“ l. 1837, kotrež potom Serb Mosak Kłosopólski do

němčiny přeloži. Wosebje krasnje porěča wo Serbach we swoim „Slovanskim narodopisu“ l. 1841. Ani Fr. Palacký njepobrachuje mjez tymi kotřiž k wutwarjenju serbskočeskich počahow přinošowachu: jeho wliw na Zejlerja w Lipsku a sobudžělo při tworjenju Mačicy Serbskeje w Budyšinje stej derje do stawiznow serbskeho naroda zapisanej. Tež K. J. Erben njezaby na serbske bajki we swojej słowjanskej čitancy l. 1862.

Wšitcy tući čěscy budźiceljo pokazachu dobry puć, po kotrymž dyrbjachu druzy prócowarjo kročić. A serbskočeska wzajomnosť posylni so nic jenož z literarnymi, ale tež z wosobinskimi počahami, kotrychž najlěpši posrědnicy běchu přecy pražscy seminarisća, ke kotrymž po Hankowej smjerći K. J. Erben khodžeše a potom M. Hattala. Wukubłancy seminara pisachu potom domoj wo čěskim ludu a kraju a přinošowachu tež sami do čěskich nowinow a knihow, kaž to wosebje činjachu Michał Hórnik, Jakub Bart-Čišinski a nimo nich tež dr. Arnošt Muka. Mócnje skutkowaše na př. na młodostneho Smolerja zajězd do Prahi a do Čech l. 1843. Tehdom wza jeho Čelakovský sobu do Prahi, hdžež Smoleř bydleše pola wótčinskeho lěkarja dr. V. Staňka a předstaji jeho přnim čěskim narodowcam a zezna so z čěskim narodnym žiwjenjom. Tehdom pózna Smoleř tež libuškeho fararja Ant. Marka, zahorjeneho Słowjana a z kowańskim tachantom K. Al. Vinařickim, z kotrymž sej potom tež dopisowaše, tehdom zezna Smoleř čěsku narodnu džěławosć, čěske knihi, čěskich ludži, čěske „bjesady“ ze wšěm tym narodnym wustupowanjom, kotřež potom derje zamó zwužitkować za samsne skutkowanje we Łužicy!

Lěta 1868 wotpóslachu Serbja k čěskim džiwadłowym swjatočnosćam do Prahi swojeho zastupnika M. Hórnika. W dobrej, hdyž słabnje Douchowe pjero, bjerje je z jeho ruki słowjanski literarny historik H. Máchal a piše do „Světozora“, „Slovanskeho Sbornika“ a druhdže zajimawe nastawki wo serbskim bajesłowstwje, piše wo znowazrodženju serbskeje narodnosće a literatury, wopisuje serbske wašnja a drasty, přeložuje serbske pěsnje a rysuje systematisce stawizny noweho serbskeho pismowstwa. Moleř a komponista Ludwik Kuba pućuje po Łužicy, moluje serbske wobrazki a zapisuje serbske pěsnje, zo by je zarjadował do swojeje wulkeje zběrki „Slovanstvo ve svých zpěvech“. Józ. Perwolf rěči wo Serbach we svojich čěskich a ruskich a słowjanskich rozpominanjach. Ed. Jelínek piše wo nich w swoim słowjanskim „Sborniku“. Fl. Fencel piše wo nich wutrobne nastawki, čěscy spisowaceljo rady na Serbow spominaja: W. Hálek wopisuje l. 1861 „serbski narodny

swjeden w Budyšinje“, Jan Neruda spomina na swoje přečelstwo z M. Hórnikom, Swjatopołk Čech we swych „pisanych pučowanjach po Čechach“ l. 1891 powěda wo dwěmaj Serbomaj a Jarosław Vrchlický je „lužiskim Serbam“ krasnu baseň wěnował. Přihotowane stawizny serbskočeskeje wzajomnosće swědča najlěpje wo wulkosći a nutrnosći tutych počahow, kotrež namakachu swój wjeršk w džěle wulkeho słowjanskeho prócowarja Adolfa Černeho.

Adolf Černý je cyłe swoje dotalne žiwjenje Serbam poswjećił. Na nich nihdy njezabywaše, tež hdyž bě jeho časowy zajim k druhim Słowjanam wotwjedł, wróćeše so k nim přeco zaso, dokelž woni trjebachu najwjac pomocy. Adolf Černý wojuje wot swojeje přenjeje powěsće wo Łužicy w „Słowjanskim Sborniku“ 1884 hač do poslednich powěsćow a džěłow w Parizu njesprócniwje za najmjenšeho Słowjana, piše do českich nowin wo Łužicy a nawopak do Łužicy wo českich wěcach, zeznamja českich čitarjow ze serbskimi džěłami, pokračuje w nich a dopjelnja je, tak zo bórzy so před nami zběha lužiski Serb w cyłym swojim historiskim, narodnym a kulturnym wuwicu. Adolf Černý piše kaž za Serbow, tak za Čechow. Z hołeho powěsćerja bywa bórzy kedžbliwy wobkedźbowař, kiž dotalne Smolerjowe, Hórnikowe, Mukowe a wšěch druhich serbskich prócowarjow džěła ze samsnymi džěłami a wědomosćemi dopjelnja, piše Čecham pěkne „Serbske wobrazki“, „Wšelake listy wo Łužicy“ a naposlědk systematisku knihu „Łužica a lužiscy Serbja“ (1912) přeložuje ze Zejlerja a z Čišinskeho, Serbam wudawa jich pěsnje, piše nam stawizny našeho basnistwa, wobdžěluje bajesłowstwo wopisuje serbske twarjenja, přeložuje Serbam Hálkowe „Wječorne pěsnje“ a pokazki z českeje literatury zcyła wobohaćuje nic jenož česku literaturu, ale tež serbsku. Adolf Černý je wjелеkróć cyłu Łužicu w Sakskej a w Pruskej podłu a překi překhodźił, je sobudžěłał při wšěch serbskich předewzaćach, wobdžěli so na připrawach k drježdžanskej wustajeńcy a w Prazy zarjadowa sam serbske wotdželenje w českosłowjanskim narodopisnym museju, khodžeše do serbskeho seminara a jako lektor serbskeje rěče na českej universiće w Prazy wukubłowaše młódsu generaciju a njezaby nihdy ničeho, z čimž by serbskej wěcy pomhać mohł. „Serbski konsul“ su jeho pomjenowali jeho stajneje džěławosće za Serbstwo a woporniweje hotowosće dla, hdyžkuli a hdžežkuli sej to serbske zajimy žadachu. Z jeho džěłow čerpaše wjele českich ludźi powučenje wo Łužicy, wot njeho jako wot wótcowskeho radnika dachu so wjesć do Łužicy, z nim wopytowachu serbske hory, lěsy, runiny

a Blóta, z nim slyšachu serbske spěwy a wobdžělachu so na serbskich swjedženjach, zhromadžiznach a cyłym žiwjenju při wšelakorych składnosćach a we wšelakich počasach. Je wěste, zo je so z jeho zaslůžbu zajim wo Łužicu w Čechach nimo měry posylnić. Přednoški wo Łužicy běchu na programje hromadže z druhimi přednoškami „Osvětowego Svaza“, wjesne towařstwa za zdžělanosć je zarjadowachu a „Čěskoserbske towařstwo Adolf Černý“ založene l. 1907 w Praze chcyše tutón zajim dale posylnić a serbskočěske počahy wosebje zkrucić. Tohodla wuda tute towařstwo krótkeho „Přewodnika“ po Łužicy a založi z klubom čěskich turistow w Budyšinje nóclěhařnju, posła do Łužicy klankowe dźiwadło, wuda Wjeńkowcy přeložk Karafiátowych „Brunčow“ atd. Rozumi so samo wot so, zo dobri, słowjanscy zmysleni Čěša njemóžachu na Łužicu zabyć, hdyž so swětowa wójna nad Europu roznjemdri a cyłe Słowjanstwo wohrožeše...!

A hdyž bě potłóčowanje w Čechach jenož tróšku popušćilo, wołachu hłosy, za škitom słowjanskeje Łužicy. Skoro wšitcy čěscy narodni prócowarjo na nju myslachu, wo njej jednachu a hotowachu so ji na pomoc. Z tyšnosću wołaše so do Łužicy, hač njebu dospołnje w žalostnej wójnje zadušena a z radosću přijimaše so kóžde mjeńše znamjo narodneho žiwjenja. A poča so jasnić, hdyž germanska hruba móc a nasylnosć podlěhaštej a hdyž sprawnosć a prawo dobywaštej. Wilsonowe zasady wo sebjepostajenju ludow, wo swobodnym rozwiću wšěch narodow, nic jenož wulkich, ale tež małych a najmjeńšich, wubudžichu mócný a radostny wothłós pola wšěch potłóčowanych narodow. Změrom hladachu hižom Čěša do přihoda, zjednoćowachu so Serbokhórwatojo a Słowincy, hotowachu so Polacy. Tež Serbja zastupichu z razom do noweje doby swójeho žiwjenja, hdyž popadu Bołhařskeje Rakuska so rozsypowaše a slabjaca Němska dnja 12. winowca 1918 Wilsonowe měrowe wuměnenja přijia. A mjez nimi tež štwórtý dypk wo sebjepostajenju narodow...

Jo s. Páta, Łužica; z čěšć. přel. J. Wićaz.

200.

Łužicy.

Štóz sej kraje serbsku pokrutu,
Wostań Serb, měj serbsku wutrubu!

H. Zejleř.

Sy mrtwa, Łužica, ty sotra bědna?
Zo slyšeć njeje twójoh' hłosa stysk? —

Z króny českéj' spadla parla jedna. —
 Je zničít juž će Saks za směch a trysk?
 Snadž Prušak hordy na tym pyšnym hrodu?
 Połobskich Sławow poslední sy skhow,
 Sy torhana přez wětry dźiwich dnjow,
 Do procha teptana za njeswobodu.

Ně, njejsy mortwa, sotra ty, sy žiwa,
 Hdyž hłós tež słyšeć nej' přez třělbow hru,
 A smjerc přez njeprěćela tebi kiwa,
 A běda z tlamu łóji za tobu.
 O třepotaj, hdyž knjez so swěta stanje
 Twój tyran, kotryž ma će w pazorach,
 A za posled .i dych či budže strach,
 Wón wutupi či řeč, zo wšitko spanje.

Twój tyran zhiny . . . doruchu kanóny,
 Swět wodychny, dže swobody zas dych.
 Serb z knjezom doma, zaso pólskej' króny
 So swěći blyšće a puta střasy Čech.
 Tež tebe, Łužica, zas widžu stawać,
 Do swěta wołaš: Njecham w kwakli zhnić!
 A svojich wrahow džěćom mloko pić
 Wjac serbskich žonow njecham sylna dawać!

Tak, derje tak! Što čakać, dónž so zbudži
 Rój ryćerjow tych spjacych w Lubinu,
 Hdyž žiwym synam hori lubosć w hrudži,
 Čas k rjekam změni słabu młodžinu.
 A prawo žadaj! Pokaž swětej lica
 A nadrow rany, slěny, blóto, krew,
 Štož ćěrpjeła, wšo sudej prawdy zjew,
 Stań wulka w horju, sylna wječernica!

Ty po swobodže wołaš, wěc je swjata,
 A kak by křik twój přestýšeć móhl swět
 A dale wostajić će w mocy kata,
 Kiž z krwě je twojej' zbohatnył a běd?
 Tež tebi dyrbi wěk naš spłodzić zorju,
 Či rany zhojić, zničić železa,
 Ně, njesmě řeč či zhynić słowjanska
 W tym hroznym nahrabnym wšoněmskim morju.

Zo wěki přahał wrah će k swojom' džělu?
 Što wo to? Nadžěj směmy k tróštej kłasc,
 Zo k žiwjenju tež prawo maš a syłu,
 Hdyž cyle wěki njezmjatła će pjasć.
 Njeh wotroči, štož služacy rad bywa.
 Tuž stań! Du z tobu bratřa wíćežni.
 Spěw Zejlerjow' či na puć zazynči,
 Duch Hórnikow' će z požohn'wanjom krywa.

Ant. Klášterský, J. Nowak, Z duchom swobody.

201.

28. winowca.

Dnja 28. winowca 1918 roztorže čěski law puta, kiž joho lětstotki dołho spinachu, khroble zběha hłowu, swoju pazoru na starych podtlócowarjow stajejo. Džen swobody so nětko w Čěskosłowakskej swjeći. Kóždy tam se zatorhnjenej wutrobu na tych spomina, kiž su tutón hobrski čin do skutka stajili. Tutym pak je njesebična zahorjenosć a lubosć za swój lud a kraj spožčila móc, samo tež w ćežkich časach njesprócnijwe džělać a twarić na narodnym polu a skónčnje wuwjesć najwjetši ideal kóždeho Čecha. Lěpsi, sławniši přichod je zeskhadzał čěskemu ludej.

Tež my Serbja po přewróće so lěpsich česow nadžějachmy. My-slachmy, zo tež nam zerja swobody zeskhadžeja. — Přewjele běchmy so nadželi. Překruće spinachu puta, kiž dyrbjachmy wotřasć, přesłabe naše mocy, kiž so za našu wěc zastajichu, pornjo mocam našich přećiwnikow. Cyle přeměnić dyrbi so narodne žiwjenje we Łužicy, cheyło-li so něšto docpěć.

My serbscy studenća — smy serbskeho ludu přichod. Na nas staja serbski lud swoje nadžěje, zo bychmy před lětom započate džěło wuwjedli. My mamy wotřasć puta. Dyrbimy so tuž přihotować na ćežke džěło, dowjesć naš lud k lěpsim časam, k swobodze. Wopory, kiž su so hač dotal přinjesle, njesmědža być podarmo.

Wróciwši so ze zajeća wočakowach wjetšu zahorjenosć za naše narodne hibanje. Nadžějach so, zo nadeńdu naš lud wědomy swojeje narodnosće, wosebje pak wočakowach to wot serbskich studentow. Tola tomu njebě tak. Stara liwkosć hišće je mjez nami a jenož či, kiž su přjedy džělali a so prócowali, su tež džensa

hišće nam z příkladem — jeno jara mała črjódká je so jim přizamknyła. Na čim to zaleži?

Bojiće so snadź svojich němskich wučerjow a předstajenych? Myslu, zo smy žiwi w dobje, w kotrejž so nichtó wjacý njetrjeba hańbować před swětom wuznać swoju maćeršćinu. Nohcymy-li w tutym nastupanju, wosebje w šulach, khroblišo wustupować, ženje ničo njedocpějemy. Dyrbimy sebi na wšěch srjedźnych šulach žadać prawo wuwučowanja w maćernej rěči. Wymožićiwi dyrbjaja so zjednočić a z podpjeru jedneho z našich wótčincow předpołožiť tutu sprawnu žadosć. Z přecelnym wobkhadom dyrbjaja so potom tež čí za nas dobyć, kiž z liwkosću našemu hibanju přihladuja. Tu rěka trochu idealnje džěłać, to njespokoja nic jenož wutrobu ale myto budže tež wěsće scěhować.

Abo strachujeće so snadź, zo sebi pozdžišo njemóžeće zasłužić swój khlěb mjez serbskim ludom. Tu poskići so nam najwažniše polo w našich studentskich lětach. Dyrbimy našemu ludej do swědomja zaščěpić, zo je wón serbski a zo dyrbi jako tajki słowjanscy čuć a myslić. Wot Słowjanow mamy jeno lěpši přichod wočakować. Hdyž wón to spóznaje, potom budže sebi tež žadać swoje prawa, prawa, kiž nam zawěsći zakon: škit mjeńšinow. A mamy-li my tak prawa, potom kóždemu z nas zrosće zastojnstwo mjez našim drohim ludom.

Či, kiž drje su serbskeho pokhada, nimaju pak lubosće k swojej maćernej rěči, za tych nimam słowčka wyšše. Njedopjelnja nic jenož štwórtu kaznju, ale su tež přeběžnicy a kóždy dobry serbski student dyrbjal jich zjawnje mjenować, zo by serbski lud tutych wotrodžeńcow spóznał a jim ženje někajke zastojnstwo njepřidowěrił. —

Serbscy bratřa! Naš lud ma prawo na existencu. My dyrbimy jón wutworić a skručić. Na nas čaka surowe džěło. Za wšěmi našimi mocami dyrbimy so dać do zhromadneho skutkowanja. Stać muž při muži. Z cyłej wutrobu być za našu wěc. Nichtó njemóže dwěmaj knjezomaj słužić. — Swjate dyrbjaja być naše ideale.

Smy zwjazali zwjazk serbskeho studentstwa. Tola wuspěch? Zwjetša so dale kroči po starych pućach. To je wjacý dyžli hańba. Tajcy wotrodžency chcedža jónu wjesć serbski lud. „Njeznajemy was,“ dyrbi so tajkim wotmołwić, když sebi jónu službu pytaju, „hladaće, zo sebi druhdže swój khlěb zasłužíte!“

Žiwjenje dyrbi do nas! Słowjanske studentstwo móže nam być z příkladem. W Prahy móžemy wuknyć. Kóždemu mohł radzić

— štož ma pjenjezy — jónu wulećeć do słowjanskeje złoteje Prahi, město do někajkeho wšoněmskeho kónca. Tu mohl wobdźiwać słowjansku kulturu a by cyłe hinajši zaciše dóstał, hač kajkiž so nam woćeńnje na němskich šulach. Chcemy załožiť serbske sokolske towařstwo, zo móhli so skhadźować z našimi słowjanskimi bratrami.

Zda so 'mi, kaž bychmy w našim serbskim hibanju hižo lěpše, płódnije časy poměli, hač nětčiše su — znajmjeńša na literarnym polu. Spominam na dobu Zejlerja a Čišinskeho, Smolerja a Hórnik. Woni njech su nam z přikładom! Hdyž cyłe Słowjanstwo k lěpšemu přichodej postupuje, chcemy my wróćo wostać? Nihdy!

Tuž do džěła, serbscy bratřa! Njech přinjese nowe lěto nowe žiwjenje mjez nami. Chcemy być Serbja we słowje a skutku a so přihotować k ćežkemu džělej, zo by tak za nas a z dobom za naš drohi lud zaswitał lěpši přichod.

J. Cyž-Žurčanski, Serbski student 1919.

202.

Zora puca.

(Zerja skhadžeju.)

Połnóc přešla; što mje budži
W tutym času ze sna mojoh'?
Truny same zašumichu
Na husličkach džěda mojoh'.
Zašumichu čěmnje, číše:
Zora swita, swětło bliže.

Połnóc přešla, hišće kryje
Měr přesłódky doł a horu,
Ale wětřik cuni šepce
Wot wukhoda k morja nóru,
Šepce słódcy, šepce číše:
Zora swita, swětło bliže.

Połnóc přešla, zasporna 'šće
Leži mórska wokolina.
Wubudžene rańše ptačo
Leći z wukhodowoh' klina,
Spěwa słódcy, spěwa číše:
Zora swita, swětło bliže.

Połnóc přešla; hišće we ćmi
Njebjo, zemja je a woda,
Zjewja pak so wot wukhoda
Wila słowjanskeho roda,
Rěči ke mni, rěči číše:
Zora swita, swětło bliže.

K ranju swita, swětło bliže!
W złótej pruzy džen so budži,
Sławna zemja dalmatinska,
Zerja blyšća so ći w hrudzi,
Wotkryte ći dary kładža
Twojej' zemje — slónce skhadža.

Petar Preradović. Přel. Józ. Nowak, Z duchom swobody.

Różowa holina.

Za čichim, mjez žołmjacym žitom, za kotrymž so lěski khójnow čornja, je mała lučina zkhowana, přez dwacyći kročel dołha a pjatnaće šěroka. Na jeje kromach kčěja nizke keřčki čerwjonych poľnych róži. Su spodźiwneje družiny. Druhdže, w šěrokej wokolinje njejsu. W druhej pódže so njeradža. Přesadžichu je, ale njeprimnychu so. Potom chcychu je wuplěć, wurychu je, ale samsneho lěta so zasy zelenjachu. Rozšěrjeja so a rostu hač do srjedž holiny.

Po nich ma swoje mjeno wosamoćene městno, poswjećene z horjom pobožnych přjedownikow. To je różowa holina na hórce njedaloko Morašic, dobru hodžinu puća wot Litomyšle k wječoru.

Lubozny je wottud rozhlad po krajinje, na hajki, mjez kotrymiž je widzieć makovska wěža, na wsy dokoła wokoło w zelenym so bělace, wosebje pak k ranju po hórkach a rozpadanki pola Českeje Treboveje a na stary hród litomyšlski krasneho twara.

Tam sydlachu před štyri sta lěty, hdyž hišće přenjoťny hród stoješe, knježa Kostkowje z Postupic, swěrne škitarjo Čěskich Bratrow.

Pola toho hrodu tam na měsće stoješe bratrowska rada, a w měsće wjetšina wobydleřstwa — sami bratřa.

Hdyž Ferdinand I. spjećowanjo stawow přewiny wza knjezej Kostkej z Pustupic litomyšlske kubło a hród a bratřa z města a wokoliny dyrbjacku do wuhnařstwa. Tehdom bu tež zajaty starši jednoty, Jan Augusta. Jako bur zwoblekany khowaše so we wokolinje Litomyšle. Ale sam so přeradží. Zaby na swoju bursku drastu a wučěze pieča za lacom čerwjene, židžane rubiško, zo by sebi spoćene čoto wotrěł. To wuhladachu wojacy kralowskoho hejtmana Šejnohi, toho časa zarjadnika litomyšlskoho hrodu, zajachu Augustu, wotwjedźechu jeho do Litomyšle, z wotkel bu ze swojim pisarjom, bratrom Bílkom, na hród Křivoklát dowjezeny.

Tam pak sedžeštaj w čěžkim jastwje přez štyrnaće lět.

Po lětach pod kralom Maximilianom, Ferdinandowym synom, nastachu swobodniše časy. Bratřa so z wuhnařstwa wróćachu a zasydlachu so zasy w Litomyšli a we wokolinje. Swobody wšak dołho njewužiwachu. Přihna so wulki wichor, kiž so roznjemdri lěta 1618. Wulke horjo padny na čěsku zemju w nabožniskich wojowanjach, a najbóle po bělohorskej bitwje.

Štóz njebě katolik abo štóz so swojeje njekatolskeje wěry nje-wotrjekny, dyrbyeše z kraja. A tak tež Bratřa z Litomyšle a z wo-

koliny. Prjedy hač woteńdžechu, zřečachu so, zo so wšicty hišće jónu zeńdu, zhromadnu pobožnosť wukonjeja, dōkelž ju zjawnje a swobodnje wjacy wukonjeć njesmědžachu, a zo so zhromadnje tež z rodnej zemju rozžohnuaja. Na tutu zhromadźiznu wuzwolichu sej holinu za Morašicami mjez lěsami.

Wěstosće dla zeńdžechu so w nocy, tu mjez mjelčacymi čornymi lěsami, pod hwěždny m firmamentom wěčnych njebies; tu naposlěd na wótčinskej pódze woprawjenje pod woběmaj štańsćomaj přijachu, naposlěd so k Bohu modlachu, pobožnje zaspěwachu.

A potom rozžohnowachu so, zhromadnje, z domiznu. Mnohi nahraba sebi na wopomnječo horstku hlíny z ródneje pódy, mnohi wokoši zemju, kotruž běchu ze sylzami krjepili. A z tych sylzow potom wukčěchu róže, zo bych u swědčile wo swěrnosći a lubosći k wěrje a wótčinje.

W tutej nocy pječa, hdyž bě pobožnosť skónčena, zloty kěluch zahrjebachu, z kotrohož běchu přijimali, a tutón kěluch leži hluboko w zemi na holinje.

Lud po času na Bratrow zaby; městno pak, hdžež běchu so rozžohnowali, wobkhowa w česćomnosći. Holina bě něhdy wjetša a čmowiše a hlubše lěsy so koło wokoło čornjachu. Nětko su z lěsow jenož hajki a prózdne role; tež holinu zworachu, hač zby jenož lučka. Tež tu chcychu zdžělać, do pola přeměnić, kaž so hižo dokoła wokoło wšudžom role rozprěstrěwachu. Mjez tymi bě holina jako zhubjena a na zadžěwku. Toho dla měješe so minyć.

Ale jako by předwidźiwosć sama wo to městno so starała. Sta so něšto podobneho kaž na Žižkowym polu pola Přibisławja. Worachu holinu, ale pľuh so skazy abo kón padny.

Skónčnje nasychu tu lena. Rosćeše, rozkčě, wutorhachu jón, namočichu a wusušichu jón a hižo jón drějachu; tu spali so len z płómenjom. Wot tohu zapali so pazdžěrńja a cyły statok toho hospodarja, kiž bě holinu z lenom zasył, a w tym wohnju zahiny tež młoduška džowka samsneho hospodarja. Wot toho časa njezwěri sebi nihtó wjacy holinu zworać. —

Hdyž tu lěta 1813 Rusowje čehnjechu postupujo přećiwo Napoleonej I., naprašowachu so někotři po růžowej holinje; hdyž bu jim prajene, zeskakachu z koni a po kolenach dolězechu hač na samu holinu, a tu so nutrnje modlachu.

Tež stare wešćenjo počahuje so na holinu, na kotrejž pječa bitwa budže bita, a tak hrozna, zo krew z „kolebkami“ počeče. Ale potom zeńdze so tu sydom kralow a čí wujednaju wěčny měř.

Tu, mjez róžemi, na městnje, hdžež so Čěscy Bratřa, přečiwnicy wójny a přeliwanja krewje, z wótnym krajom so rozžohnowachu.

Róže na holinje kéčja, žita na polach koło wokoło so žołmja, žmuja, „woweki“ so po nich znošuja. Čicho tu, mile, ale njejaby spominaš na starych prjedownikow, kajke horjo jich wutroby přimaše, hdyž nasta hórka khwila džělenja, hdyž ze sylzami krepjachu ródnu pódu, a žiwiošo rozumiš proste hrona čěskoho exulanta:

„Bóh će žohnuj, Čěska zemja!

Z tobu so zrudnje rozžohnuju.“ —

A nimo minje so zhromadžizna wbohich wuhnancow, kak ducy do wuhnanstwa so zastawaju, ze sylzajtym wóčkom wróco hladaju, na žohnowany, luby kraj, hdžež běchu jich domy

a wótcina přečelna. — —

Alois Jirásek, „Staré pověsti české“, přel. M. Krječmar.

204.

Pětr Bjezruč.

Slyšach we Łužicy twójich horow hnujacy plač,

Twójich skalnych hobrow dušinu zrudžbu,

Slyšach bolosće, hidy a nuzy hudžbu,

Kotruž ěi we kraju spłodžil twój surowy drač.

Slyšach twój plač:

Wo tysacach zněmčěnych,

Wo tysacach spólščěnych,

Sto tysacach zněmčěnych.

Tež my běchmy tysacow tysacy,

Tež my džesać tysacow tysacy. —

Džesać pak tysacam zawdachu z jědom,

Sto pak nam tysacow morichu z přeradu,

Tysac nam tysacow rubichu z mjedom. —

Njezby nas tysac tysacow.

Sto tysacow ličimy hišće wokoło Budyšina,

A wósomdžesať tysacow zby wokoľ Khoćebuza.

* * *

Pětrje Bjezruč, zrodžěny ze skalnej' wutroby,

Spłodžěny z mužskeje mocy a žónskeje bole,

Tež nam so do kraja njepräčel z namocu předoby.

Krew su pila tež naše hory a hole.

Naju narodow dónt je kowany z kowom

Samsnym, doľho smój staťoj před zahubnym rowom.

We wulkim jězoru płuwa čerwjena krew,
Jasna kaž mak.

Njewinowata to čista a blyščata krew. —
Cuzych to džak!

Krew ta je točena z křudami pukow,
Z mocy mozlojtych burowskich rukow,
Z česće knježniskich čěłow,
Z khroblosće wótcěnskich džěłow.

Rozlata z njeprawdu krew, ach, sy-li 'šće žiwa,
Njejsy-li na honach serbowskich dospoľnje zhníla,
Zahuť a znič nětko tu ješćeřsku drapu,
Kotraž je móc našu narodnu žadostnje pila!

J. Nowak, Z duchom swobody.

205.

Sokoľ w Serbach.

Serbscy bratřa! Europski přewrót je wjele noweho do žiwjenja jednotliwych narodow přinješł. Wosebje słowjanske narody su so wuswobodžili z cuzeje kwakle. Džensa bědžimy so jenož my hišće njesprócnijwe wo zawěšćenje swojeje narodneje existency. Njedwělujemy, zo tež nam pžińdže džen swobody a samostatnosće; dodawk k měrowemu wujednanju z Němskej wo škiće cuzych mjenšinow je z přěnim zakładom našeho dalšeho džěła. Twarmy sej tohodla swoju domowinu, kaž su sej ju twarili a připrawjeli druhe słowjanske narody wosebje Čěša. A što je sej wosebite zaslužby wo čěsku swobodu a samostatnosć dobył? Sokoľojo su to byli! Što je Sokoľ? Sokoľ je towarstwo, kotrež je založil w Prazy w Čechach dr. M. Tyrš, hdyž bě tam zrudno a čěžko kaž we Łužicy pod němskim knježerstwom. Tyrš běše wučenc, filosof a wjednik Čechow. Běše póznał, čeho je trjeba, zo by podtlóčený čěski narod zasy swoju bywšu swobodu wudobyl. Tyrš wědžeše, zo jenož strowy, syńy, wobrotny a zmužity čłowjek móže swój narodny a žiwjeński nadawk dospoľnje dopjelnić. Tohodla hromadžeše w čělozwučnych towarstwach čěskich mužow a čěske žony, zo bychu tam swoje čělo zwučowali, zo bychu byli wšitecy sylni a strowi. Přetož strowota je z najdrohotnišim pokładom kóžděho čłowjeka, staranje wo strowotu a sylnosć naroda je zawěšće wótcěnstwo. Tohodle rěka zakładne hesło sokolske: Tužmy so! (Skrucmy so!) Cyły naš narod ma so skrucować, zo by byl strowy a sylny. Ale dr.

Tyrš chcyše hišće wjacy; chcyše, zo bychu Ceša byli narod swobodny a demokratiski, zo bychu so wšitecy lubowali jako bratŕa a sej pomhali. Tohodla njeje w „Sokole“ rozdžela mjez knjezom a dželačerjom, njeje rozdžela mjez bohatymi a khudymi; tohodla praja sebi wšitecy Sokołojo mjez sobu „ty“ a rěkaja sej „bratŕa“. W Sokole njeje politiskich a nabožinskich rozkorow. Wšitecy su sebi runi. Jich hesło je: Swoboda, runosć, bratrowstwo. W Sokole dyrbimy swój wosobinski zajim stajić pod zajim cyłka, cyłeho naroda, njesměmy so rozmysleć, jedna-li so wo wopor na wołtar wótčiny. Po tym mějachu so čescy a južnosłowjansey Sokołojo za čas swětoweje wójny. Z tym přinošowachu tež k wuswobodženju swojemu wótčinow, přetož mějachu na mysli hesło: „Ani dobytka, ani sławy“. Sokołojo prócuja so wšak tež wo swoju zdžěłanosć. Kruće njepowalnje kroča doprědka. Załožaja knihownje, zarjaduja přednoški, čitaju, wuknu, spěwaju. Džěło hiba z cyłym swětom, znadobnja čłowjeka, napjelnja jeho žiwjenje z radosću. Tohodla džěłaju Sokołojo we wšěch wotřadach čłowjeskeje džěławosće. A njespokojeja so z tym, štož wědža, ale chcedža so bóle a bóle wudospołnjeć. Tu je z jich hesłom: Wěčny pohib — wěčna njespokojnosć, přecy dale a wyše, hač na najwyšši kónc. To je prawidło jich žiwjenja. A při tym sčehuja jako hłownu přikaznju hajenje dobrych počinkow — moralnosće. Dobrych počinkow a moralny je tón, kiž jedna tak, kaž rěči a rěči tak, kaž myslí, štož je mužny, wotewrěny a šlachotny. A tajcy ludžo su tež we Łužicy. Trjeba je jenož, zo bychu so tajcy ludžo zjednočili do jednotneje organizacije, do jednotnych sokolskich towaŕstwow rozšěrjenych po cyłej Łužicy ze srjedžišćom w słowjanskim serbskim Budyšinje. Doprědka, swěŕni Serbja a Serbowki, załožejće sokolske jednoty, k wužitku nam i cyłeho našeho naroda!

Sokolski lětak 1920.

206.

Traće Serbowstwa.

Trać dyrbi Serbstwo, zawostać,	Trać dyrbi Serbstwo, zawostać,
A serbska korhoj zmahować,	A jeho kćew mi přiběrać,
Kaž dołho z drjewom zelene	Dónž bože slónčko wobswěći
Te hory stoja lužiske;	A měsačk tón kraj lužiski;
Dónž kamjeń tam na kamjenju	Tak dołho hač tam deščik dže,
So zběha k njebju módre mu	Zo boža stopa tučna je,
A Sprewje źorło slěborne	A brjóžk so žadyn zeleni
Do Serbow žołmy ponjese!	A žadna kwětkka zyboli.

Trać dyrbi Serbstwo, zawostać
 A wóteny duch jo pozběhać
 Kaž dołho ruta zelena
 Za čestne rosće holiča;
 Trać dyrbi wašnje wótcowske
 A kóžde prawo khwalobne,
 Dónž žadyn zwón we kraju rži
 A witaju so wote mši.

Trać dyrbi Serbstwo, zawostać,
 Dónž budže čěšić žadna mać
 Sej lužičanske džěcatko
 A kolebać jo spěwajo;
 Kaž dołho mocy myslenja
 Duch lužičanski žadyn ma
 A žadyn jazyk hiba so:
 Trać dyrbi naše Serbowstwo!

H. Zejleř, Zhrom. spisy I.

207.

Z prawnych stawiznow Hornjeje a Delnjeje Łužicy.

Jako kraj wot serbskich splashow wobydleny, měještej Łužicy w spočatku serbske prawo. Tola so nam njejsu žadne jeho direktne dopomnjenki zakhowaće, jenož z najstaršich lisćinow a z někotrych němskich krónikow znajemy někotre jeho zasady. Tu a tam je tež hišće móžno z wosebitosće pozdžišeho lužiskeho wuwica stare serbske prawo wuslědźować a snadź nadeńdžemy tež w ludowych přisłowach jeho zwuki.

Z wobsadženjom kraja přez Němcow zawjedže so wšudžom sakske prawo, kotrež pak bu často nowym poměram přiměrjene. W 11. lěstotku płaći sakske prawo za cyłe wobydlerstwo bjez rozdžěla. Jenož serbski bür zakhowa sebi někotre wustajenja swojeho stareho wšědneho prawa a wobmjezuje z tym wustajenja sakskeho prawa, kotrež však hewak tež za njeho płaći. W běhu 12. lěstotka džěli so tuto jednotne prawo po stawach. Dotalne powšitkowne prawo přeměni so jako zeńske prawo do prawa zemjanstwa a do wupjelnjaceho so prawa statnych prawow. Pódla njeho nastawa však cyły rjad wosebitych prawow za jednotliwe stawy (cyrkwinske, měšćanske, burske) a jednotliwe poměry (wičežne, hórniske). Při tym pak maju wšitke tute prawa zaso swój korjeń w sakskim prawje.

Wobě Łužicy buštej tehdy w běhu časa stawaj wulkeje krajnosće sakskeho prawa a płáčachu tam žórła, tež druhdže w sakskim prawje wužiwane, pódla někotrych wosebitych domjaceho pokhoda. Jako druhdže, so tež we Łužicy w 16. lěstotku počina rozdžěl činić mjez powšitkownym sakskim prawom (*ius Saxonum commune*), zlěhowacym so na sakske hladadło („Sachsenspiegel“) a statutarnym prawom, zepjeracym so na pozdžiše domjace žórła. Dokelž pak bu w XVI. lěstotku wosebje z wutworjenjom pražskeho appelaciskeho

(powoľanskeho) sudnistwa zwisk Łužicow ze zbytněj sakskej krajnosći w prawnym wuwicu přetorhnjeny, we Łužicomaj za čas českeho knježerstwa pozdžiše sakske zakony, wosebje *Constitutiones Saxonicae*, njeplaćachu.

W tutym wobčasu tež we Łužicy na město sakskeho prawa romske prawo stupać počinaše. Připrawa k tomu běchu džěła Mikławša Wurma a druhich prawnikow, tež we Łužicomaj často wužiwaných, kotrež hižo mnoho romskich wustajenjow wob-sahowachu, a studije Łužičanow na Lipšćanskej universiće, hdžež so w XVI. lěstotku hižo porjadnje romske prawo přednošowaše. W XVI. lěstotku so romske prawo w zeńskim a měšćanskim prawje a langobardske prawo w wicežnym (leńskim) prawje přijima.

We woběmaj Łužicomaj přewjedže so abo recepcija přijimanje w zeńskim prawje w XVI. lěstotku. Delnjołužiski sudniski porjad z lěta 1526 zawjedže sud, w kotrymž pódla stawowskich přisydow dwaj doktoraj prawow sydaštaj, a nowy porjad z lěta 1538 připóznawa subsidiarnosć abo pomoc romskeho prawa w někotrych mjenje wažnych wěcach, patent delnjołužiskeho bohota z lěta 1539 připóznawa pak romskemu prawu hižo powšitkownu plaćiwosć jako subsidiarnemu žórłu. Wuznam romskeho prawa bu powjetšeny, hdyž bu w lěće 1548 apelacija powoľanje abo k pražskej komorje wot najwyššeho sudnistwa kaž hornjołužiskeho tak tež delnjołužiskeho připušćena. Na zjednoćenju romskeho a sakskeho prawa wotpočowachu wšě zeńske zarjadowanja a sudniske porjady za wobě Łužicy, wudate w XVI. a XVII. lěstotku, z wjetša z přidatym přispomnjenjom zo ma, nimaju-li privilegije a zeńske zarjadowanja kruteho a wěsteho wustajenja, sakske prawo a w padže njedostatka tuteho prawa romske prawo rozrisować (hornjołužiski sudniski porjad z l. 1612). Hdyž Ferdinand I. za lužiske města powoľanje do Prahi w lěće 1548 zawjedže, tež postaji, zo ma so rozsudžować „po popisanyh prawu a po jednanju a rozsudže w Hornjej Łužicy plaćacym“. Tež Budyšski porjad připóznawa pomoc romskeho prawa ze słowami: „po powšitkownym swětnym a sakskim prawu“.

Z dobom stupi na město sakskeho manskeho leńskeho, wicežneho prawa prawo langobardske (*libri feudorum*), kaž nas wo tym pozdžiše džěła wo manskim (wicežnym) prawje we Łužicy powučuja: Gersdorf w *De feudis Lusatiae superioris* 1709, Riech w *Differentiae juris feudalis communis atque lusatici* 1714, Müller w *Institutiones juris feudalis Lusatiae superioris* 1818.

Tola kaž druhdže w krajnosću sakskeho prawa, tak so tež we Łužicomaj romske a langobardske prawo na město sakskeho prawa njezawjedže, khiba jenož k jeho wudospołnjenju tam, hdžež domjace prawo žadnoho wustajenja njeměješe.

Pódlu prawizniskich žórłow tworja wažnu dopjelnjenku za spóznacie prawa wosebje staršeje doby stawizniske žórła. Za Łužicu su to wosebje króniki, kotrež su wudate w „*Scriptores rerum Lusaticarum*“ w staršim rjedže Hoffmannoweho wudawka z l. 1719 a w nowej seriji z lět 1839—70.

Dr. Jan Kapras. Z knihi „Prawne stawizny Hornjeje a Delnjeje Łužicy za čas českeho knježstwa.“

208.

Hymna.

Wótče, Ći khwalbu jandželjo spěwaju,
Ty dawaš ludam přebywać na zemi;
Ty wěš, kak dołho wšitke wostać maju
A khwalić ze wšemi Će narěčemi.
Za twój lud serbski slyš to požadanje:
Zdžerž jón a daj 'mu Swoje žohnowanje!

Zo bychu wšitcy Tebi khwalbu dali,
Na swjatkach kóždy lud bu poswjećený.
Zo bychu Tebje džaknje lubowali,
Njej' wot Twej' hnady žadyn wuzamknjený.
Za Twój lud serbski slyš to požadanje:
Zdžerž jón a daj 'mu Swoje žohnowanje!

Swjeći su pósli pytali na swěći
Syły, kiž hnadu njeznali 'šće ženje;
Zwabili k Tebi našich wótcow džěći,
Je wučo, stworić w Jezusowym mjenje.
Za Twój lud serbski slyš to požadanje:
Zdžerž jón a daj 'mu Swoje žohnowanje!

A nětko temple Twoje w Serbach steja,
Z wysoka, k Tebi wołajo, so zwoni;
W serbšćinje starej k Tebi hymny džeja,
Na swjatym městnje pokutnik so kłoni.
Za Twój lud serbski slyš to požadanje:
Zdžerž jón a daj 'mu Swoje žohnowanje!

Wótče, Ty miły, hlej na Swojim trónje
 Na svojich džěci přichod dele z hnadu;
 Daj swjatu khrobłosć, dobyćeŕske brónje,
 We zbožu, w horju Swoju móc a radu.
 Za Twój lud serbski slyš to požadanje:
 Zdžerž jón a daj 'mu Swoje žohnowanje!

Daj, zo my Tebi swěŕni wostanjemy:
 Ty — naš Bóh, Serbja — — Twój lud do wěčnosće!
 Po Twojim słowje z čicha k Tebi džemy,
 Dónž Ty nas wozmjješ z horja do radosće.
 Za Twój lud serbski slyš to požadanje:
 Zdžerž jón a daj 'mu Twoje žohnowanje!

Jan Waltaŕ, Lužica 1891.

209.

Serbja, twaŕće sej swój dom!

Hlejće, sta lět dołho su nas cůzy zacpěwali, potłóčeli. Słužić jim a dawać smědzachmy, prawa, mjenujey narodneho, pak žadneho njemějachmy. Ani w šuli njesmědzachu naše džěci so serbski nawučić. Haj, myta so płáčachu samo tajkim wučerjam, kotřiž serbske džěci prawje poněmčowachu!

Skóněnje ma być nětk dosć toho suroweho tyranstwa. Dosć sy krawiř a čěrpieř, ludo serbski w kwakli kulturneho njewólnistwa. Swoboda ći kiwa po dołhim, dołhim času. Raduj so a stañ. Němska je Wilsonowe wuměňjenja swjatočnje přijařa. W tutech wuměňjenjach pak je prajene, zo maju wšitke narody, tež te naj-mjeńše, swobodne być, zo ma so kóždy lud sam wobknježeć, kaž so jemu spodoba, sam sebi swój dom twarić a zarjadować k swojemu wjeselu a wužitku. Tež naš luby serbski lud chce być swobodny, a nihtó druhi wo jeho přichodže rozsudžeć nima hač wón sam, tež žadyn drježdžanski ministr nic. Ći hišće ženje Serbow lěpše spěchowali njejsu. Nětko, hdyž je pozdže, hdyž widža, zo řezadřa, z kotrymiž „hřupych“ Serbow ženje kruće dosć z wupřimać njemóžachu, jim z ruki padaju, počinaju lubje z wóčkom mikać a ptačky na lěp řója. Ale tak hřupy žadyn Serb njeje, zo by tajkim hřuchim a ničo płáčacym lubjenjam wěřiř.

Wšu česć našim wučerjam. Ale zastupjerjo serbskeho naroda woni njejsu. Narod ani k mnohim z nich řadneje dowěry nima,

dokelž widži, zo z nim nječuja a serbske džěci ani serbski čitać njenawuča. Su wot serbskeho luda žiwi, ale husto dosć, wosebje štož pruskich wučerjow nastupa, nic za serbski lud. To su zjawnje pokazali na spodziwnym wuradźowanju w Budyšinje. Njesmě však so zabyć, zo mějachu tam swoich předstajenych před sobu, a to so derje njewuradźuje. Ćim wjetše připóznaćo sluša tomu jenomu, kiž njedźiwajo na to swoje serbske stojnišćo a přeswědćenjo njezapřě. Wón wě a widži, zo cyle nowy swětowy porjad nastawa, zo tež za serbski lud *nowy čas* skhadža, *swoboda a samoknježstwo*. A to dyrbjał tola skoro kóždy, štož ma woči, džensa widjeć. A tež Ći najzasakliši njepřećeljo Serbow njemóža tomu wjacy zadźěwać.

Serbski lud chce być swobodny a njecha wjacy wotročkować.

Hižo je česki minister dr. Beneš w njenje Serbow a Českeje 9. febr. konferency přednjesł, zo maju so žadanja lužiskich Serbow konferency předpołožiť. Wubjerk přepoda wěc komisiji k wuradźenju a zarjadowanju. Dr. Beneš wupraji tež zjawnje před konferencynym wubjerkom, zo Čěša lužiskich Serbow za sebje nježadaju: Haj, na konferencu do Pariza; hdžež ludy ze wšoho swěta mjez sobu wuradźuja a nowy rjad postajeja, je serbski lud swojeju zastupjerjow pósłał, nic na budyški hród. Wot drježdžanskich ministrow wón ničo dobrego wočakować njemóže.

Što pak jemu na budyškim hrodze poskićuja? Po šuli měło, praja, serbske džěćo sedjeć, chcetaj-li staršej, zo maćernu rěč čitać a pisać so nawučić! A nic na tym dosć. We Němskej nětkole njewěra na trónje sedzi. Wšě wyšnosće po cyłych Němcach, předewšim pak Sakska, raznje přećiwo cyrkwi a wěry wustupuje. Cyrkew ma so wot stata a šule džělić; haj w šuli njesmě so wjacy katechismus a křesćanska wučba, wučić žadna boža martra tam wjacy njesmě wisać.

Serbja, chceće wy to? Chceće wy, zo so cyrkej wuputa a ze zjawneho žiwjenja wustorka, chceće wy, zo naše džěci kaž pohanjo wotrostu? — A chceće wy němski bankerot — kiž, kaž móžeš z němskich nowinow dopóznać, bórzy přindže — sobunjeseć a swoje z prócu a w počě nahromadźene zamoženjo hač na posledni gróš přisadzić? — Chceće wójske dawki płaćić lěta dołho, kajkež swět hišće płaćić njeje? Chceće waše rjane kubła a žiwnosće skóncować dać wot ratařstwo ničacych zakonjow noweje němskeje wyšnosće chceće dale hanibnu kwaklu zacpěteho luda njesć, za cuzych so drěć a krew přeliwać a swoje džěci poněmcować dać a kazyc — ?

Ně, nihdy nic. Serbski lud je křescánski a ratařski lud. Njekhmanym zakonjam přećiwo cyrkwi a cyrkwinej wučbje w šuli a přećiwo ratařstwu so wón nihdy njepoděisnje. Wón je sam swój knjez a budže sam sebi swoje zakony dawać po Božej woli, njewotwisny wot čerwjonych ministrow w Drježdžanach abo Barlinje abo Weimarje. Zepjerajo so na swjate bóžske prawo a na swjatočnje připóznate Wilsonowe wuměnenja žada serbski lud:

Zjednoćenjo wšěch hornjo- a dolnołužiskich Serbow do jednoho samostatneho kraja.

W tymle kraju dyrbyja wšitcy zastojnicy serbscy řečeć.

Serbske ludowe šule, na załožku katolskeho a luterskeho wěrywuznaća, ze serbskimi knihami. Němčina ma so wot wěsteho šulskeho lěta we wosebitych hodžinach wučić; přetož tež němscy dyrbyja džěći nawuknyć.

Serbski wučerski seminar, gymnasij, realku a ratařsku šulu. Serbsku hospodařsku abo srědźnu šulu za holcy.

Serbsku řeč na pósće, železnicy, sudnistwje, z cyła pola wšitkich wyšnosćow.

Serbski sejm, bjez kotrehož přizwolenja žadne zakony we Serbach ničo njepłaća.

Serbsku ludowu woboru, třěbnu k zakhowanju znutřkowneho porjada a k wukubłanju třěbnych nižšich zastojnikow.

Hospodařsku a wikowařsku samostatnosć.

Swobodu a wšu podpjeru za wobej křescánskej wěrywuznaći.

To su naše sprawne žadanja. Na jich podložku natwarimy sebi krasny serbski dom, dom serbskeje swobody a kultury. Zbožowni budžemy a w čichim měrje žiwi w nowym serbskim stáće. *Ale hibać so dyrbi my a čas wužiwać. Kóždy a kóždy dyrbi sobu twarić na našim přichodze. Swěrnje a kruće stojmy k našim wjednikam, wosebje tež k našim časopisam. Wotrodžencam a falšnym ludakam pokažmy durje! Liwkich budžemy ze spara. Budžemy přezjedni! A či, kotřiž wot Serbow potu so žiwja, njech njezapomnja, zo so hodžina khwatajcy bliži, hdyž budže serbski lud wot nich zamołwjenjo žadać. Tež tu płaći słowo: štož njeje z nami, je přećiwo nam! A njepřećelow, Judašow, njebudžemy mjez nami čerpjeć!*

Tuž stań, luby ludo serbski, a twar sej swój dom, zo će hrožaca zahuba njepožrě.

Bóh je z nami, wjedže nas!

Serbski lětak č. 15. 1919.

Přećiwo Wšoněmcam.

Smy njewólnicy byli, bići, khudźi
 Přez tysac lět, a ze wšěch stron sće drěli
 Nam kreŭ a kraj, kiž w pazorach sće měli
 Nas, zacpětych a sčěrpných serbskich ludźi!

Nětk, hdyž waš hrěch was ze wšěch stromow smudźi,
 Nas wot was narodny duch razny džěli
 Nam swěri k serbskosći so w duši želi
 A mozhach, a nas z mortwych staću bludźi!

Pod korhow, bratřa, módru, čerwjenu a běłu
 So stupmy! Njedajmy so zastrašić, so zabić
 A z wšoněmskosću pohłušić a słabić!

My móc smy, z kruteju hdyž wolu
 Sej wobaramy serbski dom a rolu
 A rucy wše sej zawdawamy k džělu!

Jan Skala, Serbske Słowo 1920.

W Delnjej Łužicy.

Z radosću móžachmy narodne hibanje w sakskej Hornjej Łužicy wobkedźbować. W mórnych žołmach nowe mysle přez lud džěchu, kaž woheń so płomjenješe sapacy zahor. „Samostatnosć tež najmjeńšim“ bě serbske hesło. Nic njedyrbi w přichodze wjetši narod mjeńši narodnje morić. Tež Serbja su so skónčnje nabyli ničenja a tupjenja přez sylneho knježerja w dobach měra, nabyli pak su so tež mječa, přez kotryž buchu we službach wójny ranjeni a morjeni. A jako džak jim kiwa potłóčenje a wukorjenjenje Serbstwa.

Hižo běchu so sakscy Hornołužičejno jenohłosnje za samostatny lužickoserbski stat wuprajili, hdyž naši pučerubarjo tež do pruskeje Łužicy swój puć nastajichu. Hišće z wjetšej a horcyšej zahorjenosću buchu tu witani. Přetož tudy běchu puta krućiše byle; tohodla bě tež jich radosć do lěpšeho přichoda čím jasniša, čím čišćiša.

Što pak budže z Delnjej Łužicu? Někotremužkuli Serbej pukotaše wutroba při mysli na Serbow zabyty kraj, tam hdžež

w lohkim pěsku naše khójny stoja a hdžež mjez dalokimi, šěrokimi łukami Sprjewja swoje džowki rěčki rozescěla. Njebě tam Serbstwo přez čas suroweje wójny zahinyło? Kajcy běchu so wróćili młodostni serbscy pacholjo, kiž su přez štyri lěta mjez wšoněmskim dychom žiwi byli a jón srěbali w strachach a nuzach, w třelbných hrjebjach a granatowych džěrach? Njeje wójna tych poněmčiła, kotřiž su swoje cyłe wupłody na polu a w hródzi dawali němskemu knježerstwu swěru a rady? Njeje tež tych poněmčiła, kotřiž su přez štyri lěta dołho klečo Boha prosyli wo pomoc a zakit za svojich synow a bratow a nawoženi a nanow, kotřiž su wojowali za dobyće němskeho knježerstwa? A tola, bohudžak, němski duch jich njeje přewinył, hačrunjež je kaž jědojta waka swoje pazory za jich wutrobami wudžerał. Bohu budź skorženo — někotružkuli serbsku dušu je ranił, haj samo morił. Kaž serbske w pěsku zakorjenjene khójny na mjezach Serbowstwa njemóžachu wobstać přećiwo wichoriskam wšoněmskeho ducha. Kaž khójna so zepierajo kruće stoji, tak tež Serbja jenož we zwjazku swoju narodnosť wukhowaju. Štóz so do morja poda na lohkim čołniku, toho zmohi póžeru. Haj, to je prawda: Swěrne Serbja su tam skoržili, zo su jim synow we wójnje poněmčili. A słyšach tam maćerje žalosćić, zo su jim džěći wot jich wutrowow storhli přez němsku šulu a wučbu.

Tež tudy wukhadža cyła płódžaca móc z ludu, z prosteho burškorólniskeho ludu, runje kaž w Hornjej Łužicy. A hišće bóle. Hišće njebě znata myslička samostatneho lužiskoserbskeho stata mjez Delnjoserbami. Mjez tym zo so inteligenca, fararjo a wučerjo jara pasivnje zadžeržachu, haj samo napřečo tomu stupichu, bě wjacj dorozumjenja mjez jednorym ludom. Pola inteligency, kotraž zdžěla napřečo džěla, je wulka wina, zo maju z wulkeho zdžěla z Němcami wužši wosobinski zwisk. Zo njebychu nětko tutym někak kamjeń pohorška byli, džělaju lući mužojo napřečo zbožu cyłego luda. Z egoistiskich, mólčičkich přičinow hraju ze zbožom cyłego luda a njemysla zamołwjenja za swój mazany čin. Sebičnost je jich motiv, jich swjaty ideal, kotryž so wšelacy njejsu hańbowali tež wuprajić, jenož zo pod druhim mjenom. Kajka je to inteligenca, hdyž wučer, kotryž ze serbskeju staršeju ze serbskeje wsy pokhadža a kiž sam serbscy rěči, přeje, zo je Serb, dokelž su Němcy autochtonjojo po jeho zdaću we Łužicy a kotraž Němcam přisłuša; tu hlejeće němsku winu. Stóz woči ma, tu widži a wuši k słyšenju, tu słyši. Přetož z wulkim hłosom woła tajka zaslepjenosć k njebiesam. Tudy njeje

wjacy dobra wola. Hdže je hišće štwórta kaznja, kiž ze skamjeńtnym hłosom žada: Ty dyrbiš rěč a naložk svojich prawótcow česćić! Tudy so kóždemu sprawnemu woči wočinja. Je hišće tamanja hódniši skutk hač ludej narodnu rěč brać a zdobom tež wěru? Přetož tutej stej pola serbskeho ludu hač do nětka kruće zjednočenej byloj a z jednym je so tež drubi zhubił. To bě jedyn zjew inteligency. Bohudžak, pak su tež tam hišće ludźo, kiž su sej tola najebawši wšeho zjednočeństwa ze wšoněmskimi ideami tola strowy rozsud wobkhowali, hačrunjež je tajkich mało. Hižo před wójnu su cheyli serbskich ratarjow do kruteho zwjazka zjednočić. Přeca a žadanja Narodneho wubjerka w Budyšinje su jich mysl jenož přitrjehiłe. Tym bě myslička samostatneho stata jara přijomna.

Cyle hinajše su wobstojnosće mjez ludom. Wójna drje je tež tu hłuboke rany serbskemu narodnemu wědomju zrubala, hdyž je tysacy serbskich młodźencow a mužow do srjedźiznow wulkoněmskich idejow stajila. Kajka krutosć kharaktera k tomu słušeše tu rěč rěčeć, kotruž doma fararjo a wučerjo hanjachu, kotruž w polu towaršojo směšachu a kotrejž so předstajeni smějachu. Wohnjopruhu je serbska rěč přetrała.

Ale tola je w někotrych kónčinach jara zlě. Wsy, kotrež su před 20 lěty hišće cyle serbske byle, su so skoro cyle poněmčili. Druhdže drje so hišće serbscy rěči, ale nječuje a njemysli. Lědma je pytný, zo je Serb druheho pokhoda hač Němc. Runje tudy leži wulka zahuba pruskeho systema, zo je pomałku ludu podawał jěd, po kotrehož wužiwanju je lud padnył do hłubokeho spara ze wšoněmskimi sonami. Wukónc wójny je tudy sprawný sud boži. Bóh njeje ludy stworił, zo by jedyn druhego wutupjał. Khostane buchu zdobom wšě hrěchi hordosće, zacpěwanja a hrubeje namocy.

Tola tež w Delnjej Łužicy je lud serbski zwostał a słowjanski a zdžěla lěpje hdyžli w Hornjej Łužicy. Tola jemu kiwa hórki dóńt, zo stoji bjez wjednikow, bjez mužů, kotřiž bychu jón dowjedli k zbožu. Džensa je winowatosć kóždeho Hornjołužičana, zo so tež wo svojich bratrach w delnjołužiskich holach a honach bydlacych postara. Mjez nami njesmě wjacy mjezow być kaž dotal. Bratřa, waša rěč je tež naša, a naša waša. My chcemy tež wašu wuknyć, wukńće tež našu! Ale tež politiske mjezy nas njedyrbja wjacy džělić. Nas njedyrbja wjacy cuzy mócnarjo přeciwo sebi ščuwać a nam brónje podawać, zo bychmy so mjez sobu kóncowali w surowych

bitwach, kaž v 1866, hdyž husto bratr přećiwo bratrej stoješe, hdyž synojo jednoho ludu, haj najmjeńšeho słowjanskeho ludu, krwawjachu we službach za němskeju mócnari. Jako jedyn lud, jako swobodny lud chcemy jako Serbja w zbožu a nuzy hromadže trać we swobodnym staće!

J. Nowak, Čěskoserbski Wěstnik 1920.

212.

Wótčinska česć.

Nas mało fak a telko strachow wšudže,
Hdyž z wonka so a z nutřka do nas ryje,
Hdže mječow brać a što nam khribjet kryje,
Hdyž spi, hdyž mrje jich telko w zymnym ludže?!

Serb w kamjenjach mohł stać a khodzić w rudže,
Ze sylzami so dawno hižo myje —
Hdžež wotrodźencej leži so a tyje.
A kajki kónc w tym bědnym boju budže?

Hdyž wójske njewjedro najhórje hrima,
Najwjětša česć, tam w přědku stać na straži
Ze črjódku, w kotrejž jedyn za sto waži.

My črjódka smy, zbytk z bojow drobny. — W boju
Jow stać a trać za krew a brózdnu swoju,
To, Serbja, česć, kiž za hwězdami přima!

J. Čišinski, Wysk a styk.

213.

List z wójny.

Dobry připad, wot kotrehož džě z najwjětšeho džěla wšě móžnosće za wojaka wotwisuja, dawa mi khwilku, Wam tute rjadki napisać. Sym wot swojeho korhojnistwa, kiž je we Nišu zaměstnjeny, na někotre dny sem do Čuprije z štyrjomi jatymi Rusami komandowany, hdžež mamy lěkarstwa dostać. Dokelž sym tu khwilu w nałożowanju časa samostatny, zmóžnich sebi hodžinku k pisanju. Chcu pak hnydom spomnić, zo sym najprjedy dvě hodžiny drjewo za naše kachle rubał, hewak bych ze zmjerskom ani pismika njemohł napisać. Nětko moji jeći dale drjewo džěłaju a jedyn tepi, wari

kofej, dokelž sym wopyt dóstał, kiž je kofej a coker a běły khlěb a něšto caťow sobu přinjesł. Nó, a tajki wopyt dyrbjú tola wěsće derje hospodować!

Dokelž je njemóžno, wšě začíšće wobrazować — štož sebi po swojim dženiku pozdžišo zmóžnu — chcu Wam, luby knježe, mały wurězk ze wšědného žiwjenja póslać, žiwjenja, kiž mje wšědnje wobdawa a na kotrymž mam swój podžěl kaž na powětrě a swětle slónca. Bydlu tu w Čupriji, w serbskej khěžcy ze swojimi jatymi w jednej jstwě. Jstwa ma tři wokna a zašklencowane durje; w durjach a w jednym wohnje je škleńca rozbuchła we běhu wojowanja, tak zo je za wočerstwjenje powětra wo jstwje derje postarane. Kachle su železne a su-li derje dosć nasycene — za čož so moji Rusojo z wutrajnosću staraju — duja ćopłotu kaž vulkan. Łožo je woklep słomy za dweju, přikryw — nó štož na čěle nosymy. Zabawa so wotměwa ze spanja, jědže a rozmołwy we wšelakich řečach. Mój wopyt je wobsedźer fabriki z Altony; z nim řeču wězo němski. Jedyn z jatych je Polak, jedyn ze Samadiskej, jedyn z Podolskej, jedyn z Kawkaza a posledni z Wolynskej. Rozkazowacełstwo w měsće je wuherška. Připokazowar kwartěrow je Slovak, řeču z nim čěski, štož je widomnje za mnje a za njeho zrozumliwa řeč. Pjekař, wot kotrehož sebi tu a tam caťu kupu — jelizo znutřkowne wobstejnosće mojeje móšnički to dowoleja — je Serb a druheje řeče njeswědomy. Tak wospjetuju: z našej lubej, dosć husto zanjechanej serbskej řeču je mi móžno, wobkhađować z Polakom, Rusom, Juhoserbom, Slovakom, Bołharjom. To mi dawa wosebitu znutřskownu spokojnosć, ma pak tež swoje zwonkowne dobre. W našej stoćinje sym jenički, kiž jednu słowjansku řeč řeči; a tohodla sym wot druheje služby wuswobodženy; dokelž mje na wšěch kóncach trěbaju.

Před něšto měsacami je so tu w měsće krótká, ale po powěsći tu zawostatych, krwawna a horca bitwa wotměła. Zwonkowny napohlad města wo tym mało swědči jenož tu a tam z granatu rozdrěna khěžka a mnoho rozbuchnjenych wóknow. Zřečniwiši swědcy su wobydlerjo sanji, kiž so do svojich domčkow zamkaju a z ředka z nami njepřečelemi do wobkhoda stupaju, khiba zo jich sami pytamy. Tak dyrbjach džensa k řězanju drjewja sebi piťu wupožić, khodžach tam dom wot domu, wšo čicho. Skónčnje dowjedže mje mały, hibićiwý pacholěk do jednoho domu. Bě to jeho džěd, kiž w nim bydleše. Prošach jeho, mi piťu na někotre hodžiny přewostajić. Wón stany, da mi piťu kaž zo by so to samo wot so rozumiło. Ale, hdyž

so podžakowawši woteńdžech stupi so ke mni a měnješe: to je za cyłu wójnu přeni raz, zo je jeho štó z njepřećelow wo něčo prosył, ale wšě su jenož brali. A hórko přistaji: njepřećel je mi wostajił jenož domjacu nadobu, kiž za njeho žadneje hódnosće wjac y nima, hdyž je 72 lět stary. Z jeho džěci buchu synojo pak we wójnje morjeni a džowki su rozćekale. Wnuk je jenički, kiž je při nim wostał. A wo žadnym njewě, hdže je a što. Wbohi muž! A kak wjele druhimi po kraju horje a dele je to tak. Widžu cyły lud so wukrawić a za čo? A pomoc nihdže, sama běda!

Dyrbju nětko skónčić; počina so ćmić a swěčki a drugeho rozswětlenja nimam.

Budžće z Bohom a lubje strowjeny!

J. Skala. Łužica, 1916.

214.

Kónc sćěrpnosće!

Budž sćěrpny, w pokorje daj wšitko lubić
Sej! Serbej řeči so a radži mážnje. —
To zmylk a hańba; wołam do was raznje,
Z tym zbytk naš hišće tež so dyrbi zhubić!

Štož serbske je, to wostań serbske! Rubić
Sej njedaj dale, hewak skónčnje wjaznje
Lud cyły! Džerž so řeče njebojaznje,
A njedaj dom a pľuh sej z rukow wubić!

Lud doľho dosć je sćěrpny stał a hladał,
A doľho dosć je měć so dał za bľaznja —
A tak je statok po statku nam spadał. —

Njeh sćěrpnosće je kónc! Njeh lud so stupi!
Nic ničo njedaj lubić sej! Budž kaznja
Nět! — Rězac dawaju so jenož hľupi.

J. Čišinski, Wysk a stysk.

215.

List serbskeho studenta ze zajěća.

Lubi šerbsey bratřa!

Někotre dny hišće a Wy budžće k přěnjemu razej zasy w nahladnej ličbje zhromadźeni při hľownej skhadžowancy. Wjele so wot Was woćakuje a tyły serbski lud, haj samo we wukraju, hlada ze zajimom na wobzamknjenja a pľody tuteje skhadžowanki.

Kak sym so hač dotal wjeselił, zo budu móc přitomny być tutemu wažnemu wuradźowanju, zo bych skónčnje sam mohł widzieć, kajki wuspěch je hač dotal wulke narodne hibanje we Łužicy wupłodziło. Tola přecy hišće ležimy sputani za grotom, byrnjež tež měr dawno podpisany był a džen wote dnja čakamy podarmo na skónčne wumóženje a horcožadany na wrót. Smy předani, zabyći! Nichtón wjacý na nas njespomina!

Njemóžu-li tak mjez Wami być, chcu Wam znajmjenša něšto słowčkow připóstać, zo byšće widźeli, zo tež my w cuzbje sobu džěl bjerjemy na našej serbskej wěcy! Přez listowanje z mojimi přecelemi sym sebi trochu přehlad wo narodnym hibanju serbskeho luda wot 11. novembra hač do džensnišeho dnja dobył. Dokelž so njeje wšo tak stało, jako smy so nadźijeli, je naša swjata winowatosć, mjez sobu kruće zwjazani, muž při muži džělać a twarić za lěpši přichod našeho lubowaneho luda. Kóždeho, hišće tróšku serbscy čujaceho, dyrbimy wróco dobyć a tak tworić krutu njepřewinjomnu zhromadnosć, w kotrejž kóždy jednotliwy wě, wo čo so jedna a za čo so tu džěla.

K tomu pak, lubi serbscy bratřa, je najwažniše: přezjednosć! Njepřezjednosć je bohužel naš stary brach — njewjedže k ničemu. Tuž prječ ze wšej hordosću, kiž mohła drugeho zranić, ale z přezjednosću chcemy wšitcy so podać do džěla za naš luby narod. W přezjednosći jeničcy leži móc! W zhromadnym džěle kiwa nam wuspěch a lěpši přichod! Našeho luda wosud njesmě wjacý być tak zrudny, kaž dotal, rańše zerja, zerja swobody dyrbja za naš lud zaswitać. Hladajmy na našich zbožownišich słowjanskich bratrow! Woni su docpěli jich ideale. A wěsće budža nam k pomocy, hdžež budže móžno. Jim móžemy skoržić našu nuzu.

Tuž bratřa hišće jónu: Do džěla! Wšudže je rola, kiž ma so wobdžělować. Njemóžu dočakać wokomik, hdyž budu so móc Wam přizamknyć. Stajnje chcu być a wostać Waš swěrný sobudžělaćeř!

Bóh je z nami, wjedže nas!

Z wutrobnym serbskim postrowom

W Montierchaume, 19. julija 1919.

Waš swěrný towařš

Jan Cyž-Žuričanski.

Serb. student. 1919.

216.

Postańće, Serbja!

Džeń swobody swita,
Džeń zraŕeho žita.

Za kosu bratřa, za brónju hrańće,
Posyc swobody kłosy,
Zrosćene z włoźneje rosy,
Z wašeje krwě a wašeho potu!

Wostajće zwady a rozkory stańće!
Runu so drohu za dobyćom dajće,
Swěrnosć a zmužitosć we hrudži hajće!

Hlód sće ze sylnosću krući znjesli,
Nuzu a čěsnosć boja,
Smjerdźiznu morjenych čěłow,
Hubjenosć přećiwnoh' hnoja
W jamach třěleřskich džěrow,
Dóniž sće w smjerći do rowow klesli.
Do přědka, Serbja, za česću, stawje!
Hižo wam při kiwa
Dobyća khorhoj čěrwjenokrwawje,
Swoboda naroda.

Torhńće tu pijelcu wot wašej' hrudže,
Pijacu wutrobnosć we serbskim ludźe!

Zlamajće kwakle, rozbiće puta,
Zadajće namóc was šwikacoh' pruta!
Čisńće tyranow do helskoh' kuta!
Zničće znamjenja roboty,
Sćěhujće khorhoj swobody!

Hórnikej zajuskajće,
Smolerja wuwolańće
Wjednika sławy
W boju na lawy,

Rujace za krajom serbskim!

Lisćiny wotročstwa spalće,
 Čišinskoh' zmužitoh' khwalće,
 Spěwarja swobody serbskeje,
 Škitarja Łužicy herbskeje!

Postańće, Serbja, do boja z spěchom,
 Wotplaćće křiwdy, wam činjene z hrěchom!

J. Nowak, Z duchom swobody.

217.

Serbska politika.

Hdyž bu přěni raz zjawnje wo serbskej samostatnosći řečane, so to zwjetša tak zrozumi, zo budžemy sami stat tworić. Na to sebi zawěšće nchtó myslil njeje, kiž so z politiku zaběra, a sebi tež njeje myslić trjebał, dokelž samostatnosć je we mnohej druhej podobje móžna a njenuzuje runjewon k wosebitemu statej. Wažne je jenož, zo je lud docyła zwólniwy k samostatnosći. Zo my Serbja to smy a hač do dopjelnjenja našich žadanjow přecy budžemy, je přez to dopokazane, zo smy so politisce zorganizowali a budžemy w přichodže swoju organizaciju wužiwać nic jenož jako škit, ale tež jako brón. Dokelž k tomu nuzuja nas wšě nazhonjena, kiž smy kaž w zańdženosći tak w přitomosći činili. Powrót po swětowej wójnje je wšudže starym móćnařstwam wunuzował koncesiju, kiž su něhdyžkuliž předaloko sahace, z wjetša pak, móžemy prajić, tola rozumne. Tež my Serbja smy so nadžějeli, zo njebudžemy tón króć wuzamknjeni z rozdzělenja pokładow noweho časa. Smy so to čim bóle nadžějeli, hdyž buchu nowi dohladowarjo tutych ideálnych pokładow strony, kiž su stajnje wojowali přečiwo wšoněmstwu z hesłom „Für Wahrheit, Recht und Freiheit“. Tež my chcemy „wěrnosć“, tež my chcemy „prawdu“, tež my chcemy „swobodu“ našemu serbskemu narodu. A što smy hač dotal dočakali? Dypk za dypkom chcemy rozpominać.

Wo wěrnosći k nam njeje nihdže ničo słyšeć. Křiwe nahlady a wusudy z časow monarchiskeje doby je nowe móćnařstwo njeporjedžane sebi přiswojiło, a skoro so zda, zo su wone hišće křiwiše a hišće njerozumniše kaž hdy přjedy. We zašlej dobjě mějachmy tu a tam pola knježerstwow někotreho přecela, kiž to woprawdže bě a tola so prócowaše, pola nas tajki začišć zawostajić, dokelž nas trjebaše ze wšelakich, wosebje egoistiskich motivow. Běchmy wšudže wuwolańi „kraloswěrní“ Serbja, mějachu nas za konserva-

tivnych hač do kosće a jenož to jedne bě jim do nosa, zo cheychmy my konservativnosć tež na swoju serbsku rěč a narodnosć nałožować. My smy byli „kraloswěrní“, dokelž so monarchija wjetšinje z nas zdaše rukowanje za naše narodne byće, nic pak „kraloswěrní“ na kóždy pad. Smy hižo w starym staće wojowali za naše narodne prawa, dokelž so nam tehdy juž ničo njeprizwoli dobrowólnje a to snadne, štož dócpěchmy, smy sebi wunuzowali. Bohužel, smy stajnje byli přejara loyální a něštožkuliž wjacy bychmy byli, móhli docpěć, bychmy sebi swojeje wažnosće a mocy wědomni byli. Wěm so tu derje dopomnić na časy wólbow a tehdy sym tak prawje začuť a do wutroby a rozuma je so mi zakorjeniło spóznaće, kak družy z nami jako rozsudžacej moci liča. A sym sebi wotmysliť po svojich snadnych darach sobu so prócować, zo my Serbja wšitcy spóznamy swoju móc. Džensa, hdyž je zakład statneho byća přeměněny; chcemy a dyrbymy z tuteho sebjespóznaća wšě scěhowanja scahnyć a to čím bóle, hdyž je nam narodnym mjeńšinam přez měrowu konferencu zaručene naše wosebite narodne žiwjenje. Jenož na zwjazk ludow a na našich słowjanskich bratrow směmy so z dowěru spušeć, dokelž němske strony, kiž so tak rady mjenuja „demokratiske“, njesu jara zwólniwe, z nami z wotewřenosću a wěrnosću wobkhaďeć. A byrnjež nam to tež tu a tam lubili, njechamy jim tola tu wěc tak lohku činić, zo njebychu sebi woni, kaž ěi stari knježerjo, mysli, my Serbja so damy z rjanymi słowami spokojić. wšo druhe pak mamy přijimać jako „fait accompli“, t. r. hotowy skutk. Kaž my so prócujemy, wěrnosć wuznawać, njech tež woni kusk wjacy wěrnosće ke swojemu skutkowanju přećiwo nam sobu přinjesu. Hižo to je njewěrnosć a bjezkritiknosć přećiwo jich samsnym zasadam, zo je „Sakskoswěrnym“ dowolene jako avantgarda přećiwo „Serbskemu Zwjazkej“ a jeho sobustawam wustupować. My smy až smy přjedy loyální byli monarchiji, tež loyální republicy. Dokelž pak smy sebi wědomići swojeje narodnosće, swójeho kulturneho pokłada, žadamy, zo so za nami njech z kamjenjemi a błótom njemjeta. Žadamy, zo so wěrnosć njewotstroni z jich wustupowanja přećiwo nam a skóněnje žadamy, zo so docyła přećiwo nam njewustupuje, ale so jedna jako z runoprawnym ludom a narodom.

Jako jedyn muž dyrbi cyły narod stanyć a protestować přećiwo tamnym niskim zasadam. Njebudźmy tak scérpliwi, Serbja, ale džěłajmy kaž naš narodowc „jedyn za wšěch“ nětko „wšitcy za jednoho“. Na nas wšěch bě ta plista měřjena, kiž bu sprawnosći

a prawdze 22. junija 1919 we Budyšinje data. Njeby nas to do šije hańba było, cheyli sebi to lubić dać, my Serbjo, kiž smy najwjetši džěl swojich młodych a najmłódšich bratrow we njezasnej wójnje zhubili, my Serbjo, pola kotrychž nětko mnoha wopušćena maćeřka na swój khudy rowčk čaka, mnoha wboha syrotka swójeho nana a zežiwjerja paruje, mnoha swěrna, pilna a njespróčna mandželska za swojim mandželskim žaruje sama abo z črjódku džěćimi, mnoha sotra za bratrom, mnohi přecel za přecelom žedzi. Wšo su nam wzali, a my kiž smy so z božej pomocu wukhowali, njesemy nětko ćežu sobu a smy sobukhostani z tymi wšoněmskimi šcuwarjemi kiž so njehańbują winu na druhich wotstorkować, kiž so njehańbują znjesliwy a ponižny lud bić a hanić, jenož tohodla, dokelž je „słowjanski“ lud. To spomńće a njech so nihdy na nihdy njestanje po jich woli z nami, ale jenož po našej. Tohodla chcemy a dyrbymy sebi tež wunuzować swobodu. W přirunanju ze zańdženosću smy hižo něštožkuli dobyli. Spokojić pak nas to na žadyn pad njemóže a njesmě, ale dyrbymy přecy zaso wustupować a raznje pominać na winowatosće knježerstwa přećiwo nam. Njejsmy wjacy njewólnicy, kaž smy byli předołho, ale mamy kaž wšě ludy, a tež němski lud, začuće a žadosć za swobodu. Tohodla njesměmy so bojeć, při kóždej składnosći za swoje prawa wustupować, njesměmy bojaznje we swojich wsach a statokach čakać, „hač so wróća złote časy“, kiž smy we swojej swobodze měli před tysac lěta. Te so nam njewróća bjez napinaceho džěla a nihdze w swětowych stawiznach njeje lud dostał swobody, ale w kóždym padze je sebi ju wunuzować dyrbjał. A dokelž so z tymi brónjemi, z kotrymiž su nas bili a morskali, džensa njemóžemy a njechamy wobarać, dyrbymy na wšě druhe móžne wašnje zdžěłaneho luda wojować wodnjo, w nocy, džen wote dnja, njepřestawajcy a z jeničkej myslu na wuswobodjenje z njepřirodnych a potłócowacych putow, kiž nas wuwjazuja z djabolskej njesmilnosću. Kóžda zhromadźizna, kóžda skhadźowanka, kóždy naš wustup do zjawnosće doma kaž druhdze ma być manifestacija našeje wole, našeje žadosće za swobodu. Smy po ličbje mało a tohodla je kóždy jenički winowaty kruće stać a so sobu starać, zo ani jedyn Serb njepadnje do cuzych pazorow a zo naše hrodzišća serbskich mužů wostanu kaž w starodawnych časach žiwa murja skalneje twjerdžizny w Termopylach. Dyrbymy sebi wědomi być, zo hakle skedźbnosć za swoje wojowanje doma a we cyłym swěće dobudźemy, hdyž žadyn z nas so njepoda, ale raznje wuznawa: Ja Słowjan sym a Słowjan budu, a hdyž kóždy ze skutkom pokaza

zo Słowjan wostanje. Na to dyrbi so přecy zaso pokazowoć a pominać, přetož časy su wo prawdže khutne a wosebje našim bratram, kiž su z nami sobu byli we wójnje, bych rady rěčať k wutrobje a bych jich prosył, zo cheyli moje słowo słyšeć. Štyri lěta wojacy su nas wutupili; někotre wutroby su stwjerdnyły, někotre zwjadnyły. Te dyrbimy zaso worać, wóťrić, tamnym z dobrym pozběhowacym słowom a skutkom krjepić a kóždemu zaso pokazać prawy puć. Dajće sebi rěčeć towaršojo, tež ja, kiž we wobćežnosćach tute słowa pišu, sym so we wójnje w cuzych kwaklach drěl, sym nana a mać a mandželsku a džowku někotry njekrasny raz z ćežkej wutrobu dyrbjať wopušeć a bėdzić so za tych, kiž su a bėchu poľni hidy přeciwo wšemu, štož bě njeněmske. Nětko, hdyž je po wójnje, je swjata winowatosć wšěch, tež twoja a moja, so prócować, zo nihdy wjacj njedožiwimy tajkeje krawneje wójnje, poľneje hidy a surowosće, samo přeciwo žonam a džěćom a šedžiwcam. Ta surowosć, kiž je tehdy zakhadźała přeciwo „njepřećelam“, je samsna surowosć, kiž so na nas měri, dokelž tež my Serbjo smy jim „njepřećeljo“, dokelž smy Słowjenjo. Sy, towaršo, zabyť, kak je će wutroba bolať, hdyž sy w Ruskej abo Pólskej abo Serbiji jako wojak wunuzowany dyrbjať pomhać při njeprawdze a žadławej surowosći přeciwo zawostatym wobydleřstwu? Jenož zľóštniska wutroba, kaž jeje w Serbach nihdy njemějachmy, mohľa na to zabyć abo so trjeba ze spokojnosću na to dopominać. A tohodla prošu će, towaršo, dopomń so na tych, kiž su zawinowali tute do njebyes woľace hrěchi, dopomń so, zo je wurunawaceje sprawnosće na zemi a zo Němc nima na cyľym swěće ani jednoho přećela swojeho suroweho wašnjaja dla. Džensa, hdyž maš zaso swobodneje wole, dopomń so na ćežke časy wójnje a potom so rozsudź a spóznať, zo twoja narodnosć, twoje Serbstwo či lubi nowy přichod, swobodny a njewotwisny a zo twoje wuznaće k Serbstwu je wuznaće k sprawnosći a čłowjeskosći. Tohodla praju hišće jónu: přječ ze wšěm němcowanjom w džěle a zabawje, přječ ze wšěm, žedženjom za němскеj modernosću, docyľa za wšěm, štož so z mocu do nas Serbow z Němcow čišći. Njetrjebamy, haj njesměmy tohodla być njepřećeljo Němcow jako čłowjekow, ale dyrbimy wšo wotpokazować, z čímž woni za nas měřja politiscey, hospodařiscey a tež duchownje.

Na nas njebudže zaležec, hdyž njebudže spokojnosće mjez Serbom a Němcom. Njeh woni nam dadźa naše prawa, našu njewotwisnosć, našu samostatnosć, politisku a kulturnu, a my jim ani kroće napřećo jednać njebudžemy. To pak njeh hnydom

wědža: Přjedy my so njespokojimy, dóniž so nam njestanje prawda a nihdy njewotrijeknjemy so swojeje serbskosće, swojeho narodneho a nabožneho zmyslenja, swojeho žadanja za runoprawnosću z druhimi ludami, byrnjež my tež slabši byli, kaž woni.

Nihdže njeje pokazki, zo so hdže što polěpšuje w tutym nastupanju. Kóždu kročel, kiž my dopředka stupimy, je jim k hněwu a zlobam. Tež sprawnosće a wěrnosće njewočakujemy; štož što nima, njemóže podawać. Zo pak hamtske organy we Łužicy kaž rječazniki na nas šćowkaju, zda so nam trochu džiwno. Wosebje kamjenski a budyšski hamtski dženik wuznamuje so we tutym nastupanju. Dokelž pak nchtó ze swojeje kože njemóže, zda so nam jenož směšne, zo woni tak jara dołho we wowčich kožach mjeze nami khodžachu, měnjo: či hłupi Serbja to njepytanu, zo nej-smy wowca, ale law. My dawno wěmy a znajemy svojich kwasarijow; pod jich wowčej kožu nejsmy woprawdže nihdy lawa spóznać móhli ale — wjelka, a to je rozdžěl!

Jan Skala, Serbske Słowo, 1920.

218.

Naše Serbstwo z procha stawa.

Naše Serbstwo z procha stawa,
stawa žiwa narodnosć,
sylny duch nam mocy dawa,
zbudži swjatu horliwosć:
Wóteny kraj, krasny raj,
sława! kóždy zajuskaj!

Serbja krući, młodži džeja
z nadźiju do přichoda,
wyše hłasy hrimoceja,
wšitke žiły zaržuja:
Wóteny kraj, krasny raj,
sława! kóždy zajuskaj!

Nowe slónco zeskhadzane
rjeńše pruhi wupřestrije;
swobodnosć, to slónco rjane,
krasni njebo žužiske:
Wóteny kraj, krasny raj,
sława! kóždy zajuskaj!

Bratrowstwo sej zawdawamy
w wótcěnskich tych wutrobach,
jednotu sej přisahamy
k dobrom' skutkej w Łužicach:
Wóteny kraj, krasny raj,
sława! kóždy zajuskaj!

M. Domaška, 1846.

II.

NĚKOLIK UKÁZEK Z PÍSEMNICTVÍ DOLNO-
LUŽICKÉHO.

NĚŠTO POKAZKOW Z DELNJOSERBSKEHO
PISMOWSTWA.

Narodne pësnički.

SPÓJSLEJ STEJ DWA MŁODŻEŃCA.

Spójšlej stej dwa młożeńca,
dwa: bëlej, cerwjonej.
Gólku, gólku pšejžoštej,
zagrodu nadejžoštej.

Sednuštej se, glědaštej,
až stej tam husnułej.
„Chto bužo naju k žělu wółaś,
gaž bužo żeń bywaś?“

„Nad nama seda syłowik,
syłowik, drobny ptašk;
ten bužo naju k žělu wółaś,
gaž bužo żeń bywaś.“

WBOGI PLĚJAR.

Za Kańeńcom, za górami
tam wélike sněgi su,
słyńco na nie nepsějzo,
mjasec jim nic nieškóži.

Gaby pšišli šople wětšy
a te sněgi roztajali. —
Sněgi wše su wóttali
a wélike wódy su.

Chtož ma lubku za wódu,
ńamóžo k nej psez wódu:
gólc ma lubku za wódu,
ńamóžo k nej psez wódu.

Gólc psez wódu plējašo,
żowčo jomu swěšašo.
Swěcka chopi gasowaś,
gólc se chopi zalěwaś.

LUBY AKO PŠOSAR.

Płakała Hanica,
płakała Hanica
sedym lět.
Psez swójog' lubeg',
ńeńa dla.

Wósme se hudała,
wósme se hudała
na nowy dwór,
Swojog' pak lubeg'
ńezabyła.

Prědny raz gromaže,
prědny raz gromaže
wjacořaštej,
we swójom nowem
stwarěnu.

Pśízo tam k nima,
pśízo tam k nima
pšosarik.
Něksěšo spiwaś,
bjatowaś.

To žěn mě něběšo,
to žěn mě něběšo
pšosarik,
to žěn mě běšo
jeje luby.

Smoleř, Pěśnički

220.

Z nejstaršych casow.

Cesto huryju se hu nas w serbskem kšaju na małych górkach wšake nopaški a gjarnyški, a we młogem namakajo se hyšći gjarstka popjeła a w tych wělikich młogi raz teke někotare carne a hopalone kósci. Gaž na take město stupijomy, zož taki wšaki glińany řed se namakajo, ga móžomy kuždy raz wěste byś, až tamkor jo w starodawnych casach „kjarchob“ był, na kótaremž su naše stare serbske wóscy, ako hyšći wboge tatany běchu, swóje humarliki spalowali a zgromažony popjeł ze šělow do takich gjarnyškow sypali a pótom do zeńe stajali a zakopowali. Na tych małych carných a šerych nopaškach nějo nic napisane, aby něchten mogł hucytaś, kak abo co tam jo se stało; pšeto pak hulicuju nam take cřopowe huzbytki kradu a zjawńe wo šamnych, žalostnych casach, gaž naše serbske wóscy su hyšći tatany byli a su swóje humarliki spalowali a kósci a popjeł do zagřebnišćow zachowali w takich gjarnyškach. Wóni hulicuju pši tom našomu nětejšnemu narodu, až pši takich zakopowańach nějo była žedneje nažěje, žednogo spokojeńa, žednogo hochłóžeńa, žednogo humoźnika daniž pomocnika. Tatańska šamnosć a pšibogojska pomrokotnosć jo tencas pokšywała serbski lud a serbski kraj.

Pśed towzynt lětami naše stare serbske wóscy nic něwěžechu wo žywem Bogu na něbju a jogo lubem synu, ale pšemodlachu se pšibogam ako wšykne druge ludy hokoło nich, ku kótarymž wjasela powěsć wo Jězom Kristusu hyšći pšišta něběšo.

A take pšibogojstwo cyńachu wóni na górach a pši wšakich wělikich kameńach, kenž hyšći něto how a tam laže, a kenž

w křesćijanskich casach mě „cartowy kameň“ dostachu. Tež w gólach a nasypanych grožiščach wóni swójjich bogow cesćowachu. Toś te psibogi běchu z dřewa, z kameňa abo tež z kupra, a młoge mějachu wěcej ako jedno cłowecne hoblico. Psibogi běchu dwóje, jadne dobre — běle — a druge złe — carne. K běłym bogam se módlachu, aby jim wšykno dobre hobrazili, k carnym pak, aby nic złego na nich nēpósłali.

Serby teke swójjim psibogam wšake hopry psinošowachu, ako płody z póla, chlěb a tykańce, a řezachu teke wótergi k jich cesći zwěrata, ale žedně luži. W casu tšašnych wójnow z Nimcami jo snaž pla podzajtšnego móřa někotare razy se stało, až su wótrubane głowy swójjich winikow swójjim bogam k nogam kładli.

Ze starych serbskich psibogow su nam znate: k přědnemu Swětowit, to jo swěty dobywař. To běšo nejhuššy Bog pódpołnocnych Serbow a tež drugich Słowjanow. Jogo znaće stojašo na kupe Rujane; to běšo z dřewa hurězane, huglědowašo ako cłowek, mějašo pak štyri głowy, te glědachu do štyrich stronow cełego swěta; w jadnej ruce žaržašo weliku tšubału a w drugej ruce wótšy mjac. Swětowit mějašo tež swójjogo kóna, kenž běšo běleje barwy, a kótaregož jogo mēršniki třebachu, gaž zwěsćowaš kšěchu. Z dalokich zemjow, tež z Pólskeje a Českeje pórachu se pobožne duše a pólswolstwa na kupu Rujanu), aby tam Swětowita cesćili.

Drugi psibog starych Serbow běšo Radogosć Kšěchu-li na wójnu, ga jogo wó radu pšašachu a jogo wósebne cesćachu. W měsće Řědore we Welikogrodskej stojašo jogo znaće w templu. To znaće huglědowašo take ako cłowek a mějašo na główe welikego ptaška z hupšestrětyma ksidłoma. Lěc su dolnołužyske Serby Radogosća cesćili, to nějo niži zapisane.

Zasej drugi psibog běšo Triglaw. Ten mějašo swójo mě wót swójjich tšich głowow, z kótarymiž běšo jogo znaće hupyšnone. Znote jo, až mějachu za nogo pomorske Słowjany kšasny tempel w nětejšem měsće Šćećine, kenž bu w lěše 1125 rozlamany, ako tam křesćijaństwo dobywašo. Tež w měsće Braniboře, kenž ma něto mě Brandenburg, stojašo něga znaće Triglaw a snaž tež we wšakich drugich městach serbskego kraja.

Tež bogowki mějachu stare Serby. Jadna taka běšo bogowka Žywa. Wóni wěrachu, až wóna żyweće dawa a lubosć do hutšobow spložijo.

Stare kroniki powědaju teke hyšći wo wšakich drugich psibogach, kótarymž su stare Słowjany služyli; ale na wěste nēzgoni-

jomy, kake běchu jich znařeňa, teke nic, žo su něga stojali a žo su jich cesćowali. Ale to jo wěste, až su na husokich górach pla Budyšyna wšake psibogi stojali a su Serby je tam cesćili. Tak ma nejhušša góra tam, na kótarejž jo něto husoki torm z kařeňow natwarony hyšći něto mě Carňybog — Čornobóh, dokulaž bu tam něga tomule psibogu hoprowano, kótaryž za jich wěru negluku, chórosć, směrś a wšykno zle na luže sćelo. Tež se nam hyšći něto pokazuju welike kařeňe, kenž něga hołtař běchu. Na drugej górje hoprowachu Bělobogu, to jo bělemu Bogoju, kenž jim gluku, strowosć a wšake žognowanje hobražowašo.

H. Jordan, Drobenca ze serbskeje historije.

221.

Pši psězy.

Gaž ja wjacor sama pilnje pśedu
A tak lubósny tam mjaseck glědnu
Tu pśez hokno na mńo słuchajcy,
Spiwam sebe ja 'ned' chwatajcy:
„Luštńe hobertaj se kólasko,
Až mě niś z tog' lanu malsńej žo!“

Gaž ten wětš tań wence głušńe šarcy,
Mójo kólasko z nim teke barcy,
Něpśestanu ja jo hobertaś,
Lěpej wóno mórcy, lěc co graś?
Luštńe hobertaj se kólasko,
Až mě niś z tog' lanu malsńej žo!

Coš mě skócyś, malsna nitka, z palca?
Něcyń! howak bužoś wóte tkalca
Šćokana; 'coš pak mě cěla wóstaś,
Dejś že póšk za póškom wót mńo dostaś.
Luštńe hobertaj se kólasko,
Až mě niś z tog' lanu malsńej žo!

Nocoš kólasko mě lasne byś,
Žož mě złobiś se a nocoš hyś,
Ga ja marskam śi, ja twóje tšuny
Napinam, až klince ako zwóny.
Luštńe hobertaj se kólasko,
Až mě niś z tog' lanu malsńej žo!

Žinsa, niš, jan chwataj, až sy wša,
 Witše, witše ga jo sòbota,
 Witše ja šì njebdu wěcej spiwkaš,
 Pótom móžoš we tom rožku cywkaš.
 Luštne hobertaj se kólasko,
 Až mě niš z tog' lanu malsněj zo!

M. Kósyk, zběrka dolnosěrbskich pěsnjow.

222.

Grod „Sedym dubow“ pla Mišna.

Mjaze Drěždžanami a Mišnom na lěwem brjoze Łobja rozpa-
 daŋki grodu „Sedym dubow“ laže; na tom měsće nět mała cerkwja
 „Pšosarikowa cerkwja“ poměnjona stoj.

Hokoło lěta 1000 tam stojašo mócný grod, na kótremž sejžašo
 kněz Wrośisław. Ten južor běšo pšijašel nimskego kejžora,
 kótaryž pšízo raz na hoglědy ku Wrośisławoju. Ten kejžoroju
 pokaza swój grod a pótom jogo wježašo do gumna, zož jomu
 pšedstawi swójich šesć synow. „Ja měnim, až ty maš sedym synow,“
 žašo kejžor. — „Nic,“ jo rjał Wrośisław; „mam jich jano šesć!“
 — No! wótegroni kejžor: „jo-li tak, pótom tuder sajžim šesć dubow
 na hopomnješe, až ja was hopytał.“ Pótom kejžor hury šesć dubow
 a je sajži. Na to kejžor grod hopuści, a Wrośisław ze swójimi
 synami za nim na wójnu pšešiwu Łužycanam šěgnešo.

W přenjej bitwje pak bu jadyn jogo synow zabity wót někakego
 carnego ryšarja lužyskego. Gaž pak bu we drugej bitwje drugi
 syn z ruki toho samego ryšarja zabity, Wrośisław wěžešo, kto ten
 ryšař jo, kotaryž jomu synow zabija. To běšo jogo staršy syn,
 kótaregož wón běšo zapřeł pšed kejžorom. Tak w kuždej bitwje
 jadyn syn Wrośislawa zginu až do najmłodšego, kótryž běšo doma
 wóstał. Wrośisław z tužyce a njespokojonej wědobnosći humře.
 Tak bu najmłodšy syn kněz na wóšcojskem grože.

Pó někakem casu ku wrotam grodu póselstwo pšízo wót Miška,
 hukazujce wjele dobrego wót Miška a grońece, až ten pšosy, aby
 Miško mogł do grodu stupiš na nócowanje ze swójeje žonu a swó-
 jimi žišimi a ze swójimi lužimi, a až nazajtsa 'co dalej šěgnuš.
 Młody kněz jich puściš kažo. Po pšiwitańu a hugosćeńu jogo do
 gumna wježašo. Tam Miško bratša hopšaša, wecga jo grod pomě-
 jony „šesć dubow.“ Młodšy bratš wótegroni: Togodla, až jo kejžor,
 ako jo nana hopytał, sajžił šesć dubow. Miško rjał: „Nas jo
 było sedym a ja som najstaršy! Žoga jo mój dub?!“ — „Tebe

njebešo doma,“ žašo młodšy; „togoďla sajzi kejžor jano šesć.“ — Miško se rozgori a hurywši młody dub sajzi jen do drugich. Gaž pak młodšy na to słowko piknu, jogo Miško zabi a kšiknu: „Wót něnta se grod sedym dubow bužo mjenowaš, a ja som kněz na ňom!“

Kejžor to zgóniwšy, z wójskom pšísěgnu a grod hoblagnu, a gaž jen doby, wón wšykno spali. Pši tom bu teke Miško zabity, ale jogo žona ze synoma Tugoměrom a Stojgněwom huběgnu pšez pódzemski chód a pšizo do Łužyce. Pó dlejšym casu Tugoměr a Stojgněw na rozpadańki wóšcojskego grodu pšizoštej a pši tych sedym dubach w gumnu pši swóich bogach pšisegaštej, až cotej se na kejžoru pomsćiš. Pótom dwa mócnej kija hurězaštej z Miškowego duba.

W tom casu markgrofa Gero tšizasća serbskich knězow z Łužyce hukaza na góscinu. Teke Tugoměr a Stojgněw plějaštej na cołńe po Łobju do Mišna a dokulž běštej muža z kněszkego rodu, jima nicht pšistup njemóžaso hobaraš. Ale Gero juž pėrej jima běšo pšawo nosenja bronjow wótsužil, togodla wónej pšizoštej jano ze swójima dubowcoma. Stojgněw na cołńe wósta, Tugoměr pak se na grod póda. Tam na grože běchu južor Nimcy a Serby zgromažbne; Serby na jadnej strońe blida sejžachu a Nimcy na drugej. Wóni si jadyn drugemu ňedowěrjachu. Njedługo teke pšizo do zwady a potóm do bitwy. Ned Tugoměr skócy na blido ku Geronuju a ze swójim kijom jomu prasnu na głowu, ale deri jomu jano na rańe. Gero pak kaza jogo skóńcowaš a hopšaša jogo: „Žoga jo twój bratš?“ — Tu goměr jomu wótegroni: „Ňocoš žen teke wěžeš, zo jo mója žona a móje žiši?“ a pótom skóńcy. Mjaze tom buchu wšykne Serby zabite, jano jadyn z grodu huběgnu k Łobju a Stojgněwu kšiknu: „Huběgnmy na drugu stronu, wšykne su zabite!“ — Toš Stojgněw wjasłowašo což móžaso, ale hosrježa rěki se złama to dubowe wjasło, to ňewěrne dřowo, a hobej sińeřs namakaštej we Łobju. —

Styrzasća lět pózdžej w nalětnej nocy pši swětle maseca z gusćiny stupi na rozpadańki „Sedym dubow“ cłowjek z kijom w ruce a z měchom na rańeńu, pušći kij a položy měch na zemju. Pótom se rozglědowašo a cakašo. Pó chylce drugi cłowjek pšizo na te rozpadańki, a ten přěňši žašo: „Ah, ty tuder juž sy, luby mišter, hew su te pėneze!“ a pši tom wón tomu drugemu póda ten šěžki měch a kazašo jomu: „Twař mě tu cyrkwju, kaž som tebe kazał, bžez komžeńa!“

W drugem lěše tam nowa cerkwicka stojašo, a chto ten běšo. ako bě te peníze dať? Syn Tugoměra to běšo, kenž běšo južor kšěscijan, a peníze wón běšo pšosyl pó cuzem kraju až do Włoskeje, a wjele lět wón běšo pšosyl, až běšo tolik nazběrať, až móžašo tu cyrkwicku natwariš, kótaraž hyšćeř zinsa tam stoj.

Jan Greško, Lužica 1899.

223.

Pla rowa.

Do rowa nět ži!	Kak słodko spiš nět!
Wótocywaj zgasnōne šělo.	Wša gluka na zemi zachada,
Sy starosć how mělo,	Nic nej' how ak zwada,
We Bogu ty spi!	Jan žalosć ma swět.
 We wjaselu sy!	 Boj zbužiš b'žo ši!
Łdzy wěcej nederbiš ty płakaš,	Nět nińmerne zajtšo ši swita,
Ból nam'žo ši zmakas:	Ten srědnik ši wita,
To strowe maš ty.	Tam zbōžny z nim sy.

Jo, domoj sy šel,
 Sy hušel z tog' šamnego casa,
 Ta nēbjaska kšasa
 Jo nińmer twój žel.

Ā Mertyn Grys, Č. M. S. 1873.

224.

Wódny muž a mjadwěz.

W starodawnych casach pšiže raz mjadwězár z mjadwěžom na wjacor do Kózlikojc młyna a wosta tam pšez noc, dokulaž młynik běšo jogo stary znaty. Zwěre běšo do tłukařne zawrěte. Na zajtšo pšilěže wódny muž do tłukařne a kšasašo hogen, aby sebe snědańe zwariť; togodla běšo sebe brodatu karpu a někotare šćípely sobu pšínasť. Mjadwěža hubuži swětlo. Cujašo a glědašo, co to by było. Zaprědka se nēwěrašo, ale naslědku pšilěže k hogńu, žož wódny muž w kótle z jagłoweju měšawku swójo snidańe měšašo a ho-brašašo. Gdyž běchu dosć warone, hušěgnu nyks (wódny muž) karpu a zachopi ju kusaš. Mjadwěz to wizecy tyknu tež pazory do kótlíka a hušěgnu sebe šćípeła. Něto akle hupytnu jogo wódny muž, pózwignu měšawku a řaknu: „Kac, abo ši dam plac!“ To pak jogo nēwotegna; wón sebe hyšćí raz rybu hušěgnu. Zasej jomu

wódny muž rowno tak grozašo, ale pódermo; dokulaž lěbda běšo mjadwěz šćípela póžrěł, hustrě južo zasej pazoru. Ale něto jogo wódny muž z łopatku kšuse psepraska. Ale chej! Lěbda jogo klapnu, hobojmě jogo rozgniwane zwěfe tak kšuse, až wón z bóloséu zakšika a tak dłužko wólašo, až młynik a jogo gósć to słyšaštej a mjadwěža wóteгнаštej. Wódny muž pak chwatajcy do wódy zlěze.

Młynik běšo južo dawno na to wšo zabył, ako psichodne lěto na Mariju naraz zasłyša wólaš: „Luby młyniko, maš ga hyšći tu groznu kócku?“ — „To se wě,“ wótgroni młynik, „a mam hysći styri młode wót něje, kótarež su žewěš raz górshe něžli ta stara.“ — „Ga pótom božeńie!“ žašo wódny mužyk a něbu žedńe wěcej we młyne wižony.

Z Kulowskich stron, Šwelowo Cytanka za serbske žiži.

225.

Noc.

Złotne słyńco zejžo domoj,
Slědny blyšć juž zgasujo;
Noc se milna pušća dołoj
A wša stwórba k měru žo.

Wóna sypjo słodke spańe
Na wšych mucnych cłowekow
A pódawa žognowańe
Do wšych chamnych cłonaškow.

Gwězdžina pšez něbjo kšaca
Ako ředna něwesta,
Z swětłym pasom se hokasa,
Kenž jo pońny dejmanta.

W pólach, w gólach, wšudy spańe,
Słodki měř wšo psíkšywa,
Spokojne wótpocywańe,
Wšudy swěta šisýna.

Noc, ty luba, och pšesčěraj
Twóje kśidła tež na mńo,
Nowe mócy zasej zběraj
A daj słodki měř do mńo!

Fr. Rocha, Łužica 1910.

226.

Reformacyja.

Gaž nalěto psichada, wótnowijo se ceła zemja, a młode žyweńe gibjo se wšuderkano. Tež reformacyja běšo wělike duchne nalěto kšěscijańskeje cerkwě. Zyma lažašo přerweј nad kšěscijanami. Studńa cystego bóžego słowa, kótarež pšez Jezom Kristusa cłowekam běšo se zapowědowało, běšo zakšyta wót cłowecných hustawańow a psi-

kazňow, ewangelion něběšo wěcej swětło za swět. Tak ako pšed nalětom ptaški pšilětaju ze šopłych stronow, zapowědujuce, až jo kóńc zymy blizki, tak teke pšed reformacyjonom južo stanuchu muže, kótarež nowemu casu drogu pšigotowachu. W Engelskoj pokazowašo Jan Wiklef († 1387) ze wšěju kšutosću na něpšawdosć wšakich cerkwinskih hucbow a pšestawi bóže słowo do swójeje rěcy. Za nim hustupi w Českej Jan Hus, kenž běšo farař a hucabnik na husokej šuli w Praze. Wón prátkowašo cyste bóže słowo a hucašo jano to, což z biblije móžo se huznaš. Wěle luži jomu pšiwisowacšo, něbjaske słyńco swěšašo nad českeju zemju a hubuži tam kšasne nalěto duchneho žyweňa. Ale dłužko to nětrajašo. Hus bu w lěse 1415 w Kóstnicach spalony. Tšašne wójny nastachu; zaprědka dobywachu Husowe pšiwisoware a pšízechu tež až do Bramborskeje a Łužyce, pótom pak buchu pšewiňone, zezabijane abo z domacneje zeńe hugnane.

Radny cas wósta hyšći bamžojška šamnosć móčna nad kšěsćijańskimi ludami, pótom pak nasta pšawe nalěto pšez doktora Mertyna Luthera. Tensamy muž běšo w šěžkem nutšikownem wójowańu nazgonił, až žeden cłowek namožo ze swójimi dobrymi statkami swóje grěchy hutamaš, wěle wěcej dostawaju wšykne wěrece wódawańe grěchow přez Jezusowu směrš. Togodla hucašo wón ro dwóje: cłowek se huzbožnijo jano pšes wěru z lutneje bóžej z milnosći — a k drugemu: žrědło našeje wěry jo jano swěte pismo.

Lutheruš běšo farař a hucabnik we Wittenbergu. Ako zachopěńk reformacyje plaši zeń 31. oktobra 1517. Pšez wšykne ludy zazně powěsć Lutheroweje skobodneje wěry a nichten namóžašo se jogo duchu stawjaš, pšeto Bog běšo z nim.

Tež serbski lud bu wót takego płomeňa rozgrěty a wótžywjony. Chóšebuski kraj běšo južo tencas we ruce bramborskich wěrchow. W l. 1539 pšistupi kurwěrch Joachim II. k nowej hucbě a z nim teke jogo pódejšpniki, ale južo 1527 běšo we chóšebuskej serbskej cerkwi, kótaraž běšo tencas kloštar, mnich Briesemann Lutherowu wěru prátkował.

Serbski lud akle tegdy pšawe kšěsćijaństwo huzna. Do tych měst běšo se we łatyńskej abo nimskej rěcy prátkowało, něto hukněchu tež serbske młoženće z kopicami na farańske a prátkowachu doma we swójej mašerinej rěcy. Južo 1548 bu Nowy Testament do serbskeje rěcy pšeložony pšez Mikławša Jakubicu, kenž běšo niži we Žarowskich stronach za faraňa. Dokulaž pak běšo serbski lud chudy, namóžachu se tegdy te knigły šiščas daš a buchu zabyte, a togodla hyšći raz kófeński farař Gottlib Fabricius Nowy

Testament we lěše 1709 pśeloży; Sary Testament pak bu wót farařa J. Fr. Fryca w Gólkojcach 1791—95 pśeložony a 1796 šisćany. Předne katechismusowe knihły spisaštej a hudaštej farař Albinus Mollerus (Młynik) w Tšupcu 1587 a farař Handroš Tara w Ćedri-chojcach w storkowskej strońe 1610. Přatkařske knihły spisachu huššy farař Christlieb Fryco w Chóšebuzu 1791 — wón běšo bratš toho, kenž jo Sary Testament pśeložil — picański huššy farař Sigismund Šindlar 1829 a nižański farař Jan Fryco Tešnar 1869.

Pśez reformacyju su předne serbske knihły nastali, a nowe duchne žyweńe jo naš lud napoľniło. Wěrnó deře jo, až jo wót toho casa serbska řec na wšyknych kóńcach wóteběrała a jano 'słaby zbytk jo nam hyšći zawostał. Ale tež ten mały zbytk móžo bóžu cesć zapowědaš we słowach a statkach a wele płodow pśi-ńasć, kótarež wóstanu do nińernosći. Gaby mjazy Serbami było jich wele, kótarež něglědajucy na zeński hužytak a swětnu cesć, by byli tak hobtwaržone a založone we Bogu, až kšěli a mogli swójo cele žyweńe do jogo služby stawis a z Lutherom póznaš: Ja ná-mogu hynacej, daši Bog mě pomóžo!

G. Šwela, Cytanka za serbske žiši 1907.

227.

Mašerna řec.

Stare knorate štomisko
něhužytne se zezdańo —
ale z jog' sprojtych korabjow
stware se žiwy wót twarcow.

Młogi ma swóju mašernu řec
za zestaranu sukatu wěc:
weto se wót něje huwiju
spiwne wěnaški z lažkosću.

Mašerna řec je tež wót Boga
k sławěńu ducha nam dařona;
cuze ju do wěnkow splěšuju,
doma pak młoge ju stergaju.

M. Kósyk, Łužica 1899.

228.

Pšerada markgrofy Gera.

(Strofa 80—87).

Gero nět pak z krotkim huwołašo, Síněrsi měř'cu teke wam nět
dyš jog' głos se w hustach łamašo, dawaš,
A wšak sam nad swójim słowom Swěrne znanki b'du ze zeńestawaš,
rdžašo: Ab' naš zwězk se mogał jěsńej staš,
Lej, ten cas juž wabi k měru wšo Keu te znanki górej hupósłaš."

Lebda Gero nět se wótchylišo,
 Ako z nim tež přijašele wše,
 Lej, ga kaki žiw nas hužěšyšo,
 Žuřa w bokach howak pótajmne
 Hobronite zrazom huchytachu,
 Jo! ak hela šamna huparskachu
 Na nas wbogich wšykno skazeńe,
 K sińersi žěšo našo žyweńe!

„Pšerada,“ tak zrazom z hustow
 zněšo,

Našog' sławnog' cestneg' wój-
 wody,

Lej a wón tež južor hoblěžešo,
 Kopjo jogo nadra pšewěrši.

Łdzy pak z kšíkom zrazom huši-
 šćachmy,

Ak tog' swěrneg' w kšwi hupy-
 tachmy,

Taka ból nas wěcej zapšimě,
 Ak ta bójazń w smértnej tšachošě.

Žiwno běchmy zrazom hubu-
 žone,

Nowu móc nam powda sćaklina,
 Lej! jan zpěsćami nět hobroněne

Walachmy se wše na winika;
 Což jan běšo z ruku dostańone,

Lažašo tež skóro roztergńone,
 Tak my skóro nage skócychmy

K wójńe, a pón mjace łamachmy.

Zrazom žiwy zogoł hustyšachmy,
 Kšík a klěše górej zazněšo,
 Lej! juž hužěšone hupytachmy
 Kako mań se k nam zas walašo
 Hobronitych wót pótajmnych rogow,
 Hobdane tak buchmy wót wšych
 bokow.

Našu směrś nět zjawńe cujachmy,
 Winik běšo wele mócńejšy.

Našych ranow bóli něhucuchmy.
 Zapalone běchmy k pomsćeńu,
 A ak nimskej ruce huwinuchmy
 Wótšu broń, jan za nas wóstšonu,
 Aj ga ta nět' luštńe zaklinkašo,
 Winiku móc našu pokazašo,
 Až te złosne wšak bžez skobody
 Běchu k našym nogam spadali.

„Sława, sława“, z našych hustow
 zněšo,

„Stłamana jo nimska pšerada.“
 Ako jěsno take honiměšo,

Čtož to dobyše tak huwóta,
 Smértna słabosc ga nas ł obla-
 pišo.

Ak se sćakliwosc zas wótchy-
 lišo.

Našych swěrných pšestrě Smetr-
 nica

Južor górej wšak na winika.

Kaka ból, ak nět nas zahobtužy,
 Ze słowom zo nam'gu hugroniš.

Žedno gnuše pak nas nězabłuži,
 Kšěchmy že se jěsno humožyš!

Humarłym nět z ruki wóthu-
 rychmy

Mjace, tak se wšako hobronichmy
 K hustupeńu z města tšachoty,

Žoš su naše swěrne padnuli.

Dolnołužyske Serbstwo w zachodnem lěše.

Lěto 1905 běšo pśed drugimi wažne za našo narodne žyweće. Naslědk glědajuće, wižimy z wjaselim žěto a póstupowaće we młogich wěcach. Wšake wosebne a wažne knigły a spisy buchu šišćane a hudane, gromadne hukneće a rozgrańaće lubowařow serbskeje řecy nasta, Mašica Serbska swěšašo swójo 25-lětne hobstaće. z jadnym słowom: žyweće se gibašo.

Glědajmy nejperwej na pismowstwo. Jogo znaće jo: originalnosć. Mašica Serbska jo do něta wětšy žěl jano pśestawjone hulicowańa do šišća dała, licba jeje originalnych spisow jo łoni wó jaden pśiběrała: „Drožeńce ze serbskeje historije.“ Knigły su wót Hajna Jordana za jubilej Mašice zestajone. Wóni hopśiměju powěsći ze starych casow serbskich wósadow wót farařow pó cerkwinyh knigłych zapisane, nastawk kantora Šwele wó nastašu nowych „duchownych kjarližow“, nastawk farařa Šwele wo pśeloženju biblijje do serbskeje řecy, naslědku hopisujo Hajno Jordan nadrobno perwejše „serbske towarisťstwo“ a załoženje „Mašice Serbskeje“; list a pisma, Mašicu nastupajuće, su teke tam wótsišćane. Z tajkim su te knigły wažne žrědło za historiju serbskego naroda.

Dalej naspominam małej łopeni, wót hucabnika Fryca Rocha w Tuřeju spisanej; Fryco Rocha jo we młodych lětach ředne arije humyslił, pótom pak humelknuł, kaž młogi syłowik na serbskich zagonach. Nowy duch lěta 1905 jo teke jogo huzbužil k nowemu žětu a ředna licba lubosnych pěśnow jo z jogo pilnego pera běžała a zwjaseliła kuždego, kenž jo je słyšał.

Z drugih Rochowych pěśni naspominam: „Mój Tuřej,“ „Lubosć,“ „Dwě ruce“ we Wósadniku. „Powitaće góšći na Mašicnem jubileju“ — na wósebneńm łopenu šišćane. Ředne jo, gaž ma spiwař ned swójoego zgłosowařa abo komponistu. Tež taki jo nam hobrazony. Młody Kurt Krygař, syn liškojskego hucabnika a sam hucabnik a napowy pomocnik, jo swóje bogate musikalne dary do serbskeje služby stajił a někotare dobre komposicije humyslił. kótarež pak na Mašicnem jubileju pak na liškojskem koncerse se słyšachu.

Ako dalšy płod serbskego pismowstwa něch se zapišo tudy „Wósadnik“, wót farařa Biegera-Picańksego a Riesa-Janšojskego załožone a redigowane cerkwine łopeno. W decembrě 1904 hujže

prědny raz na probu. Ned z nowym lětom 1905 móžašo se z psíjazytnym dowolenim redaktorowu „Wósadnik“ tež za chóšebuzsku serbsku wósadu hudawaš. Z tajkim mějachny dwóji hudawk: jaden za picańsku a janšojsku, drugi za chóšobuzsku wósadu, pšeto wósebnosć „Wósadnika“ jo, až mjasecne powěšći z wósažinego żywěña psínosy. Cytařow abo lěpěj zapłatařow toho łopena we spomněnych wósadach jo na 1000; to jo husoka lieba; jano pšez to móžna, až faraře sami dwór psi dwóre abonentow wabjachu a p'la hucabnikow swěrnú pódperu namakachu. Ze zachopěnkow nowego lěta jo „Wósadnik“ powětšony a tak zestajany, až wšykne wósady we řiom swóju domowinu změja.

Naslědku jo z wjaselim se powitała „Řěcnica dolnoserbskeje řěcy“ (prědny žěl), hobžěłana a hudana wot chóšebuskego farařa G. Šwele.

To je krotki rozglěd pó dolnoserbskem pismowstwe zachodnego lěta. Wěle mogło se hyšći wo tych wěcach pisaš, pšeto žož jo żywěne, tam tež móžo se něco hulicowaš. A psi nas jo chwališ Boga narodne żywěne nastało.

Na Mašicnej gromaže 1904 bu hobzamkněne, filologisku wótžěłbu založyš. To se sta nazymu samego lěta. Kuždy mjasec raz zejdu se cłonki, kótarež ze serbskeju řěcu se zaběraju w Chóšebuzu a rozgraňaju se wo filologiskich wěcach. Pšichada jich dosć: niżej 10 jich lěbda raz jo, cesto pak na dwačasća a wěcej. Wósebně póspěchowańe takego žěla nasta z toho, až profesor dr. A. Muka na swětkach naš gósć běšo — a naš hucabnik. Wězba mjazy górneju a dolneju Łužicu dej dlej twaržejša nastaš. K tomu pak jano psížomy, gaž se zeznajomy kradu a hoglědamy how a tam. Rowno jomu mamy se žěkowaš, až młogi se jo serbskej wěcy psíchylił a młogi bu k dalšej pilnosći pogońony a mocowany. We filologiskej wótžěłbe sta se teke psígótowańe Mašicnego 25-lětnego jubileja, kótarež dalše póstupowańe psínase a nam mjazy našymi lužimi wěle psijašelow dobywa kaž tež swěžeńu we Zgóřelcu pokaza se naša młožina a bu z psíjaznosću powitana. Kónc lěta huzwoli se z lubosnym liškojskim koncertom.

To su dobre zachopěńki nowego żywěña we Dolnej Łužycy, ale jano zachopěńki; to nócamy zabyć. Kradu smy wiželi, až jo mjazy serbskimi burami welgin wěle takich, kótrež swój naród lubo maju, wiželi tež smy, až jo mjazy huconymi Serbami młogi, kenž móžo něco dobrego na narodnem pólu dožěłaš. Togodla žěłajmy dalej, kuždy pó swóжих mócach, kuždy žož stoj.

G. Šwela, Łužica 1906.

Serbska zemja.

Serbska zemja, ty mój narod,	Twóje wsy a twóje města,
Mójich wóscow kólebka,	Twóje póla, łuki wše,
Droge město huchwalone,	Wšykno mě tak jasne wita,
Strona kšasna serbojska.	Zně mě zuki psijazne.

Twóje zowča hupyšnone,	Tšuga Sprěwe pak pseksasni
Twóje spiwy narodne,	Twóje kšomy struskate,
Twóje lěsy zatawjone,	Žěli swójo žognowańe
Wšo tak lube domacne.	Gófejonej kaž dołojonej.

Wěžoš nas ak' lube bratši,
 Górnju, Dolnu Łužycu;
 Sy mě droga, luba Sprěwja,
 Luba rodu serbskemu.

Fr. Rocha. Łužica 1911.

Něšto přispomnjenjow ze słowjesnosće.

Słowjesnosć je wučba wo pismowstwje.

Pismowstwo je zebrane wšěch płodow, t. j. wšěch literarnych wutwarow, zakhowanych pak přez ertne přepodawanje (tradiciju), pak pisomnje (a to pak w rukopisu, pak w čišću). Pismowstwo móže być pak *wědomostne* (nawukowe), pak *krasne* abo *basniske*; woboje móže być pak přenjatne, pak přeložene. Literarne wutwary (wudžělki) móža być spisane pak w pěšej, pak wjazanej řeči (hrónčkach) a wšo, štož je spisane we pěšej řeči, mjenujemy z cuzym wurazom *prózu*, wšo pak, štož je pisane we wjazanej řeči abo hrónčkach, mjenujemy *poeziju* abo *basnistwo*.

Próza (z łac. *prosa* = oratio) je swobodna řeč, přirodžena, tak, kaž ju znajemy z bajkow, podlěhaca gramatiskim a slohowym (stylowym) pravidłam.

Basnistwo (poezija, z grek. *poieo*) je wumjełscy wutwojena řeč, wjazana z wěstymi a to nic jenož gramatiskimi a slohowymi, ale tež basniskimi pravidłami.

*

Próza. Najzakładniša družina prózy je jednore *powědanje*, z kotrehož poznajemy přitomne abo přichodne podawki z wob-tojnosćemi je přewodžacy. Dyrbi być jasne, jadriwe, dospołne, dowidne, přeswědčace a běžne (hlej nastawki 10, 16, 19, 22 a d.). Wosebita družina je *historiske* powědanje, čérpane ze stawiznow (hlej W. Bogusławski-M. Hornik, Stawizny serbskeho naroda. Budyš 1884 a nast. 41, 116, 120, 127, 148, 162, 173, 195.)

Wopisowanje je powědanje, kotrež wuzběhujewu znamne wosebitosće někajkeho předmjeta, spisowačel we nim přnioš ak plaćiwosći tež swoje samsne začišće (nast. 16, 19, 72, 75, 110, 112, 124, 135, 141, 151, 175). Přirunamy-li při tom dwaj abo wjacu podobnych předmjetow, tworimy *přirunowanje*. Wopisowanje čłowjeskeje powahy a ludži zcyla mjenuje so *powahopis* abo *kharakteristika* (hlej nast. 73, 133 a dr.)

Podrobnému a wobšěrnému wopisowanju powahi, žiwjenja a džěła někotrych jednotliwcow rěkamy *žiwjenjopis* abo *biografija*. Při pisanju žiwjenjopisa podawaju wažnu maćiznu *samsne žiwjenjopisy* (autobiografije), *dženiki*, *dopisy* (listy) a *dopomnjenki* (memoiry). (Hlej přikłady w nastawkach 70, 79, 81, 84, 100, 118, 133, 150, 152, 154, 155, 160, 177, 180, 183, 197, 213, 215).

Wědomostneho razu su *rozběranje*, *rozpominanje*, *pojednanje*, w kotrychž so jedna wosobiće *wo wěc*, *wo předmět*, nic *wo skutk* (čin). Jelizo wučěrpuje tajke pojednanje někajki předmět do podrobnosće, rěka *monografija* (nast. 3, 48, 58, 64, 66, 86, 88, 93, 97, 98, 102, 104, 105, 106, 108, 164, 168, 171, 193, 195, 199, 201, 207, 217).

Z jara wažnym słowjesnym wutwarom su *nowiny*, wěsta družina jednostronskeje korespondency. Přenje serbske rukopisne nowiny založi l. 1765 lipsčanske lužiske předařske towarstwo pod mjenom „Lipske Nowizny a Schitkizny“. Přenje čišćane serbske nowiny běchu „Serbski powědař a kurěr“, kotrež wudawaše 1809—12 w Budyšinje *Jan Dejka*. Hač do l. 1920 mějachmy jenož tydženiki. Wot 1. wulk. rózka 1920 wukhodža přeni serbski dženik „Serbske Nowiny“. Wosebity džěl nowin twori *feuilleton*, t. je pisana měšeńca časowych napadow. Z tworjerjom českeho *feuilletona* je *Jan Neruda*. Pola njeho móžemy wuknyć w jeho knihach „Drobné klepy“, „Žerty hravé a dravé“ (hl. nast. 131.) Z wubjernym srědkom za agitaciju su *lětaki*. Serbske hibanje wužiwaše jich tohorunja (nast. 205, 209).

Z najdokonjanišim prozaiskim wutwarom je *rěč*. Rěč dyrbi skutkować na rozom a čuće. Na rozom skutkuje ze swojim wob-sahom na čuće z zarjadowanjom a přednjesenjom. *Duchowna rěč*, přědowanje, nastupa nabožinske wěcy, swětne rěče móža być: politiske, sudniške, přiležnostne (składnostne), swjedžeńske atd. Wučba wo rěčiso mjenuje *rhetorika* abo *rěčnistwo* (hlej nast. 26, 191).

*

Basnistwo móžemy rozdźělić po tym, hač basnik wujadrjuje swoje začuća, na *lyriske* t. j. wosobinske, začućowe (z najzakładnišim dokładom je tu ludowa pěseń), na *episke* t. j. *powědate* (epos je powědaty hordžinski, rjekowski spěw), na basnistwo *dramatiske*, t. j. džějowe (drama abo džěj = čin, skutk). Maju-li basnje wšěch tutych třoch družin zjawny zamysł wukubłować a powučěć, potom so jim rěka basnje *tendencowe* (didaktiske). W *lyriskim* basnistwje přinoša basnik k plaćiwosći swoje samsne začuwanja, a to so stawa najlěpje *w ludowej* abo *narodnej* pěśni. Z napodobnjenjom ludoweje

pěsnje nastawachu tak mjenowane *znarodnjene* pěsnje. (Na př. wjele Zejlerjowych pěsni.)

Ludowe pěsnje su z najlěpším wurazom ludoweje duše; we wšěch časach a při wšěch žiwjeńskich składnosćach wupraješe přenjoťny čłowjek swoje začuwanjá njech zrudne njech wjesołe z pěsnju: z pěsnju khwaleše Boha, přrodu a jeje krasnosće, z pěsnju přewodžeše wšitke wuznamne podawki swójeho žiwjenja. Tež Serbja maju wulku syłu ludowych pěsni. Hlej wosebje knihy *Jana Arn. Smolerja* „Pěsnički Hornich a Delnich Serbow“, hdžež namakamy tež serbske bajki, bamžički (legendy) a druhe wutwary ludoweho pismownstwa. Wjele ludowych pěsni je tež zezběrał *prof. dr. E. Muka* hižo wot lěta 1872 (hladať mój zapisk w *Národ. Věstniku Česko-slovanském* 1914 str. 20 a sčěh.); dále *Ad. Černýj*: *Narodne hlasy lužicko-serbskich pěsni*, Budyšin 1888, druha zběrka samsneho lěta a třeća zběrka l. 1894, a *L. Kuba*, *Slovanstvo ve svých zpěvech* III. 5 (hleť nast. 27, 46, 80, 132, 219).

Wumjetske lyriske basnje su na př. *óda*, *hymna*, *dithyrambus*, wostawne basnje, *psalm*, wujadrjowacy wotwisnosć čłowjeka wot Boha; zrudneho razu je *elegija* abo struchłospěw. Šěrši wuznam ma *basniski list*, w kotrymž piše basnik někomu wo swóich začuwanjach, ale po prawom chce řečec k šěršemu čitařtwu (hleť nast. 1, 4, 6, 13, 17, 18, 21, 28, 44, 57, 63, 85, 87, 109, 118, 121, 141, 153, 156, 159, 161, 165, 167, 187, 192, 194, 198, 202, 204, 206, 212, 214, 218, 228.)

Z episkeho basnistwa su najstarše *baje* (mythy), to je powědanje ze žiwjenja pohanskich bózstwow, powědanje wo přirodže a wo čłowjeku zcyła. Kóždy narod ma swóje *bajestownstwo* (swóju mythologiju), tež Serbja. Serbske bajje je zhromadził *A. Černýj* w knihach „*Mythiske bytosće lužiskich Serbow*“, I. a II. zwjazk. Budyšin 1893 a 1898. (Hleť nastawk 54, 66.) Něhdže w šamsnych starych časach nastawachu *bajki*, t. j. powědanja, kotrež nimaju wěsteho časa a wěsteho městna, w kotrychž wustupuja wumyslne, bajkowe bytosće, w kotrychž so najbóle pokazuje wojowanje dobreho ze złym, při čimž dobre dobywa. Tež Serbja maju syłu krasnych bajkow, kotrež su zhromadžili *J. A. Smoler* we swóich *Pjesničkach* l. 1841, I. str. 159—185, *K. J. Erben* we *Slovanskej Čitancy* r. 1865; dale *H. Jordan* l. 1876 w knižcy: *Najrjeńše ludowe bajki*, *Jakub Šewčík* we III. zešiwku *Jubil. spisow „Serbowki“* „*Bajki a basnički*“ (1899) a najnowišo *M. Nawka*, „*Baje, bajki a basnički*“, 1. zešiwk we Budyšinje 1914 (hl. nast. 7, 20, 31, 33, 37, 39, 43, 45, 224).

Powěšće rmjenujemy powědańčka, kotrež na rozdźěl wot bajkow so počahuja k wěstemu městnu, wěstemu časej a wěstej wosobje. Rozeznawamy narodne (ludowe), městne, hordžinske (rjekowske) a druge powěšće (nast. 51, 56, 122, 203, 222).

Powěšć abo bajka ze žiwjenja swjatych mjenuje so *legenda* (bamžička; w nast. 62). Jara woblubjene bywachu *hordžinske* (rjekowske) powěšće, kotrež so přenjoťnje wobdźělowachu we hrónčkach a so spěwachu přez ludowych spěwarjow, tak kaž nam to pokazuje *Jakub Čišinski* we swojim dramaće „Na Hrodźišću“.

Z druhich *episkich* basni stej woblubjenej *balada* (lyriskoepiska baseń, wožiwjena z dialogom, *torhane*, *spěwne formy*, khutneho, haj tragiskeho razu z nadzeńskimi žiwjoťami) a *romanca* (tež lyriskoepiska baseń, wšelakoreje formy, wjěsoľeho razu, z postavami a podawkami z ryćeřskeho žiwjenja; hl. nast. 52, 60, 94, 111).

Z najwyššim skhodžeńkom episkeho basnistwa je *epos*, t. j. wulka powědata baseń, wo wuznamnych podawkach pak ze žiwjenja cyľeho naroda, pak wuznamneho jednotliwca. Mamy w cuzych literaturach a wězo tež w słowjanskich narodne, hordžinske (klasiskej hordžinskej eposaj Homerowaj „Iliada“ a „Odysseja“ stej přeloženej tež do serbsčiny wot M. Urbana), romantiske, duchowne, idyliske, zwěrjace a skónčnje moderne a reflexivne eposy (hl. 83, 113, 114, 116, 228).

Z drobnjšim dokładam episkeho basnistwa je *basniske powědańčko* (t. j. hrónčkowane powědanje někajkich zajimawych podawkow). K episkemu basnistwu liči so tež najwobsahliši prozaiski literarny wutwar: *roman*, kotryž džensa zjednoća w sebi wšě přednosće basniskich a prozaiskich družinow, kotryž ma so wuznamnić z wuraznej kharakteristiku, z psychologiskej hľubokosću, z krutej přičinitosću, z wěrnosću a woprawdžitosću. Roman je wšelakory za tym, z kajkeje srjedžizny (*milieu*) je maćizna čěrpana (historiski, ryćeřski, wjesny, swójbny, towařšnostny atd.; hl. 117, 133, 138).

K romanej připinaju so króťše prozaiske wutwory: *powědańčka*, *nowele*, *arabeski* atd., (hl. 125, 138, 144, 166, 184, 186, 188, 189). Wšěm tutym słowjesnym wutwaram prajimy tež *beletrija*.

Najľpša z wjesnych powědańčkow je „Babička“ Boženy Němcoweje, přeložena do serbsčiny přez *Filipa Rězaka* („Naša wowka“, hl. nast. 22).

Dramatiske basnistwo předstaja nam dospołny a jednotny džěj (čin), budžacy jednotny zajim, přewjedženy přez jednace wosoby

w přitomnosći tak, jako by so podawk runje wuwíwał. Drama tohorunja zjednoća w sebi wšě słowjesne přědnosće tak jako roman, ale ze swojim njeposrědnym začíščom móže wuskutkować wjele wjac. Wězo zaleži to na harmoniji něšto wumjetstwow, kotrež so tu zjednoćeju z *literarnym* wumjetstwom: t. j. architektoniske wumjetstwo, moleřstwo, řězbařstwo, dekoracija, deklamatorske a mimiske, t. j. hrajeřske wumjetstwo, a w operach tež hudźbne wumjetstwo.

Z nošerjom čina je dialog, t. j. rozmołwa jednacych wosobow. Je tu wjele lyriskeho žiwjoła. Z najwažnišej wěcu je *čin*, kotryž dyrbi być derje motivowany abo dopokazany. Po wobsahu džela so džiwadłowe hry na *struchłohry* (tragedije), *wjeselohry* (komedije) a *činohry* (dramata). Najlěpša serbska hra je hač dotal Čišinsk ho „Na Hrodzišću“, přěni džěl z wotmysleneje trilogije „Milecy“, poetiskeho pomnika zhubjeneje počobskoserbskeje samostatnosće. Zapisk serbskich hrow je zastajał Fr. Kral w přiručneji knižcy „*Naše džiwadło*“ w l. 1914. Wjetšina serbskich hrow je wobdžěłana po cuzych přikładach abo přeložena z českeje, ruskeje a němskeje literatury. (Z jendželščiny mamy klasiski přeložk Skakespearoweho „Julia Caesara“ wot J. B. Pjecha). Z młódšich basnikow slubuje *Józ. Nowak*, zo so rozwije do dobrego, skutkowneho dramatika (hlej nast. 170, 172, 182; wo džiwadla nast. 171).

Z *tendenčneho* abo *zamysłowneho basnistwa* móžemy porěčeć wo *powučneji basni*, dale wo *gnomje* (t. j. krótkce hrónčkowane prajidmo) a skónčnje wo *epigramu* (t. j. krótkce a žortniwe dwójhrono wšelakoreho wobsaha; z jara woblubjenym tendenčnym zamysłownym; wutwarom je *bajka*, w kotrejš wustupuja najbóle zwějata a jednaju kaž ludžo; najbóle wupraja so tu někajka powšitkowna wěrnosć, dobyta z nazhonjenja abo zcyła někajke powšitkowne, žiwjeńske prawidło (nast. 14, 29, 38, 68, 89, 185, 190).

Stary wutwar ludoweje mudrosće su *přisłowa*, kotrež wuprajeju praktiske ludowe nazhonjenja. Słowjanske přisłowa je zestajał česki wučenc Fr. Lad. Čelakovský w knize „*Mudrosloví národů slovanských*“; serbske namakamy we wobšěrnej knize „*Přisłowa a přisłowne hrónčka a wusłowa hornjołužiskich Serbow*“, hromadže wudate přez *J. Radyserba Wjelu* a *A. Muku* (hlej w mojej knižcy „*Krátká přiručka hornolužické srbštiny*“ str. 64—68). Přjedawši horliwi zběrarjo serbskich přisłowow běchu H. Zejler, J. A. Smoler a J. Buk.

Z tutym krótkim načiskom słowjesnosće ma so podať nastork k spisanju *samostatneje wobšěrnej serbskeje słowjesnosće*. Serbsey

spisowaceljo budža tu najlěpje widžeć, kak wjele, džensa snadź zabytych literarnych, dokładow maju we swojim pismowstwje, kotrež mohle so zhromadzić a wudać w knihach, kaž so to dotal činješe ze zběrkami pěśni, bajkow, bajow, přisłowow, kaž je to so stało w zhromadženych spisach Handrija Zejlerja (Mukowa edicija) w Dźiwadłowej, zběrcy w Serbskej knihownje, w Jubilejnych spisach Serbowki atd., a tež spóznaju, kajke njedostatki su w serbskim pismowstwje. Jako w druhich wotrjadach, tak budže tež tu hišće trjeba wulkeho, skutkowneho džěla a prócowanja.

Přispomnjenje. Wo serbskim pismowstwje jednaja:

Adolf Černý: Stawizny basnistwa lužiskich Serbow. I. Budyšin 1910.

Handrij Dućman: Pismowstwo katolskich Serbow. Budyšin 1869.

Jan Bohuwěr Pjeh: Das serbisch-wendische Schrifttum in der Ober- und Niederlausitz (Němski přeložk z ruski spisanych „stawiznow słowjanskich literaturow“ A. N. Pypina a V. D. Spasowiča) ze wšelakimi dopjelnjenkami, w Lipsku 1884.

J. B. Kukowski (= Čišinski): Die Literatur der Lausitzer Serben zu Anfang des XX. Jahrhunderts. (Samostatny wočišć ze „Zběrnika po slawjanowěděnju“) Pětrohród 1904.

Jakub Bart Čišinski: Razvoj literature Lužičkih Srba sa osobitim obzirom na neno sadašne stane. Nowy Sad 1905.

K. A. Jenč: Pismowstwo ewangelskich Serbow. Rozpróšene mnohe nastawki w Časopisa Mačicy Serbskeje lětnik VIII.—XXXIV. Budyšin 1855—1881.

K. A. Jenč: Pismowstwo a spisowarjo delnjołužiskich Serbow. W Časopisu M. S. lětnik XXXIII. Budyšin 1880.

J. A. Smoler: Stawizny lužiskoserbskeje literatury. Budyšin 1881.

Ad. Černý: Lužice a Lužičti Srbové. Praha 1912.

Josef Páta: O Lužických Srbech. Osvěta 1911.

Z českeho listowanja J. E. Smolerja. Č. M. S. 1919—20; tež we woserbskej knize Budyšin 1920.¹

Bibliografiju (zapis) serbskeho ludoweho pismowstwa jak basniskeho, tak prozaiskeho do lět 90tych zestajił *Ad. Černý* w rewuji Český lid I. 1891, str. 77 a sčěh.

Přispomnjenja.

(Čisto woznamjenja nastawk.)

1. **Klio**, musa (grekska nižša bohowka), škitarka stawiznopisa.
2. **Słowjenjo**, džensa najličbniši splah indoeuropiski w Europje: džěla so po swojich sydlišćach na tři haluzy: 1. wukhódnju z Rusami (Wulkorusami, Małorusami (tež Ukrajincy abo Rusinojo mjenowanymi) a Bělorusami), 2. zapadnu z Polakami, lužiskimi Serbami a Čechosłowakami a 3. južnu ze Słowincami, Serbokhórwatami a Bołharjemi. Wšěch Słowjanow je drje na 150—160 mil. Hlej w mojej knize „Krátká příručka hornolužické srbštiny“, Rozmłowy č. 16. Słowjenjo. — *Keltojo* sydla chu w času Khrystusoweho naroda nimale po cytej srjedźnej Europje; džensa su so wukhowali jenož na polkupje Bretagne we Francózskej, w někotrych městnach Šotiskeje a Jeńdželskeje a w Irskej. — *Germanojo* su Jeńdželčenjo, Flamojo, Hollandženjo, Danojo, Norwegoj, Šwjedoj a Němcy. — *Romanojo* su Portugalcy, Španoj, Francózojo, Italojo, Rhetoromanojo (we Šwicy a Italskej) a Rumunojo.
23. **Julinske spadanki**: Julin = Wineta, sławne wobkhodne město baltyskich Słowjanow, kotřež zniči Waldemar, kral danski, w poslednim zběžku Słowjanow kónc XII. lěstotka tak do samych zakładow, zo nasta pozdžišo bajka zo bu wot morja póžřene dla njepočinkow jeho wobydleřstwa. (Hlej č. 96.) *Ragusa*, italske mjeno za Dubrovnik, dalmatske přimórske město, w srjedžowěku sydło kějaceje južnosłowjanskeje literatury a wumjelstwa (I. Gundulić). Bě hač do XIX. lěstotka swobodna republika. — *Miloš*, wójwoda južnych Serbow, nawjednik we wuswobodźenskej wójnje l. 1804.
27. **Serbske dobyće**. Pan, pani = knjez, knjeni. Pěseń spominaca na tři wojny w započatku XI. lěst. pólskeho krala Bólesława Khróbleho wo Łužicu w tutych wójnach pomhachu jemu Serbja přećiwo Němcam.
34. **Sława** = Slavia, t. r. Słowjanstwo.
38. **Ždyn** = hižo.
41. **W času poslednjeje wójny**, t. j. napoleonskeje.
42. **Lubin**, hora na juh wot Budyšina, hdžež pječa spi 7 serbskich kralow, kiž wustupja, zo bych wjedli serbski lud k nowej sławje, hdyž budže Lubin stać wosrjedź Budyšina, abo hdyž budže Serbam najhórje. Čechojo to samsne powědaju wo horje Blániku pola Vlašimje.
47. **Krali českem**: wot 1319 hač 1635 slušeše Hornja Łužica k českej krónje. W pražskim měrje 1635 bu Łužica wotstupjena sakskemu woleřskemu wjerchej Janej Jurijej, z wuměńjenjom, zo ma spadnyć wróćo k Českej, hdyž wotemře knježacy ród; l. 1815 bu Łužica roztorhnjena mjez Sakskej a Pruskej. Hlej moju „Łužicu“, přeł. do serbsčiny wot. J. Wićaza.

48. **Autochton** = domorodny, přenjetny wobydleř; *Rudne hory* (něm. Erzgebirge) na pomjezách Čěskeje a Sakskeje; *Džěwin* = Magdeburg; *Jornandes* (po prawom Jordanis) z rodem Alan (Južnoněme), biskop krotonski w počejcy 6. lětst. Wuda spis wo powšitkownych stawiznach romskich a wo stawiznach gothskich. *Gothojo*, germanski narod, kiž je zahinyl w času přečahowanja narodow.
52. **Wodžan** = wodny muž; gigawka (delnožuž.), běla, hatna lilija.
56. **Slepo**, kharakteristiska serbska namjezna wjes w pruskej Hornjej Łužicy.
59. **Mikławš**, stare budyšinske pohrjebnišćo w rozwalinach stareje cyrkwe nad Sprjewju.
60. **Korkotanje** = korčenje, *tótku* = rowař.
75. Wot natwarjenja bačonskeje cyrkwe jěchaju Radwořćenjo do Bačona a nawopak; *před reformaciju*, t. j. před 1517.
77. **Serbske nowinařstwo**: hlej „Słowjesnosť“.
81. **Parasol** = slónčnik; *fiakr* = korejta z dwěmaj konjomaj (dróžka ma jednoho konja); *Petřin* = hórka na lěwym brjohu Woławy w Prazy, mjez P. a Woławu rozpřesćěra so „Mała Strona“, hdzež je tež Serbski seminar. *Hradčany* = tohorunja wyšina na lěwym brjohu Woławy. Na H. stoji kralowski hród a katedrala swj. Wita. — *Turnov*, město w sewjerowukhodnych Čechach. *Kozakov* = hora pola Turnova. — *Jean Jacques Rousseau* (1712—1778), franc. spisowacel. *Wotrohowa wul*, Swjatomikławšske torhojšćo (nětko Małostronske naměsto) na Mał. Stronje w Prazy.
97. **Józef Dobrovský**, založer studija słowjanskeje filologije, přečel pražskich Serbow w seminaru na Mał. Stronje.
98. **H. J. Heger**, založer čěskeho a słowjanskeho rychłopisu. — *Pawol Józef Šafařík*, wuznamny čěski a słowjanski wučenc, přečel Serbow. — *Franta Šumavský*, čěski lexikograf.
104. **Włochi** = Italska.
111. **Limas** = hora pola Zhorjelca.
113. **Ilias** je wobšerny grecki hordžinski spěw, kiž wobrazuje nam poslednje měsacy woblēhanja a dobyće Troje přez Grekow. Přičina k wojnje bě wotwjedženje Heleny, mandželskeje Menelaa, krala spartskeho, přez Parisa, syna krala Priama trojskeho. Hakle w džesatym lěće woblēhanja padže Troja (město w sewjernozapadnej Małej Asiji, blizsko nětčišich Dardanelow). *Homer*, po nahladu jednych basnik Iliady a Odysseje (Odysseja jedna wo bludženju a nawrótu grekskeho wojowarja před Troju Odysseja do Ithaki (kupa zapaduje wot sew. Grekskej), po nahladu druhich jenož zestajeř hižo wobstojacych ludowych pěsnjow, haj někotři docyla přěja, zo je hdy žiwy był, hačrunjež činješe sej prawo na njeho jako krajana sydom najnahladnišich starogrekskich městow. — Achajscy, Danajscy = Grekowje. Nadrobnišo namakaš w kóždej grekskej mythologiji.
114. **Njezapowědžu** = njezapowěm; *wila* = nymfa; *Ogygija* = kupu.
115. **Kosowe** (polo) = wulka a płódna runina w Starej Serbiji, znata z krawawnej bitwu južnych Serbow z Turkami l. 1389. W tutej bitwje padnyštaj wobaj wjednikaj, serbski cař Lazar a turkowski sultan Murat I. a swoboda Serbow bu tam pohrjebana. Serbski narod je skutki z njeličomnymi hordžinskimi pěsnjami překrasnił, kotrež přednošuja t. m. *guslarjo*; mjez ludom je zezběrał serbski pisačel Vuk Stefanović Karadžić; *ljuba* = mandželska.

116. **Smělno**, *Palow, Zemicy, Tumicy* -- wsy w sakskej Hornjej Łužicy blisko Biskopie: *boršč* = lěs pola Kamjenca.
117. **Kopjo** = (h)lebiya. Z polskich zynkow stej jenož a a ę serbskej rěči njeznatej, a = francózske nosowe on w *bon, son* atd.; ę = franc. nosowe *in* we *fin*: l, é, š, ž kaž w delnjołuž. narěčach. (t) twjerdže z jazykom na džasna), é, š, ž skoro jako ej, sj, zj; cie, dzie, sie, zie -- ée, dze, še, že; ó -- u: cz -- č, rz -- ř (rž), sz -- š, ž -- ž: *i* před a, e, o, u jako j; *w* na kóncu zložkow a słowow jako *f* (to rěka jako česke *v*, nic jako serbske *u*). Wšo druhe kaž w serbsćinje.
123. **Jara** woblubljena baseń, wočišćena we „Łužičanu“, kotru je zhudźbuił *B. Krawc*.
131. **Krejcar** = 2 halerjej; *buchta* = woblubjene česke pječwo; šěsćak = 20 halerjow; złoty (šesnak) = 2 krónje (krejcar, šěsćak, złoty su ludowe wurazy, hišće džensa powšitkownje wužiwane); *susodska* = česka narodna reja.
133. **Charles** wupraj šarl; *François* = frasoja; *Bienvenu* = biěwni (a a ę přez nós); *Jean* = ža; *Toulon*, tulō město; *Pontarlier* (potarlié), město; *Magloirowa* (wupraj magloarowa).
135. **Serbska wustajeńca** bě w Drježdžanach w l. 1896; *Slovanský přehled*, měsačnik wukhadžacy w Prahy pod redaktorstwom A. Černeho wot l. 1899—1914: *rozgraňanje* = rozmołwa; stšuja -- rěčka; grobla, groblia, cera = pomjenowanje ramjenjow Sprjewje; *rělnje žowčo* = rjane holčo; *ustuga* = wobsluženje; ubrania dla rabotnikow = drasty za dželaćerjow.
138. **Rok** = lěto.
141. **Kubšicy**, Klukš, Malešecy, Krakecy, Bošecy, Plusnikecy, Załhow, Lichań, Hucina, Delni Wujězd, Bart, Sowrjecy = wsy sewjerowukhódnje wot Budyšina.
143. **Nižnij** (Nowgorod), sławne wobkhodne město w sewjerozapadnej Ruskej; tež Rjazań; Wanja = Janko, 1 wjersta = 1 km 60 m.
146. **Boranecy**, Radwoń, Lutowč, Kamjenja = wsy sewjerozapadnje wot Budyšina: zhitarachu = jědźechu (ludowi wuraz).
148. **Bitwa** pola Budyšina w meji 1813.
154. „**Swobodna prasa**“ = swobodny čišć; „*Tyžděnsku Nowinu*“ založi 1842 a redigowaše na Smolerjowe namołwjenje H. Zejleř; l. 1848 buchu wuzwoleni do sakskeho sejma tři serbscy burscy zapóslancy a to Pětr Cyž, Jan Hajna a Jan Jězorka; sakske knježeřstwo wotmołwi na serbsku peticiju z 5000 podpismami podatu l. 1848 hakle za 13 měsacow, mjenujcy 28. žnjenca 1849, hdyž běchu serbscy wojacy w drježdžanskim zběžku w meji kralej swěru wobkhowali. Ale Serbam so dósta město *ryzy serbskich ludowych šulow* jenož *serbske čitanje a nabožinska wučba*. Za drježdžanskich Serbow maju być 4 króc (!) wob lěć serbske bohoslužby w dwórskej a křižnej cyrkwi a město serbskich *sudnistwow* dóstachu jenož *totmaćerjow*, kaž bychmy byli cuzbnicy w samsnym kraju. A šulska prawa buchu w šulskim zakonje z l. 1873 hišće tójšto přitřihane.
155. **Tygodnik** = tyždenik; *Sreznjewskij*, ruski wučenc, kiž pućowaše w 40tych lětach po Łužicy, hdžež so zezna ze Smolerjom; hlej moju knihu, Z českeho listowanja J. E. Smolerja 1920. „*Lausitzer Magazin*“ němski wědomostny časopis wukhadžacy w Zhorjelcu. *Paw. Józ. Šafařík*, basnika archeolog česki: jeho „*Słowjanske starožnosće*“ přeloži do němčiny serbski wótcine Mósak-Kłosopólski.

157. **Vyšehrad** a Žižkova hůra, horcy na prawym brjohu Wołtawy; *Belveder* abo *Letná*, hórka k ranju wot Hradčína abo Hradčanow na lěwym brjohu.
158. **Smoleř** piše, zo je jeho Čelakovský w l. 1842 do Čech sobu wzał; to je zmylk. Smoleř bě w Prazy a w Čechach hakle l. 1843, kaž je widno z jeho pražskeho lista Douchej. Hlej moju knihu, Z českeho listowanja J. E. Smolerja, str. 60.
160. **Tuchoř**. wulke budyšinske pohrjebnišćo při „Lubijskej drozy“; *hroni* = groni = praji; *Hungeřski* = wuheřski; *Safařik* hlej č. 155; *Jan Kollár* (1793—1852), česki basnik, zbasni w *sonetach* „Stawy džowku“. Měješe tež počahi ze załožerjemi „Societas slavica budissinensis (hlej nast. „Serbske studentstwo“ č. 193.); *Adam Mickiewicz* (1798—1855), najwjetši basnik pólski. Jeho najwuznamniše džěła su „Dziady“ (prjedownicy) „Grażyna“, „Sonety krymske“, „Pan Tadeusz“ a „Konrad Wallenrod“. — Alexander Sergejewič *Puškín* (1799—1837), najwjetši ruski romantik a załožer rus. basniskeje řeče kaž pola Serbow J. Čišinski. Jeho najlěpše džěło je hrónčkowany roman „Eugen Onjegin“, ke kotremuž spisa pozdžišo hudźbu ruski komponista Čajkovskij.
163. **Wo Błotach** jedna Domanjowy „Přewodnik po Błotach“, wudaty w Prazy 1920: hlej tež nast. 135.
164. **Texas**, južny stat w Zjednočenych Statach Sewjeroameriskich.
166. **Cyłu** nowelu do českeho přeložil sym we zběrey „1000 najreńšich nowel“ w Prazy 1916.
170. **Julius Caesar**, romski wójnski nawjednik a spisowačel (44 před Khr.). Bu wot Bruta zakłoty l. 44 před Khr., hačrunjež měješe jeho za swojeho lubuška, dokelž mysleše sej republikanska strona w Romje, zo ma mysle staru republiku wotstronić a sebje sameho na samoknježerje — kejžora — powyšić: *zastupy* = črjody, syły; *Kassius* a *Kaska*, přisahancy přećiwo Julijej Caesarjej: *Markus Antonius*, přečel Caesarowy i wjednik luda po smrjerći J. Caesara: *Luperkule*, *Lupercalia*, romski swjeden wočiscenja i přezjednosće; *Nerwijowje*, germansko-belgiski l mjen, z kotrymž Caesar wojowaše a jón potłóči l. 87 př. Khr.
171. **Dr. Čěsla** wumřě l. 1915; Kral je swoju příručku „Naše dziwadło“ wudał w l. 1914; *Bukey* (n. Hochkirch), wjes k ranju wot Budyšina; *Khwaćicy* a *Zarěč* wsy k poľnoocy wot Budyšina; *Jak. Bart* = *Jak. Čišinski*; *Mikławš Žur*, nětko scholastik při budyšinskim tachantstwie.
172. **Miliduch**, serbski wjerch, kiž padny l. 806 pola Hvernafelda přećiwo wójsku frankskeho krala Karla Wulkeho; *Milecy*, knježacy ród serbski.
173. **Friaulowje**, *Ladinojo* a *Rhetoromanojo*, małe romanske narody, po řeči najbližše Italjanam. Bydla w ital. Alpach a mały džel w Šwicy; *A. N. Pypin* ruski wučenc, kiž napisa zhromadnje ze Spasowičom „Stawizny słowjanskich literaturow“. „Stawizny“ přeloži do němčiny J. B. Pjech; *Towařstwo Pomocy* za studowacych Serbow, załož. l. 1880.
175. **Bětorusojo** bydla w zapadnych gubernijach Ruskeje, jich susodža k poľnoocy su Litwjenjo, k poľdnju Polacy, ke kotrehož kralestwu wulki džěl jich doľho slušeše; wjersta = 1 km 60 m.
177. **Wo Čišinskim** je napisal tež *M. Andricki* rjanu brožurku w lěče 1906; hlej tež džěła *Ad. Černeho* a *dr.*
179. „**Serbski dom**“ w Budyšinje bu wotewrjeny 1904.
182. **Ruska** je rozdžělena do *gubernijow*, na kotrejež čole stoji *gubernator*. Gubernija wotpowěduje pruskej prowincy abo sakskeju wokresnemu hejtmanstwu; *Saratow* (na 200 tysac wobydl.), město juhowukhodnje wot Moskwy,

srjedź plódneje ratařskeje krajiny; moveton = fr. mauvais ton = njezdžělanč, bjez hladkich wašnjow.

183. **Serbski** (*homiletiski*) seminar w Hodźiju, založeny 1877 wot fararja J. H. Imiša k praktiskemu wudospołnjenju ev. theologow w serbskej rěči. Nětko je seminar w Hrodzišću, pod wjednistwom fararja Mrózaka.
191. **Hórnik**, *Imiš, Pful, Zejleř, Čišinski* atd., hlej zapis spisowaćelow; *Franc Ladislav Rieger* (1818—1903), čěski budźićel, přichodny syn Fr. Palackeho, z kotrymž založi 1848 najstaršu čěsku politisku stronu t. mj. „narodnu“, pozdžišo mjenowanu staročěsku. Bě tež přećel našeho J. A. Smolerja; *wysoka mohila* t. j. wulkotny rowowy pomnik Riegrowy stoji na sławnym pražskim pohrjebnišću na Vyšehradze, hdžež wotpočnja zwjetša wšitecy wulcy ludžo čěskeho naroda.
192. **Lubin**, hora k połdnu wot Budyšina. (Hlej nast. č. 42.)
193. **Fr. Palacký**, Józef Dobrovský, Hanka a druzy: Hlej w mojej knizy „Z čěskeho listowanja J. A. Smolerja Budyšin 1919); *Sima Milutinović* (1791—1847), južnosłowjanski basnik, dramatik a historik. Najwjetšeje sławy sej doby ze cyklom lyriskoepiskich basni „Srbijanka“, hdžež sławi južnosłowjanskich rjekow. Hlej tež Wićazowe nastawki wo serbsk m studentstwie w čěskej „Stud. posće“ 1919 a w „Serb. studencie“ s. l.
197. **Arnošt Bart** přebywaše jako předsyda serbskeho Nar. Wubjerka wot januara do měrca a wot apryla do póznjenca 1919 na měrowej konferency w *Parizu*.
199. **Józef Dobrovský** a druzy — hlej w mojej knizy „Z čěskeho listowanja J. E. Smolerja; *Franc Vymazal* (1841—1919), čěski nakładnik a wudawař typiskich praktiskich rěčnicow „Snadno a rychle“; *Antonín Marek* (1785—1877) farař, horliwy čěski spisowaćel a budźićel; *Karl Alois Vinařický* (1803—1869) farař, čěski basnik a šulski organisator; *Dr. Hanuš Máchal* (* 1855) čěski a słowjanski literarny historik; *Ludwik Kuba*, zběraćel a wudawař serbskich narodnych pěsnjow (hlej jeho „Slovanstvo ve svých zpěvech“); je tež molował wobrazy serbskich wótčincow w budyšinskim Mačičnym domje; *Józ. Perwolf* (1841—1892), čěski slavista, profesor na warsawskej universiće; *Světýzor*, pražski wobrazkowy tydzenik; *Slovanský Sborník*, čěski měsacnik wěnowany wšosłowjanskim zajimam, wukhadźacy w Praze wot 1880—87 pod redaktorstwom *Eduarda Jelínka* (1855—1897), horliwego pěstowarja čěskopólskeje wzajomnosće; *Florian Fencel*, farař we Vodňanach w južnych Čechach, wulki pěstowar serbskočěskeje wzajomnosće, autor mnohich nastawkow wo Serbach, přećel Čišinskeho a Fr. Krala (hlej jeho nastawki w Česko-serb. Wěstniku 1920); *Vítězslav Hálek* (1835—1874), čěski basnik, wos. lyrik, dramatik, spisowař romanow a powědačkow; *Svatopluk Čech* (1846—1908), pódlá Zeyera a Vrchlickeho najwětši čěski basnik ryzy čěskeho ducha a beletrista; „*Osvětový Svaz*“ w Praze prócuje so wo wyšše zdžělanje šěrokih ludowych worštow. Ludowa universita.
203. **Litomyšl**, Česká Třebová, městačcy we wukhodnych Čechach. Litomyšl je ródne město sławného čěskeho komponisty Bjedricha Smetany, molerja Ot. Mařáka, narodohospodarja F. A. Braunera a dr.; *Čescy bratři*: Jednotu Čěskobratrowsku založi kónc XIV. lětsotka Petr Chelčický, čěski nabožinski spisowaćel; Čěscy bratři cheyli žiwi bý po přikładu přenich křesćanow; *Křivoklát*, hród juhozapadnje Prahi w dole rěki Berounki; *Ferdinand I.*, wójwoda rakuski, bu wuzwoleny l. 1526 wot čěskich stawow za čěskeho

krala. Z tym sa so zaklad k Rakusko-Wuhefskej; *Jan Augusta* (1500—1572), biskop Českých Bratrow; *wulki wichor l. 1618*, t. j. 30lětna wójna; *bělohorská bitwa* bě 8. nov. 1620. Tu přewiny Ferdinand II. česke stawy, kiž běchu so na krótki čas wuswobodžili a sej za noweho krala Bjedricha Falckeho zwolili. Tu započina česki narod spadować, jeho najlěpši wótčiny — kaž na př. wulki pedagog Jan Amos Komenský — běchu nuzowani wótčinu wopuścić, česka řeč a literatura spadujetej tohorunja a česke zemjanstwo so poněmčuje. Hakle horliwi wótčiny započinachu za 150 lět, kónc XVIII. lěts. česki narod wubudžeć. W XIX. lěstotku zesamostatňuje so česki narod bóle a bóle, najprjedy literarnje, potom hospodařscy a politiscy, skónčnje tež we wšitkich směrach; w swětowej wójnje 28. oktobra 1918 doby sej tež swojeje politiskeje samostatnosće a zjednočiwši so ze Słowakami wutwori Českosłowacku republiku.

204. **Pětr Bezruč** (Vlad. Vašek), wuznamny básnik najmlodšeje českeje generacije. W swojej basniskej twórbje (Šlezske pěsnje) nam zobrazuje potlůčowanje českeje narodnosće w přjedawšej rakuskej Šlezskej.
209. **Serbske hibanje** započa so 13. nov. 1918 ze založenjom Narodneho Wubjerka w Budyšinje.
213. **Korhojnistwo** = bataillon; stočina = kompanija; *Čuprija* wjes w Serbiji; *Altona* (173 tys.) město při Hamburku; *Podolska*, krajina w južnej Ruskej.
215. **Wot 11. nov.**; 11. nov. 1918 bě přenja zhromadźizna serbskich wótčincow w Serb. Domje, kiž založichu Nar. Wubjerk; E. Bart bu z přnim předsydu.
217. **Saksoswěrní**, wubjerk saksoswěrných Serbow, založeny na nastork sak. knježerstwa, zo by wojował přečiwo N. W. a *Serbsk. Zwjazkej*, narodnej organizaciji wšěch Serbow; *inferialny*, njekničomny; 22. *junija 1919* buchu zasudženi jich džělawosće dla serbscy wótčiny dr. A. Muka, Nawka, B. Dobrucki, Hicka, Hantuš k jastwu a pjenježnemu khostanju; *Termopyle*, skalna wuzčina w srjedźnej Grekskej, hdžež zadžerža spartski kral Leonidas z horstku swěrných přemóčne wojsko perskeho krala Xerxa tak dołho, doniž so Sparta njewobtwjerdži. Leonidas wězo zahiny.
219. Wo rozdźel mjez hornjej a delnjej serbsčinu hlej zkrótka w mojej Přiručcy hornjołužiskeje serbsčiny; wobšěrnje wo delnjej serbsčinje jedna dr. E. Muka we swoj „Historische und vergleichende Laut- und Formenlehre der niederserbischen Sprache“ a G. Šwjeja we swojej praktiskej Rěčnicy. — Delnjołužiske słowa, kotraž by Hornjołužičan čezšo zrozumil: *Spójšlej* = štoj, gólka = hola, lěsyk, gaby, aby = hdyby, chopiš (se) = započec, měňa dla = zhubjenja (minjenja dla).
220. **Tamkor** = tam, tatan = pohan, humarlik = mrtwy, hulicowaš — powědać, hochłóženje = wokřewjenje, pomrokotnosć — začemnjenosć, mě = mjeno, hopry = wopory, wótergi = druždy, póraš se = čahać, lěc = hač, (ně)gluka = (nje)zbožo, *Šćećin*, něm. Stettin, město při wuliwje Wódry do baltyskeho morja; Welikogrodskaja = Meklemburskaja.
221. **Malsny** = hibity, šarčas = swóřec, barčas = bórčec, šéokany = bity, lasny = spěšny, cywkaš = zywać (spinkać).
222. **Gumno** = zahroda, pomseis = wječić, južor = hižo.
223. **Łdža** = sylza, zachada = so minje, nińerny = wěčny, nińer = wěčnje, zajtšo = jutřiši dzeń.
224. **Kśasaš** = křesać, šćipeł = šćuka, pozwignuś = zběhnyć, hobojměś = wobječ.

225. **Kšasaš** = kročeč, **chamny** = bluki, čmowy, člonašk =
 226. **Āerwěj** = prjedy, žrědło = žórło, kužoł, zachopěnk = započatk, pódej-
 špnik = podan; Kóstnica, něm. Konstanz, město při Bodamskim jězorje.
 227. **Sprojty** = haluzaty, kórabja = rjebło, weto = tola.
 228. **Rdžaš** = třepotač, znank = swědk, jěsno, jěšněj = spěšnje, spěšnišo, hu-
 zesys = zastrózić, huchytaš = wučiskač, wumjetač, zněš = klinčeč, hoble-
 zaš = zblědnýč, w kšwi = w krwě, séaklina = zloba, pón = potom, wóst-
 šonu = wotrěnu, skoboda = swoboda, honiměš = woněmič, hobłapiš = wob-
 dač, předobyc, zahobtužys = jimač, hugroniš = wuprajič, zogoł = hołk,
 mañ = črjóda, syła; Markhrabja Gero napadže Łužicu a Milčansku (Hornju
 Łužicu), dokelž chychu so Serbja wuswobodzić a so z Polakami zjednočić,
 nad kotrymiž tehdom knježeše Mječislaw I. Ale Gero přewiny Łužičanow
 a Milčanow, ale widžo, zo jeho dobyće njebudže trajne, přeprasy k sebi
 do Mišna 30 lužiskich a milčanskich wójdow, kotrychž da při hosćinje
 skóncowač (w l. 963). Přirunaj činohru českeho spisowacela Aloisa Jiráska
 „Gero“ přeloženu přez M. Andrickeho do serbsčiny a nastawk č. 222.
 229. **Ned** = hnydom, hucabnik = wučer, wótzělba = wotrad, wotdzělenje,
 psíjazny = přecelny, wězba = zwjazk, zwisk.
 230. **Zuk** = zwuk, zynk; tšuga = hrjebja, struha, rěka; struskaty = kwětkaty.



Beleška za jugoslavenske čitaoce.

Lužičko-srpski jezik spada u skupinu zapadnoslavenskih jezika, pa zato je sličniji poljskome ili češkome, negoli srpsko-hrvatskome ili bugarskom jeziku.

Sledeći su glasovi po izgovoru ili pisanju nepoznati Srbohrvatu:

Samoglasni:

ě se izgovara *i^e*, kao nem. „frieren“: wěra, rěka, město (grad).

ó izgovara se *u^o*, t. j. *u s o* završetkom, na pr. wóz, róža.

y je široko izgovoreno *i*, vrlo slično ruskome ili poljskome, a približava se *k e*, na pr. dym, mysl.

Beleška: 1. Različno od srbohrvatskoga jezika je i to, što iza *j* uvek dolazi *e*, gde u srpskome stoji *a*. Na pr.: jejo (jaje), jehnjo (jagnje) itd.

2. Na svršetku i u sredini reči se meko *e* vrlo često puta menja u *o*: morjo (more od starijega moře, čit. morje), polo (polje) itd.

Suglasnici:

č izgovara se mekče od **ć** a tvrđe od **ć**, a odgovara srbohrvatskom *t*: čělo = tijelo, četa = teta, číše = tiše.

dž se izgovara kao srbohrv. *đ*, na pr. džećel = djetelina, džed = djed.

ń je shrv. *nj*, koje se pred samoglasnikom i piše: kón, konja; dzeń, dnja.

ǃ, ǃ, ǃ, ǃ nerazlikuje se nimale od srbohrvatskoga *b, p, m, r* a dolazi na koncu riječi ili slogova. Tek u ostalim se oblicima umekšava. Na pr. holǃ (golub), lǃkarǃ, lǃkarja.

Lužičko-srpski jezik poznaje samo *w* za jugoslav. *v*, a *ú* se sada izgovara i nekad piše *j*: krew (krej) = krv, cyrkeǃ (cyrkej) = crkva, 2. pad cyrkwe. Kad reč počinje s *u* ili *o*, onda se meće u luž. pred *u, o* jedan *w*: wostać (ostati).

ř dolazi u gornjolož. jeziku samo u skupinama *kř, př, tř*. *Kř* i *př* izgovaraju se *kš, tš*: křik (kšik) = krik, přećel (pšećel) = prijatelj; *tř* glasi kao *ts*, na pr. *tři* (tsi) = tri.

r i l su na koncu reči bezglasni: mysl (mis'), wětr (vjet). Slogotvoran *r* srbohrvatskoga jezika odgovara lužičkom *er*, a naše *u*, koje je postalo od starijega također slogotvornoga *l*, glasi u lužičkom *el*, na pr.: serbski, mjerwíć (mrviti), smjerć (smrt); mjelćeć (mućati), pjelnić (plniti, puniti), wjelk (vlk, vuk); *l* na kraju reči odgovara shrv. *o*: shrv.

bio = luž. był, *andeo* = *jandžel*; ili u drugim primerima pred sledećim tvrdim glasnim *ot*: *połny* (puni), *žottŷy* (žuti), *dołhi* (dugi), *tólc* (tući).

Suglasnik *h* je na koncu reči i pred drugim suglasnikom bezglasan. Na pr. bóh (bu°, bog), hładki (vadki). Inače se pred samoglasnicima izgovara kao tvrdo, guturalno *h* (češko), a odgovara srbohrv. *g*. Na pr. had (gad, zmiја), hora (gora, breg).

kh izgovara se kao nemačke *k* (odgovara jugoslav. *h*): khlěb, khromy (hromi).

ł se izgovara gotovo kao *v* (pre kao *u*, t. j. konsonantični *u*): lža (ųža) = laž, połny (poųni) = pun; *w* i *ł* na koncu reči ili slogowa se izgovara kao *u* kał (kau).

Naglasak je u lužičkosrpskom jeziku kao i u češkom uvek na prvome slogu. Jednosložni predlozi primaju taj naglasak na sebe. Samoglasnici su uvek kratki, osim *ó*.

Něšto přispomjnenow wo spisowačelach.

1. Wo serbskich spisowačelach.

Andricki Mikławš (1871—1908), k plan, redaktor Łužicy wot l. 1896—1904; wubjerny beletrista a publicista, njebojazny wojowar za prawa serbskeho naroda. Napisa studiju wo Čišinskim (1906); přeložowaše ze słowjanskich literaturow, wosebje dziwadłowne hry (mjez tutymi tež na př. A. Jiráskoweho; „Gerona“ w l. 1906). (Č. 124.)

Andricki Jan (* 1880), wučer w Radworju, bratr předkhadźaceho. (Č. 169.)

Bart Arnošt (* 1870), wot l. 1911 zapóslanc na sakskim krajnym sejmje, njesprócniwy prócowar wo wozběhnjenje serbskeho naroda hižo před swětowej wójnu, organisator serbskich towarstwow, wosebje ratařskich, založer „Domowiny“, zwjazka serbskich towarstwow. Wjednik serbskeho narodneho hibanja po přewrótu. Založi 13. nazymnika 1918 „Serbski Narodny Wubjerk“. Wot wulkeho rózka 1919 zastupowaše Serbow na měrowej konferency w Parizu 2. winowca 1919 bu při nawróće do domizny zajaty a wotsudženy dla „krajneje přerady“ a poby nimale lěto w jastwje w Gollowje pola Šćećina. (Č. 168, 197.)

Bartko Jan (1821—1900), wučer w Nosaćicach, wustupi z mjeńšimi basnjemi w druhej polojcy štyrcytych lět, potom womjelkny a wróci so w „Pomhaj Bóh“ hakle kónc swojeho žiwjenja zaso k basnistwje. (Najlěpša je baseň „Łužiske hory“). Přeloži Kórnerowu wjeselohru „Nócnego stražnika“, jednu z najprěnišich serbskich hrow zcyła. Lěta 1848 redigowaše z J. Wjelu redikalniši tydzenik „Serbski Nowinkar“. Jeho hłowny wuznam však mamy hladać w jeho knihach za ewangelske serbske ludowe šule. Spis „Biblijske stawizny“ a „Serbsku Čitanku“, wjacj króć nakładowanu. Tež přeloži wubjerk Zejferjowych pěsni do němčiny. (Č. 185. II.)

Bjedrich Mikławš (Radlubin) (* 1860), byw. farař ralbičanski. Lyriski basnik. Jeho hłowny wuznam však wotpočuje humoristiskim powědańcku. Někotře jeho humoreski a powědańčka, w kotrychž nam předstaja postawy ze serbskeho burstwa a dželaćeršwa, kotrychž brachi a njedostatki njesmilnje šwika, wuńdžechu w „Serbskej knihowni“ („Z kowańnje domoj“ a „Stara jablučina“), abo namakaju so rozpróšene w lětnikach „Lipy Serbskeje“, „Serbskich Nowin“, „Katolskeho Pósla“ a w protycy „Krajanu“. (Č. 189.)

Bjedrich Wjeleměr Michał (1855—76) studowaše w Praze, ale khorowatosće dla bě nuzowany wopuścić studije a bórzy potom zemře zawostajiwši kedžbyhódne basniske pospyty we „Łužicy“, „Lipje Serbskeje“ a „Łužiskim

Serbu“, zdžela wobsaha erotiskeho. zdžela samo socialneho, ale pod wliwom khorowatosće razu melancholiskeho a resignowaneho. (Č. 55, 101.)

Bryl-Serbin Jan (* 1879), profesor, studowaše w Prazy, hdžež je založil l. 1907 z Cyrilom Wjeńku a bratromaj Francom a Józefom Pátu „Čěskoserbske towarstwo „Adolf Černý“, skutkowaše potom w Moskwje. Kónc swětoweje wójny wróci so domoj a wobdželi so při narodnym hibanju we Łužicy a poby zhromadnje z A. Bartom tež w Parizu. Je napisał rjadu drobných načiskow tendenčne wótčinskeho raza a přeložowaše z čěšćiny a rušćiny. Zestaji w l. 1920 „Serbske stawizny w zańdženosci a přitomnosći“. (Č. 125.)

Buk Jakub (1825—1895) studowaše w Prazy, hdžež bě sobuzałožer studentskeho towarstwa „Serbowki“. Dwórski kaplan a gymnasiálny wučer w Drjež žanach. Po nawróće z Prahi přesta zahe basnić. Redigowaše časopis Mačicy Serbskeje. Dželaše w rěčespytu (Zynki hornjołužiskeje serbskeje rěče. 1852), a zběraše ludowe prajidna a přisłowa (1000 serbskich přisłowow a prajidmow, 1862). (Č. 34.)

Cyž Jan (* 1883), duchowny, basnik a spisowar něšto literarno-historiskich nastawkow. (Č. 177.)

Cyž Mikławš (1825—53), kat. duchowny w Budyšinje. Sobuzałožer „Serbowki“ Zwjetša episke basnje z baladiskimi naběhami. (Č. 42.)

Cyž-Žurčanski Jan (* 1898), zahorjeny wobdžělnik narodneho hibanja po přewroće, bě w americkim zajeću we Francózskej. (Č. 201, 215.)

Čěsla-Handrik Jan (1840—1915), wustudowawši lékařstwo w Prazy, zasydli so w Neveklowje w Čechach jako wokresny lékař. Hłowny wuznam ma jako epik („Serbow kral“ a „Kral Přibysław“), ale měješe tež wuspěch w baladze („Zabity“, „Rowar“). Jeho erotiske basnje, napisane wldžomnje pod wliwom Hálkowym a Heineowym, słušeja k najlěpšim čislam serbskeje erotiky před Čišniskim, kaž bě tež wot swójeho wustupjenja powše zěsać lět z najpłódnějším basnikom pódla Zejlerja. Přeložowaše wjele z čěšćiny, mjez druhim Klicperowu wjeselohru „Rohowin Štyrirohač“ (1862), z kotrejž so započa serbske džiwadlo. (Č. 5, 60, 87, 111.)

Čišniski-Bart Jakub (1856—1909), farař, najwjetši serbski basnik. Napisał je sčehowace zběrki basni: „Kniha sonettow“ (1884), „Formy“ (1888), „Přiroda a wutroba“ (1889), „Serbske zynki“ (1897), „Ze žiwjenja“ (1899), „Krew a kraj“ (1900), „Z křídłom worjołskim“ (1904), „Z juskom wótčinskim“ (1904), „Wysk a styšk“ (1905), „Za čichim“ (1905), „Serbske wobrazki“ (1908), a po jeho smjerći wudachu so tři zběrki: „Swětło z wyšin“ (1911) a „Z wotmachom. Z domachom. Z doškrabkom“ (1913). Čišniski je z basnikskim wjednikom a wěšćerjom serbskeho naroda. Je z tworjerjom woprawdžiteje serbskeje basniskeje rěče, mištr słowa a hrona. Je wutworil tež přenje serbske drama, hrjadkowanu hru „Na Hrodžišću“ (1880), napisał je idyliske epos „Nawoženja“ a rjadu prózow dotal neznatych a roman „Narodowe a wotrodzenc“. Z jeho basni je wušoł wubjerk wot Ad. Černeho, někotre buchu přeložene tež do druhich słowjanskich rěčow a do francóžšćiny a němčiny. Hlej wo nim nastawk č. 177.

Delenk Jurij (1882—1918), kaplan, předčasny zemřěly zahorjeny wojowar za serbske prawa. Dobry publicista a wot l. 1910 redaktor „Katólskeho Pósta“, wubjorny rěčnik a organisator, wobdžělnik běłohródskeho słowjanskeho nowinařskeho kongresa w l. 1911, bu w času swětoweje wójny přescěho-

wany a zahiny na zapadnej froncie w bitwie pola Armentières jako woporněmskeho militarisma, runjež jako wučer Franc Kral-Rachlowc. (Č. 188.)

Dobrucki Jan (* 1854), farař we Wojerecach, z rodow Słowak, je napisał rjadu powědańkow a basni do „Łužicy“, posłědnje zwjetša pod pseudonymom Dušan. (Č. 19.)

Domaška Michał (1820—1897), ew. farař, serbski basnik, autor spěwa „Naše Serbstwo z procha stawa“. Pisaše zwjetša nabožinske basnje jako zběrka „Zionske hłosy“ a dr. Bě mjez založerjemi Mačicy Serbskeje a dołhi čas z redaktorom ewangelskeho nabožneho časopisa „Missionskeho Pósla“.

Dučman Handrij (Wólšinski) (1837—1909) studowaše w Budyšinje a w Praze a po krótkim pobytu we Łužicy skutkowaše jako kat. duchowny w Lipsku a w Dubinje pola Drježdźan. Pisaše wótčinske basnje (wosebje „Wodźan“), balady a romancy, didaktiske a nabožne basnje, ale tež wjesole pěsničky, satiriske šwihi a epigramy. Spisa rjadu powučnych a zabawnych knižkow za lud (powědańčka „Dwójnikaj“, „Othilija“, „Při maćernym rowje“), nadrobnu bibliografiju literatury kat. Serbow (1869) „Pismowstwo katolskich Serbow“. Doby sej wulke zasłužby wo serbsku folkloristiku ze zběranjom bajkow, pěsni atd., wo serbske dźiwadło („Złote hrody“ a „Boži narod“). Wuda syłu nabožnych a modlefskich knihow („Žiwjenje swjatyh“) a přeložowaše z čěšćiny (Komenskeho „Labyrint“) a z němčiny (Schiller). (Č. 8, 52, 91.)

Dučman Pětr (1839—1907), dr. med.; wobdźělnik moskowskeje Narodopisneje wustajeńcy l. 1867. (Č. 105.)

Fiedler Karl August (1835—1916), wyšši wučer na krajnostawskim seminaru w Budyšinje, knihownik Mačicy Serbskeje. Jedyn z najpopularnišich a najzaslužbnišich wótčincow. Je hlownje intimny erotik, ale pisaše tež basnje wobsaha wótčinskołyriskeho a nabožneho a něšto baladow a to wosebje do „Łužičana“, „Łužicy“, „Serb. Now.“ a „Pomhaj Bóh“. Wuda „Towaršny spěwnik za serbski lud“. Přeložowaše wjele němskeje literatury (Goethe, Heine a dr.) (Č. 36, 99.)

Greško Jan, překupc we Wařawje, zběrař a wozjewjer delnjołužiskich bajkow a powěsćow a podpjerar delnjoserbskeho pismowstwa. (Č. 222.)

Grys Mjertyn († 1878), wučer, wuda l. 1867 zběrku nabožnych a swětnych basni pod titulom „Spiwańa młodym a starym“. Ale jeho basnje, kotraž so tež wočišćowachu w Č. M. S., nimaju přewulkeje literarneje hódnoty. Hewak bě M. Grys originalny čłowjek, wjesny wučer, kiž so w ničem nerozděleše wot wašnja žiwjenja burow. Wučeše w swojej šuli serbski na samsne zamołwjenje tež tehdom, hdyž bě pruske knježerstwo serbsku wučbu zakazało. (Č. 223.)

Handrik Matej (*1864), pastor w Slepom, spisař narodopisnych a rěčespytnych studijow a zběračel ludowych składow ze slepanskeje wokoliny. (Č. 56.)

Hórnik Michał (1833—1894) studowaše w Budyšinje a w Praze, skónčnje kat. farař a kanonik w Budyšinje. Zwoprědka pisaše wótčinske basnje, balady a romancy w narodnym duchu a epigramy („Žahadla“, „Kłoki“). Wot pjeć dźesatych lět wostaji so basnjenja. Jeho zasłužby wo pozběhńenje našeho naroda su njesměrne. Zběraše ludowe pěsnje, přisłowa atd., pisaše literarno-historiske nastawki. Zhromadnje z Pfulom a Smolerjom dźělaše w serbskim rěčespytu. Založi a redigowaše „Měsačny přidawk“, „Łužičana“, „Katólski

Posol“, „Serbskeho hospodarja“ a wot 1868 do swojeje smjerće „Časopis Maćicy Serbskeje“. Pisaše a wudawaše powučne, zabawne a nabožne knižky za lud, dale wobdžela z Wylemom Bogusławskim „Historiju serbskeho naroda“ a z biskupom Jurjom Łužčanskim přeloži „Nowy Zakoň“, klasiski přikład čisteje spisowneje serbsčiny. Zarjadowa „Čitanku“, wubjerk ze serbskeho pismownstwa. Bě z předsydu Maćicy Serbskeje a woporníwym nakładnikom wšelakich wažnych spisow. Wěrný japoštoł a wjednik serbskeho naroda. (Č. 70, 75, 92, 120, 162, 173.)

Imiš Hendrich Jaroměr (1819—1897), pastor w Hodźiju, wudawaše nabožinski časopis „Zernički“ w l. 1849—1853, založer serbskeho ewangelskeho homiletiskeho seminara w Hodźiju (1877), wuda w l. 1849 „Łužisku wustawu“, pozdžišo wuda syłu nabožinskih spisow a spisa němcy knihu „Der Panslawismus“, w kotrejž je zwobrazowane serbske prócowanje wo zakhowanje narodnosće a němske potłóčowanje we Łužicomaj, wosebje w pruskej Łužicy.

Jacławk Mikławš (1827—1862) wustudowawši w pražskim serbskim seminaru bu z kapłanom w Njebjelčicach. Wótčinska lyrika. (Č. 149.)

Jenč Karl August (1828—1895), ev. faraň, serbski filolog, literarny historik a bibliograf. Wosebje je napisał „Stawizny serbskeje rěče a narodnosće“, „Krótki přehlad zhromadneho pismownstwa ewangelskich Serbow“, „Spisowarjo hornjołužiskich ewangelskich wot 1597—1800“, „Zemrěči spisowarjo hornjołuž. evang. Serbow wot 1800—1877“, „Pismownstwo a spisowarjo delnjołužiskich Serbow wot (1548) 1574—1880“ a druhich. (Č. 1.6.)

Jordan Hendrich (1841—1910), wučer w Popojcach z rodow Hornjołužičan, horliwy delnjołužiski prócowar, zběračel ludowych pěsnjow, bajkow a narodopisnych primoškow; wudawačel powědańčkow za lud. Jeho džela su: zběrka delnjołužiskich ludowych bajkow, 1876—79, delnjołužiska „Cytanka“ za samowučencow 1883, Bibliske stawizny, Delnjołužiski spěwnik, Drohence ze serbskeje historije a dr. — Jordan bě z hłownym dželačerjom Delnjołužiskeho wotrjada Maćicy Serbskeje w Khočebuzu. Spisa tež „Pismownstwo delnjołužiskich Serbow (wot 1881—1900). (Č. 122, 220.)

Jordan Pétr (1818—1891), dr.; wobdželnik na pražkim słowjanskim zjezdze l. 1848; wuda l. 1841 „Serbske pěsnički“ a Hornjołuž. rěčnicu; wudawaše časopisaj „Jutničku“ a „Serb. Jutničku“; wudawaše w Lipsku, hdžež běše jako rektor serbsčiny na universiće, Slawische Jahrbücher a dr. Zemře we Widni. (Č. 77.)

Kłósopški-Mosak A., (1820—1898), založi l. 1839 w Budyšinje stud. towarstwo na gymnasiju; přeloži Šafarikowe „Słowj. starožitosće“ do němčiny. (Č. 53.)

Kósyk Mato (* 1853), ewangelski duchowny w Texasu w Americy, dotal najlepší delnjołužiski basnik. Wot l. 1878 napisa do Č. M. S. rjadu wótčinskih elegijow a basnjow, dale tež pěsne a ballady a skónčnje wjetšu časoměrnú idylu „Serbska swazba w Błotach“ (1880) a historiskoepisku basen „Pšerada markgrofy Gera“ (1882). Wubjerk z Kósykowych basni wuńdže l. 1893 z nakładom delnjołužiskeho studentsiwa jako „Zběrka dolnoserbskich pěsňow“. (Č. 164, 221, 227, 228.)

Kral-Rachlowc Franc (1886—1915), wučer w Kamjencu, nadžejny narodny prócowar a organisator, soburedaktor „Łužicy“ wot l. 1909, załožeŕ „Raja“ a „Zahrodki“, časopisow za džěci a wudawaŕ „Nadžije“, protyki za džěci. Doby sej wulke zasłužby wosebje wo organizaciju towarstwow we Łužicy a wuda tež dźiwadłownu přiručnu knihu „Naše dźiwadło“. Padže pola Lens na zapadnej frónce. Bě horliwy pěstowaŕ serbsko-českeje wzajomnosće, dobry Serb a Słowjan. (Č. 20, 171.)

Krawc Bjarnat (* 1861), komponista a spisowačel w Drježdžanach; wuda zběrku spěwow „Khwatajće, ale spěwajće“ 1910. (Č. 100.)

Krječmaŕ Mikławš (* 1891), profesor. Přeložki z čěšćiny w Serbowkach: Zastajeny kharakter (Sv. Čech), Wjesny Jakobin (V. Beneš-Třebizský), Tři włosy džěda Wšowěda (Erben), Bě prjedočink (J. Neruda). Wobšěrne rěčespytné džěło „Serbske słowjeso“ je w rukopisu. (Č. 203.)

Kučank Jakub (1818—1898), senior kapitla w Budyšinje, redaktor „Jutrnički“, sobuzałožeŕ M. S., nabožny spisowačel. Wuda zhromadnje z Jakubom „Serbske Hornje Łužicy“.

Laras Jan dr. (* 1845), profesor w Čěšinje w českej Šlezskej, přeložeŕ psalmow a spisowaŕ powědańkow. (Č. 72.)

Libš Jurij (* 1857), faraŕ w Budyšinje, serbski rěčespytnik, autor přenjeje wubjerneje hornjołužiskeje składby (1884). Napisa tež syłu drobných žiwjenjopisnych načiskow do „Łužicy“ a „Serbskich Nowin“. (Č. 119, 139, 150, 152, 180, 191.)

Lorenc-Zalěski J. (* 1874), hajńk w Porynju nowelista. (Č. 73, 112.)

Mjeń Jurij (1729—1785), studowaše w Lipsku, ev. faraŕ w Njeswaćidle, cyrkwinski spisowačel, hajeŕ čisteje serbskeje rěče, pospytowaše so jedyŕn z přeniču wo swětné basnjenje. Jeho najwjětše džěło w tym nastupanju „Ryčerski kěrļuš“ (Serbskeje rěče zamoženje a khwalbu w ryčerskim kěrlišu spěwaše Juri Mjeń) wuda l. 1806 po jeho smjerći jeho syn **Rudolf Mjeń** (1767—1841), do Zejlerja najslawniši serbski basnik, tohorunja ev. duchowny. Ze spisow wobeju je so bohužel jara mało na naše dny zakhowało. (Č. 28.)

Mlónk Pětr (1805—1887), česla a wjesny sudnik w Džiwoćicach p. Budyšina, Samowučenc, jara woblubjeny ludowy pěsnjeŕ. Jeho basnje wukha-džachu w Serbskich Nowinach; wudał J. E. Smoler w l. 1879 a zběrcy „Khěrļuše a spěwy“. (Č. 185. I., 40.)

Muka Arnošt (* 1854) dr., profesor, stud. rada. Wulki słowjanski rěčespytnik a etnograf. Wot lěta 1894 redaktor Čas. Mać. Serb. a hlowny dželačeŕ w Maćicy. Po Hórnikowej smjerći wjednik serbskeho naroda. Po přewrótu so wobdžěli na narodnym hibanju za woswobodženje Łužicy a bu za to wot němskeho knježeŕstwa přescěhany. Z jeho wjele džěłow maja wosebity wuznam: „Statistika Serbow“ (1884—86), „Historische und vergleichende Laut-und Formenlehre der niedersorbischen Sprache“ (1891), „Serbski zemjepisny słowničk“ (1895), dale zběrki ludowych pěśni a wulki spis wo bywšim delnjoserbskim łukowskim wokrjesu je: „Bausteine zur Heimatkunde des Kreises Luckau (1918.) Hlej wo Muky nastawk č. 180; wot Muki nastawki č. 48, 58, 84, 123, 134.)

Nawka Michał (* 1885), wučer w Radworju, zahorjeny wojowaŕ za prawa serbskeho naroda; dobry Serb i Słowjan; nowelista, přeložeŕ někotrych

džel ruskeje literatury. Bě soburedaktor „Serbskeho hospodarja“ a sobudželačef při „Řezakowym Němskoserbskim słowniku“. Připrawił jedyn zešiwk serbskich narodnych „Bajow, bajkow a basničkow“ (1914), napisał serbsku Řečnicu (1. zešiwk 1919) a „Přewodnika po serbskej řeči“ (1920). Přeložil Gogolowa „Rewisora“ (1907). Hlej nastawki č. 10, 146.)

Nowak-Horjanski J. (* 1864), farar w Radworju, spisowar powučnych nastawkow a wosebje přihotowjer ludowych dźiwadlowych hrow; na př. Marija Madlena. (Č. 106.)

Nowak Józef (* 1895), młody, wobdarjeny basnik a dramatik. Wustupi před wójnu we „Łužicy“ z drobnymi basnjemi. Po wójnje, wuda swoje basnje w zběrcy „Z duchom swobody“ (1919). Z wuspěchom hraješe so na skhadžowankach jeho dramaće „Poslědny serbski kral“ (1916) a „Swobody njewěsta“ (1919). (Č. 153, 159, 161, 194, 204, 211, 216.)

Pful Kř. B. (1825—1889) dr., da ze swojimi filologiskimi spisami wědomostny zakład spisownej hornjoserbsčiny. Napisa Hornjoserb. řečnicu (1861), wuda Łužiski serbski słownik (1866). By tež basnik a wobželi so horliwje na cyłym narodnym a lit. serbskim žiwjenju. (Č. 9, 88, 97.)

Pjeh Jan Bohuěr († 1913), knihikupec z Lipsku. Přeloži pod pseudonymom Jan z Lipy šěsć sonettow Shakespearowych w Č. M. S. 1857 a tež Shakesperowu struchłohru „Julius Caesar“, kotruž je hakle w l. 1914 wocišal dr. E. Muka w Č. M. S. a w 17. č. Serb. dźiw. zběrki. Pjeh wobdžela němski tež Pypin-Spasowičowy Stawizny słowjanskich literaturow w Lipsku l. 1884. Pjeh bu tež z přecołom čěskemu presidence T. G. Mašaryke, kotremuž da nastork k spisaniu wobšěrneho džela wo wulkim wojowarju za česke narodne prawa K. Havličkeje. (Č. 170.)

Radyserb-Wjela Jan (1822—1907), wučer na Židowje, basnik, zběračel přisłowow a ludoweje literatury zcyła, słownikař. Z basnistwa pěstował balady a epiku (Jan a Hanka 1880, Wobradženka 1893—95), napisa libreto k přenjeje serb. operće „Smjertnica“ (1910). Zestaji hobrsku syłu přisłowow: Přisłowa a přisłowne hrónčka a wusłowa hornjołužiskich Serbow (zrjadowane a wudate l. 1907 wot prof. dra A. Muki), Metaforiske hrona (1905), Serbske rostlinske m ena (1910). (Č. 12, 18, 30, 107, 160.)

Řezak Filip (* 1859), dr. theol., w Drježdžanach, přeloži česke dželo Boženy Němcoweje „Naša wowka“ (Babička). Wuda wulki němskoserbski słownik w l. 1920. Zestajer serbskeho rychłopisa. (Č. 22, 98.)

Rocha—Turjanski Fryco (* 1963), wučer, dolnołužiski basnik. Jeho basnje wukhadžachu w „Casniku“, we „Łužicy“, a wjetša zběrka „Wěnašk dolnoserbskich pěsnow w Č. M. S. 1898. (Č. 225, 230.)

Rostok Michał (1821—1893), serbski přirodospytnik, zestajer serbskeje přirodowědneje terminologije. Wjetši džěl jeho džěłow je w Č. M. S. wot l. 1848—92 a we „Łužičanu“. Jeho najwjetše dželo „Neuroptera Germanica“ roznjese w swojim času jeho mjeno po cyłej Němskej a Rostok plačeše tehdom za přenjeho wotrjadnika w tym nastupanju. (Č. 16.)

Skala Jan (* 1889), młody, wobdarjeny basnik a publicista. Jeho basnje wukhadžachu we „Łužicy“. Wosebitych zběrkow hač dotal njeje wudał. Po přewrótu wobdželi so horliwje při hiibanju wo wuswobodženje Łužicy. (Č. 140, 210, 213, 217.)

- Štodeňk Jurij** (* 1873), wučer, redaktor „Serbskeho Hospodarja“, autor něšto wótčinskih powědančkow (we „Łužicy“). Njebojazny wojować za prawa našeho naroda. Je znaty tež jako komponista. (Č. 86, 184.)
- Smoleř Jan Arnošt** (1816—1884), wulki serbski budźer, filolog, etnograf, załožer Mačicy Serbskeje a Mačičneho Časopisa, wukubłanc Fr. L. Čelakowskeho a J. Purkyně we Wrótsławje. Z jeho wulkeje literarneje dźěławosće ma so wosebje wuzběhnyć klasiske dźěło „Pěsnički hornych a delnych Serbow“ (1841—43), knižka němskoserbskich rozmołwow „Mały Serb“ (1841), „Němskoserbski słownik“ (1843), „Stawizny łužiskoserbskeje literatury“. Samsny žiwjenjopis Smolerjowy je wočišćał Adolf Černý w Č. M. S. Smolerjowe žiwjenje wotražuje so tež w jeho „Českej korespondency“, kotruž sym wudał l. 1919-20 w Budyšinje w Č. M. S. a we wosebitym wótčišću. (Č. 3, 79, 154, 155, 158.)
- Sommer Adolf** (1862—1909), wučer w Budyšinje. Spisaćel powědančkow a přeložowar z ruskeje literatury. Sobudźěłaćer Mukowy při zarjadowanju drježdžanskeje serbskeje wustajeńcy l. 1896. (Č. 127, 175.)
- Šěca-Rachlowski K. B.** (* 1858), wučer, novelist. (Č. 141.)
- Šewčik Jakub** (* 1867), farař w Kamjenicy; wustupi jako basnik w časopisu „Łužiski Serb“ (1895—96) a we „Łužicy“ a je we wěstym nastupanju epigon Čišinskeho. Pozdžišo pisaše drobne literarno-historiske přinoški do Č. M. S. (Č. 71, 90.)
- Šwela G.** (* 1873), evang. farař w Dešnjje pola Chotěbuza, zaslužbny narodny a literarny dźelaćer za Hornju i Delnju Łužicu. Napisa „Delnoserbski pšawopis“ (1907), „Lehrbuch der Niederwendischen Sprache“ I.—II. (1905 a 1911), „Cytanku za serbske' žiši“ (1907), „Kurzes Lehrbuch der oberwendischen Sprache“ (1913) a syłu filologiskich a narodopisnych nastawkow do Č. M. S. Mimo toho napisa knižku „Evangeliska wěra mjez Słowjanami“ (1915) a brožurku „Zur Wendenfrage“ (1919). Hlej nast. č. 64, 226, 229.
- Urban Matej** (1846), pastor, wótčinski basnik, kiž piše w antiskich rozměrach. Napisa a wuda l. 1900 „Wótčinske hrona“, a 1907 „Wokřewne wonješko“ a l. 1908 „Stawizny čěrpjenja etc. Jězom Khrista“. Urbanej słuša tež zaslužba, zo je přeložil klasiskej grekskej eposaj Homerowej „Ilias“ a „Odysseju“, z kotrejuž wočišća pokazki we „Łužicy“. Z tym je wobohaćil njewšědnje rěč a pismownstwo serbskeho naroda. (Č. 113, 114, 121.)
- Wařtař Karl Jan** (* 1860), po prawom Walter. Rodženy Němc, kiž pak so serbskej rěči a serbskemu ludej tak přikhlili, zo bu z njeho serbski basnik a spisowaćel zahorjenych serbskich wótčinskih basni (Hymna, Mój ludo serbski). Je epigon Čišinskeho, něžny sonjer bohateho začuwanja, basnik přirody, lubosće, čicheho styška a žedženja. Swoje basnje wuda w zběrce „Za dušu a wutrobu“ (1897). Přesta potom basnić a hakle w najnowšim času pokazuja so zaso jeho werše — najbóle nabožneho, swjedženskeho a składnostneho razu — w „Pomhaj Bóli“ a w „Serb. Nowinach“. (Č. 183, 208.)
- Wićaz Jurij** (* 1899), stud. w Prazy, młody prócowar a spisowaćel, zahorjeny wobdźělnik narodneho hibanja wo wuswobodženje po němskim pře-

wrótu. Je přeložil do serbšćiny „Lužicu“ dr. Józ. Páty (1920). Rjadowaše wot l. 1920 serbski džěl měsačnika „Čěskoserbski Wěstnik“ w Prazy. (Č. 193.)

Wičazec Herta (1819—1885), přerňa serbska basnjerk; jeje spisy je wudal Ad. Černý l. 1900. (Č. 35.)

Wingef Jurij (1872—1918), farař w Lubiju, dobry powědańčkar a serbski spisowačel, přeložowař ze słowjanskich literaturow, wosebiče z pólsćiny (Sienkiewicz). Jeho najlěpšej powědańcy stej „Hronow“ (1893) a „Poslědnja primicija na Tuchorju“ (1894). Připrawi tež něšto brow za serbske džiwadło (Na wuměnkú). (Č. 115, 117, 148, 151.)

Wjasławk Jakub (* 1885) dr., młody serbski historik. (Č. 93.)

Wjela-Kubščan Jurij (* 1892), wučer, novelist. Napisa někotre novele do Lužicy 1911—1914. (Č. 166.)

Wjelan Julius Eduard (1817—1892), ev. farař w Slepom w H. Ł. Přecel Smolerjowy, z kotrymž studowaše zhromadnje w Budyšinje a we Wrótsławju. Dostudowa w Berlinje theologiju a narańše rěče. Pisaše balady; jeho balada „Mortwy doł“ je najlěpša serbska balada před Čišinskim. Přeložowaše južnosłowjanske narodne pěsnje a kónc žiwjenja zaběraše so z rytmiskim přeložkom psalmow (Spěwajomne psalmy). Pisaše do S. N., Lužičanu a do Lužicy. L. 1869 wozjewi wažne wědomostne džěto „Namjezno-mužakowska wotnožka serbšćiny“. (Č. 94.)

Wjeńka Cyril (* 1885), absolwent pražskeje techniki, inženěr, sobuzałožer Čěskoserbskeho towarstwa „Ad. Černý“ w Prazy l. 1907; přeložowař z čěšćiny. Wuznamny je jeho přeložk Karafiátowych „Brunčkow“ z l. 1910. (Č. 102, 186.)

Zejler Handrij (1804—72), pastor, přeni woprawdžity serbski basnik. Zběračel ludoweje literatury, založer a redaktor „Tydženskich Nowin“, wudawař „Missionskich powěsćí“ (1844—49). Napisa němscy Hornjołuž. rěčnicu (1830). Džělaše zhromadnje z Pfulom a Hórnikom na hornjołužiskoněmskim słowniku. Napisa hobrsku syłu lyriskich a episkich składow, drobných satyrow, bajkow a epigramow, kotrež so njewšědnje mjez ludom rozšěrjachu a jara so lubichu. Mnohe jeho basnje so skomponowachu přez Kocora a znarodnichu. Jeho pěseń „Hišće Serbstwo njezhubjene“ bu z narodnej hymnu. Zejlerjowe słowa běchu z přnim mócnym wołanjom w serbskim narodnostnym wojowanju w XIX. lětstotku. Smoleř, Hórnik, Muka, Čišinski a Nowak pokročuja po prawom w jeho duchu. „Zhromadžene spisy“ Zejlerjowe zarjadowa a wuda prof. dr. A. Muka w l. 1883—1893 w 4 zwjazkach.

2. Wo druhich spisowačelach.

Bogusławski Wylem Józef (1825—1901), pólski wučenc, přecel serbskeho naroda. Napisa „Rys dziejów serbołużyckich“ a wuda jón w Pětrohrodze l. 1861. Pozdžišo rozšěri tutu knihu a předžela ju z M. Hórnikom do „Historije serbskeho naroda“, kotraž wuńdže l. 1884 w Budyšinje. Bogusławski napisa tež l. 1885 žiwjenjopis J. E. Smolerja do „Biblioteki Warszawskej“. Hlej nastawki č. 120, 162, 173.

Černý Adolf (* 1854), čěski spisowačel a basnik (pseud. Jan Rokyta), redaktor „Slovanskeho Přehleda“. Wulki pěstowař serbskočěskich počahow a to-

hodla mjenowany „serbski konsul“. Napisa nimo hobsrkeje syły nastawkow a rozpominanjow z cyłego słowjanskeho swěta tež džěła wo Serbach. Z nich je čěski wušło: „Různé (wšelakore) listy o Lužici“ (1894), „Lužické obrázky“ (1890), „Svatba (kwas) u Lužických Srbů“ (1893), „Lužice a Lužičti Srbové“ (1912) a „Lužická otázka (prašenje)“ (1918); w serbskej rěči „Wobydlenje Łužiskich Serbow“ (1889), „Mythiske bytosće Łužiskich Serbow“ I. (1893). „Stawizny basnistwa hornjołužiskich Serbow“ (1910) a druhe. Adolf Černý je přeložil syłu čěskich basni do „Lužicy“. Do čěšćiny pak je přeložil wubjerk z Handrija Zejlerja (Sborník světové poesie 1896) a wubjerk z Jakuba Čišinskeho (Světová knihovna 1904) a basnje druhich serbskich basnikow. (Č. 66, 108.)

Gogol Nikolaj Wasiljewič (1810—1852), založer ruskeho realisma, spisowař romanow a dramатов. Z jeho twórbý je najwažniši satyriski roman „Mortwe duše“, historiski roman ze žiwjenja zaporožskich kozakow „Taras Bulba“, a wosebje znata je jeho wjeselohra „Revisor“, do serbsčiny přeložena wot M. Nawki a wudata jako 16. čisło „Serbskeje džiwadłoweje zběrki“ w l. 1907. (Hlej nast. 182.)

Hugo Victor (1802—1885), jedyn z najwjětšich předstajerjow francózskeho romantisma, kotrehož wliw je čuć w cyłej nowej fran. literaturje. Lyrik, satyrik a spisowař romanow a dramатов. Z jeho romanow je sej dobył swětoslawnosće „Bědni“, dale „Triadzewjećdzesat“, „Cyркеw maćerje božeje w Parizu“, w kotrychž nam mištrowsky předstaja nic jenož stwórbu a podawki w njej, ale wosebje hibanja čłowjeskeho ducha a čłowjeske powahy. Naša pokazka wo biskopu Myrielu w nast. č. 133 je za to z blyšćatym dopokazom. W svojich basnjach a dramatach wobjimaše wšě doby čłowjeskeje historije wot šereho zastarska hač na naše dny, („Legenda wěkow“).

Jirásek Alois (* 1851), čěski spisowačel romanow a dramатов. Z jeho džělow najwažniše su wulke romanowe cykle, z kotrymiž chceše spisačel wobjimać cyle stawizny čěskeho naroda. Su to romany: „Mjez zmohami“, „Přečiwo wšem“, „Bratrowstwo“, „Husitski kral“, „W cuzych službach“, „Čémno“, „Psohlavci“ (Wojowarjo za swobodu), „F. L. Věk“. — Z powědančkow je najznačiša „Filosofska historija“ ze studentskich stawiznow města Litomyšle lět 1848. Podobnje su tež jeho dramata. čěrpane z čěskich stawiznow. „Jan Hus“, „Jan Žižka“, „Emigrants D. M. Rettigowa“, ke kotrymž so přizamka wulke historiske drama „Gero“, přeložene do serbsčiny wot M. Andrickeho. Jara so lubja jeho hry z wjesneho žiwjenja: Wojnařka, Lucerna (Latařnja), Nan a dr. Za džěci zhotowi rjanu knižku „Stare powěsće čěske“, z kotrychž je wzata powěsć wo Róžowej holinje. (Nastawk 203.)

Kapras Jan (* 1880), doktor prawow, universitny profesor w Praze, čěski prawizniski historik a wudawačel starych čěskich prawizniskich spisow. Wuznamne su jeho „Prawne stawizny krajow čěskeje króny“. Džěl z nich, Łužicu nastupacu, wobdžěła spisowačel sam jako „Prawne stawizny Hornjeje a Delnjeje Łužicy za čas čěskeho knježenja“. (Je wušło w Č. M. S. 1916 a jako samostatna kniha.) Jako wubjerny znajer čěskeho prawa a čěskich stawiznow wobdžěli so jara skutkownje při

jednanju na parižskej měrowej konferency a napisa rjadu wuznamnych pojednanjow, z kotrychž jednaju někotre tež wo Serbach. (Č. 207.)

Karafiát Jan (* 1846), reformowany farar a česki spisowačel. L. 1895 wzda so zastoijnstwa a je wot toho časa žiwy w Prazy. Swoje spisy wudawaše anonymnje. Napisa „Mistr Jan Hus“, powahopis českeho reformatora, „Towaršowje“, „Brunčki“, „Reformowany spěwnik“ a dr. Wot l. 1896 wudawa měsacnik „Reformowane Listy“. (Hlej nastawk č. 186.)

Klásterský Antonín (* 1866), česki spisowačel, wosebje zaslužbny ze swojimi přeložkami z jeńdželšćiny. Našu baseń „Łužicy“ (nast. 200) napisa při přiležnosći wulkeho serbskeho koncerta w měrcu 1919 w Prazy, kiž zarjadowa pod protektorstwom presidenta T. G. Masaryka Čěskoserbske towarstwo „Adolf Černý“.

Mřstfk Alois (* 1861), wuznamny zastupnik nowočeskeho realistickeho romana. W swojim „Rok na vsi“ (Lěto na wsy) rysuje nam žiwy wobraz wjesneho žiwjenja mórawskich Słowakow po lětnich počasach. Tež „Bavlnkove žony a druge powědańčka“, kaž tež skutkowne, woblubjene drama „Maryša“, kotrež napisa zhromadnje ze swojim bratrom Wylemom (1863—1912), čerpaju swoju maćiznu ze žiwjenja słowakskeho ludu na wukbódnej Morawje. (Hlej nast. 138.)

Němcová Božena (1820—1862), česka budźicerka a spisowačelka, kiž je sej dobyła swětoweho wuznama ze swojim krasnym wjesnym romanom „Naša wowka“, přeloženym l. 1883 tež do serbsčiny přez dra Filipa Rězaka, tehdom „praesesa“ serbskeho seminara w Prazy (nast. č. 22). B. Němcová napisa wulku syłu powědańkow z českeho wjesneho žiwjenja, kaž tež wjele narodopisnych a pučowanskich načiskow. Jara so lubja hač do džensa jeje krasne zběrki narodnych čěskosłowakskich bajkow. Ze spisow B. Němcoweje mamy tójšto přeložene, wjele tych přeložkow wšak leži džensa hišće w rukopisu wosobje w lětnikach pražskeje „Serbowki“.

Neruda Jan (1834—1891), česki basnik; lyrik (zběrki „Kosmiske pěsnje“, „Spěwy pjatkowne“ a dr.), epik w swojich baladach a romancach. Založer českeho feuilletona, w čemž bě z mištrom, spisa jich přez 2000, kotrež wukhadžachu najbóle w pražskich „Narodnych Listach“, potom zhromadžene w zběrkach „Žerty hravé a dravé“, „Proti srsti“ atd. Wulku sławu doby sej tež za čěskimi hranicami ze swojimi „Małostronskimi powědańčkami“. Neruda studowaše w Prazy zhromadnje z našim rěčespytnikom M. Hórnikom, z kotrymž jeho wjazaše wutrobne přećelstwo. (Hlej nast. č. 81 a 131.)

Parczewski Alfons (* 1850), pólski spisowačel, přećel lužiskich Serbow. Z jeho džětow su najwažniše „Z dolnych Łužyc“, „J. E. Smoleń“, „Serbja w Pruskej“. Založi „Delnołužiski wotrjad“ Maćicy Serbskeje a wuda ze swojim nakładom něšto delnołužiskich knihow, wosebje „Cytanku“ (1883) a něšto lětnikow delnołužiskeje „Pratyje“. Nimo toho napisa wjele nastawkow do Č. M. S., zwjetša razu literarnohistoriskeho a nastawki do hłownych pólskich nowin wo Serbach a serbskim narodnym hibanju po přewróće. (Nast. č. 195.)

Preradović Petar (1818—1872), najpopularniši južnosłowjanski basnik a připowědač słowjanskeje wzajomnosće. Ze swojej basnju „Zora puca,

bit će dana“ (hlej č. 201) postrowi l. 1844 nowu dobu narodneho žiwjenja južnosłowjanskeho. Swoje wótčinske basnje wukhadžachu wosebje w zaderskej „Zorje dalmatinskej“. Jeho zhromadžene spisy wuńdžechu k přénjemu razej w Zahrjebje a to „Přénjotki“ w l. 1846 a Nowe pjesme“ w l. 1851, a potom znowa a často wosebje za južnosłowjanske šule.

Shakespeare (wupraj šekspir) **William** (1564—1616), najwjetši jeńdźelski dramatik, kiž słuša zcyła k přním swětowym basnikam. Nimo svojich basnjow (do serbsčiny zdžěla přeł. wot J. B. Pjecha w Č. M. S.) napisa syłu džiwadlowych hrow, z kotrychž su wosebiće wuznamne struchłohry „Coriolanus“, „Julius Caesar“, „Romeo a Julia“, „Hamlet“, „Kral Lear“, „Othello“, „Macbeth“; historiske hry „Richard III.“ a „Hendrichchoj“; komedije „Skludženje zleje žony“, „Komediya poľna zmylenja“, činohry „Překupc bjenatski“, „Zymska bajka“, „Njewjedro“, „Son nocy swjatojanskeje“ a druhe. Shakespeare nam předstaja čłowjeske požadosće a sylne powahi, wustoji so na podawanje putaceho a pisaneho čina, z čimž skutkowaše na rozw. će cyłeho europskeho dramata. Naša pokazka (č. 176) nam předstaja skutkownu scenu nad čěłom Caesarjowym, kotraž so hodži z wuspěchom dramatiscey předstajić tež jako deklamacija. Znamjenity přełožk „Julia Caesarja“ wot Jana z Lipy (t. j. Jana Boh. Pjecha) bu dokončeny hižo w l. 1875, ale w čišću wuńdže hakle w l. 1914 jako 17. čisto „Serbskeje džiwadloweje zběrki“.

Sienkiewicz Henryk (1846—1916), pólski spisowař romanow. Napisa džiwo-krasny wobraz Roma za kejšora Nerona „Quo vadis“, wulku historisku trilogiju z pólskich stawiznow „Z wohnjom a mječóm“, „Potopa“ a „Pan Wołodyjowski“, psychologiskaj romanaj „Bjez dogmata“ a „Swójba Poľanieckich“. Dale romany „Křižacy“ (w č. 117) a „Na polu sławy“ z časow krala Jana Sobieskeho a „Na pušćinje“. Nimo toho wuńdže z jeho pjera syła mjeńšich novelow (kaž „Jan — dobyčér“, „Latařnik“ a dr.), kotrež su skoro wšě přełožene do serbsčiny wot J. Wingerja a M. Andrickeho. Sienkiewicz ponóri so do dóńta swojeje přescěhowaneje a tola tak sławneje pólskeje wótčiny, tak zo napisa swoje romany z hłubokim wótčinskim začuóm a z njewšědnym rysom powahow a podeńdženjow wustupowacych wosobow.

Tolstoj Lew Nikolajewič (1828—1911), wulki ruski spisowařel a wučenc, kiž so prócuje w svojich džěłach wo zľěšenje a wudospołnjenje runočasnego čłowjestwa, kotrehož njepočinki njesmilnje šwika. Dla svojich nahladow, z kotrymiž wustupowaše přečiwo někotrym nabožinskim přewróćenoscám, bu l. 1901 z prawosławneje cyrkwy wuzamknjeny. Z jeho romanow su najľěpše: „Wójna a měř“, „Hana Karjenina“, „Z mrtwych staće“, „Sewastopolske powědaňčka“, „Kublerjowe jutro“, „Kozacy“, „Spowěť“, „Kreutzerowa sonata“ a dr.; z dramatow: „Plody kultury“, „Knježstwo čmy“, „Žiwe čěłó“. Jara rjana a wuznamna je tež Tolsteho štyridžělna „Čitanka“ za lud. Tolstoj je z mistróm we wobrazowanju čłowjeskich wosudow, při čimž so wšdže prócuje přiwjesć k plaćiwosći swoje zasady wo prawdze a dobrym. (Hlej nast. 144.)

Turgjenjew Iwan Sergewič (1818—1883), ruski novelist, spisowař romanow a dramatow. Jeho literarny wuznam je w realistiskim zwobrazowanju

čłowjeskeho žiwjenja. Z jeho romanow a novelow su najznačiše: „Zapiski hońtwjerja“, „Rudin“, „Zemjanske hnězdo“, „Wótcowje a dźěci“ a dr. Naša pokazka (č. 137) je z jeho romana „Zapiski hońtwjerja“.

Vrchlický Jarosław (po prawom Emil Frida) (1853—1912) bě z profesorom swětowych literaturow na pražskej universiće. Genialny basnik čěski, najwjětši representant čěskeho kosmopolitismu, ze swojej wutrajnosću a płodnosću zbliži čěskej literaturje najbóle zapadnu kulturu. Je Čecham to, štož Serbam Čišinski. Jeho twórba wobsahuje basnje episke (woseb Cyklus „Złomky epopeje čłowjestwa“), potom za Serbow zajimawa „Pěseń wo Wineće“: zwobrazuje wojowanja našich prjedownikow — baltyskich Słowjanow — z Danami, ballady, romancy a legendy, basnje lyriske („Hłasy w pušćinje“, „Sonety samotarja“, „Štož žiwjenje dało“, „Na sydmi trunach“, atd.) Z jeho dramatiskich džěłow su woblubjene wjeselohra „Nóc na Karlštejnje“ a drama „Exulanti“, kaž tež dramata z antiki (trilogija „Hippodamia“). Přeložowaše z francóžštiny, španšćiny, italšćiny, pólsćiny, němćiny, jeńdželšćiny, norwežšćiny, danšćiny, madžaršćiny a peršćiny. Vrchlickeho basniske džěło wubudźuje wobdźiwanje ze swojim wobsahom a rozsahom (wok. 250 zwjazkow), myslowym bohatstwom a překrasnej basniskej řeču. Serbja znaja Vrchlickeho z wubjernih přeložkow Čišinskeho w zběrce „Z wotmachom“ 1913. Sławna je jeho pěseń „Lužiskim Serbam“, wočišćena tu w nast. 156.

Někotre važniče čišćeřske zmylki.

- Str. 33., 3. rjadka wot delka, *žadnu m. ždanu*.
- " 36., 6. " " " *wotač m. woč.*
- " 36., 3. " " " *syna m. synač.*
- " 67., 5. " " " *w kotrych m. w kłotrych.*
- " 84., 11. " " *horjeka, lěšakowej m. lěšakow.*
- " 104., 1. " " " *swjata m. swatja.*
- " 104., 17. " " *delka, zaščěpuje m. zaščěpuje.*
- " 117., 4. strofa 4. rjadka čit. *khmanu m. khamnu.*
- " 123., 6. rjadka wot h., *dramatiska m. dramatisa.*
- " 126., čitaj 1908 m. 1918.
- " 126., " *Wjeńka m. Wjenk.*
- " 127., 7. rjadka wot h., *wo žiwjenju m. w žiwjenju.*
- " 131., 11. " " " *k tojenju m. toženju.*
- " 137., 5. strofa 3. rjadka *khorhoŭ m. khorho.*
- " 143., čis. 112. posl. rjadka *wutrobnje m. wutrobne.*
- " 175., nastawk č. 130 bu ze zmylkom dwójcy wočišćany; hlej nastawk č. 82.
- " 175., 1. rjadka wot delka *te m. se.*
- " 176., 17. " " h., *njebych kedźbowat m. bych njekeďbowat.*
- " 180., čis. 132. 3. strofa čitaj *štož so črjopow ...*
- " 192., čis. 136. 3. rjadka wot delka *so m. sn.*
- " 193., 12. rjadka wot h., *njesćehuje m. njesćahuje.*
- " 202., 21. " " *delka Poezija m. Poegija.*
- " 207., 12. " " h., *stoi m. stnji.*
- " 208., čis. 141. 13. rjadka wot delka z *nazhonjenja wěm, zo m. nazhoz honjenja, wěm zo.*
- " 212., 9. rjadka wot h., *kaž m. až.*
- " 231., 13. " " *delka městnach m. městanach.*
- " 233., 12. " " h., čitaj *zapusćila a hač tež to raz na tónle mały ludźik rjad njedónđe město a wjele ludźik atd. — Nastawk bu wočišćany we Łužicy 1907, nic 1917.*
- " 237., 14. rjadka wot delka *škódne m. zo je škódne.*
- " 238., čitaj nastawk č. 153 m. 158.
- " 241., 5. rjadka wot h., *wotewrič m. wotewic.*
- " 265., 2. strofa 6. rjadka *tlóča m. stóča.*

Str. 271., 11. rjadka wot h., *zestanu* m. *zestojanu*.

" 277., 6. " " " *namrěwk* m. *m. naměrk*

" 280., 13. " " " *delka lěwej* m. *hewej*.

" 283., 7. " " " h., *njepřejomne* m. *njeprmojěne*.

" 285., 10. " " " *delka statne* m. *state*.

" 287., 5. " " " h., *naša* m. *naee*.

" 288., 7. " " " *žiwjenja* m. *ziwjereja*

" 295., 13. " " " *hač* m. *ha*.

" 307., 10. " " " *su* m. *sy*.

" 308., 10. " " " *delka wotstupja* m. *wodstupja*.

" 322., 1. " " " h., *nocy* m. *noei*.

" 326., 12. " " " *wuwostaj* a.

" 335., 16. " " " *delka Dobrosoli město Dobrawski*.

" 336., 4. strofa 3 rjadka *was* m. *waš*.

" 340., 10. rjadka wot h., *budža* m. *budže*.

" 340., 17. " " " *delka po nas* m. *po nasi*.

" 345., 14. " " " *z pokazkami* m. *pokazki*.

" 348., čitaj w nast. 201 rj. 4. w. h. ze *zahorjenej wutrobu* m. *se zator-
hnjenej w*.

" 349., 8. " " " h., *zmužičiwiši* m. *wymožičinu*.

" 349., 1. " " " *delka w Prazy*-m. *w Prahy*.

" 357., 14. " " " h., čitaj *receptija* abo *přijimanje*.

" 357., 22. " " " " *apelacija* abo *powołanje*.

" 364., 6. " " " d., *bratrow* m. *bratrach*.

" 365., 1. " " " h., *l. 1866* m. *v 1866*.

" 373., 1. " " " d., *kročele* m. *kročele*.

" 380., 6. " " " h., *pšibogu* m. *pšibogu*.

" 384., 14. " " " *žiši* m. *žiši*.

Wobsah.

Předmluva	III
Serbskim čitarjam	VII
Jugoslavenskim čitaocima	XI

I. Wubjerk z hornjoserbskeho pismowstwa.

Basnje su woznamjenjene z hwěžku.

1. * <i>H. Zejler</i> , Hišće Serbstwo njezhubjene	3
2. * <i>J. Čišinski</i> , Serbski narod	4
3. <i>J. E. Smoler</i> , Stare Serby a stari Serbjo	4
4. * <i>J. Čišinski</i> , Serbam	7
5. * <i>J. Čěsla</i> , Powitanje Łužicy	7
6. * <i>J. Čišinski</i> , Serbskej zemi	8
7. <i>Popjelniča</i> . Narodna bajka. Zapisal Kantor <i>Symank</i>	8
8. * <i>Handrij Dučman</i> , W cuzbje	10
9. * <i>K. B. Pful</i> , Wrót do Serbow	11
10. <i>M. Nawka</i> , Doma	11
11. * <i>J. Čišinski</i> , Wrót do domizny	12
12. * <i>Jan Radyserb-Wjela</i> , Při khowanju božeho slónčka	13
13. * <i>J. Čišinski</i> , Rano	13
14. * <i>H. Zejler</i> , Khwalba burstwa	14
15. * <i>J. Čišinski</i> , Serbski hospodař	14
16. <i>M. Rostok</i> , Žiwjenje zbožowneho bura	15
17. * <i>J. Čišinski</i> , Serbska wjeska	16
18. * <i>J. Radyserb-Wjela</i> , Mrějace lěćo	17
19. * <i>J. Dobrucki</i> , Přaza	17
20. <i>Fr. Kral-Rachlowc</i> , Što mi wowka powědała I.—III.	20
21. * <i>J. Čišinski</i> , Přaza (Madrigale)	21
22. <i>Božena Němcová</i> , Naša wowka	21
23. * <i>H. Zejler</i> , Što je Serbow wóteny kraj?	23

24.	<i>*H. Zejler, Moj wóteny kraj</i>	24
25.	<i>*J. Čišinski, Tak krasny wječor</i>	25
26.	<i>Toast Čišinskeho při swjedženju 20lětneho wobstaća „Towarš- stwa serbskich burow“ 11. X. 1908</i>	26
27.	<i>*Narodne pěśnički. I. Přadla je Marja Kudželka — Štó tu khodži po mojim rowje? — Serbske dobyće</i>	28
28.	<i>*J. Mjeń, Ryčerski kěrluš</i>	30
29.	<i>*H. Zejler, Zajac a mrowja</i>	31
30.	<i>*J. Radyserb, Syrotka</i>	31
31.	<i>Jank a Hanka. Ze serbskich bajkow (pohádek)</i>	32
32.	<i>*H. Zejler, Wěra do Serbowstwa</i>	33
33.	<i>Hólcik kaž palčik. Ze serbskich bajkow</i>	34
34.	<i>*Jakub Buk, Serbska lipa</i>	37
35.	<i>*Herta Wičazec, Čista wutroba</i>	38
36.	<i>*K. A. Fiedler, Měsačk</i>	38
37.	<i>Złote kubło. Ze serbskich bajkow</i>	39
38.	<i>*H. Zejler, Zapowědžena próstwa</i>	41
39.	<i>Wjelk a liška towaršej. Ze serb. bajkow</i>	42
40.	<i>*Pětr Mtońk, Nalětni čas</i>	44
41.	<i>H. F. Wjela, Kozakaj</i>	45
42.	<i>*Mikławš Cyž, Serbow bitwy pod Lubinom: Do bitwy. — Po bitwje</i>	46
43.	<i>Wucho abo kurjatk. Ze serb. bajkow</i>	47
44.	<i>*J. Čišinski, Božemje horam</i>	48
45.	<i>Šewc a čert. Ze serb. bajkow</i>	48
46.	<i>*Narodne pěśnički II. Khuda syrotka. — Zrudny kwas</i>	51
47.	<i>Přisaha budyšinskih serbskich měšćanjow ze 2. pol. 15. lětstotka</i>	53
48.	<i>E. Muka, Wo nastaću serbskich městnostnych mjenow z mje- nom rěkow</i>	53
49.	<i>*H. Zejler, Nadžěja, lubosć, wěra</i>	56
50.	<i>*J. Čišinski, Žadosć</i>	56
51.	<i>Studnička w Duborcy. Z lidowych powěstí</i>	57
52.	<i>*H. Dućman, Wodžan</i>	57
53.	<i>Mósak Kłosopolski, Abraham Frencelius</i>	61
54.	<i>*H. Zejler, Bože sedleško</i>	62
55.	<i>*M. Bjedrich Wjeleměr, Bydło zrudoby</i>	63
56.	<i>M. Handrik, Slepjanski hród</i>	63
57.	<i>*J. Čišinski, Budyšin</i>	65
58.	<i>E. Muka, Wo wažnosći fotografowanja za serbski narodopis</i>	66

59. *J. Čišinski, Mikławš	67
60. *J. Čěsla, Rowař	68
61. *J. Čišinski, Kukow	70
62. <i>Nutyrni spěwarjo. Z ludowych legend</i>	71
63. *J. Čišinski, Ranje	71
64. G. Šwjela, Ewangelska wěra pola Łužiskich Serbow	72
65. *J. Čišinski, Při kwasu	74
66. Ad. Černý, Něšto z mythologije	75
67. *H. Zejler, Při kolebey	78
68. H. Zejler, Nižše steji číše	78
69. *H. Zejler, Serbske barby	78
70. M. Hórnik, Zastarske serbske připiwanje	79
71. *J. Šewčik, Bratřa	80
72. P. J. Laras, Łastojčki	80
73. J. Lorenc-Zalěski, Stary lěšak	82
74. *J. Čišinski, Serbska khorhow	84
75. M. Hórnik, Křižerjo	85
76. *J. Čišinski, Serbskim křižerjam	87
77. J. P. Jordan započina wudawać „Jutrničku“, nowiny za Serbow, 1. wulkeho rózka 1842	87
78. *J. Čišinski, Pohrjebane zbože	89
79. J. E. Smoleř, Wašnja při wotemrjeću a pohrjebje	89
80. *Ptači kwas. Narodny spěw	91
81. J. Neruda, Wódny muž	93
82. *H. Zejler, Serbska njewjesta	98
83. *J. Čišinski, Nawoženja	99
84. E. Muka, Handrij Zejler	100
85. *J. Čišinski, Ródnej řeči	105
86. J. Stodeńk, Maćeřna řeč	105
87. *Jan Čěsla, Serbsčina	107
88. K. B. Pful, Wužitnosć serbskeje řeče	108
89. *J. Čišinski, Epigramy I.—III.	109
90. *Jakub Šewčik, Ja sym Serb	110
91. H. Dučman, Móc serbskeje řeče	110
92. *M. Hórnik, Serbam	111
93. J. Wjasławk, Serbske wobydlerstwo w Budyšinje w spočatku 15. lěstotka	112
94. *J. Ed. Wjelan, Morwy doł	114
95. *J. Radyserb-Wjela, Mařcyna přaza	118
96. *K. A. Fiedler, Wineta	118

97.	<i>K. B. Pful</i> , Serbski prawopis	118
98.	<i>F. Rézak</i> , Serbski rychłopis	119
99.	* <i>K. A. Fiedler</i> , Hudžba	120
100.	<i>B. Krawc</i> , <i>K. A. Kocor</i>	121
101.	* <i>Michał Bjedrich-Wjeleměr</i> , Zdalenej lubej	123
102.	<i>Fr. Procházka-C. Wjenk</i> , Klankodžiwađlo a jeho wuznam	124
103.	* <i>H. Zejler</i> , Slńco — swoboda	126
104.	<i>Jan Kerķ</i> , Něšto wo čłowjeku w diluvialnym času w Europje	127
105.	<i>Pětr Dućman</i> , Něšto z geologiskeho twara wokolnosće Budyšina	129
106.	<i>J. Nowak-Horjanski</i> , Jěž	131
107.	* <i>J. Radyserb-Wjela</i> , Here	134
108.	<i>Ad. Černý</i> , Wo serbskej reji	134
109.	* <i>H. Zejler</i> , Serbska meja	136
110.	<i>J. Čišinski</i> , Na rejach	136
111.	<i>J. Čěsta</i> , Kral Přibysław	139
112.	<i>J. Lorenc-Zalěski</i> , Na łakańcy	140
113.	* <i>Mór. zlobjenje. Z Homeroweje Iliady zeserbšćil M. Urban</i>	143
114.	* <i>Odyssowe dospěće k Fejakam. Z Homeroweje Odysseje zeserbšćil M. Urban</i>	146
115.	* <i>Smjerć maćerje Jugowićow. Z južnoserbske narodne poezije přeložil J. Winger</i>	150
116.	<i>K. A. Jenč</i> , Mór w serbskich Hornich Łužicach	152
117.	<i>H. Sienkiewicz</i> , Pokazka z „Křižakow“	154
118.	* <i>J. Čišinski</i> , K wopomnjeću M. Hórnik	158
119.	<i>J. Libš</i> , Wopomnjeću Hórnikowemu	159
120.	<i>Bogusławski-Hórnik</i> , Čas serbskeho narodneho znowarodženja	161
121.	<i>M. Urban</i> , Hišće je Serbstwo tudy	164
122.	<i>H. Jordan</i> , Francózske wójsko w Čornym Khołmcu	164
123.	* <i>E. Muka</i> , Při Tebi	166
124.	<i>M. Andrički</i> , Zymski wobrazk	166
125.	<i>J. Bryl</i> , Jejdyrkec Hapla a Hantychryst	169
126.	* <i>H. Zejler</i> , Božemje Budyšinej	171
127.	<i>A. Sommer</i> , Za Budyšinom na roli	172
128.	* <i>H. Zejler</i> , Čołmiski spěw	174
129.	* <i>J. Čišinski</i> , Při studničcy	174
130.	<i>H. Zejler</i> , Serbska njewjesta	175
131.	<i>Jan Neruda</i> , Hdže z nim?	175
132.	<i>Ptači kwas</i> , Narodny spěw	180
133.	<i>V. Hugo</i> , Biskop Myriel	181
134.	<i>J. Čišinski</i> , Wječorne rudženje	186

135.	<i>E. Muka</i> , Swjatkowny wulět do Lubnjowskeje a Komorowskeje strony Delnjeje Łužicy	187
136.	* <i>H. Zejler</i> , Hola	192
137.	<i>Ivan Turgenjew</i> , Běžina Łuka	192
138.	<i>Alois Mrštík</i> , Jěra staroba	193
139.	<i>J. Libš</i> , Serbski nakładnik Jakub Herrmann	196
140.	* <i>Jan Skala</i> , Hdyž z njebjes sapa woheń	199
141.	<i>K. B. Šěca-Rachlowski</i> , Nócne hłosy	199
142.	* <i>J. Čišinski</i> , Woka móc	208
143.	* <i>J. Čišinski</i> , Hdy podaš ty so, wutroba?	209
144.	<i>L. N. Tolstoj</i> , Bóh wěrnosć widźi, ale njezjewja ju zahe	209
145.	* <i>J. Čišinski</i> , Přece zapřeća	216
146.	<i>M. Nawka</i> , Cyrkeń we wsy	216
147.	* <i>J. Čišinski</i> , Wosud wutroby	224
148.	<i>J. Winger</i> , Po bitwje	224
149.	* <i>M. Jacsławsk</i> , Serbskim wótčincam	226
150.	<i>J. Libš</i> , Hendrich Jaroměr Imiš	226
151.	<i>J. Winger</i> , Na Helgoland!	228
152.	<i>J. Libš</i> , <i>J. E. Smoleř</i>	233
153.	* <i>J. Nowak</i> , Ernst Smoleř	238
154.	Z autobiografije <i>J. E. Smolerja</i>	240
155.	<i>J. E. Smoleř</i> — <i>J. Purkynjej</i>	244
156.	* <i>J. Vrchlický</i> , Łužiskim Serbam	245
157.	* <i>J. Čišinski</i> , Na Belvederu	247
158.	<i>J. E. Smoleř</i> , Čechowjo a jich narodne dźiwadlo	247
159.	* <i>J. Nowak</i> , Złota Praha	250
160.	<i>J. Radyserb</i> , Naš sławny wótčinc Jan Smoleř w Hućinje w korěmje	251
161.	* <i>J. Nowak</i> , Wboheje Łužicy	254
162.	<i>W. Bogusławski-M. Hórnik</i> , Wocućenje, bjeznadźijnosć a wobrot k lěpšemu w Delnjej Łužicy (1848—84)	255
163.	* <i>J. Čišinski</i> , Sprewja w Błotach	257
164.	<i>M. Kósyk</i> , Serbja w Texasu	258
165.	* <i>J. Čišinski</i> , Epistola	259
166.	<i>J. Wjela-Kubšćan</i> , Wójna	260
167.	* <i>J. Čišinski</i> , Hymnus Serbam na puć do noweho stotka	264
168.	<i>E. Bart</i> , Zwjazk serbskich towarstwow	265
169.	<i>J. Andricki</i> , Protyka a protyki	269
170.	<i>W. Shakespeare</i> , Julius Caesar	271
171.	<i>Fr. Kral</i> , Naše dźiwadlo	282

172.	<i>J. Čišinski</i> , Na Hrodzišću	284
173.	<i>W. Bogusławski-M. Hórnik</i> , Rozhlád a wuhlad	287
174.	* <i>J. Čišinski</i> , Łobjo	290
175.	<i>A. Sommer</i> , Z Warszawy do Moskwy	290
176.	* <i>J. Čišinski</i> , Glossa	293
177.	<i>J. Cyż</i> , Jakub Bart-Čišinski	293
178.	* <i>J. Čišinski</i> , W zymicy	296
179.	* <i>J. Čišinski</i> , Serbski dom w Budyšinje	298
180.	<i>J. Libš</i> , Karl Arnošt Muka	299
181.	* <i>J. Čišinski</i> , Worjolej	303
182.	<i>N. Gogol</i> , Rewisor	303
183.	<i>J. Waltař</i> , Kak je so stało, zo sym serbski nawuknył	309
184.	<i>J. Słodeńk</i> , Zaslepjeni	311
185.	* <i>Petr Młynk-Jan Bartko</i> , Hróńčka	314
186.	<i>J. Karafiát</i> , Brunčikovo njezbože	314
187.	* <i>J. Čišinski</i> , Zdžerž serbski lud!	317
188.	<i>J. Deleńk</i> , Přepjata narodnosć	317
189.	<i>Mikł. Bjedrich</i> , Pruha wutrobineje žiły	320
190.	* <i>H. Zejleř</i> , Epigramy I.—III.	323
191.	<i>J. Libš</i> , Serbskej młodžinje. Rěč serbskeho wótcinca	324
192.	* <i>J. Čišinski</i> , Młodym Serbam	331
193.	<i>J. Wićaz</i> , Serbske studentstwo	332
194.	* <i>J. Nowak</i> , Spěw serbskeho studentstwa	336
195.	<i>A. Parczewski</i> , Łužičenjo a Mišnjeno na krakowskej universiće w 15. a 16. lětstotku	336
196.	* <i>J. Čišinski</i> , Serbskim žonom	338
197.	<i>E. Bart</i> , List serbskemu studentstwu	339
198.	* <i>J. Čišinski</i> , Słowjanam	341
199.	<i>Jos. Páta</i> , Łužica a Čechojo	342
200.	* <i>A. Klášterský</i> , Łužicy	346
201.	<i>J. Cyż</i> , 28. winowca	348
202.	* <i>P. Preradović</i> , Zora puca	350
203.	<i>Al. Jirásek</i> , Róžowa holina	351
204.	* <i>J. Nowak</i> , Pětr Bjezruč	352
205.	<i>Sokoł w Serbach</i>	354
206.	* <i>H. Zejleř</i> , Traće Serbowstwa	355
207.	<i>Jan Kapras</i> , Z prawnych stawiznow Hornjeje a Delnjeje Łužicy	356
208.	* <i>Jan Waltař</i> , Hymna	358
209.	<i>Serbja, twarće sej swój dom!</i>	359
210.	* <i>J. Skala</i> , Přeciwo Wšoněmcam	362

211. <i>J. Nowak</i> , W Delnjej Łužicy	362
212. * <i>J. Čišinski</i> , Wótčinska česć	365
213. <i>J. Skala</i> , List z wójny	365
214. * <i>J. Čišinski</i> , Kónc sčerpnosće!	367
215. <i>J. Cyž</i> , List serbskeho studenta ze zajeća	367
216. * <i>J. Nowak</i> , Postańće, Serbja!	369
217. <i>J. Skala</i> , Serbska politika	370
218. * <i>H. Zejler</i> , Naše Serbstwo z procha wstawa	374

II. Wubjerk z delnjoserbskeho pismowstwa.

219. * <i>Narodne pěsnički</i> : Spójsłej stej dwa młożeńca. — Wbogi plějař. — Luby ako pšosař	377
220. <i>H. Jordan</i> , Z najstaršych casow	378
221. * <i>M. Kósyk</i> , Pši pšezy	380
222. <i>Jan Greško</i> , Grod „Sedym dubow“ pla Mišna	381
223. * <i>Měrtyn Grys</i> , Pla rowa	383
224. <i>Wódny muž a mjadwěz</i> . Z ludowych bajkow	383
225. * <i>Fr. Rocha</i> , Noc	384
226. <i>G. Šwela</i> , Reformacyja	384
227. * <i>M. Kósyk</i> , Mašerńa rěc	386
228. * <i>M. Kósyk</i> , Pšerada markgrofy Gera	386
229. <i>G. Šwela</i> , Dolnołužyske Serbstwo w zachodnem lěše	388
230. * <i>Fr. Rocha</i> , Serbska zemja	390
Něšto přispomnjenjow ze słowjesnosće	391
Přispomnjenja	397
Beleška za jugoslavenske čitaóce	404
Wo spisowaćelach	406
Někotre wažniše čišćerske zmylki	418
Wobsah	420

Spisovatel této knihy napsal též tyto lužické práce:

Z dějin Lužických Srbů v Lipsku. Slov. Přehled 1910.

O Lužických Srbech. Vlčková Osvěta 1911.

Po březích slovanské Sprévy. Časopis turistů 1913.

Lužice. S mapkou. Vyšlo ve Vilímkově sbírce „Za vzděláním“ v Praze 1919. Do horní lužičtiny přeložil J. Wićaz, Budyšin 1920, dolnolužický překlad B. Ladvík vyšel v „Serb. Dženiku“ v Bělé Wodě 1920.

Z českého listowanja J. E. Smolerja. V publikacích Maćicy Serbskeje w Budyšinje 1920. Vědecké vydání české korespondence Smolerjovy.

Krátká příručka hornolužické srbštiny. Stručná mluvnice, rozhovory a korespondence. Praha 1920.

Kapesní slovník hornolužicko-česko-jihoslovanský a česko-hornolužický. Praha 1920. Nezbytný pro přítomnou Čítanku.

Mimo to upravil do tisku a úvodem opatřil *Dománjova* Stručného průvodce po dolnolužických Blatech. Knižka je vytištěna lužicky, česky a opatřena jihoslovanským slovníčkem. Praha 1920.

*

Jiné práce spisovatele této knihy:

Česká mluvnice pro obchodní akademie. Podle J. Gebauera. V Praze 1913, druhé vydání 1920.

Zlomek evangeliáře XIII. století sof. Nár. Knihovny č. 397. V publikacích Čes. akademie 1915.

Nové příspěvky k dějinám středobulharského jazyka a písemnictví. Zvláštní otisk z Listů filologických 1916.

Několik kapitol z dějin styků českobulharských. Zvláštní otisk z Osvěty 1917.

Slovanstvo a Sokolstvo. Knižnice Sokol. besed 1920.

Zájezd jihoslovanských novinářů do Č. S. R. ve dnech 3.—17. března 1920. Tištěno jako rukopis. Mimo to vyšel ve zvláštním otisku článek z Čas. turistů: S jihoslovanskými novináři napříč naší Republikou. Praha 1920.

Všechny tyto práce obstará **Expedice B. Havlička** v Praze-II., Karlovo nám. č. 6.





PG
5673
P37

Páta, Josef
Serbska čitanka

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

